

କବିତାସଂଗ୍ରହ

୭

କବିତାସଂଗ୍ରହ

୩

ସୁଭାଷ ମୁଖୋପାଧ୍ୟାୟ

ସମ୍ପାଦନା
ସୌରୀନ ଭଟ୍ଟାଚାର୍ଯ୍ୟ



ନିଉ ବେଙ୍ଗଲ ପ୍ରେସ ପ୍ରାଇଭେଟ ଲିମିଟେଡ

୬୪ କଲେଜ ସ୍ଟ୍ରିଟ, କଲକାତା ୭୦୦ ୦୧୩

প্রকাশ : ১ বৈশাখ ১৪০০, ১৪ এপ্রিল ১৯৯৩

প্রকাশক : শ্রীপ্রবীরকুমার মজুমদার,
নিউ বেঙ্গল প্রেস প্রাইভেট লিমিটেড, ৬৮ কলেজ স্ট্রিট
কলকাতা ৭০০ ০৭৩

মুদ্রক : শ্রীবরুণচন্দ্র মজুমদার, নিউ বেঙ্গল প্রেস প্রা. লি.
৬৮ কলেজ স্ট্রিট, কলকাতা-৭০০ ০৭৩

ভূমিকা

‘পাবলো নেরুদা-র কবিতাগুলি’ (বৈশাখ ১৩৮০) থেকে ‘চইচই-চইচই’ (ফাল্গুন ১৩৮৯) এই দশ বছরের সাতটি কবিতার বই নিয়ে প্রকাশিত হল স্ত্যাম মুখো-পাধ্যায়ের ‘কবিতাসংগ্রহ’-র তৃতীয় খণ্ড। দশকের হিসেবে কথা বলার যে-অভ্যাস আমাদের তৈরি হয়ে গেছে সে-অভ্যাসের অনুবর্তী হয়ে বলতে গেলে, এই কাল-পর্বের মধ্যেই পড়ছে সেই সত্তরের দশক। নকশাল আন্দোলন, বাংলাদেশের মুক্তিযুদ্ধ ইত্যাদি পেরিয়ে সময় গড়িয়ে চলেছে, বদলে যাচ্ছে রাজনীতির ধরন ও রাষ্ট্রতন্ত্রের চরিত্র, দ্রুত পাণ্টে যাচ্ছে শহরের চেহারা, মানুষজন, তাদের চলাফেরা ও জীবনযাপনের ধাঁচধোঁচ। এদিকে কবিরও বয়স বাড়ছে, এই দশকেই তিনি ষাট বছর বয়স পেরিয়ে গেলেন। মাঝে মাঝে কথায় কথায় যাবার কথা উঠছে। কিন্তু ওরকম বেমানাম চলে গেলেই তো চলবে না। কত কিছুতেই রাগ হয়, ফুঁসে উঠতে ইচ্ছে করে। বয়স হলেও তাই প্রতিবাদ সংকল্প এসব থেকেই যায়। আমাদের এই হরবোলা শহরের কথা বলতে গিয়ে তাই তাঁর সস্তর পেরোনো বয়সেও তাঁকে বলতে হয়—

“দেশের বাড়ি খোয়ালেও আমি সে জায়গায় পেয়েছি বিশাল এক দেশ। যার ভূতভবিষ্যৎ সবটাই আমার। অসমুদ্রহিমাচল আমার কাছে অব্যাহতদ্বার। জাতে বাঙালি হয়েও আমি জাতিতে ভারতীয়। আমরা নিজের ভাষায় ঘর-সংসার করি, হিন্দির ফেরিনোকোয় হাটে যাই, তীর্থ করে ফিরি। আমাদের এই হরবোলা শহরের দর্পণে আমি দেখি সারা ভারতের মুখ। বংশপরম্পরায় এখানকার শানবঁধানো পাথরে মাথা কুটে যারা কলকাতাকে বড় করেছে, বস্তা বস্তা টাকা তাদের মাথা-গোঁজার জায়গা, পার্ক, ময়দান, জলাভূমি সর্ব্ব হাতিয়ে নিচ্ছে। এই হরবোলা শহরে, আত্মন আমরা সব ভাষাভাষী এক-বাক্যে হাতে হাত বেঁধে এর গতি রোধ করি।”

[‘দেশ’, ৭ নভেম্বর ১৯৯২]

যাবার সময় হলে যেতে তো হবেই। কিন্তু পিছুটান তো থাকেই।

এত আদর, এত অভ্যর্থনা—

এসব ছেড়ে যেতে

কান্নাই বা মন চায় ?

আবার টানাপোড়েনও কাটে না। এক জায়গায় থাকলেই কি চলবে ? তা ছাড়া স্বভাবটাই যার বাড়িগুলে গোছের ?

সাত ঘাটে জল খেয়ে বেড়ানো যার কাজ—

এক জায়গায়

বাঁধা পড়লে কি তার চলে ?

আর সেটা দেখায়ই বা কেমন ?

রিথিয়ায় বিষ্ণু দে-কে একদিন এমনি কথাই বলেছিলেন স্বভাষ মুখোপাধ্যায়।
পায়ে যে তাঁর চাকা লাগানো।

তাঁর চলা এখনো থামে নি।

+ +

এই ভূমিকা তো আমার লেখার কথা ছিল না। ‘স্বভাষ মুখোপাধ্যায়ের কবিতাসংগ্রহ’ তৃতীয় খণ্ডের পাণ্ডুলিপিও স্ববীর রায়চৌধুরী প্রেসে দিয়ে গিয়েছিলেন। কিন্তু বাকি কাজ করবার আর তাঁর সময় হয়নি। সেই অসমাপ্ত কাজের দায়িত্ব আমার অযোগ্য হাতে এসে পড়ে। আমার দ্বিধা সংকোচকে বিন্দুমাত্র আমল না দিয়ে যারা আমাকে এ কাজের ভার দিয়েছিলেন তাঁদের কাছে একটা স্বীকারোক্তি আমাকে করতেই হবে। এসব কবিতার এবং সেই স্ববাদে স্বভাষ মুখোপাধ্যায়ের অন্ত কবিতাও নতুন করে আশ্বাদ নেবার দুর্লভ সুযোগ তাঁরাই আমাকে দিয়েছেন। প্রথম খণ্ডের ভূমিকায় সম্পাদকীয় নিবেদনে বলা হয়েছিল প্রিয় কবির গ্রন্থসম্পাদনা আনন্দের কাজ। আমার বেলায় কথাটা এত অমোঘ হয়ে আসবে বুঝতে পারিনি।

আমাদের সব কাজে যে-বন্ধুদের সাহায্য চাইতে হয় না, এমনিই পাওয়া যায়, এবারেও তা তেমনি পেয়েছি। আমার কী কী বই লাগতে পারে আন্দাজ করে মানবেন্দ্র বন্দ্যোপাধ্যায় সে সব পাঠিয়েছে, দিব্য মুখোপাধ্যায় তার ব্যাগ ভর্তি করে বই, ছবি ও কাগজের কাটিং দিয়ে গেছে। কথা বলার জন্ত সব সময়েই পেয়েছি স্বপন মজুমদারকে। অমিয় দেবের সঙ্গে অল্প সময়ের জন্ত হলেও স্বভাষ মুখোপাধ্যায়ের লেখা পড়বার আনন্দ-অভিজ্ঞতা ভাগ করে নিতে পেরেছি। কথা বলতে পেরেছি প্রদ্যুম্ন ভট্টাচার্যের সঙ্গেও। আর শঙ্খ ঘোষের সঙ্গে তো শুধু কথা বলা নয়, সব সমস্তায় শেষ ভরসা হিসেবে তাঁকে পাওয়া যায়। এ কাজেও তাই। গ্রন্থপরিচয় অংশটি তিনি শুধু দেখে দিয়েছেন তাই না, ওটাকে দাঁড় করাবার জন্ত

যা করার তাই করেছেন। আর স্ভাষ মুখোপাধ্যায়ের স্নেহ প্রশ্রয়, সে তো ছিলই। এঁদের কাছে আমার ঋণের কথা কীই বা বলব।

বইয়ের মধ্যে বানান সাম্য চেষ্টা করেও সবটুকু রক্ষা করতে পারিনি। স্তবক ইন্ডেন্ট করা ইত্যাদি বিষয়ে সম্পাদকীয় নীতি দ্বিতীয় খণ্ড পর্যন্ত যা ছিল তাই আছে, কোনো সচেতন বদল করিনি। একটা বানান বিষয়ে এখানে একটু উল্লেখ করা দরকার। বইয়ের শিরোনামে বা অন্তর্ভুক্ত ‘আরো’ বানান আছে, কিন্তু স্ভাষ মুখোপাধ্যায়ের স্বাক্ষরিত ভূমিকা অংশে ‘আরও’ বানান আছে। মনে হয়েছে কবির নিজের ঝোঁক ‘আরও’ বানানের প্রতি। তাই সাম্যের যুক্তিতেও ঐ বানান যেখানে সম্ভব ছিল সেখানেও বদলাইনি।

বাকি যা দোষত্রুটি রইল সে দায় আমার।

সৌরীন ভট্টাচার্য

সূচি

পাবলো নেরুদা-র কবিতাগুচ্ছ (১৯৭৩)

ভুলতে পারছি না	৩
যদি আমাকে জিগ্যেস করো কোথায় ছিলাম	
মিতালি	৪
মাটিতে প'ড়ে-যাওয়া ধুলোমাখা চাহনিগুলো থেকে	
স্বপ্নের পক্ষিরাজ	৫
নিরর্থক, আশিতে নিজেকে নিজে দেখা,	
একত্ব	৭
কাছাকাছি ঘেষে ঐক্যভাবে, স্থিতবী হয়ে...	
রুচি	৮
ভূয়ো জ্যোতিষশাস্ত্রের জন্তে কতকটা...	
কাব্যকৃতি	৯
এদিকে ছায়া ওদিকে বিস্তার,	
আবার শরৎ	১০
ঘণ্টাগুলো থেকে নুটিয়ে পড়ে একটা শোকগ্রস্ত দিন,	
কয়েকটা জিনিস বুঝিয়ে দিচ্ছি	১১
তোমরা জানতে চাইবে :	
মাদ্রিদে পদার্পণ করল আন্তর্জাতিক ত্রিগেড	১৫
সকালটা ছিল কনকনে ঠাণ্ডা,	
ক্রসেল্‌স্	১৭
আমার ক'রে ফেলা সব কাজ,...	
স্তোত্র আর প্রত্যাবর্তন	১৮
হে পিতৃভূমি, হে স্বদেশ !...	

যারা আবিষ্কার করেছিল	২০
উত্তর থেকে আলমাগ্রো এনেছিল...	
অকণ্ঠিত অঞ্চল	২১
পরিত্যক্ত শেষ প্রান্ত ।...	
মাপোচো নদীকে শীতের বন্দনা	২২
ও ইয়া, অসংক্ষিপ্ত তুষার	
আমি দক্ষিণে ফিরতে চাই	২৩
ভেরাজুজে আমি অস্থস্থ,...	
মাগেলানের হৃদয়	২৪
আমার কোথায় ঘর,...	
মহাসমুদ্র	২৯
যদি হয় প্রতিভাত আর শ্যামল তোমার নগ্নতা,	
নতুন পতাকার নিচে পুনর্মিলন	৩০
কে মিছে কথা বলেছে ? পদ্মেব পা	
মাচু পিকচুর শিখর থেকে	৩৩
শূন্য জালেব মতন হাওয়া থেকে হাওয়ায়	
রমণীদেহ	৫০
রমণীর দেহকায়, ধবল পাহাড়, খেত উক	
মাটির স্বর্গে	৫১
শুচিশুভ্র একটি মেয়ের পাশে আজকে শুয়ে ছিলাম	
রোগা ঈগল (১৯৭৪)	
অনুবাদকের কথা	৫৫
কবির নিজের কথা	৫৬
মা	৬১
যদি মানুষ হোস,...	
কুরগালজিনো হুদে	৬৩
অগস্টের তুমুল হৈ চৈ	
রাতের বিমানে	৬৪
আমি মিলিয়ে যাচ্ছি আকাশে	

পাঞ্জা	৬৬
আফ্রিকার আর এশিয়ার সমস্ত গোরস্থানেই...	
বৃষ্টি—এরোপ্লেন থেকে	৬৭.
হয়ত সমুদ্রের ওপর বৃষ্টি	
এক অন্ধ দর্শক	৬৮
একবার এক অন্ধকে আমি দেখেছিলাম	
বলো দেখি...	৬৯
বলো দেখি...	
প্রচণ্ড গরমে	৭০
আপেল গাছ ।...	
তিন সেলাম	৭০
হে অতীতের কবিসকল,	
আমি জেগে আছি	৭২
দাদা. তুমি শান্তিতে ঘুমোও ।...	
মণ্ডলাকার নক্ষত্র	৭২
স্তম্ভভূমির নিটোল সমতলের নিচে	
রোগা ঈগল	৭৪
মোটাসোটা ঈগলগুলো বুকে ভর দিয়ে হাঁটছে মাঠে,	
স্বম্বুলের তারা	৭৫
যখন স্বম্বুলেব তারা	
আহাম্মকের কথা	৭৬
মায়ের দুধের সঙ্গে তোমার মধো	
আঙুরক্ষেতে	৭৭
আঙুরক্ষেতের ওপর দিয়ে	
আমাদের গ্রামে ছিল এক চর্মকার	৭৭
এই চর্মকার সবার জুতোই	
হে মরুভূমি	৭৯
পানীরের মাথার ওপর পা ঘষছে প্লাবন	
ইষ্টনাম জপি	৮০
এক ডোরা-কাটা পার্কে এক ডোরা-কাটা বেষ্মিতে	

মাটির কেতাবের দুটি খণ্ডাংশ	৮২
...পৃথিবী হল বৃন্ত	
উড়াল	৮৭
দেখ দেখ,	
কোজাগরী : লায়লাতুল কাদার	৮৮
জাগরণে যায় বিভাবরী ।	
ফাঁসির আগে মহম্মদের মোনাজাত	৯০
বিস্মিল্লাহ্ ।	
অগস্টের এইসব রাত	৯১
অগস্টের এই সব রাত,	
মরুভূমির রাত্রি	৯৩
শিশির নেই,	
কথাটি	৯৪
এক সুরাইতে ঢেলে দেওয়া তরল	
বিলম্বিত	৯৪
টেনগুলো যে-সময়ে আসবার আসে নি	
বিস্তান, ধর্ম আর সৌন্দর্য বিষয়ে	৯৫
মানছি	
পদার্থবিদের প্রার্থনা	৯৮
ফেক্সারিতে...	
হে পর্বতমালা	১০০
হে পর্বতমালা, তুমি কি আমাকে ভালোবাসো ?	
যায় আসে	১০১
আকাশে পাখির ঝাঁক	
পদচিহ্ন	১০৩
পায়ের	
বিড় বিড় ক'রে আওড়াচ্ছে পদ...	১০৪
মানবিক ক্রিয়ার মহুর অনুধ্যান হল শব্দ,	
রে তিমুর খান, লোহায় তৈরি খঞ্জ	১০৫
আমার আছে দুই তুয়েন সৈন্ত	

হাওয়া নেই। লোক গিজ গিজ করছে।...

নাজিম হিকমতের আরো কবিতা (১৯৭৯)

নাজিম হিকমত প্রসঙ্গে	১১৩
মাথা উচু করে	১১৯
আমাদের ছেলেটা অস্বস্থ	
খালি পায়ে	১২২
আমাদের মাথাগুলোকে বেড় দিয়ে সূর্য,	
আমাদের সন্তানসন্ততির প্রতি উপদেশ	১২৪
দোষ নেই, হোস্‌ ছরস্তু।...	
কেটে যাচ্ছে এইভাবে...	১২৫
রয়েছি আমি ছড়িয়ে পড়া আলোর মধ্যে।	
লোহার খাঁচায় সিংহ	১২৫
লোহার খাঁচায় সিংহটাকে দেখ,	
নির্বন্ধ	১২৬
সেই কোন্‌ দূরের এশিয়া থেকে...	
আমাদের এই মেতে ওঠা	১২৭
আমাদের এই মেতে ওঠায় নেই	
কবির ক্ষণিক কুঁড়েমি	১২৮
রোদমাথা নীল আড়াআড়ি ভাসতে ভাসতে	
চলে গেছে	১৩০
কাঁচের গায়ে রাক্সি আর তুহার।	
বন্দীমুক্তি	১৩১
হাজাব-এক-রজনী বইটা নামিয়ে রাখি।	
আমার দেহস্থ কীট	১৩৩
মিনারের মত লম্বা	
চানকিরি জেল থেকে চিঠি	১৩৫
ঘড়িতে চারটে,	

‘তারান্তা-বারুকে লেখা পত্রাবলী	১৪২
তার পিতার পঁচিশতম কন্ঠা	
শেষ চিঠি	১৫৯
ইতালিতে শ্রমিকের মজুরি	
প্রাহায় সকাল	১৬১
প্রাহায় আলো ফুটছে	
একটা চিঠিতে মুনেনভার আমাকে এই কথা লিখেছিল :	১৬২
নাজিম, আমি যে শহরে জন্মেছি...	
মুনেনভারকে এই ব’লে চিঠি লিখেছিলাম	১৬৩
গাছগুলো দাঁড়িয়ে,...	
বর্ হোটেল	১৬৩
ভার্নায় রাস্তিরে কিছুতেই তোমার ঘুম হবে না	
আশাবাদী প্রাহা	১৬৪
১৯৫৭, জানুয়ারি ১৭ই ।	
মিখাইল রেফিলির স্মৃতিতে	১৬৬
আমার প্রজন্মের এখন পাতা-ঝরার দিন,	
মৌমাছি	১৬৮
মধুর বড় বড় কোঁটার মতন মৌমাছি,	
ভোরের আলো	১৬৮
ভোরের আলোয়,...	
চলে গেলে	১৭১
আমার মনের মাহুষ সঙ্গে এসেছিল	
অকস্মাৎ	১৭২
অকস্মাৎ আমার মধ্যে কিছু একটা...	
সকাল ছ’টা	১৭২
সকালবেলা, ঘড়িতে ছ’টা ।	
স্বর্ণকুমুদা	১৭৩
ভোরবেলায় এক্সপ্রেস ট্রেন...	
আমার অন্তিমে	১৮৯
আমার শবযাত্রা শুরু হবে...	

একটু পা চালিয়ে, ভাই (১৯৭৯)

আনন্দ	১৯৫
রাস্তার ছোট ছোট গর্তে	
সাধ	১৯৫
দু দেয়ালে রুজু রুজু	
গোলকধাম	২০৩
ডানা-কাটা পরী বলে,	
হিংসে	২০৫
যাবার আগে মিটিয়ে নেব	
মরুভূমির হাওয়ায়	২০৬
আমি কখনও ভুলি না	
হয় না	২০৮
কবিতা চান ? মাপ করবেন,	
এখন	২০৯
আমরা কলম নামিয়ে রেখেছি মাটিতে	
বাইরে থেকে ভেতরে	২১০
যতদূর যায় দৃষ্টি—	
টুল	২১১
আপিসবাড়ির দেয়ালে,	
গুভরাত্রি	২১২
মহাশয়, বাংলায় গুভদিন আছে—	
যেখানে ব্যাধ...	২১৪
এখান থেকে একটা নেয়	
টলতে টলতে	২১৫
হাতে রঙীন রুমাল নাড়তে নাড়তে	
যাব না সভায়	২১৭
যে আমাকে চায়...	
হিকোরি চিকোরি	২১৮
ইংরিজির পুচ্ছে	

ঝুলতে ঝুলতে	২১৯
এখন আমার হাড়ে দুকো গজাচ্ছে	
না কী বলেন	২২০
ভাবছি।	
জাগ্রত	২২১
কে কোন্‌খানে ঘুমোন সেটা	
সাজা চাই	২২২
চারদিকে থই থই করে জল।	
বাঘের আঁচড়	২২৩
থু	
কমলেকামিনী	২২৫
খবরের কাগজের পোকারা	
কোথায়	২২৬
সকালে ঘুম ভাঙলে ভাববার চেষ্টা করি	
কথার ঝুড়ি	২২৬
তুলছি চাঁদা	
রাস্তা	২২৭
বিকেলে ময়দানে জোর সভা	
রক্ত বীজ	২২৮
বন্ধুরা, এবার যেতে পারো	
সরলা বহুর জন্তে	২২৯
অন্ধকার	
শের জঙ্ঘ-এর ডেরায়	২৩১
সাইস থাকে	
কিউবার কুম্ভাঙ্গকীর্তন	২৩৪
উঠলে পূর্ণিমার চাঁদ যাবো গো	
বোবা ছেলেটা	২৩৬
ছোট্ট ছেলে।...	
মাকড়সা	২৩৬
দৈত্যাকার মাকড়সা এক,...	

জনগণ	২৩৭
যখন লড়াই হয়েছে শেষ, তুষার ঝঞ্ঝা	২৩৮
গোলমাল, হৈচৈ,...	
চাকরান কুলি	২৩৯
অদূরে রয়েছে ঝুঁকড়ে, ইয়েসেনিনের গ্রামদেশে	২৩৯
রাস্তায় একসূত্রে গাঁথা...	
এক কবির শব	২৪১
এখন লুগোভো গাঁ।।...	
নেভা নদীর ধারে শহর	২৪৩
সন্ত ইসাকের বিজ্ঞান্নি রীতির গম্বুজ ঘিরে	
সেগদেন সায়র	২৪৪
এ সায়রের কথা কেউ লেখে না,...	
হলধরের গান	২৪৭
কান্না থাকলে লোহার ছ'চোখে...	
ঠাকুরমার ঝুলি	২৪৯
এ-ছয়োরে যায় : দূর-দূর !	
একটু পা চালিয়ে, ভাই	২৫০
সব আরস্তেরই একটা শেষ আছে,...	
দিক্‌ভুল	২৫৫
আমি সহ্যের	
বদলায়	২৫৭
এক জায়গায় দাঁড়িয়ে	
পাতাল রেল	২৫৯
এক বেহিসেবী বেয়াক্ষিলে বুড়ো	
পাবলো নেরুদার আরো কবিতা (১৯৮০)	
অনুবাদের কথা	২৬৩
নেরুদার জীবন ও কবিতা	২৬৪

আর কিছু নয়	২৭৩
আমি সত্যের সঙ্গে কড়ার করেছিলাম মৎশকণ্ঠা আর একদল মাতালের উপাখ্যান	২৭৩
এই মহাশয়েরা সবাই তখন ভেতরে আমরা বিস্তর	২৭৪
আমি বলতে, আমরা বলতে...	
বড় বেশি নাম	২৭৬
সোমবারগুলো মঙ্গলবারের সঙ্গে আমি চাই স্তব্ধতা	২৭৮
এখন আর ওরা আমাকে ঘাঁটায় না ভয়	২৮০
সবাই আমাকে খোঁচাচ্ছে ।...	
পাথরের মুখ	২৮১
ও হ্যাঁ, চিন্তাম বৈকি...	
স্মৃতি	২৮২
সব কিছুই আমাকে মনে রাখতে হয়, হে পৃথিবী দাঁড়াও	২৮৪
হে সূর্য আমাকে রেখে এসো প্রাচ্যদেশে ধর্ম	২৮৫
রেজুনে গিয়ে আমি...	
কবিতার ব্যাপার	২৮৬
আর এটা ঘটল সেই বয়সে...	
আন্তেরিও	২৮৭
একটু যেন ছিটগ্রস্ত বন্দর টগবগিয়ে দক্ষিণে	২৯১
ঘোড়ার পিঠে একশো কুড়ি মাইল, নড়ছি না	২৯২
তারার রাজ্যে সমানে টহল দেবে পতাকা	২৯৩
আমার পতাকাটি নীল,...	

টম্বোটোর ভজ্জন	২৯৪
টম্বোটোর...	
কুঁড়ের বাদ্শা	২৯৬
ইস্পাতের এই জিনিসগুলো...	
পলাতক	২৯৮
চোখের জল থেকে লেখার কাগজ,...	
জল সহিতে (১৯৮১)	
বোবা কোকিল	৩১৯
কথা চাপিয়ে	
হটাবাহার	৩২০
দেখ, কলকাতা ?	
তো	৩২২
রাস্তাগুলো খোঁড়া হ'চ্ছে	
বোনটি	৩২৫
বাপ গিয়েছে স্বর্গে	
জীবনে প্রথম	৩২৬
রামপুরহাট লোকালে	
ব'সে আছি	৩২৮
বড় শিটা সইবহরে ফেলে	
হাওয়া	৩২৯
পরে এসে	
শেষ বাজি	৩৩০
লোকটাকে আমি শেষবার দেখি	
তুফলক লেনে	৩৩২
বাড়ি করেছি রাজধানীতে।	
আঙুন লাগলে	৩৩৩
শেষ কিতাবে হবে	
ঝালি হাত	৩৩৫
ঝিঁঝিঁ ধ'রে	

ছেলেধরা	৩৩৬
আমাদের পাড়ায় সেদিন হৈ-হৈ কাণ্ড,...	
দাঁড়াও পথিকবর	৩৩৮
পিঠ পেতে আছে	
এক ঢিলে	৩৩৯
মাটিতে পড়ে না	
বত্রিশ সিংহাসন	৩৩৯
আগে ছিল মাটির তলায়,	
এজেন্ট আবশ্যক	৩৪০
আপনি দাঁড়াবেন ?...	
বিফলে মূল্য ফেরত	৩৪২
পার্সেলে	
অলভে গৃহশিক্ষক	৩৪৪
পরীক্ষার আগে	
রক্ষাকবচ	৩৪৫
ওঁ হুইং ফটাস	
চিং	৩৪৬
বুড়োর কানের কাছে এনে মুখ	
এইটুকু	৩৪৭
নিষ্করণভাবে ছোট	
একজন মানুষের খুব বেশি কিছু চাই না	৩৪৯
তার চাই	
একটি সংলাপ	৩৫০
তুমি চাও আমার ভালবাসা ?	
নাজিম হিকমত-এর নিজের কবিতা প্রসঙ্গে	৩৫২
আমার নেই ঘোড়া	
জল সহিতে	৩৫৩
দেখে যাতে তোমাদের কষ্ট না হয়,	
বাচ্ছি	৩৫৭
ও মেঘ	

চইচই-চইচই (১৯৮৩)

দেয়ালে লেখার জগ্গে	৩৭৩
আপিসে কাজ না ক'রে—	
স্বপ্নটান	৩৭৪
বাঁচার গর্বে	
মাঝরাস্তায়	৩৭৫
তোমার কাছে	
অন্ধকার গিলে খাচ্ছে	৩৭৭
চলচ্ছক্তিহীন পাখা	
গুরুভাই	৩৭৮
পৃথিবী, মানুষ, এই-অন্ধকার-দূর-করা-আলো	
এই যে	৩৭৯
এই যে এইখানে আছি	
অন্ধকারে	৩৮১
আমাদের চোখে ঝুলি পরিয়ে,	
খেলা	৩৮২
খেলনাগুলো প'ড়ে রইল	
ভানুমতীর খেল	৩৮২
সাদার গায়ে ছিটানো কিছু কালি ;	
মুখরোচক	৩৮৩
ফুলঝাড়ু তার হাতের থাবায়,	
গৃহস্থ হও	৩৮৪
চালচুলোহীন, ওরে ও হা-ঘরে	
জল নেমে গেলে পলি	৩৮৬
দেবতার থানে ধ'রে দিয়ে পাঁচসিকে	
চইচই-চইচই	৩৮৭
ফুটপাথে গাছের নিচে	
অগত্যা	৩৯৪
তিন কাল গিয়ে এক কালে ঠেকা বুড়ো	

পেঁয়াজি	৩৯৫
শক্তি বেশ বলে—	
ছবির মতো	৩৯৬
পা দিয়ে আলতো ক'রে নৌকোটা ঠেলে দিতে দিতে	
তোমার যদি কম হয়	৩৯৭
একা কিংবা লোকের ভিড়ে	
কেল্লা	৩৯৮
কোন্টা ভাঁটি আর কোন্টা উজান	
'নয়-ছয়' নাটকের গান	৩৯৯
হরদম...	
লাতভিয়ায় লোকমুখে	৪০০
মোয়াছিতে পৌঁছিয়ে দেয়	
যুদ্ধের পর : অন্ধশিল্পীর ছবি দেখানো	৪০২
...দেখুন, আমার এই 'প্রাতরাশ' নামের ছবিটা।	

କବିତାସଂଗ୍ରହ

୭



পার্লো নেকদা

পা ব লো নে রু দা-র
ক বি তা গু ছ

ভুলতে পারছি না

যদি আমাকে জিগ্যেস করো কোথায় ছিলাম
বলতে হবে 'এই রকমই হয়',
বলব পাথরে পাথরে ঢেকে-যাওয়া জমির কথা
থেকেও যে নিজেকে খুইয়ে ফেলে, সেই নদীর কথা বলব।
আমি শুধু জানি পাখিদের হারানো জিনিস,
পেছনে ফেলে-আসা সমুদ্র কিংবা আমার বোনের কান্না।
কেন আলাদা আলাদা এত অঞ্চল, কেন দিনের
পায়ে পায়ে দিন আসে? কেন কালো রাত
মুখের মধ্যে ঘনায়? রতের দল কেন?

কোথা থেকে এসেছি যদি জিগ্যেস করো তাহলে ভাঙা জিনিসগুলোর
কথা আমাকে তুলতে হবে,
ভয়ানক তেতো তেতো সব হাঁড়িকুড়ি,
প্রায়শ পচা বিশাল বিশাল সব জানোয়ার,
বলতে হবে আমার ব্যথায় কাতর হৃদয়ের কথা।

পরস্পরকে কাটাকুটি করা স্মৃতি নয় সেসব
বিশ্বস্তির রাজ্যে ঘুমিয়ে পড়া ছাইরঙা পায়রাও তারা নয়
চোখের জলে ভাসা সেসব মুখ,
গলায় তাদের আঙুল দেওয়া,
পাতার সঙ্গে টুপ টাপ ঝসে-পড়া,
একটি অতিক্রান্ত দিনের অঙ্কার,
যে দিনটিকে গিলিয়েছি আমরা আমাদের দুঃখী রক্ত।

দেখ ল্যাজঝোলা পশু, দেখ বেগুনে ফুল
যা কিছু আমাদের অসম্ভব ভাল লাগে
লম্বা ঝুলওয়ালা কার্ডের ছাপা ছবিতে যাদের দেখতে পাও
যার ভেতর দিয়ে বেড়িয়ে বেড়ায় সময় আর মাধুর্য।

কিন্তু এই দাঁতগুলো পেরিয়ে আর যেন আমরা ভেতরে না যাই
নৈশেখের জমানো খোলাগুলোর গায়ে যেন দাঁত না বসাই,
কেননা আমি কী উত্তর দেব আমি জানি না—

কত যে মরেছে তার ইয়ত্তা নেই,
লাল রোদ্দুরে ছিন্নভিন্ন হয়েছে কত যে বাঁধ,
জাহাজের গায়ে ঠুকে গেছে কত যে মাথা,
চুষনের সময় গণ্ডি দিয়ে ঘিরেছে কত যে হাত,
এমনি আরও কত কিছু আমি ভুলতে চাই ॥

মিতালি

মাটিতে পড়ে-যাওয়া ধুলোমাথা চাহনিগুলো থেকে
কিংবা নিঃসাড়ে নিজেদেব কবর দেওয়া পাতাগুলো থেকে ।
আকস্মিকভাবে মৃত্যুমুখে পতিত দিনের অভাব নিয়ে, শূন্যতা নিয়ে
নিরালোক ষাতুগুলো থেকে ।
হাতগুলোর শীর্ষে প্রজাপতিদের বিকমিক,
অপার দ্ব্যতিময় প্রজাপতিদের শূন্যে ঝাঁপ ।

পরিত্যক্ত সূর্য যাদের গোধূলিতে গির্জাগুলোতে ছুঁড়ে দেয়
সেই ভাঙাচোরা প্রাণীদের পদচিহ্নের, আলোব পথরেখার
তুমি ছিলে প্রহরী
চাহনিগুলোর ঈষৎ আভা নিয়ে, মৌমাছীদের সারবস্তু নিয়ে
তোমার অপ্ৰত্যাশিত প্রস্থানের বলক জাগানো উপাদান
সোনার সংসার গমেত দিনটির আগে যায় আর পরে আসে ।

চোখ এড়িয়ে দিনগুলো থাকে ধরাছোঁয়ার বাইরে
তবে তোমার আলোর কণ্ঠস্বরে এসে যায়

হে প্রেমের নাগরী, তোমার প্রাণ-ছুড়ানো কোলে
আমি স্থাপন করেছিলাম আমার স্বপ্ন, আমার কিছুতে কিছু
না বলার স্বভাব ।

স্থানাভাবগ্রস্ত দিনগুলোর কৌদলের পর
আর মন্দের মৃত্যু আর ফুরানো উদ্দীপনায় ঠাণ্ডা-হওয়া
তোমার ক্ষীণাঙ্ক শরীর যখন
মাটির সীমানির্ধারক রাশির দিকে হঠাৎ নিজেকে ছড়াল,
আমি অহুভব করতে পারছি
তোমার বুকের দহন আর তোমার চুষনের সঞ্চরণ :
আমার স্বপ্নে কেবলি নতুন করে গিলছে ।

কখনও কখনও তোমার অঙ্গুর ভাগ্য উঁচুতে চড়ে
যেমন বয়স চড়াও হয় আমার কপালে, যেখানে
টেউগুলো আছড়াচ্ছে, মৃত্যুর অভিযুখে নিজেরে ভাঙছে ;
তাদের আন্দোলন আর্দ্র, হতাশায় স্ত্রিয়মাণ, চূড়ান্তভাবে শেষ ॥

স্বপ্নের পক্ষিরাজ

নিরর্থক, আর্শিতে নিজেকে নিজে দেখা,
সপ্তাহের আর ছবির আর কাগজের আহ্লাদ নিয়ে,
আমি আমার হৃৎপিণ্ড থেকে নরকের পালের গোদাকে
টান মেরে ফেলে দিই,
বাক্যের মধ্যে অনিশ্চিতভাবে বিষম বাক্যগুলোকে আমি সাজাই ।

এখান থেকে সেখানে ঘুরে বেড়াই, মোহগুলো নিজের করি,
কথা বলি বাবুইদের সঙ্গে তাদের বাসায় গিয়ে :
তারা, প্রায়ই, নিকৃষ্টাপ আর সর্বনাশের গলায়
গান গায় আর মোহগুলো চটিয়ে দেয় ।

আকাশে ছড়িয়ে আছে এক বিস্তৃত দেশ
রামধনুর তন্তুমন্ত্রের কাঁথা
আর রাত নিশ্চুতির গাছপালা নিয়ে :
সেখানে আমি যাই, ক্লান্তি একটু থাকে না তা নয়,
এক রকম সন্ধ্যা কবর-দেওয়া ওপ্টানো মাটিতে পা ফেলে ফেলে
গিয়ে আমি সেই আচাভূয়ো উদ্ভিদকুলের গাছপালার মধ্যে স্বপ্ন দেখি ।

যেন আমি মৌলিক জিনিস এবং নিরানন্দ সত্তা
এমনিভাবে সেজে ব্যবহৃত দলিলপত্রের মধ্যে, উৎপত্তির মধ্যে হাঁটি ;
আমি ভালবাসি ভক্তিশ্রদ্ধার নিঃশেষিত মধু ;
সেই স্মৃষ্টি কথায় যার পাতায় পাতায়
ঘুম যায় বুড়ো-হয়ে-যাওয়া রং-ওঠা বেগ্নে ফুল,
আর কাঁটাগুলো, সাহায্যের সঞ্চালক,
তাদেব চেহারায়, সন্দেহ নেই, আছে দুঃখ আর নিশ্চয়তা,
আমি তছনছ করি শিটি-মারা গোলাপ আর ভাবে বিভোর ব্যাকুলতা ;
আমি ছিন্নভিন্ন করি দুদিকেরই আদর-পাওয়া চরম : আর তার ওপর
আমি আছি ব্যতিক্রমহীন, অপরিমেয় সময়ের অপেক্ষায় :
আমার আমি-র মধ্যকার এই আহ্লাদ আমাকে ম্রিয়মাণ করে ।

এসে হাজির হয়েছে কী একটা দিন ! কী নিবিড় দুঃখবল আলো,
ঠাস-বোনা, অখণ্ড, কার মুখ দেখে উঠেছি আজ !
আমি শুনেছি তার রাঙা ষোড়ার হ্রেষা,
নিরাবরণ, নালবিহীন আর ভাস্বর ।

তাকে নিয়ে আমি গির্জার মাথার ওপর উড়ে যাই
সৈন্তদের পরিত্যক্ত ব্যারাকের পাশ দিয়ে টগবগিয়ে চলে যাই,
আর এক অশুচি পণ্টন আবার পিছু নেয় ।
তার ইউক্যালিপ্টাস চোখ লুট ক'রে নেয় ছায়া,
তার ঘণ্টাতুল্য দেহ টগবগিয়ে চলে যায় আর সপাং সপাং ক'রে মারে ।
আমার চাই অবিচ্ছিন্ন উজ্জলতার একটা বিদ্যুতের ডোরা,
আমার দায়ভাগ নেবার জন্তে ইষ্টিকুটুম্বের একটি উৎসব ॥

একত্ব

কাছাকাছি ঘেঁষে, ঐক্যভাবে, স্থিতধী হয়ে অন্তর্দেশে কিছু নিহিত আছে,
যে কেবলি তার সংখ্যার, তার পরিচয়জ্ঞাপক চিহ্নের
পুনরাবৃত্তি ক'রে চলেছে ।

তাকে পাথরেরা দেখায় সময়ের হাতের স্পর্শ,
তাদের সূক্ষ্ম শরীরে বয়সের কেমন একটা গন্ধ,
লবণাক্ত আর স্বপ্নময় সমুদ্রবাহিত জলে ।

আমাকে ঘিরে এক এবং অভিন্ন বস্তু, মাত্র একটিই গতি,
খনিজের ভার, গাত্রচর্মের চেকনাই,
রাত্রি কথাটির ধ্বনিটিকে ধ'রে রয়েছে :
মসি গোধূমের ; হাতির দাঁতের, চোখের জলের
জিনিস চামড়ার, কাঠের, পশমের
বয়স হয়ে যাওয়া, অস্পষ্ট হয়ে যাওয়া, সব এক রকম,
দেয়ালের মত আমার চার পাশে একাকার হয়ে যায় ।

আমি সেই আমারই টুঁটি টিপে ধ'রে কাজ করি,
আমি সেই আমারই চারদিকে পাক খাই,
মৃত্যুকে বেড় দেয় যেন একটা দাঁড়কাক, বিয়োগবিধুর এক দাঁড়কাক ।
আমি নিগূঢ় হয়ে ভাবতে থাকি, ঋতুচক্রের বিস্তারের মধ্যে আমি বিচ্ছিন্ন,
নিঃশব্দ ভূগোলে পরিবৃত্ত আমি রয়েছি নাভিতে :
আকাশ থেকে খসে পড়ে তাপমাত্রার একটি খণ্ড,
বিহ্বল একত্বগুলোর এক চূড়ান্ত রকমের সাম্রাজ্য
গড়ে উঠছে সর্বতোভাবে আমাকে ঘিরে ॥

রুচি

ভুয়ো জ্যোতিষশাস্ত্রের জন্তে কতকটা মড়াকান্না-জোড়া লোকাচারের জন্তে
যার গায়ে থাকে অবিনশ্বরতার পোশাক, এবং যার অহুষ্ঠান
রাস্তার ধারে না হয়ে যায় না,
আমি মনে মনে একটা টান পড়িয়ে রেখেছি, তাতেই আমার
একমাত্র রুচি ।

ফেলে-দেওয়া আসবাবের মতন জীর্ণ বাক্যালাপের ওপর আমার টান,
যে আছে চেয়ারের নতজান্না ভাব নিয়ে, যার মুখের কথাগুলো
গোণ ইচ্ছার গোলাম হয়ে খিদমত করতে ব্যস্ত,
যার ভেতর রয়েছে দুধের, অতিক্রান্ত সপ্তাহের,
নগরশীর্ষে শৃঙ্খলিত বায়ুমণ্ডলের বশ্বতা ।

কে পারে আর এর চেয়ে শরীরী তিতিক্ষার বড়াই করতে ?
বিচক্ষণতা আমাকে জড়িয়ে রাখে
সাপের মত রং-ফেরানো একটা ঝাঁটসাঁট চামড়ায় :
হায়, মাত্র এক চুমুক মদেই আমি এই-দিনটিকে বিদায় ক'রে দিতে পারি
এক রকমের এই পৃথিবীর অনেক দিন থেকে যে দিনটিকে
আমি বরণ করে নিয়েছিলাম ।

সামান্য রঙের সারাংসারে জ্বপূর হয়ে আমি বেঁচে থাকি, চূপচাপ
বুড়ি মা-র মত, এক দৃঢ়বদ্ধ তিতিক্ষা
গির্জার ছায়ায় মত কিংবা হাডগুলোর জুড়িয়ে যাওয়ার মত ।
এই জলরাশির স্নগভীর দাক্ষিণ্যে আমি ভ'রে উঠি ।
এইভাবে আপাদমস্তক সজ্জিত হয়ে, বিষম নিবিষ্টতার মধ্যে আমি
ঘুমিয়ে পড়ছি ।

আমার গীটারসদৃশ অন্তর্দেশে একটা প্রাচীন স্বর আছে,
যা নীরস আর ভরাট যা নিত্য, যা নিশ্চল,

যেন এক বিশ্বস্ত প্রাণরস, ঘোঁয়ার মত ;
এক নিবৃত্ত মৌল, এক জিয়ন্ত তেল :
এক আচারনিষ্ঠ পাখি আমার চুলের যত্ন নেয় :
এক অপরিবর্তনীয় দেবদূত বাস করে আমার তরবারির মধ্যে ॥

কাব্যকৃতি

এদিকে ছায়া ওদিকে বিস্তার, এদিকে গড়রক্ষী ফোজ
ওদিকে কুমারী মেয়ের দল,
মাঝখানে স্ফটিকছাড়া হৃদয় আর সর্বনাশা স্বপ্ন বুকে নিয়ে,
গেল-গেল রবে পাংশু, বিনষ্ট কপাল,
আর জীবনের প্রত্যেকটি দিনের জন্তে একজন কুপিত
মৃতদার পুরুষের হা-হতাশ নিয়ে,
হায় আমার ঘুমচোখে পান-করা চক্ষুর অগোচর প্রতি ফোঁটা জলে,
আর কানে-আসা সমস্ত শব্দে, কাঁপতে কাঁপতে,
আমার সেই একই বিমনা তৃষ্ণা আর সেই একই ঠাণ্ডা জ্বর,
সদ্যোজাত এক শ্রুতি, এক কুটিল যন্ত্রণা,
যেন এখুনি এসে পড়বে হয় চোরের দল নয় ভূতের পাল,
এবং মোক্ষম আর গভীর পরিসরের একটা খোলার মধ্যে,
এক অবমানিত পরিচারকের মত, একটু ফ্যাসফেসে ঘণ্টাধ্বনির মত,
যেন এক লক্কড় আয়না, যেন একটা পরিত্যক্ত বাড়ির গন্ধ
যে বাড়িতে ভাড়াটেরা রাতের বেলায় ঢোকে একেবারে বেহেড হয়ে,
আর মেঝের ওপর ইতস্তত বিক্ষিপ্ত বাসি কাপড়ের গন্ধ, আর
ফুলের কোনো পাট না থাকা ।

নাকি অশ্রুভাবে, এর চেয়ে কম বিমর্ষভাবে, হয়ত বলা যায়—
কিন্তু, আদতে দাঁড়াল, অকস্মাৎ, আমার পাঁজরে ঘা-মারা হাওয়া,
আমার শোবার ঘরে একে একে এসে পড়া অশেষ ঘোটা রকমের রাজি,
বলিদান নিয়ে জ্বলন্ত যে দিন তার হৈ চৈ,

আমার মধ্যে যতটুকু ঋষিদৃষ্টি আছে তারা চাইছে, স্নান মুখে,
আর নানা বস্তুর একটা ঠোকাঠুকি চলেছে কিন্তু তাদের ডাকে
কোনো সাড়া মিলছে না,
এক স্ফাতিহীন আন্দোলন, আর নাম নিয়ে এক বিভ্রাট ॥

আবার শরৎ

ঘণ্টাগুলো থেকে লুটিয়ে পড়ে একটা শোকগ্রস্ত দিন,
যেন কোনো অস্পষ্ট বিধবার বেগথু পোশাক,
একটা রং, মাটিতে মুখ গোঁজা
চেরীর স্বপ্ন,
জল আর চুষনের রং পাল্টে দিতে
বিরামহীনভাবে ফিরে আসা ধোঁয়ার বেথা ।

আমি ঠিক বোঝাতে পারছি কিনা জানি না : মাথার ওপর থেকে
রাত্রি যখন ঘনায়, যখন একা কবি
জানলায় শুনতে পায় শরতের ধাবমান অশ্বদলের খুরধ্বনি
আর পদদলিত ভয়েব পাতাব মর্মর তাদের ধমনীতে,
আকাশে কী যেন কী, ঘাঁড়ের আকাঠ জিভের মত,
কী যেন কী আকাশ আর আবহের সংশয়ে ।

যেখানকার জিনিস সেখানে ফিরে যায়,
যে না হলে চলে না সেই উকিল, কাজ করার হাতগুলো,
গাড়ির তেল, মদের বোতল.
বৈঁচে থাকার সমস্ত চিহ্ন, সর্বোপরি বিছানাগুলো
রক্তাক্ত তরলে ভরে আছে, নোংরা কানগুলোতে লোকে
ঢেলে দিচ্ছে তাদের গোপন কথা,
আততায়ীরা সিঁড়ি দিয়ে নামছে ।

তবু ঠিক এ নয়, পুরনো সেই টগবগিয়ে চলা
কম্পমান তবু চিরায়ত সেই থুথুরে শরতের ঘোড়া ।

পুরনো শরতের আছে লাল দাড়ি
আর তার দুগাল ঢেকে আছে বিভীষিকার ফেনায়
আর তার পিছু নেওয়া হাওয়ার গড়নটা সমুদ্রের
আর তার গায়ে গোর দেওয়া পচনের খোশবু ।
আকাশ থেকে রোজ নেমে আসে এক পাঁশুটে রং,
পায়রাদের ছড়াতে হয় তা জমির এ মুড়ো থেকে ও মুড়ো :
চোখের জলে আর ভুলে যাওয়ায় পাকানো হয় যে দড়ি,
ঘণ্টাগর্ভে বছরের পর বছর স্থপ্ত ছিল যে সময়,
সব কিছু,
পোকায়-খাওয়া জীর্ণ কাপড়, তুষার আসতে দেখা রমণীর দল,
না ম'রে যা কেউ ধারণায় আনতে পারে না সেই ফালো আফিমের
ফুল, —
সব কিছু আমার উদ্ভত হাতে এসে পড়ে
বর্ষণের মধ্যে ॥

কয়েকটা জিনিস বুঝিয়ে দিচ্ছি

তোমরা জানতে চাইবে : তো কোথায় সেই নীলগাছের ফুল ?
আর আফিম ফুলে আবৃত নিগুট তত্ত্ব ?
আর অনেক সময় কানের কাছে ঘ্যানর ঘ্যানর করা সেই বৃষ্টি
যে তার কথাগুলো কোটরে কোটরে আর পাখিতে পাখিতে
ভরিয়ে রাখত ?

আমার যে কী হয়, দাঁড়াও, আমি তোমাদের বলছি ।
আমি থাকতাম

মাদ্রিদের এক উপকণ্ঠে, যেখানে ঘণ্টা ছিল,
ঘড়ি ছিল, গাছ ছিল !

সেখান থেকে দেখা যেত
কান্তিলার শুকনো মুখ
চামড়ার সমুদ্রের মত ।

আমার বাড়িটাকে বলা হত
ফুলবাড়ি, সব জায়গায় বকফুল
ফুটে থাকত ব'লে : বাড়িটা
বড় হুন্দর,
বাড়িময় কুকুর আর বাচ্চাকাচ্চা ।

বাউল, তোর মনে পড়ে ?
তোর মনে পড়ে, রাফায়েল ?
ফেদেরিকো, তোর মনে পড়ে
মাটির তলা থেকে,
মনে পড়ে আমার বাড়িময় সেইসব অলিন্দ
যেখানে জুন মাসের আলোয় তোর হামুখের ফুলগুলো ডুবে যেত ?

ভাই, ও ভাই !

সব
দরাজ গলা, বেচাকেনার রসকষ,
বুকের মধ্যে হাঁচড়-পাঁচড়-করা কুটির তালগোল,
আমার আরগুয়েলের সেই শহরতলির হাটে
মাছপট্টির মাঝখানে দোয়াতের মত পাথরের মূর্তি
তেল পৌঁছত পলায়,
হাত আর পায়ের
বিস্তর হট্টগোলে ভ'রে উঠত রাস্তা,
এইটুকু মাপে, এইটুকু ওজনে অসম্ভব তাৎপর্য পেত

জীবন,

গাদা করা মাছ,
নিস্তাপ সূর্য নিয়ে, ছাদগুলোর যে বুনট, তার মধ্যে
বাণমুখ ধরায় ।
আলুর আত্মহারা চিকন গজদন্ত আভা,
আসমুদ্র টমেটোর পুনরাবৃত্তি ।

একদিন সকালে কী হল, হঠাৎ সব কিছু লী লী ক'রে জলে উঠল :
একদিন সকালে
টপাটপ জীবন গিলতে গিলতে
মাটি থেকে বেরিয়ে এল দাবানল,
আর তখন থেকে আগুন,
গুলিবারুদ সেই তখন থেকে,
আর তখন থেকে রক্ত ।

উড়োজাহাজ আর যুরদের নিয়ে ডাকাতের দল,
আংটি আর বেগমসাহেবাদের নিয়ে ডাকাতের দল,
আশীর্বাদকের ভূমিকায় কালো কাপড়ের সন্ন্যাসীদের সঙ্গে নিয়ে
ডাকাতের দল

আকাশ থেকে পড়ল শিশুদের খুন করার জন্তে
আর রাস্তায় রাস্তায় শিশুদের রক্ত
বয়ে গেল সরলভাবে, অবিকল শিশুদের রক্তের মত ।

শেয়ালগুলো, যাদের দেখে একটা শেয়ালও ঘৃণায় মুখ সরিয়ে নেবে,
নিরেটগুলো, যাদের শুঁটকো কটিকারিও মুখ থেকে থু ক'রে ফেলে দেবে,
কেউটেগুলো, যাদের দেখে কেউটেরাও নাক সিঁটকোবে !

তোমাদের সামনাসামনি আমি উঠে আসতে দেখেছি
স্পেনের রক্ত
গর্বের আর ছুরির একটি একক ঢেউয়ে

তোমাদের তলিয়ে দিতে ।

জেনারেলের দল

বেইমানের দল :

দেখ আমার গত বাড়ি,

দেখ স্পেন ভেঙে মিস্যার :

তবু প্রত্যেকটা মৃত বাড়ি থেকে ধেয়ে আসছে জলন্ত ধাতু

ফুলের বদলে,

স্পেনের প্রত্যেকটি ফোকর থেকে

কাঁপিয়ে পড়ছে স্পেন,

প্রত্যেকটি নিহত শিশুর কাছ থেকে এসে যাচ্ছে চোখ-ফোটানো

একটি ক'রে বন্দুক

প্রত্যেকটি পাপ থেকে জন্মাচ্ছে বুলেট

যা একদিন ঠাই খুঁজে নেবে

হৃৎপিণ্ডে ।

তুমি কি জানতে কেন তার কোনো কবিতায়

ঘৃণাক্ষরেও থাকে না

যেখানে সে দেখেছে সেই দেশের মুক্তিকা আর পাতার কথা,

বিরাট বিরাট আগ্নেয়গিরির কথা ?

এসো দেখ রক্ত রাস্তাময়,

এসো দেখ

রক্ত রাস্তাময় ।

এসো দেখ রক্ত

রাস্তাময় ॥

মাদ্রিদে পদার্পণ করল আন্তর্জাতিক ব্রিগেড

সকালটা ছিল কনকনে ঠাণ্ডা,

শীতের সেই মাসটা ছিল ভারি কষ্টের, কাদায় আর ধোঁয়ায় মলিন,
হাঁটু না থাকা একটি মাস, অবরোধ আর দুর্ভাগ্যে বিষণ্ণ একটি মাস,
যখন আমার বাড়ির ভিজে শাসিগুলো পেরিয়ে ভেসে আসছিল

গুনছিলাম

রাইফেলের মুখে আফ্রিকায় শেয়ালদের হাঁকডাক আর রক্তে

চপচপ করা তাদের দাঁত,

তখন,

যখন আশা বলতে আমাদের শুধু বারুদের স্বপ্ন, যখন আমরা মনে

করছিলাম

শুধু গিলে-খাওয়া রাফসে আর মার-উচাটনে পৃথিবীটা ভর্তি।

তখন, মাদ্রিদের শীতের মাসের বরফ ভেদ করে, ভোরবেলার

কুয়াশায়

আমি দেখলাম আমার এই চোখদুটো দিয়ে, আমার এই চক্ষুস্থান

হৃদয়টা দিয়ে,

আমি দেখলাম এসে পৌঁছুল নিষ্ঠাবানের দল, স্বল্পসংখ্যক আর দৃঢ়বদ্ধ

পরিণত আর মহাউৎসাহী প্রস্তরকঠিন বাহিনীর বিরাট পুরুষ

সৈনিকেরা।

সে ছিল এক শোচনীয় সময় যখন মেয়েদের

এক ভয়ঙ্কর গনগনে কয়লার মত বহন করতে হত অদর্শন

আর হিম্পানী মৃত্যু, অত্যাশ্চর্য মৃত্যুর চেয়ে ঢের বেশি কটু আর তীক্ষ্ণধার,

সেইসব জমির ওপর ঝুলে থাকত—

এই সেদিনও যে সব জমিকে গৌরবান্বিত করেছে গোধুম।

রাস্তা দিয়ে মাহুষের চূর্ণিত রক্ত গিয়ে মিশেছিল

ঘরবাড়ির ভেঙে-পড়া হৃদয় ফেটে বেরিয়ে আসা দরবিগলিত জলধারায় ;

ছিন্নভিন্ন শিশুদের হাড়, জননীদের শোকবিলাপের মর্মসুদ নৈশব্দ্য,

অরক্ষিতদের চোখ চিরদিনের মত বন্ধ
এ সমস্তই যেন মন ভার হওয়া আর হারানো, যেন থুথু-ফেলা বাগান,
এ সমস্তই চিরদিনের মত নিহত বিশ্বাস আর নিহত ফুল ।

কমরেডরা আমার,
তখন,
তোমাদের আমি দেখেছিলাম ।
আর আমার চোখ জুড়ে এখনও গর্ব
কেননা কুয়াশাচ্ছন্ন সকাল পেরিয়ে কান্তিলার শুচিশূত্র ললাটের দিকে
আমি তোমাদের আসতে দেখেছিলাম,
নীরব আর কঠিন,
ভোরের আগে ঘণ্টাধ্বনির মত,
অহুষ্ঠানের ক্রটি ছিল না আব নীল নীল চোখ নিয়ে সেই কোন্
দূর দূর থেকে আসা,
তোমাদের প্রান্তগুলো থেকে, তোমাদের হারানো হত দেশগুলো থেকে
তোমাদের স্বপ্নগুচ্ছ থেকে,
পোড়া মধুরতা আর বন্দুকে কানায় কানায় হয়ে
হিস্পানের শহর রক্ষা করতে
যেখানে জানোয়ারদের দংশনে
কোণঠাসা স্বাধীনতার পতন আর মৃত্যু হতে পারে ।

ভাইরা আমার, এখন থেকে
তোমাদের শুদ্ধতা আর শক্তি, তোমাদের বিধিসম্মত ইতিহাস,
শিশু আর পুরুষ, স্ত্রীলোক আর বুড়োমানুষের কাছে স্নাত হোক,
যারা আশাহারা তাদের সকলের কাছে পৌঁছোক, গন্ধকের বায়ুতে
ক্ষয়ে-যাওয়া খনিগর্ভে নামুক,
ক্রীতদাসের অমানুষিক সিঁড়ি বেয়ে উঠে যাক,
যেন সমস্ত নক্ষত্র, যেন কান্তিলার আর ছনিয়ার সমস্ত ধানের শীষ
লিপিবদ্ধ করে

তোমাদের নাম আর তোমাদের দাঁতে দাঁত দিয়ে লড়া সংগ্রাম
আর লাল দেবদারুর মত শক্তিমান আর মৃন্ময় তোমাদের বিজয় ।

যেহেতু তোমাদের আত্মোৎসর্গ দিয়ে তোমরা সম্ভব করেছ
উজ্জীবিত করতে
হৃত বিশ্বাস, চলে যাওয়া আপনজন, পৃথিবীতে আশা ভরসা
আর তোমাদের অপৰ্যাপ্ততার ভেতর দিয়ে, তোমাদের মননীয়তার
ভেতর দিয়ে

তোমাদের যতদেহের ভেতর দিয়ে
যেন রক্তের প্রস্রবকঠিন কোনো উপত্যকার মাঝখানে দিয়ে
ইস্পাতের আব আশার বনকপোত নিয়ে বয়ে যাচ্ছে এক মহাকাব্য নদী ॥

ক্রসেল্‌স্

আমার করে ফেলা সব কাজ, আমার হারিয়ে ফেলা সব জিনিস,
থেকে থেকে আমার জয় করা সব কিছু,
তিক্ত লোহার, বিদায়কালে হাত বাড়িয়ে তা থেকে আমি সামান্যই
নিয়ে যেতে পারি ।

ইঠাৎ ঝাঁতকে ওঠার একটা স্বাদ,
জলন্ত সব চিলের পালকে ঢেকে যাওয়া একটা নদী,
পাঁপড়িতে পাঁপড়িতে গন্ধকে উজানো একটা পিছুটান ।

আমাকে এখনও মার্জনা করে নি অথও লবণ
করে নি অবিস্মিত রুটি, কবে নি সমুদ্রের বুষ্টিতে গেলা
ছোট গির্জা, আমাকে এখনও মার্জনা করে নি
গুপ্ত ফেনায় দষ্ট কয়লা ।

আমি তল্লাস ক'রে তারপর পেয়েছি, অপৰ্যাপ্ত,
মাটির তলদেশে, ভয়ঙ্কর দেহগুলোর মাঝখানে,

কঠিন অম্লের নিচে আসা-যাওয়া করা
পাঙাশ কাঠের একটা দাঁতের মত,
যন্ত্রণার মালমশলার কাছে,
এদিকে চাঁদ আর ওদিকে ছুরিছোরা
এই দুইয়ের মধ্যে নিশিকালে মরে যাওয়া ।

এখন এ

হিসেব-না-করা বেগের মাঝখানে, তারবিহীন
দেয়ালের পাশে,
সীমাসরহদ্দ দিয়ে ঘেরা রসাতলে
যে নক্ষত্রপুঞ্জ খোয়ায় তার সঙ্গে
এই যে আমি এইখানে, উদ্ভিদ্ভাবে,
একা ॥

স্তোত্র আর প্রত্যাবর্তন

হে পিতৃভূমি, হে স্বদেশ ! তোমার দিকে উজিয়ে দিই আমার রক্ত ।
আমি তোমার জন্তে ছতুশে, দুচোখ জলে ভ'রে
ছেলে যেমন মার জন্তে হয় ।
তুমি গ্রহণ করো এই দৃষ্টিহীন বীণা
আর এই নিরুদ্দেশ ললাট ।

আমি বেরিয়েছিলাম বাহিবহুনিয়ায় তোমার কোল-আলো-করা
মাণিক আনতে,
আমি বেরিয়েছিলাম তোমার নামের তুষার বুলিয়ে
মাটিতে-প'ড়ে-যাওয়াদের গুজ্রা করতে,
আমি বেরিয়েছিলাম তোমার চেরাই-করা শুদ্ধ কাঠে
একটা ইমারত তুলতে,

আমি বেরিয়েছিলাম আহত সৈনিকদের বুকে তোমার বীরচক্র

পর্যাতে ।

এখন আমি তোমার সারাৎসারে ঘুমিয়ে পড়তে চাই ।

আমাকে দাও তোমার সেই মর্মভেদী দড়িদড়ার টলটলে রাত্রি,

তোমার জলজাহাজের রাত্রি, তোমার নক্ষত্রখচিত আকাশছোয়া মহিমা ।

হে আমার পিতৃভূমি, আমি বদল করতে চাই আমার ছায়া ।

হে স্বদেশ, আমি বদলাতে চাই আমার গোলাপ ।

আমি তোমার চিকন কটিতট আমার বাহু দিয়ে ঘিরতে চাই,

আমি বসতে চাই তোমাব সন্মুখচূর্ণিত পাহাড়ে ;

যাতে আমি গোধুম করতলে রেখে তার অন্তর নিরীক্ষণ করতে পারি ।

আমি তুলে-বেছে আনতে চলেছি দোরাগর্ভ কুশতন্ম গাছগাছালি,

আমি ঝাটতে চলেছি ঘণ্টাধ্বনির হিমালী আশের স্রতো,

আর তোমাব স্বনামধন্য আব নিরিবিলি ফেনপুঞ্জ দেখতে দেখতে

তোমাব রূপলাবণ্যের জন্তে আমি গড়ে দেব বেলাভূমির এক পুষ্পহার ।

হে পিতৃভূমি, হে স্বদেশ

তোমাকে সম্পূর্ণ ঘিরে প্রতিরোধী জল

আর প্রতিরোধী তুষার,

তোমাতে মিলেছে চিল আর গন্ধক

আর তোমার নকুল আর নীলকান্তমণিব কুমেরুবন্ধ করতলে

এক ফোঁটা বিশুদ্ধ মানবিক আলো

শত্রুদের আকাশ টাটয়ে দিয়ে ভাষর ।

এই জন্মান্তর, ভয়ঙ্কর আবহে

তোমার আশার কঠিন ধানছড়াগুলো ঊঁচুতে তুলে ধরো,

হে স্বদেশ, পাহারায় থাকো তোমাব আলোর ।

তোমার দূর বিস্তারে পড়েছে এইসব দুষ্কর আলো,

মানুষের এই ভবিষ্যৎ,
যে পথে তুমি রক্ষা ক'রে চলেছ একটিমাত্র রহস্যময় ফুল,
নিদ্রিত আমেরিকার বিশালতায় ॥

যারা আবিষ্কার করেছিল

উত্তর থেকে আলমাগ্রো এনেছিল কৌচকানো বিদ্যুৎ,
সারা ভূখণ্ড যেন বিছানো কোনো নক্সা
বিস্ফোরণে আর গোধূলিতে এমনি ক'বে দিনরাত ছমড়ি খেয়ে
সে পড়ে থাকত

মাটির চোট-খাওয়া রণকৌশল দেখতে দেখতে
সেই হিস্পানী তাব শুষ্ক মৃতিকে মিলিয়ে দিত
কাঁটাবনের ছায়া, শিরিস আর কটিকারিব ছায়া ।
রাত্রি, তুষার আর বালুকা দিয়ে মূর্ত
আমার তব্বী স্বদেশ ,
এর দীর্ঘ রেখায় শুধু নৈশঙ্ক্য,
এর সামুদ্রিক কিনারা থেকে উঠে-আসা শুধু ফেনা,
রহস্যময় চুষনে একে ভ'বে দেয় শুধু কয়লা ।
জলন্ত অঙ্গারের টুকরোর মত এর আঙুলে ফোঁকা পড়ায় সোনা
আর কপো এবং ভারী গৃহসদৃশ কঠিনীকৃত ছায়াকে কবে
সবুজ চাঁদেব মত আলোকিত ।
তেলের কাছে, মদিরার কাছে, পুরনো আকাশের কাছে একদিন
গোলাপের কাছে ব'সে সেই হিস্পানী
সামুদ্রিক চিলের পুরীষ থেকে জাগা, ত্রুন্ধ পাথরের এই স্থলটি
ধারণায় আনতে পারে নি ॥

অকর্ষিত অঞ্চল

পরিত্যক্ত শেষ প্রান্ত । যেখানে এলোমেলো রেখায়
প্রজলিত অগ্নিকুণ্ডে আর প্রচণ্ড কাঁটাগাছে
থরে বিথরে বিদ্যুৎস্পৃষ্ট নীলিমা ।

তাম্র শলাকায় বিদ্ধ
পাথর, বাস্তব নৈঃশব্দ্যেব
সডক, শিলাগর্ভের লবণে নিমজ্জিত
তবুশাখা ।

এই যে, এইখানে আমি,
পানপাত্র বা কটিতটের মত ধ'রে রাখা কোনো সময়ের
পাণ্ডুর পদক্ষেপে অঁপিত এক মালুয়েব মুখ,
ভূমধ্যের নিষ্ক্রমণহীন প্রায়শ্চিত্তের জল,
ঝ'রে-পড়া শরীরী ফুলের গাছ,
অসামান্যভাবে রুদ্ধবাক আর ধুষ্ট ধমনী ।

হে আমার দেশ, বালুকাজাত ডাঁশমশাব মত
ভূমি পৃথিবীবাসী এবং অন্ধ, সব তোমাকে নিবেদিত
আমাব অন্তরায়ার ভিত্তিমূল, তোমার জগ্রে নিত্যকাল
আমাব রক্তের চোখেব পলক, ফিরে গিয়ে তোমাকে দেব
আমাব এক-সাজি পপিফুল ।

তোমার ঋতুতে পাথরের শব্দ.
পর্বতমালার অঙ্গপ্রত্যঙ্গ ছাঁটা বার্বক্য, তোমাব কাঁটার
নিঃশব্দ বিপুলতা ।

রাত্রি হলে আমাকে দিও,
ভুলোকের বৃক্ষলতার মাঝখানে
তোমার পতাকা আন্দোলিত করা শিশিরের সলজ্জ গোলাপ ;
আমাকে দাও তোমার টাঁদ অথবা তোমার ঘোর অন্ধকারময় রক্ত
ছিটানো হৃন্ময় রুটি :

তোমার বালুতটের আলোর নিচে
কেউ যত নেই, শুধু আছে লবণের লম্বা লম্বা কালচক্র,
রহস্যময় জীৱন্ত ধাতুর নীল নীল শাখা ॥

মাপোচো নদীকে শীতের বন্দনা

ও ইয়া, অসংক্ষিপ্ত তুষার

ও ইয়া, তুষারের সম্পূর্ণ ফোটা ফুলে কম্পমান,

ছোট ছোট স্বমেরুর চক্ষুপল্লব, হিমজমাট অশনি,

কে, কে তোমাকে ডেকেছে ছাইরঙা উপত্যকায়,

কে, কে তোমাকে চিলের চঞ্চু থেকে ছাড়িয়ে টানতে টানতে এনেছে

নিচে যেখানে তোমার স্বচ্ছ জল

আমার জন্মভূমির জঘন্ত চীরবাস স্পর্শ করছে ?

নদী, তুমি কেন বয়ে নিয়ে চলেছ

শীতল আর গূঢ় জল,

কঠিন পাথুরে প্রত্যুষ

নিচে আমার স্থানীয় শহরের খেঁতলানো পায়ের তলায়

বড় গির্জার মধ্যে যে জলকে অনায়ত্ত ক'রে বাধে ?

ফিরে যাও, ফিরে যাও তোমার তুষারের মোহানায়.

দক্ষে দক্ষে মরা, হে নদী

ফিরে যাও, ফিরে যাও তোমাব বিস্তীর্ণ হিমালী পেরালায়.

তোমার নিগূঢ় উৎসে নিমজ্জিত করো তোমাব কপোলী শিকড়

অথবা অশ্রুবিরহিত অগ্নি কোনো সাগরে তুমি নিজেকে ভাঙো ।

মাপোচো নদী, যখন রাত আসে

মাটিতে পড়ে যাওয়া কোনো কালো পাষণমূর্তির মত সেই বাত

যেন দুই বিশাল চিলের মত শীত আর ক্ষুধা এ দুইয়ে কাতব

গুচ্ছের কালো কালো মাথা নিয়ে যখন ত্রিজের নিচে ঘুমোয়, ও নদী

তুষারসমূথ কঠিনহৃদয়, ও নদী

কেন তুমি আবির্ভূত হও না বিশাল ব্রহ্মদৈত্যের মত

অথবা বিশ্বতদের জন্তে তাবকাসজ্জিত নতুন ক্রুশচিহ্নের মত ?

কিন্তু না, তোমার রুঢ় ছাইগুলো বয়ে যায়

লোহার পত্রাবলীর নিচে কঠিন হাওয়ায় কেঁপে ওঠা হেঁড়া আস্তিনের

পাশ দিয়ে,

মাপোচো নদী, তুমি কোথায় বয়ে নিয়ে যাও

নিত্য জন্ম-হওয়া তুষারের ডানা

উকুনদষ্ট হয়ে বরাবর তোমার বিবর্ণ উপকূলে জন্মাবে বন্য ফুল

আর তোমার শীতের জিভ চেঁছে দিচ্ছে আমার লুপ্তিত দেশের গাল’?

ব্যগ্রতা করছি, দেখো

দেখো যেন, দেখো যেন তোমার কালো ফেনার একটি বিন্দু

পলি মেখে উঠে আগুনের ফুলের দিকে যায়

আর মাহুঘের বীজ যেন ত্ববান্বিত করে ॥

আমি দক্ষিণে ফিবতে চাই

ভেরাকুজে আমি অস্থস্থ, স্মরণ কবছি

দক্ষিণে আমার জন্মস্থানের একটি দিন ।

আকাশেব জলে খলবল করা মাছের মত রূপোলী একটি দিন ।

উর্ধ্বলোক থেকে পাঠানো লঁকোশ, লঁকিমাঃ, কারাছয়ে

নৈঃশব্দ্যে আর শিকড়ে পরিবৃত,

চামড়া আর কাঠের তৈরি তাদের সিংহাসনে আসীন ।

দক্ষিণ হল মন্দগতি গাছ আব শিশিরকণার

বরমাণ্য-পর্য ডুবন্ত ঘোড়া ।

তাব হরিৎ গ্রীবা উঁচু করলে ফোঁটাগুলো ঝরে পড়ে.

তার পুচ্ছের ছায়া সিক্ত করে এই বিরাট দ্বীপপুঞ্জ

আর তার অন্ত্রের মধ্যে বেড়ে ওঠে পূজ্যপাদ কয়লা ।

আব কখনও করবে না বলো আমাকে, ছায়া ; আর কখনও করবে না

বলো আমাকে, হাত ;

করবে না আমাকে, পায়ের পাতা, দরজা, পা, সংঘাত.

আর কখনও বিচণিত করবে না, বলো

জঙ্গল, রাস্তা, ধানের ছড়া, যা নীলাকার হয়ে

তোমার প্রত্যেকটি নিরন্তর ব্যবহৃত পদক্ষেপ পরিচালিত করেছে ।

আকাশ, আমাকে তুমি একবার এক নক্ষত্র থেকে অন্য নক্ষত্রে যেতে দাও

আলো আর বারুদ মাড়িয়ে শিকারী বৃষ্টির নীড়ে না পৌঁছুনো পর্যন্ত
আমার রক্তকে ধুলিসাৎ করতে করতে যাব ।

আমি যেতে চাই

সুগন্ধ তলতেন নদীর কিনার-ঘেঁষা বনের অন্তরালে,
আমি চাই করাতকলগুলো থেকে বেরিয়ে ভিজ়ে জবজবে পায়ে
সরাইখানায় ঢুকতে,
চাই কাঠবাদাম গাছের বৈদ্যুতিক আলোয় পথ চিনে যেতে,
চাই গোবরগাদার পাশে লম্বা হয়ে শুতে
চাই গোধূমের গায়ে দাঁত বসাতে বসাতে মরতে এবং পুনর্জীবন পেতে ।

সমুদ্রে, আমাকে এনে দাও

দক্ষিণের একটি দিন, তোমার ঢেউয়ের কণ্ঠলগ্ন একটি দিন ।
দাও ভিজ়ে গাছের একটি দিন, লাগাও নীল
মেরুবাতাস আমার চুপসে-যাওয়া পালে ॥

মাগেলানের হৃদয়

দূর দক্ষিণের কথা মনে প'ড়ে
রাত্রে হঠাৎ আমি জেগে উঠি ।

আমার কোথায় ঘর, আমি নিজেকে জিগ্যেস করি, ঘোড়ার ডিম,
কোথায়

আমার ঘর, আজ কী বার, কী স্বপ্ন,
ঘরা গলায়, স্বপ্নের মধ্যখানে, সেই গাছ, সেই রাত্রি,
এ কে, আমি শুধোই, আমি যাই আমি বেরোই একেবারে একা,
আর চোখের পাতার মত ওঠে একটা ঢেউ, একটা দিন
তা থেকে জন্মায়, বাঘের নাক নিয়ে বিদ্যুতের কশা ।

আসে দিন, এসে আমাকে বলে : 'তুমি কি শুনতে পাচ্ছ ?
ধীরে-বহা জল, নদী,

জল

হুই পাতাগোনিয়ায় ?'

জবাবে আমি বলি : আজে হ্যাঁ, গুনতে পাই।

আসে দিন, এসে আমাকে বলে : 'একদল বন্য ভেড়া

ঐ দূরে, দেহাতী অঞ্চলে, পাথরের গা থেকে

হিমজমাট রং চাটছে। গুনতে পাচ্ছ না তাদের ব্যা-ব্যা আওয়াজ,

চিনতে পারছ না।

সেই নীল দমকা হাওয়া যার হাতে পানপাত্র হয়ে

চাঁদ, চোখে পড়ছে না হুডমুড় ক'রে ছোট্টা ঘোড়ার পাল,

হাওয়ার সেই ক্ষিপ্ত আঙুল যার খালি আংটি

ছুঁয়ে আছে তরঙ্গ আর জীবন।

মনে পড়ে সেই প্রণালীস্থিত

নির্জনতা

দীর্ঘ রাত্রি, যেখানেই যাই থাকে পাইন গাছ।

এই গুমরানো বিরাগ, এই অবসাদে উন্টে দেয়

ভরা ষট, উজাড় করে আমার জীবনের যা কিছু সব।

এক-কোঁটা তুষার কাদে, আমার সন্ধানে ফেরা তার ছোট্ট ধুমকেতুর

জ্বালজেলে জীর্ণ সাজ দেখিয়ে আমার দুয়োরে ব'সে কাদে,

ফুঁপিয়ে ফুঁপিয়ে কাদে।

দমকা হাওয়া, বিপুল বিস্তার, গোচারণের মাঠে বাতাসের হা হা রব

কেউ কোথাও নেই এসব দেখার।

আমি এগিয়ে যাই, গিয়ে বলি, চলো আমরা যাই। দক্ষিণকে ছুঁই,

চলো বালির মধ্যে

নিজেকে ঢালি, দেখি নীরস কালো উদ্ভিদ, সমস্তই শুধু শিকড় আর

শিলা,

জলে আর আকাশে আঁচড়ানো দ্বীপমালা,

ক্ষুধা নামের নদী, অকারের অন্তঃস্থল,

শোকসাগরের অঙ্গন, আর যেখানে

‘হিস্ হিস্ করে একক সাপ, আর সর্বশেষ
আহত খেঁকশিয়াল গর্ত খুঁড়ে লুকোয় তার রক্তাক্ত সম্পদ ।
ঝড়ের সঙ্গে আমার দেখা হয়, গলায় তার বিদীর্ণ হওয়ার আওয়াজ,
প্রাচীন পুথির কণ্ঠস্বর, তার শত ওষ্ঠের হা-মুখ
আমাকে কী যেন বলে, কী যেন যা প্রতিদিন বায়ুমণ্ডল গিলে নেয় ।

আবিষ্কারকেরা আসে,
তারপর মুছে যায়

জলের সমস্তই মনে আছে কী দশা হয়েছিল সেই অর্ণবযানের ।
তাদের কেরোটিলুলোকে আশ্রয় দেয় কঠিন পরদেশী মাটি,
দক্ষিণী আতঙ্কে তারা শব্দ করে কর্ণেটের মত,
মানুষের আর ঘাঁড়ের চোখ দিনকে অর্পণ করে শূন্য কোটর,
দেয় তাদের আঙুলের আংটি, তাদের অদম্য জাগরণের শব্দ ।
বুড়ো আকাশ পালবাদামের খোঁজ করে,

তাদের একজনও

আজ বেঁচে নেই : ভগ্নহৃদয় নাবিকের ভাস্কর সঙ্গে থাকে
ডোবা অর্ণবযান, আর সোনালী খুঁটিগুলো থেকে,
মারীবীজাতিক গমের চর্মথলি থেকে,
সফরের হিম অগ্নিশিখা থেকে,
(তলদেশে নিশ্চুতি রাতে ডুবো পাহাড়ের আর অর্ণবযানে
সে কী ঠোকাঠুকি !)

পড়ে রইল শুধু মৃতদেহ বিরহিত দখল বিস্তার,
মৃত আঙুনের
এক কালো টুকরো দিয়ে
নামমাত্র ভাঙা নিরবচ্ছিন্ন শূন্যতা ।

কেবল খাঁ খাঁ করা শূন্যতা
ভারী হয়ে বসে ।

রাত্রি, জল, বরফ আশ্বে আশ্বে চূর্ণ করে গোলক,
চতুঃসীমার সঙ্গে ঘোঝে সময় আর সমাপ্তি,

বেগনী চিহ্নাক্রিত, বুনো ইন্দ্রধনুস

অস্তের নীল নিয়ে

আমার দেশের পদযুগ তোমার ছায়ায় নিমজ্জিত

আর দলিত গোলাপ চিংকার করছে ব্যথায় ।

আমার স্মৃতিতে

সেই প্রাচীন আবিষ্কারক

খাল বেয়ে নতুন করে যায়

হিমায়িত রসদ, লড়াইয়ের গৌফদাড়ি,

বরফে-ঢাকা শরৎ, অস্থায়ী আহত কেউ !

যায় তাঁর সঙ্গে, সেই-প্রাচীনের সঙ্গে, যুতের সঙ্গে,

ক্ষিপ্ত জল থাকে উচ্ছ্বসে দিয়েছে

তাঁর সঙ্গে যায় তাঁর যন্ত্রণায়, তাঁর ললাটের সহযোগে ।

এখনও তাঁকে অনুসরণ ক'রে ফিরছে সেই বিশাল সমুদ্রবিহঙ্গ

আর খেয়ে-ফেলা চামড়ার দড়ি, দৃষ্টির বাইরে তাঁর দুই চোখ আর

ভাঙা মাস্তুলের আড়ালে উদরস্থ ইঁদুর

দৃষ্টিহীনভাবে অবলোকন করছে ক্ষুর সমারোহ,

সেই সময় তিমিনীর গায়ের ওপর দিয়ে শূন্যতার মধ্যে

গড়িয়ে গড়িয়ে পড়ছে আংটি আর হাড় ।

মাগেলান ।

যিনি পাশ দিয়ে চলে যাচ্ছেন তিনি কোন্ দেবতা ? দেব তাঁর

দাড়িভর্তি পোকা

আর তাঁর পাতলুন আঁকড়ে রয়েছে

আর ডোবা নৌকোয় কুকুরের মত দাঁত বসিয়ে দিচ্ছে

ভারাক্রান্ত হাওয়া :

তাঁর দেহ্যষ্টি এরই মধ্যে অভিশপ্ত গুরুভার নোঙরের মত হয়ে পড়েছে,

বারদরিয়া শিস দেয় আর উত্তরে বাতাস
তাঁর ভিজে পায়ের দিকে ধেয়ে আসে ।

সময়ের অঙ্ককার ছায়া থেকে

সমুদ্রশামুক,

পোকায় কাটা নাল,

শোকার্ত উপকূলের প্রবীণ দাঠাকুর, অজ্ঞাতকুলশীল
ঈগলের নীড়, নষ্ট কুয়োর জল, প্রণালীর জমির সার
আপনাকে আদেশ করেছে আর আপনার বক্ষে লগ্ন রয়েছে
শুধু সমুদ্রের একটি চিংকারধ্বনির ক্রুশচিহ্ন, একটি সাদা আতঁরব,
সামুদ্রিক আলোর
আর তীক্ষ্ণাগ্র নখরের, ডিগবাজির পর ডিগবাজি ঝাওয়া ;
ধূলিসাৎ অঙ্কশের ।

তিনি পৌঁছোন প্রশান্ত সাগরে

যেহেতু সর্বনেশে সমুদ্রের দিন সাজ হয় একদিন,
আর নৈশ হাত তার আঙুলগুলো একটা একটা করে কাটে
যতক্ষণ না সে শেষ হয়ে যায়, যতক্ষণ না মাহুষের জন্ম হয় :
আর ক্যাপ্টেন নিজের মধ্যে আবিকার করেন ইম্পাত,
আর আমেরিকা তুলে ধরে তার বুদুদ
আর বেলাভূমি তুলে ধরে জন্মের দরুন ঘোলাময়লা উষ্ম মাখামাখি
তার বিবর্ণ ঝাঁড়ি,
তারপর অর্গব্যান থেকে একটা চিংকার ওঠে আর ডোবে
এবং তারপর আরও একটা চিংকার আর তখন ফেনা থেকে জন্ম নেয়
প্রতুষের সকাল ।

সবাই মারা গেছে ।

জল আর উকুনের ভাই সকল, মাংসভুক গ্রহলোকের ভাই সকল,
পরিশেষে ঝড়ের ধাক্কায় মাস্তুলগাছি যে নতশির হয়েছিল
তোমরা কি দেখেছিলে ?

ঝঞ্ঝার প্রমত্ত অকর্ষিত ভূষারের নিচে চূর্ণ হয়েছিল পাথর
 তোমরা কি দেখেছিলে ?
 যাক, এতদিনে তোমরা এখন পেলে তোমাদের হারানো ইন্দ্রলোক ।
 এতদিনে পেলে তোমাদের শাপাস্তকারী ফোঁজ,
 এতদিনে তোমাদের ত্রিশঙ্কু বেতালেরা
 বালির ওপর সীলমাছের পদচিহ্নে চুম্বন করছে ।
 এতদিনে তোমাদের আংটিবিহীন আঙুলগুলোতে এল
 উঁচু মালভূমির একরত্তি সূর্য, যত দিন
 কম্পমান, ঢেউ আর পাথরের আরোগ্যশালায় ॥

মহাসমুদ্র

যদি হয় প্রতিভাত আর শ্যামল তোমার নগ্নতা,
 তোমার আপেল হয় অপরিমেয়, যদি হয়
 অন্ধকারে তোমার মাজুবকা, তবে কোথায়
 তোমার উৎস ?
 রাত্রির চেয়ে মধুরতর
 রাত্রি,
 লবণ,
 মা গো, রক্তাক্ত লবণ, উৎকীর্ণ জলজননী,
 ফেনায় আর মজ্জায় মার্জনা-করা গৃহ ;
 নাক্ষত্র দ্রাঘিমার মহাকায় মধুরতা :
 একটিমাত্র তরঙ্গ হাতে রাত্রি :
 সমুদ্রঈগলের প্রতিপক্ষে বিষম ঝড়
 অতলান্ত গঙ্গকজাত শবণের হাতের নিচে অন্ধ :
 এত বেশি রাত্রিতে ভূগর্ভের গুমঘর,
 শীতল দলমণ্ডল কেবল আশ্ফালন আর পরদেশে হানা,
 নক্ষত্রে সবলে প্রোথিত ক্যাথিড্রাল ।

রয়েছে তোমার উপকূলভাগের বয়ঃসীমায় দৌড় করা সেই জখমী বোড়া,
হিমরেখার আঙুনে প্রতিস্থাপিত,
রয়েছে পাখির পালকসমূহে রূপান্তরিত লাল দেবদারু,
আর তোমার হাতের মধ্যে মিলিয়ে যাওয়া উৎকট কাঁচের বাসন
আর দ্বীপপুঞ্জে আক্রান্ত নিরবচ্ছিন্ন গোলাপ
আর তোমার প্রতিষ্ঠিত জল আর চাঁদের টোপর ।

হে স্বদেশ, তোমার মাটির জন্তে
এই সমস্ত কালো আকাশ !
এই সমস্ত সর্বজনীন ফলমূল, এই সমস্ত
প্রলাপমুখর মুকুট !
তোমার জন্তে এই ফেনার পানপাত্র
বজ্র যেখানে অন্ধ অ্যালবাট্রিসের মত নিজেকে খোঁয়ায়,
আর যেখানে তোমার পুতপবিত্র হালচাল দেখে
উঠে আসে দক্ষিণের সূর্য ॥

নতুন পতাকার নিচে পুনর্মিলন

কে মিছে কথা বলেছে ? পদ্মের পা
ভাঙা, কিছুই তল পাওয়া যাচ্ছে না, সমস্তই কানা করে দেওয়া,
সকলেরই গা-ভর্তি ক্ষত আর অন্ধকারের বাহার জাঁকজমক !
সব কিছুই, টেউয়ের নিয়মে ঢেই-থেকে-টেউ,
সূর্যকান্তমণির অসাব্যস্ত সমাধি
আর ধানছড়ার রুক্ষ স্থলন !
এর মধ্যে আমার পেতেছিলাম বুক, সমস্ত অদৃষ্টচালিত
লবণের দিকে পেতেছিলাম কান, আমার শিকড়
আমি গাড়াতে গিয়েছিলাম রাজে :
আমি তদন্ত করেছি মাটির তিস্ততার বিষয়ে,

আমার কাছে সমস্তই ছিল হয় যামিনী নয় দামিনী :
আমার মাথার ভেতর লাগানো ছিল গোপন মোম
আর পদচিহ্নে ছড়ানো ছিল ছাই ।

আর মৃত্যুর জন্তে যদি না হবে
তবে কার জন্তে আমি চুঁড়েছি এই ঠাণ্ডা নাড়ীর স্পন্দন ?
যেখানে কেউ আমাকে গুনতে পায় না,
সেই পরিত্যক্ত অন্ধকারে কোন্ যন্ত্র আমি হারিয়েছি ?
না,

এবার সময় হয়েছে, পালাও,
রক্তের ছায়ারা
নক্ষত্রের হিমালী, মানুষের পায়ের শব্দ গুনলেই হটে এসে
আর আমার পায়ের তলা থেকে কালো ছায়াটা সরিয়ে নাও !

মানুষের দলে আমার হাতও তেমনি জখম
আমি ধরে আছি একই লাল পানপাত্র
আর সমান ক্রুদ্ধ বিষয় :
একদিন

মানবিক স্বপ্নে
টগবগ করতে করতে
এক বুনো ঘোড়া এল
আমার সর্বগ্রাসী রাতে
যাতে আমি আমার নেকড়ে বিক্রমে
মানুষের পায়ে পায়ে যেতে পারি ।

আর এইভাবে, পুনর্মিলিত,
একনিষ্ঠভাবে কেন্দ্রগত, আমি আশ্রয় খুঁজি না
কান্নার কোটরে : আমি দেখাই
মৌমাছির ভাগুর : মানুষের সূর্যের জন্তে
ঝলমল করা রুটি : রক্তের দূর ব্যবধানে
একটি গোধূম দেখার জন্তে

রহস্যের মধ্যে নিজেকে প্রস্তুত করে নীলিমা ।

কোথায় আসন পাতা তোমার গোলাপের ?
কোন্‌খানে তোমার নক্ষত্রের চোখের পাতা ?
তুমি কি ভুলে গিয়েছিলে
তোমার ঘর্মান্ত সেই আঙুলগুলো মরীয়া হয়েছিল
বালির নাগাল পেতে ?

ও শান্তি, বিষাদব্যথিত হে সূর্য,
ও শান্তি, অন্ধচক্ষু হে ললাট,
জলন্ত জায়গা আছে তোমার জন্তে সডকে,
প্রহেলিকাবর্জিত পাথর তোমাকে চোখে চোখে রাখে,
আছে পলাতক, দিগম্বর, অনুধ্যায়ী নরক,
এক ক্ষিপ্ত নক্ষত্র নিয়ে কারার নৈশব্যামালা ।

কৌপানির মুখে একসঙ্গে হওয়া !

যথেষ্ট সময় হয়েছে
মাটির আর স্রুভির, ভয়ঙ্কর লবণ থেকে সড়াউখিত
এই মুখের দিকে তাকাও,
চেয়ে দেখ স্মিতহাস্যের এই তিক্ত হামুখের দিকে,
চেয়ে দেখ এই নতুন হৃদয়
সঙ্কল্পবদ্ধ আর সোনালী রঙের উপ্‌চানো ফুল নিয়ে তোমাকে সন্তাষণ
করছে ॥

মাতৃ পিক্চুর শিখর থেকে

১

শূন্য জালের মতন হাওয়া থেকে হাওয়ায়

আমি গেলাম রাস্তা আর বায়ুমণ্ডল

এই দুইয়ের মাঝখান দিয়ে,

নতুন পাতার বোধন আর বিসর্জনের পর্ব নিয়ে আসা

শরতের আবির্ভাবের ভেতর দিয়ে,

বসন্ত আব গুচ্ছাকারে গোধুম

এ দুইয়ের মাঝখান দিয়ে

যেন একটা পড়ন্ত দস্তানার ভেতব,

যেখানে মহত্তর পেম

চাঁদের দীর্ঘ বিলম্বিত উদয়ের মত কিছু আমাদের দেয়।

(রৌদ্র ঝলকিত দিনগুলো আমি কাটাই দলবদ্ধ দেহেব

অল্পের শব্দহীনতায় রূপান্তরিত ইম্পাত :

শেষ পুলকণা পর্যন্ত রহস্য-অনাবৃত রাত্রি

স্বয়ং প্রতীভূমির ব্যুৎসঙ্গিত বেলাতট।)

বেহালার ভিড়ে আমার জন্তে অপেক্ষা করে ছিল একজন

মাটি-চাপা-পড়া মিনারের মত সে এক পৃথিবীকে উদ্ঘাটিত করেছিল

সমস্ত ভগ্নস্বর গন্ধকবর্ণ পাতার নিচে

লীন হয়ে আছে যে মিনারের সপিল।

এবং আরও নীচে, খনিজ সোনার মধ্যে

উষ্ণার পটি জড়ানো তরবারির মত

আমি আমার স্বকুমার দামালো হাত

নিমজ্জিত করেছিলাম মাটির মনোমুগ্ধকর জননেন্দ্রিয়ের মধ্যে।

আমি আমার কপাল রেখেছিলাম

নিচে তরঙ্গমালায়,

জলের একটি ফোঁটার মত আমি গড়িয়ে গিয়েছিলাম গন্ধকময় শান্তিতে

আর যেন একজন অন্ধের মত, আমি ফিরে এলাম
ক্ষয়িত মানবিক বসন্তকালের জুঁইফুলের কাছে ।

২

ফুল যদি ফুলকে অর্পণ করে তার অন্তিম বীজ
আর পাহাড় যদি রক্ষা করে তার বিক্ষিপ্ত মুকুল
হীরক আর বালুকার দলিতমথিত সাজে,
গর্জমান সমুদ্রের ভয়ঙ্কর স্রোত থেকে কুড়িয়ে এনে
আলোর পাঁপড়িগুলোকে মানুষ কুঁকড়ে মুকুড়ে ফেলে
আর তার হাতের ভেতর নড়ে-চড়ে-ওঠা ধাতুকে সে গড়ন দেয় ।
আর অচিরে, মুষড়ে-পড়া টেবিলের ওপর, জামাকাপড় আর ধোঁয়ার
মধ্যস্থানে, তাস-ভাঁজা একটি রাশির মত,
হাতে থাকে আস্রা :

জাগরক স্ফটিক, সমুদ্রে মর্মযাতনা

শীতের ডোবার মত : তবু

সেটাকে কষ্ট দাও আর মেরে ফেল কাগজ আর ঘৃণা দিয়ে .

দিনগুলোর গাল্‌চের ভেতর শ্বাস রোধ ক'রে মারো,

ভারের বৈরী আবরণের মধ্যে ফালা ফালা ক'রে চেরো ।

না : ছুটদোর, আসমান, দরিয়া বা সড়ক বরাবর

কে পাহারা দিচ্ছে তার রক্ত (টকটকে লাল আফিমফুলের মত)

ছুরিছাড়া ?

মানুষ কেনাবেচার সওদাগরদের

বিষম পণ্যগুলোকে দলা পাকিয়ে দিয়ে গেছে করাল ক্রোধ,

যখন একটা হাজার বছরের ভেতর দিয়ে শিশির

প্লাম গাছের মাথার ওপর ফেলে গেছে তার স্বচ্ছ অক্ষর,

সেই একই অপেক্ষমাণ শাখায়, হা হৃদয়,

শরভের গুহাকন্দরে পিষ্ট হা কপাল !

কত বার যে কোনো শহরের শীতকালীন রাস্তায়, অথবা

অটোবাসে বা জাহাজে গোধূলিতে, অথবা রাত্রে, সেই নিবিড়িতম

নির্জনতায় : কোনো বন্ধুসম্মেলন, ঘণ্টাধ্বনি আর সশব্দ ছায়ায় নিচে,
মানবিক ভোগস্বপ্নের ঠিক সেই নকল গুচ্ছাতেই, আমি চেয়েছিলাম
তখনকার মত থামতে

এবং সেই দুঃস্বপ্ন চিরন্তন ধমনীর সন্ধান করতে

যা আমি ইতিপূর্বে ছুঁয়েছিলাম পাথরে

অথবা চুস্বনের স্থলিত বজ্রে ।

(শব্দের দানায় থাকে অন্তহীন অন্ধুরের স্তরে স্তরে বড় স্নেহে

‘আমার কথাটি ফুরোয় না’-বলা থৈ-ফোটানো বুকের বীজকুঁড়ির

চিরকেলে গল্প,

আর চিরদিন সেই একভাবে একটানা চলে গজদন্তের ভেতর দিয়ে,

আর জলের দর্পণে স্পষ্ট দেখা যায়

পিতৃভূমি, বেজে ওঠার একটা ঘণ্টা, ওদিকে দূরের তুষার থেকে

এদিকে রক্ত-আধার করা তরঙ্গ পর্যন্ত ।)

খুব বেশি হলে আমি ধরতে পেরেছিলাম একগুচ্ছ মুখ,

হঠকারী মুখোশ, যেন সোনার শূন্য আংটি

যেন ইতস্তত বিক্ষিপ্ত জামাকাপড়, এক দুর্দান্ত শরতের বালখিল্যের দল

যারা ভয়াব্র জাতিগুলোর শোচনীয় গাছটা ধ’রে নাড়াচ্ছে ।

আমার হাত রাখার এমন কোনো জায়গা পাই নি

যা নদীর মত সাবলীল অথবা যা

পাথুরে কয়লা বা স্ফটিকখণ্ডের মত স্ফুট,

যাতে আমার পৌঁছানো হাতে ফিরে আসে উষ্ণতা অথবা শীতলতা ।

মানুষ বলতে কী ছিল ? বাঁশী আর মালগুদামের মাঝখানে

তার প্রকাশে কথার কোন্ অংশে, তার ধাতব গতিগুলোর

কোন্টাতে অজর, অক্ষর জীবন বাস করত ?

মানুষকে মাড়াই করা হয়েছে ভুট্টার মত

হত কৃতকাজের, দুঃখাবহ ঘটনাবলীর অন্তহীন থামারে,

প্রথম থেকে সাত পর্যন্ত, আট পর্যন্ত,
 আর প্রত্যেকটিতে এসেছে একটি যুত্ম নয়, বহু যুত্ম :
 প্রতিদিন এইটুকু এইটুকু যুত্ম, ধুলো, কুমিকীট, শহরতলির কাদার মধ্যে
 নির্বাচিত ল্যাম্পো, একটা ছোট ধুমসো-ডানার যুত্ম
 একটা বাঁটকুল বল্লমের মত প্রত্যেকটি মানুষকে ফুঁড়েছে :
 ক্রটি বা ছুরি
 যেদিক দিয়েই যা মার। হোক,
 হাতে যে গরু খেদিয়ে নিয়ে যায়, যে জাহাজবাটের অন্নদাস,
 যে লাঙল-ঠেলা গোলা লোক,
 অথবা হট্টগোলে রাস্তায় যে খরখরিয়ে যায় :
 তারা সবাই হাল ছেড়ে দিয়ে যুত্মের অপেক্ষায়, তাদের সংক্ষিপ্ত দৈনিক
 যুত্ম :
 আর তাদের দিনগুলোব বিষয় ভেঙে-পড়া হয়েছে সেই বিরস পানপাত্র
 যাতে তারা ভয়ে কাঁপতে কাঁপতে চুমুক দিচ্ছে ।

৪

পরাক্রান্ত যুত্ম আমাকে আমন্ত্রণ জানিয়েছে বহুবার :

এটা ছিল যেন তরঙ্গমালার অদৃশ্য লবণ,
 আর এর অদৃশ্য স্বাচ্ছন্দ্য থেকে যা বেরিয়ে এল
 সেটা দেখাল অর্ধেক গিরিশৃঙ্গ আর অর্ধেক হিমালী সম্প্রপাতের মত
 অথবা বাতাস আর হিমবাহের বিপুল গাঁথুনির মত ।
 আমি এলাম যেখানে লৌহের কিনারা, বায়ু প্রণালী,
 কৃষি আর পাহাড়ের কাফন,
 শেষ ধাপের নাক্ষত্র শূন্যতা
 আর মাথা-ঝিমঝিম-করা ঘোরালো রাজপথ :
 কিন্তু বিস্তীর্ণ সাগর, ওহে যুত্ম ! তুমি তো আসো না ঢেউয়ের পর
 ঢেউ হয়ে,
 তুমি আসো রাত্রির মোট যোগফলের মত
 নৈশ স্পষ্টতায় টগবগিয়ে ।

তুমি কখনও আসো নি পকেট হাঁটকাতে হাঁটকাতে, ভাবাই যায় না
তুমি আসছ শালদোশালা না চড়িয়ে :
পরিবৃত নৈঃশব্দের উষারাগের কার্পেট ছাড়া :
দুঃখের অভ্যাস অথবা সমাহিত উত্তরাধিকার ছাড়া ।

আমি ভাল বাসতে পারি নি প্রত্যেক সস্তার ভেতরের সেই গাছকে
যে ঘাড়ে নিয়ে আছে ক্ষুদ্রকায় তার শরৎ
(একটি হাজার পাতার মৃত্যু),
যাবতীয় ভূয়ো দেহত্যাগ আর পুনরুজ্জীবন
মর্ত্যবিহীন, পাতালবিহীন :
আমি সাঁতরে যেতে চেয়েছিলাম ব্যাপকতম জীবনের ভেতর দিয়ে,
মুক্ততম নদীর মোহনায়,
আর যখন একটু একটু ক'রে মানুষ আমাকে ফিরিয়ে দিল
আর এমনভাবে তার জায়গা আর দরজা এঁটে দিতে আরম্ভ করল যাতে
আমার প্রবহমান হাত তার আহত অনস্তিত্বে না ঠেকে,
তখন আমি চলে গেলাম রাস্তা থেকে রাস্তায় আর নদী থেকে নদীতে,
আর শহর থেকে শহরে আর বিছানা থেকে বিছানায়,
আর আমার নোনা মুখোশ মকভূমি পেরিয়ে গেল,
আর সেই শেষ হতমান বালিগুলোতে আলো, আগুন,
রুটি, পাথর কিছু না, নৈঃশব্দ্য না, একা,
আমি গড়াগড়ি খেতে লাগলাম, নিজের মৃত্যুতে মরে যেতে যেতে ।

৫

রুক্ষ পালকের পাখি, হে গন্তীর মৃত্যু,
এইসব বাসাবাড়ির অভাগা ওয়ারিশ নাকেমুখে গুঁজে ছবেলা খাওয়ার
মাঝখানে, শূন্য চামড়ার নিচে
যেটাকে বয়ে নিয়ে চলেছিল, সেটা তুমি ছিলে না :
ছিল আর কিছু, উৎসন্ন তন্ত্রীর এক ক্ষীণপ্রাণ পাঁপড়ি,
বুকের এক পরমাণু যা লড়াইয়ের ভেতরে যায় নি
অথবা হাকুচ তেতো শিশির যা ললাট স্পর্শ করে নি ।

এটি ছিল যার পুনর্জন্ম হতে পারে নি,
 শাস্তিহীন বা রাজ্যহীন সেই ছোট মৃত্যুর ভাঙা একটি অংশ :
 একটি হাড়, বাজাবার একটি ঘণ্টা যা লোকটির মধ্যে মারা গিয়েছিল ।
 আমি আয়োড়িনের ব্যাণ্ডেজটা ওঠালাম, হাত ডুবিয়ে দিলাম
 মৃত্যুকে হনন করা দুর্ভাগ্য দুঃখগুলোর মধ্যে
 আর সেখানে আত্মার দুর্লভ ফাঁকফোকরের ভেতর দিয়ে বয়ে-যাওয়া
 ঠাণ্ডা হাওয়ার ঝিরঝির ছাড়া আর কিছুই আমি খুঁজে পেলাম না ।

৬

তখন আমি মাটির সিঁড়ি বেয়ে উঠে এলাম
 হারানো অরণ্যের ভয়ঙ্কর গোলক-ধাঁধার ভেতর দিয়ে

তোমার কাছে, মাচু-পিক্চু ।

ধাপে ধাপে উঠে যাওয়া পাথরের ঢ্যাঙা শহর,
 সবশেষে, মাটি তার রাতের জামার মধ্যে লুকিয়ে রাখে নি
 তার মোকাম ।

তোমাতে দুটি সমান্তরাল রেখার মতন
 বিদ্যুৎ আর মাহুঘের দোলনায়
 দোল দিয়ে গিয়েছিল এক কণ্টকিত হাওয়া ।

পাথর মা, কন্ডুর^১দের মুখের ফেনা ।

মানবিক প্রত্যুষের উত্তুঙ্গ শৈলশিরা ।
 আদিমকালে বালুগর্ভে হারানো কুড়াল ।

এই হল সেই আস্তানা, এই সেই স্থান :
 এখানে উঠে এসেছিল ধাপে ধাপে ফসলের গোটা দানা
 'লাল শিলাবৃষ্টির মত নতুন ক'রে নেমে যাবার জন্তে ।

১ দক্ষিণ আমেরিকার এই বিশাল শহরের পাথর বিস্তার বারো ফুট ।

এখানে ভিকুনা^১ মোচন করেছিল তার পশম
কবর, ভালবাসা, জননী,
রাজা, পূজাপ্রার্থনা, যোদ্ধা সবাইকে সজ্জিত করতে ।

এখানে নিশাকালে মাহুঘের পা-সকল
ঈগলদের পা-সকলের পাশে বিশ্রাম করেছিল, তাদের তুঙ্গ
মাংসাশী বিবরে, আর রাত্রি প্রভাত হলে
পায়ের নিচে মাড়িয়েছিল ফিনফিনে কুয়াশা যার পাশে বজ্রের পায়ের
প্রান্তর আর প্রস্তর ছুঁয়ে
যতক্ষণ না তাদের জেনেছিল এসেছে রাত্রি অথবা মৃত্যু ।
আমি চেয়ে চেয়ে দেখি জোকাপুলো, আর হাতগুলো,
গমগমে গুম্ফায় জলের চিহ্ন,
দেয়াল মস্তণ হয়ে আছে একটি মুখের ছোঁয়ায়
যে মুখ আমার চোখ দিয়ে তাকিয়েছিল পার্থিব বাতিলগুলোর দিকে,
আমার হাত দিয়ে যে তেল সেচন করেছিল বিলীন হওয়া কাঠে :
হায় সব কিছুর, পোশাক, ছাল, জালা,
কথা, মদ, রুটি
সব গত, সব ভুলুপ্তিত ।
আর হাওয়া নারঙ্গি ফুলের আঙুল নিয়ে
বয়ে গিয়েছিল নিদ্রিতদের ওপর দিয়ে : একেকটা হাজার বছরের
হাওয়া, মাস-জোড়া, সপ্তাহ-জোড়া হাওয়া,
নীল প্রবল বাতাস, লৌহ পর্বতমালায়,
পদক্ষেপের মৃদু ঝঞ্ঝার মত তা বয়ে গিয়েছিল
পাথরের নির্জন বাসস্থল ঘসে মেজে চকচকে করে ।

৭

একটি একক পাতালের প্রাচীন মৃত, একটি গিরিদরির ছায়াসমূহ,
এই গহীন টান তোমার মহেশ্বের পরিমাপ ;

১ উট পরিবারের মেমসদৃশ আলপাকা ধরনের বড় প্রাণী ।

যখন মৃত্যু এল, অথণ্ড, সর্বগ্রাসী,
 তুমি কি নিচে ঝাঁপ দিয়েছিলে মর্মান্বিত পাথরগুলো থেকে.
 লাল টকটকে রাজধানীগুলো থেকে,
 আরোহী জলপ্রণালীগুলো থেকে
 যেন কোনো এক শরতে,
 এক একক মৃত্যুতে ?
 আজ সেই কোল-খালি-করা বাতাস আর কাঁদে না,
 তোমার মন্মথ পা ছুটো আর চেনে না,
 যখন বিদ্যুতের ছুরিতে বিদীর্ণ হত আকাশ
 আর ঝড়ের দাপটে পড়া বিশাল গাছ
 কুয়াশা এসে থেয়ে নিত,
 তখন সেই আকাশকে ছুঁকে নিত তোমার যেসব কলস
 বাতাস আজ তাদের ভুলে গেছে ।

উচুতে তোলা হাত ঝপ্ ক'রে পড়ে গেছে
 শিখর থেকে সময়ের অস্তিত্বে ।
 তোমার আব অস্তিত্ব নেই, উর্গনাভ বাহু, ভঙ্গুর
 তন্তু, জড়ানো-মড়ানো কাপড়, তুমি বলতে যা কিছু ছিল
 সবই ধূলিসাৎ : আচারবিচার, জীর্ণ স্বরব্যঞ্জন,
 আলোর ঝাঁক থেকে বাঁচার মুখোশ ।

শুধু খাড়া আছে প্রস্তর আর শব্দের এই স্থায়িত্ব :
 যারা জীবিত, যারা মৃত, যারা স্তব্ধ, তাদের সকলের হাতে হাতে
 উচু-করা
 পানপাত্রের মত, এত এত মৃত্যু দিয়ে, প্রাচীর দিয়ে বাঁচিয়ে রাখা
 এই নগরী : এত এত জীবন থেকে উঠে আসা পাথরের পঁপড়ি :
 স্মৃতিরকালের গোলাপ, বসবাসের জায়গা.
 বরফ-জমাট উপনিবেশের এই আন্দোলনের প্রবাল দ্বীপ ।

যখন মেটে রঙের হাত
 মাটি হল, আর ছোট ছোট চোখের পাতা বুঁজে গেল,

ভাতি হল কর্কশ প্রাকারে, ছেয়ে গেল প্রাসাদে,
 আর যখন মানুষের সবটাই মুড়ে রাখা হল তার গর্তে,
 হাতের সূক্ষ্ম কাজ থেকে গেল, আকাশে, পত পত ক'রে উড়তে লাগল :
 মানুষের উদয়কালের স্মৃহৎ পীঠস্থান :
 নৈঃশব্দ্য ধারণ করার সবচেয়ে উন্নতকায় আধার :
 কত কত জীবনের পর একটি প্রস্তর জীবন ।

৮

আমেরিকার ভালবাসা, আমার সঙ্গে ওঠো ওপরে ।

আমার সঙ্গে এই গুঢ় প্রস্তরগুলো চুম্বন করো ।

উরুবাঙ্গার ঝমঝম করা রূপো
 তার পীত পেয়ালায় উড়ো পরাগকে টানে ।
 দ্রাক্ষার, শিলীভূত গুল্মের,
 কঠিন মাল্যের শূন্যতা
 পর্বতমালার চড-থেয়ে-চুপ-করা স্তম্ভতাব মাথার ওপর উঠে যায় ।
 এসো যৎসামান্য প্রাণ, মাটির দুই পাথার মাঝখানে.
 আর, ওহে বুনো জল, স্বচ্ছ আর কনকনে,
 আচ্ছায়িত-প্রহার-খাওয়া বাতাস, দুহাতে যোদ্ধাবেশে পান্না ছড়াতে
 ছড়াতে

তুষার থেকে নেমে এসো
 ভালবাসা রে ভালবাসা, যে পর্যন্ত না ঝুপ্ ক'রে রাত্রি নাগে,
 আন্দেয়াসের অম্লরগিত শৈলশিরা থেকে,
 উষার রাঙানো জাহুর অভিমুখে,
 তুষারের অন্ধ তনয়কে ধ্যান করো ।

বংকৃত তন্ত্রীর হে উইল্‌কামায়ু,
 যখন তুমি তোমার রেখায়িত বজ্রকে ভেঙে ফেলো
 আহত তুষারের মতন সাদা ফেনায়,

যখন তোমার কুটিল বায়ুঝড় গান গাইতে গাইতে
আর ধুনে দিতে দিতে আকাশকে চাগিয়ে তোলে
তখন তোমার আন্দোলনের ফেনা থেকে সত্তা উৎক্ষিপ্ত কানে
কোন ভাষা তুমি পৌঁছে দাও ?

কে হিমের বিজলিকে পাকড়াও করেছিল
আর শিখরগুলোর ওপর শিকলে বেঁধে তাকে ফেলে রেখে গিয়েছিল ?
তার বরফজমাট অশ্রু খণ্ড খণ্ড হয়ে,
তার দ্রুতবেগ বল্লমগুলো কাঁপতে কাঁপতে,
তার মারমুখো তন্তুগুলো আছড়াতে আছড়াতে
চলে গেল যেখানে যোদ্ধার সমাধি.
ভয়ে চমকে উঠে যেখানে তার পাথুরে সমাপ্তি ।

চারদিক থেকে ঘেরাও হওয়া তোমার প্রতিবিশ্বগুলো কী বলে ?
গুপ্ত বিদ্রোহী তোমার বিদ্যুৎ রশ্মিগুলো আগে কখনও কি
কথার ভিড়ে ঠাসাঠাসি হয়ে ভ্রমণ করেছে ?
কে ভেঙে চুরমার করে হিমজমাট স্বরব্যঞ্জন.
প্রহেলিকার ভাষা, সোনার-বরণ কেতন ।
গভীর মুখগহ্বর, চাপা চিৎকার,
তোমার ক্ষীণ নাড়ীর জলের মধ্যে ?

মাটি বেয়ে দেখতে আসা
ফুলের চোখের পাতায় কেটে কেটে চারুকের ঘা বসায় কে ?
কে গড়িয়ে দেয় মৃত স্তবকগুলো
তোমার বর্নার মতন আছড়ে-পড়া হাত বেয়ে
যাতে তাদের রাতেব ফসলগুলো পেটাই হয়ে
তোমার ভূগর্ভের কয়লায় পরিণত হতে পারে ?

কে ছুঁড়ে দেয় শৃঙ্খলিত শাখা পাহাড়ের খাড়াইতে
কে আবার বিদায়গুলোকে কবরস্থ করে ?

ভালবাসা, রে ভালবাসা, সীমান্তরেখা যেন ছুঁয়ো না,
যেন পুজো ক'রো না নিমজ্জিত মাথা :
সময়কে পরিপূর্ণ করতে দাও তার উচ্চতা
তার শ্বাসরুদ্ধ বসন্তের মঞ্জিলে,
এদিকে বাঁধ আর ওদিকে খরশ্রোত
মধ্যখানে নিশ্বাসের বাতাস জুটিয়ে নাও শ্রেফ পাহাড়ী পথ থেকে,
হাওয়ার সমান্তরাল পাতলা পর্দার ঘেরাটোপ থেকে,
গিরিশ্রেণীবিহ্বাসের অন্ধ গলিপথ থেকে,
শিশিরের কটু গন্ধের কুনিশ থেকে,
আর চড়াই ভেঙে ওঠো, ফুল থেকে ফুলে নিবিড়তার ভেতর দিয়ে ।
বিক্ষেপিত সাপ মাড়িয়ে ।

গিরিশৃঙ্গ, শিলা আর অটবী,
রেণু রেণু সবুজ নক্ষত্র, ভাস্বর জঙ্ঘল —
এই মণ্ডলের মধ্যে যেন একটি জীবন্ত হৃদ
অথবা আরও একটি নৈঃশব্দের স্তরের মত
বিস্ফোরিত হয় মাস্তুর ।

এসো আমার ঐকান্তিক সত্যায়, আমার নিজস্ব প্রত্যাষে,
অভিষিক্ত নির্জনতা বরাবর ।
মৃত রাজ্যপাট এখনও জীবন্ত ।
এবং সূর্যঘড়ির আড়াআড়ি বিশাল শঙ্কনের নির্দয় ছায়া
কালো জাহাজের মত টহল দিচ্ছে ।

৯

দক্ষিণী ঈগল, কুহেলির দ্রাক্ষাশ্ফেত ।
হারানো বুরুজ, অঙ্কচক্ষু শমশের ।
তারকা মেথলা, নৈবেদ্যের রুটি ।
মুঘলধারা মই, অমেয় চোখের পাতা ।
জিকোণাকার আংরাখা, পাথরের পরাগ ।

গ্রানাইটের প্রদীপ, পাথরের রুটি ।
 খনিজ সরীসৃপ, পাথরের গোলাপ ।
 জলমগ্ন জাহাজ, পাথরের ঢল ।
 চাঁদ-ঘোড়া, পাথরের আলো ।
 বিসুবীয় বর্গক্ষেত্র, পাথরের বাষ্প ।
 প্রান্তিক জ্যামিতি, পাথরের বই ।
 বাতাসে কুপিয়ে কাটা হিমশৈল ।
 নিমগ্ন সময়ের প্রবাল-প্রাচীর ।
 আঙুল দিয়ে মসৃণ দেয়াল ।
 পালকের ঝড়ে আক্রান্ত মাথার চাল ।
 প্রতিবিম্বিত গাছের ডাল, ঝড়ের ভিত্তিমূল ।
 পাতায় পাতায় জড়িয়ে ওল্টানো সিংহাসন ।
 নির্দয় নথরের রাজহু ।
 ঢালুতে নোঙর ফেলা বায়ুঝড় ।
 স্তব্ধগতি আশমানী রঙের জলপ্রপাত ।
 ঘুমকাতুরেদের পিতৃশাসিত ঘণ্টা ।
 পরাভূত তুষাব সমূহের শৃঙ্খল ।
 প্রস্তর মূর্তিতে হেলান-দেওয়া লৌহ ।
 অগম্য, অবরুদ্ধ ঝঞ্ঝা ।
 পুমা বেড়ালের হাত, বক্তৃপিপাসু শিলা ।
 ছায়াময় মিনার, তুষারময় আলাপ ।
 আঙুলে আর শিকড়ে উদ্ধৃত রাত্রি ।
 কুহেলির বাতায়ন, শিলীভূত বনকপোত ।
 নৈশ লতাগুল্ম, বজ্রের প্রস্তর মূর্তি ।
 অপরিহার্য গিরিশ্রেণীবিজ্ঞাস, সামুদ্রিক ছাদ ।
 হত ঈগলদের স্থাপত্যশিল্প ।
 আকাশ-দড়ি, পাহাড়ী মধুমক্ষিকা ।
 রক্তমাখানো বিমান, বিনির্মিত নক্ষত্র ।
 খনিজ বুদ্ধদ, ফটিক চাঁদ ।

আন্দ্যেসের সরীসৃপ, পারিজাত ভুরু ।
 নৈশক্যের গম্বুজ, বিস্তৃত পিতৃভূমি ।
 সাগরের নববধূ, ক্যাথিড্রাল বৃক্ষ ।
 লবণ-শাখা, কৃষ্ণ-পক্ষ চেরী গাছ ।
 তুষারাবৃত দাঁত, হিম বজ্র ।
 নখরাহত চাঁদ, মারমুখী পাথর ।
 ঠাণ্ডা চুলের গুচ্ছ, বাতাসের ক্রিয়াকলাপ ।
 রক্তত ঢেউ, সময়ের নিশানা ।

১০

পাথরের ওপর পাথর : মাহুষ, কোথায় সে ছিল ?
 বায়ুর ওপর বায়ু : মাহুষ, কোথায় সে ছিল ?
 সময়ের ওপর সময় : মাহুষ, কোথায় সে ছিল ?
 তুমিও কি তখন ছিলে, নিষ্পত্তিহীন মাহুষের,
 ফাঁপা ঈগলের ছোট ভগ্নাংশ,
 যা আজকেব রাস্তা দিয়ে পায়ের চিহ্ন ফেলে,
 মৃত শরতেব পত্রাবলী নিয়ে
 কবব অবধি আত্মাকে মাড়িয়ে চলে যায় ?
 হায় রে হস্ত, পদ, হায় জীবন...
 যার জট খোলা হয় নি সেই আলোর দিনগুলো
 তোমার ওপর পড়েছে ঝুটির মতন
 উৎসবের বান্দেরিলা'র ওপর, তারা কি
 তাদের দুজ্জের খাবার একটির পর একটি পোঁপ্‌ড়ি ধ'রে ধ'রে
 তোমার শূন্য হামুখের মধ্যে ফেলে দিয়েছে ?
 ক্ষুধা, মাহুষের প্রবাল,
 ক্ষুধা, নিহিত গাছ, কার্টুরিয়্যার বৃক্ষমূল,
 হে ক্ষুধা, তোমার খাঁজকাটা শৈলশিরা কি
 উচু উচু এইসব পড়ন্ত মিনার অবধি উঠেছিল ?

১ পতাকা লাগানো এই লৌহখলাকা বাঁড়ের সঙ্গে লড়াইয়ের সময় ব্যবহার করা হয় ।

সড়ক পরিবহণের লবণ, আমি তোমাকে প্রণ করছি,
আমাকে দেখাও চামচ, স্থাপত্যবিদ্যা, আমাকে একটা লাঠি দিয়ে
তোমার পাথরের পুংকেশরগুলো খাবলে নিতে দাও,
বায়ুমণ্ডলের সমস্ত ধাপ পেরিয়ে শূন্যতায় উঠে যেতে দাও,
তোমার অস্ত্র চাঁছতে চাঁছতে শেষ পর্যন্ত মানুষে পৌঁছতে দাও ।

মাচু পিক্চু, তুমি কি পেতেছিলে
পাথরের ওপর পাথর, আর একেবারে গোড়ায়, একটা ছেঁড়া কাপড় ?
কয়লার ওপর কয়লা, আর সবার নিচে, একফোঁটা চোখের জল ?
সোনার ওপর আঙুন, আর তার ভেতরে কম্পমান,
রক্তের লাল বৃষ্টিবিন্দু ?
যে ক্রীতদাসকে কবর দিয়েছিলে আমায় তাকে ফিরিয়ে দাও ।
মাটির গলায় পা দিয়ে বার ক'রে আনো দুর্ভাগাদের
কষ্টার্জিত রুটি, আমাকে দেখাও
ভূমিদাসের পরনের কাপড় আর তার জানলা ।
বেঁচে থাকতে সে কেমন ক'রে ঘুমোত আমাকে বলো ।
আমাকে বলো তার তন্দ্রার মধ্যে ফাঁসফেঁসে শব্দ হত কিনা,
অর্ধেক হাঁ ক'রে, যেন ক্লাস্তিতে দেয়ালের গায়ে
একটা কালো ফুটো ।
দেয়াল, সেই দেয়াল ! আমাকে বলো মেঝের প্রত্যেকটা পাথর
তার ঘূমের ওপর তার চাপাত কিনা, আর তার নিচে সে পড়ে
থাকত কিনা,
যেন কোনো চাঁদের নিচে থাকার মতন, মৃত্যুভূল্য ঘূমে ।
হে প্রাচীন আমেরিকা, হে নিমগ্ন নববধূ,
তোমার আঙুল ও অরণ্য থেকে উথিত হয়ে
দেবতাদের খাড়া শূন্যতার অভিমুখে,
আলো আর মহিমার মাস্কলিক ধ্বজার নিচে,
দামামা আর বর্ষার বজ্রনিম্নাদে মিশে,
তোমার আঙুলও কি, যে আঙুল
তুলে এনে লাগিয়েছে নির্বস্তক গোলাপ, রূপরেখায়িত শীতলতা,

নতুন শাস্ত্রদানার রসের ছোপ লাগা বুক, যে পর্যন্ত
 বিচ্ছুরিত পদার্থের উর্গা, চিড়-ধরা পাথর,
 তুমিও, নিমগ্ন আমেরিকা, তুমিও কি
 অস্ত্রের অন্ততরতম তিজ্ঞতায়, ঈগলের মত,
 ধারণ করো ক্ষুধা ?

১১

ধোঁয়াটে জাঁকজমকের ভেতর দিয়ে,
 পাথুরে রাত্রির ভেতর দিয়ে, আমাকে ঢোকাতে দাও আমার হাত
 আর হাজার বছর ধরে বন্দী একটি পাখির মত
 যে বিস্মৃত, তার প্রাচীন হৃৎপিণ্ড
 আমার মধ্যে স্পন্দমান হোক ।
 আমি যেন ভুলে যাই আজ সাগরের চেয়েও উদার এই আনন্দ
 কেননা, মাহুঘের বিস্তার সাগর আর তার দ্বীপপুঞ্জের চেয়েও বেশি,
 আর মাটি খুঁড়ে নলকূপের মত তাকে বসাতে হয়,
 ভূগর্ভ থেকে তবে উঠে আসে নিহিত জলের,
 মগ্ন সত্যের একটি শাখা ।
 প্রশস্ত প্রস্তর, আমাকে ভুলে যেতে দাও তোমার শক্তিশালী অহুপাত,
 তোমার সীমা-ছাড়ানো পরিমাপ, তোমার বহুছিদ্র পাথর,
 আর আজ আমার হাত পিছলে গিয়ে পড়ুক জ্যামিতির বর্গক্ষেত্রে,
 তার মর্মঘাতনাকর রক্ত আর যমদণ্ডের অতিভুজে ।
 যখন, লাল গুব্বের পাখায় তৈরি ঘোড়ার নালের মত, প্রচণ্ড
 রামশকুন^১ তার ওড়ার ছন্দে আমার বুকে ঘা দেয়
 আর সেই গৃধ্রু পাখার ঝড়
 কোঁটিয়ে নিয়ে যায় কোনাকুনি সিঁড়ির থমথমে ধুলো,
 আমি তখন দ্রুতগতি হিংস্র পাখিকে দেখি না,
 দেখি না তার বক্রনখরৈর অঙ্ক আবর্তন,
 আমি দেখি পুরাকালের লোক, ভূত, মাঠে

ধুমন্ত, আমি দেখি একটি শরীর, হাজারটা শরীর,
 একজন মানুষ, হাজারটা নারী,
 জলে আর রাত্রিতে বর্ণ কালি হওয়া, কালো হাওয়ার নিচে,
 গুরুভার প্রস্তরমূর্তির পাশে :
 ছয়ান শিল কাটা, উইরাকোচার বেটা,
 ছয়ান পাস্তা-খোর, শ্রাম তারার বেটা,
 ছয়ান খালি-পা, নীলকান্তমণির নাতি,
 ওঠো, আমার সঙ্গে ভূমিষ্ঠ হও, ভাই !

১২

ওঠো, আমার সঙ্গে ভূমিষ্ঠ হও, ভাই ।

তোমার দূরবিক্ষিপ্ত দুঃখের গভীর অঞ্চল থেকে
 আমাকে তোমার হাত দাও !
 শিলাপুঞ্জের নিচে থেকে তুমি আর ফিরবে না ।
 মৃদগত সময় থেকে তুমি আব ফিরবে না ।

তোমার প্রস্তরকঠিন কণ্ঠস্বর আর ফিরে আসবে না ।
 তোমার ভাসা ভাসা চোখ আর ফিরে আসবে না ।

মাটির অন্তর্দেশ থেকে আমার দিকে তাকাও,
 হেলে, তাঁতী, নির্বাক রাখাল :
 সাথী গুয়ানাকোদের পোষ-মানানো বিষাদ :
 বেপরোয়া ভারা বাঁধার রাজমজুর :
 আন্দেসাসের জল-চোখে ভিস্তিওয়ালা :
 আঙুল ছেঁচে যাওয়া জহুরী :
 বীজের মধ্যে বুক-দুঃ-দুঃ চাষী
 ছড়ানো কাদামাটির মধ্যে তুমি কুমোর :
 নতুন জীবনের এই পেয়ালায়
 তোমাদের মাটি-দেওয়া পুরনো দুঃখশোকগুলো নিয়ে এসো :

আমাকে দেখাও তোমাদের রক্ত আর জরাচিহ্ন,
 আমাকে বলো : এইখানে আমাকে সাজা দেওয়া হয়েছিল,
 কেননা জহরতের চেতনাই ফোটে নি অথবা আমি থেকে
 ঠিক সময়ে জহরত অথবা জমির ফসল মেলে নি,
 আমাকে দেখিয়ে দাও ঠিক কোন্ পাথরটার ওপর তুমি পড়ে
 গিয়েছিলে :

আর কোন্ বনে তোমাকে ক্রুশকাঠে গেঁথে মারা হয়েছিল,
 আমাকে তুমি আবার জেলে দাও সেকেলে চকমকি,
 পুরনো হাতবাতি, হাঁ-হওয়া ক্ষতমুখে
 শতাব্দীর পর শতাব্দী ধ'রে এঁটে বস। চাবুকগুলো,
 আর জেল্লাদার রক্তাক্ত কুঠারগুলো ।

আমি এসেছি তোমাদের মৃত মুখের ভেতর দিয়ে কথা বলতে ।
 মাটির এ-মুড়ো থেকে ও-মুড়ো
 সমস্ত বিক্ষিপ্ত নির্বাক গুঁঠাধর জোড়া দাঁও
 আর আমাকে নিচে থেকে বলো, সারাটা রাত ধ'রে,
 যেন আমি তোমাদের মধ্যে নোঙরে বাঁধা রয়েছি,
 আমাকে সব কিছু বলো, একটার পর একটা শেকল ধ'রে ধ'রে,
 শেকলের গাঁটগুলো ধ'রে ধ'রে, ধাপের পর ধাপ,
 তোমাদের রাখা ছুরিগুলোতে ধার দাও,
 আমার বুকে, আমার হাতে স্থাপন করো,
 যেন হলুদ আলোর অনেক ছটার একটি নদী,
 যেন মাটি চাপা পড়া বহু বাঘের একটি নদী
 আর আমাকে কেঁদে ভাসাতে দাও, ঘণ্টার পর ঘণ্টা, দিনের পর দিন,
 বছরের পর বছর,
 অন্ধ যুগের পর যুগ, শতাব্দীর পর শতাব্দী ।

দাও আমাকে নৈঃশব্দ্য, জল, আশা ।

দাও আমাকে সংগ্রাম, লোহ, আগ্নেয়গিরি ।

দেহগুলো, আমাকে আঁকড়ে থাকো, চুষকের মত ।

আশ্রয় নাও আমার ধমনীতে আর আমার মুখগহ্বরে ।

কথা বলো আমার শব্দাবলী আর আমার রক্তের ভেতর দিয়ে ॥

রমণীদেহ

রমণীর দেহকায়, ধবল পাহাড়, খেত উরু,
পৃথিবীসদৃশ তুমি, গুয়ে আত্মদানের ভঙ্গিতে ।
তোমাতে কর্ষণ করছে বহু চাষী আমার শরীর
মাটির গভীর থেকে যাতে লাফ দিয়ে ওঠে শিশু ।

কোটরের মত একা ফেলে রেখে পালাত পাখিরা ।
আমাকে ভাসাত রাত্রি, আক্রমণে মাড়াত ছপায়ে,
বাঁচাতে নিজেকে শেষে অস্ত্র ক'রে তুলেছি তোমাকে
আমার ধনুকে তুমি বাণ আর কোদণ্ডে বতুল ।

ঘনাল প্রহর, নেব শোধবোধ, প্রেমসী আমার ।
দামের, চর্মের দেহ, ব্যগ্র দৃঢ় হৃৎকের শরীর
ও বুকের পানপাত্র ! ও অবর্তমানতার চোখ !
ও গোলাপ জ্বনের ! কণ্ঠস্বর মৃদু ও ব্যথিত ।

হে আমার নারীদেহ, আছি লগ্ন অম্লগ্রহ পেলে
অসীম পিপাসা, ইচ্ছা ; দ্বিধাদীর্ঘ আমার এ পথ ।
অন্ধকার নদীধাতে চিরন্তন তৃষা যায় বয়ে
অন্তঃপন্ন নামে ক্লান্তি, সঙ্গে আনে অন্তহীন ব্যথা ॥

মাটির স্বর্গে

শুচিশুভ্র একটি মেয়ের পাশে আজকে শুয়ে ছিলাম
যেন ধবল পারাবারের সংলগ্ন বেলাভূমিতে,
জলন্ত এক নক্ষত্রের কেন্দ্রস্থলে
মস্থর ঠাঁই ।

দীর্ঘায়িত সবুজ তার চাহনি থেকে
ঝরে পড়েছে আলো শুকনো জলের মতন,
তরুণ তাজা প্রাণশক্তির স্বচ্ছ এবং
গভীর বৃন্তে ।

তার বক্ষ হুবহু দুই শিখার আগুন
উত্তোলিত দুই এলাকায় প্রজলিত,
বুকে দ্বিগুণ নদীর নাগাল উদার অবাধ
পায়ের পাতায় ।

জলে হাওয়ায় ধরাচ্ছে রং, পাকাচ্ছে রস
সারা অঙ্গে তার আঙ্গিক দ্রাঘিমারেখা
ভরিয়ে দেয় দূরপ্রসারী ফল এবং
জাহ্নব আগুন ॥

ও ল কা স স্থ লে মে ন ভ -এ র

রো গা ঈ গ ল

অনুবাদকের কথা

ওলবাস স্লেমেনভের সঙ্গে আমার গত বছর প্রথম আলাপ। মস্কোয়।
সোভিয়েত লেখক সম্ভের একজন কর্মকর্তা মারিয়াম সালগানিকের কাছে আগেই
ওলবাসের লেখার প্রশংসা শুনেছিলাম। কিন্তু ওর লেখার ইংরেজি অনুবাদ
পেয়েছি অনেক পরে। কবিতারও আগে আমার দেখেই ভাল লেগে গিয়েছিল
মানুষটাকে। গলা ফাটিয়ে হাসে, ধারালো বুদ্ধি, স্থল্ল রসবোধ, সেইসঙ্গে অসম্ভব
ফুতিবাজ।

এরপর আলমাআতায় সম্মেলনের সময় দেখলাম ওলবাসের অল্প চেহারা।
রাতের পর রাত ঘুমোয় নি। এক ফাঁটা মদ হোঁয় নি। অক্লান্তভাবে খেটে গেছে।

অল্প কিছুদিন আগে মারিয়াম আমাকে ওলবাসের কবিতার ইংরেজি অনুবাদ-
গুলো পাঠিয়ে দেন। প'ড়ে আমার এত ভাল লাগে যে, তখনই তর্জমা করতে
ব'সে যাই। অনুবাদগুলো যদি পাঠকদের ভাল লাগে তাহলে বুঝে আমার
ভাল লাগা সার্থক হয়েছে।

অনুবাদকের একটা ছোটো অসুবিধার কথা শুধু জানিয়ে রাখি। ইংরেজি প'ড়ে
মনে হয়েছে কোনো কোনো জায়গায় বোধহয় ভাবের ঠিক স্তূর্ধু প্রকাশ হয় নি।
স্থান কিংবা ব্যক্তির নামেও অনুবাদকের অজ্ঞতাজনিত কিছু কিছু ত্রুটি থাকতে
পারে। এরপর স্বেযোগ পেলেই এইসব ত্রুটি সংশোধনের চেষ্টা করব।

ব্রজকিশোর মণ্ডলের উৎসাহ না পেলে এ বাজারে এ বই বার হত কিনা
সন্দেহ! স্মরণ্য তাঁকে ধন্যবাদ না দিলে অকৃতজ্ঞতা হবে।

কবির নিজের কথা

আমার নাম ওলবাস ওমর-উলি স্থলেমেনড ।

কাজাখ সোভিয়েত প্রজাতন্ত্রের রাজধানী আলমা-আতায় ১৯৩৬ সালে আমার জন্ম ।

পিতা : ওমর । অশারোহী বাহিনীর অফিসার ছিলেন । আগার জন্মের মাত্র কয়েকদিন আগে বাবা মারা যান ।

মা : ফতিমা । কয়েক বছর পরে তিনি নাম-করা কাজাখ সাংবাদিক আবুদ আলিকে বিবাহ করেন । আমি তাঁর কাছেই মানুষ ।

মাধ্যমিক বিদ্যালয় থেকে পাশ ক'রে বেরিয়ে আমি কাজাখ রাষ্ট্রীয় বিশ্ব-বিদ্যালয়ে ভূতত্ত্ব বিভাগে ভর্তি হই । পড়া শেষ করে ইঞ্জিনিয়ার হিসেবে আমি তেল আর গ্যাস সংক্রান্ত অনুসন্ধানের কাজে ঢুকি । ভূতাত্ত্বিক হিসেবে আমি বেশ কয়েক বছর কাজ করি । ছাত্রাবস্থায় স্থানীয় পত্রপত্রিকায় মাঝেমাঝে লিখেছি । পরে মস্কোতে গিয়ে সাহিত্যে তালিম নেওয়ার একটা সুযোগ জুটে গেল । পৃথিবীর ভূতাত্ত্বিক ইতিহাস তো আমার আগেই জানা হয়ে গিয়েছিল, মস্কোতে গিয়ে পড়াশুনো করবার সময় আমি চেষ্টা করলাম মানুষজাতির কী ইতিহাস তা জানতে ।

আমি প্রথম যে কবিতাগুলো লিখি তার ভেতর দিয়ে আমি বুঝতে চেষ্টা করি কাজাখ জাতির অতীত ইতিহাস । কাজাখরা হল তুর্কীদের থেকে উদ্ভূত শেষ যাযাবরের জাত । তারা বরাবর থেকেই প্রাচ্য আর পাশ্চাত্যের মাঝখানে । আমাদের সাবেকী আর আধুনিক সংস্কৃতিতে এবং আমাদের দৈনন্দিন জীবনে এই ত্রিশঙ্কু অবস্থার ছাপ মিলবে । প্রাচীন তুর্কীদের গোঁড়ামি, বৌদ্ধদের ধ্যানশীলতা, মুসলমানদের নৈর্য্যক্তিকতা আর ইউরোপীয়দের আত্মপ্রতিষ্ঠার আকাঙ্ক্ষা—এ সমস্তই আমাদের সংস্কৃতির অঙ্গীভূত ।

আমি ইতিহাসপ্রেমিক । প্রাচীনদের ইতিহাসের মধ্যে আমি সেই অস্তি-বাচক উৎস খুঁজছি যা মহাফেজখানায় নখীপত্রের মধ্যে ধ'রে রাখা হয় নি, কিন্তু যে উৎস ছাড়া একই মানবসমাজের অন্তর্ভুক্ত মানুষের সমসাময়িক আর ভাবী-কালের সম্পর্কের প্রকৃতি ব্যাখ্যা করা সম্ভব নয় ।

অলিখিত ইতিবৃত্ত, লুপ্ত ইতিবৃত্ত আর কাব্য, মুখের অজুস্ত কথাবার্তা আমাকে বিচলিত করে। ভাষা দেবার জন্তে আমি অতীতের মধ্যে আজ সেইসব হারানো জিনিস খুঁজি; তাই নিয়ে আমি লিখি।

কাজাখ কবিকে আজ একজন গবেষণাকর্মীও হতে হবে। কেননা সবশেষের উটকে সবচেয়ে বেশি ভার বহন করতে হয়; যে যাত্রীদল এগিয়ে গেছে, তাদের ফেলে-যাওয়া সামগ্রী চেপে বসেছে তার পিঠে।

আমি বিশ্বাস করি, প্রত্যেককে তার নিজের যুগে এমন অসম্ভব সক্রিয়ভাবে এমন প্রচণ্ড গতিশীল হয়ে বাঁচতে হয়, যেন তার কাছে সেটাই হল অন্তিম যুগ। আমাদের নির্বিকার পূর্বপুরুষেরা সময়াভাবে অথবা ক্ষমতার অভাবে যেসব সত্য উপলব্ধি করতে এবং স্বীকার করতে পারে নি, আমরা সচেতনভাবে তার দায় নিজেদের ঘাড়ে তুলে নিই। কাজেই আমরা এমন সব জিনিস নিয়ে আমাদের সময় কাটাই যা একেবারেই অনাবশ্যক বলে মনে হতে পারে—আমরা স্ক্যাণ্ডিনেভিয়ার ক্লনের অর্থোদ্বার করি ইট্রারিয়ার ইতিহাস নিয়ে চর্চা করি, স্মৃতির পুরাতনের গভীরে ডুব দিই, মহেঞ্জোদারোর দুর্বোধ্য লিপি পড়বার চেষ্টা করি। কে কত লাইন লিখল তার সংখ্যা দিয়ে কোনো কবির কাজ যাচাই করা যায় না—বরং তার কাজ তাকে কতটা তৃপ্তি দিয়েছে তাই দিয়ে তার কাজের বিচার হবে। যে কাজেই তার করতে ইচ্ছে হবে, সেই কাজেই তার উচিত নিজেকে লাগানো।

কারণ, সংস্কৃতি হল সেই সমস্ত কিছু যা আগ্রহ জাগায়। আর পরিণামে কী হল সেটাই আমরা দেখব। যেমন কাব্য, তেমনি অল্প যে কোনো শিল্পরূপ সম্পর্কে এ কথা সত্য। একটি বিষয়, একটি বুনট, একটি 'ভাব—কোনো কিছুর মধ্যেই কবিকে ঠেসে দেওয়া যায় না। ছোট ছোট সহস্র সহস্র বিষয়, বুনট, সহস্র ভাবের ভেতর দিয়ে কবি তার নিজের রাস্তা ক'রে নেবে।

দশ বছরেরও বেশি আমি ইতিহাস আর ভাষাতত্ত্ব নিয়ে অহুশীলন করছি। ইগোর সম্পর্কিত প্রাচীন রুশ মহাকাব্য আর প্রাচীন তুর্কী অক্ষরের উৎস—এই নিয়ে আমার অনেক রচনা আছে। স্নাত ভাষাসমূহে ব্যবহৃত তুর্কী শব্দের ব্যুৎপত্তি সংবলিত একটি অভিধানের জন্তে এখন আমি মালমশলা সংগ্রহ করছি।

১৯৬১ সালে আমার প্রথম দুটি কবিতার বই প্রকাশিত হয় 'আরশামাক্স আর পৃথিবী', 'মানুষকে প্রণাম'।

যুক্তরাষ্ট্র আর পার্সী থেকে গুরে এসে 'রাতের নিবাস পার্সী' বইটি লিখি।

তারপর ক্রমে ক্রমে বার হয় ‘সূর্যোদয়ের গুডকণ’, ‘বাহুরে বছর’, ‘মাটির কেতাব’ ইত্যাদি।

মাঝে ফিল্ম নিয়ে খুব মেতে উঠেছিলাম। কাজাখ ফিল্ম স্টুডিওতে মুখ্য সম্পাদক হিসেবে কাজ করেছি এবং বেশ কয়েকটা ছবিও তৈরি করেছি—কিছু কাহিনীচিত্র আর কিছু আবেগময় তথ্যচিত্র।

এখন আমি কাজাখস্থান লেখক সঙ্ঘের কার্যকরী সমিতির সম্পাদক এবং আফ্রো-এশীয়দের সঙ্গে সংযোগকারী কাজাখ সংস্থার সভাপতি। বেশ কিছু সাহিত্যিক পুরস্কার পেয়েছি—তার মধ্যে কাজাখস্থান কমসোমল, সোভিয়েত সমাজতান্ত্রিক সাধারণতন্ত্রের রাষ্ট্রীয় পুরস্কার।

মারিয়াম সালগানিক-কে

মা

যদি মাহুষ হোস, ছনিয়ায় নাম রেখে যাস
আর হয়ত সেই নামে

লোকে তোর স্বজাতিকে চিনবে—

কালের খরশ্রোতে চিরদিন মাথা নোয়ানো
বেতসের মতন

চিরকনিষ্ঠ চিরদুঃখী সে ।

সফর মানেই দূরদেশে পাড়ি দেওয়া,
খাটুনি মানেই মাথার ঘাম পায়ে ফেলা,
তোর ব্যাকুল মুখে আমি ঞ্জি দিছি

আমার ভরে-ওঠা স্তন,

তোর মধ্যে ঢেলে দিছি আমার দুধ—
তুই বড় হ ।

ছনিয়ায় তুই নিজের নাম রাখ ।

কেমন করে, সে আমি জানি না,

আমি বলে দেব না কোনো উপায় ।

তোর জন্মে

কোনো ঘুমপাড়ানী গান আমি গাইব না ।

লড়াইতে

তোর লাগবে আমার শক্তি,

মৃত্যু যখন উটের মত দাঁত বার ক'রে

তোর চোখে থুথু ছিটোবে

যখন এক ফোঁটা অশ্রুর মত

ঘাসের ওপর ঢলে পড়বে তোর বন্ধু,

যখন সমস্ত রাস্তা তোকে ফিরিয়ে দিয়ে যাবে,

তখন আমার বলতে ইচ্ছে হবে :

‘বাছা আমার, মাথা ঊঁচু করো,

এখন তুমি কত বড় ।

গুলির সামনে দাঁড়াও —

লোকে তাকিয়ে তাকিয়ে দেখুক ।’

একবার তোকে একবার আমাকে দেখিয়ে
কত অনায়াসে বলতে পারবে :

‘এই সাদাসিধে ছোকরাটি দেখছ —

ও সত্যিকার একজন মানুষ,

এই সাদাসিধে মহিলাটি দেখছ —

উনি ওর মা ।’

সব রাস্তাই বন্ধ — কোথায় পরিজ্ঞাণ ?

বিপদের দিনে বাঁচার উপায় হল

তার সঙ্গে পাল্লা দিয়ে বড় হওয়া ।

কিন্তু যখন উপত্যকার ওপর দিয়ে

সাঁই সাঁই করছে না বুলেট,

সময় যখন হামাগুড়ি দিয়ে চলছে

আর বয়স যখন তীরবেগে ছুটছে না,

লোকে যখন নাচছে গাইছে, যখন কাঁদছে না,

হাসিতে যখন অশ্রু থাকছে না,

কুমারীর দল যখন র’য়ে ব’সে

চুল বাঁধতে পারছে,

যখন ভয়কাতুরে ছোকরার দল

মুখে খুব রাজাউজীর মারছে,

তখন, বাছা আমার, তুই মুখ লুকিয়ে

চোখের আড়ালে চলে যাস ॥

কুরগালজিনো হুদে

অগস্টের তুমুল হৈ চৈ

কুরগালজিনো হুদে —

আফ্রিকার সূর্য কী এক রহস্যে

জলে উঠেছে

পাখিদের মনে ।

ওরা যাবে, কিছুতেই ধ'রে রাখা যাবে না,

আপন নীড়গুলোর মাথায় চক্কর দিয়ে

রাজহংসেরা ঝাঁকের পর ঝাঁক বেঁধে

দূর দূর দেশে উড়ে যাবে ।

ও সাদা হাঁস.

ওরে ও অভাগা হাঁস,

আমরা তোমাদের যেতে দেব না,

তোমাদের গতিরোধ করবে

প্রিয় প্রান্তর আর ঝোপঝাড়,

বিষমতার ফাঁদ-পাতা নৃতাত্ত্ব ।

তোমাদের জন্মভূমি তোমাদের ধরে রাখবে,

ছোট ছোট কয়েকটা ছুরায়

তোমাদের কিরিয়ে আনবে ।

শরতের ভারে

বাগানের ডালগুলো ভেঙে পড়ছে ।

গুলিবিদ্ধ একটি হাঁস

একটা ডোবার মধ্যে ছটফট করছে ।

মন কোনো চাঞ্চল্যকর খবর নয় —

ফ্রেমিকো নয়, পেলিকান নয়,

লোকসান সামান্য ”

— তিন কিলো ওজনের

এক মামুলী রাজহাঁস ।

‘গুলি ক’রে মারা হয়েছে — তো হয়েছে কী ?

এ নিয়ে তোমার কবিতা লেখার

কী হল ?

একটি তো ভারি রাজহাঁস, একশো নয় দুশো নয়

আর দেখ, কবিতাও কিছু থানার ডায়রি নয় ।

তুমি হৃদয় ক'রে ওর জড়ুলগুলোর কথা

ছোট ছোট ছব্বা-বেঁধা

দাগগুলোর কথা বলতে পারো,

বলতে পারো এই হৃদ - তার এই জন্মভূমির কথা'

যে খুন করে,

ধিক্ সেই জন্মভূমিকে ।

এখন শরৎকাল ।

ঝ'রে পড়ছে প্রথম তুষার

—ওর ধবধবে, ভয়ঙ্কর পালক ।

ও আমাদের এনে দিত বসন্ত,

চলো ওকে পায়ে ধ'রে বলি

যেতে । কিন্তু সব নিষ্ফল ।

শরৎ ওকে ধ'রে রাখবে ॥

রাতের বিমানে

আমি মিলিয়ে যাচ্ছি আকাশে,

পাখার নিচে রাতের অন্ধকারে কত যে শহরের পর শহর ।

আগুনের মধ্যে প'ড়ে জল হয়ে যাওয়া তুষারকণার মত

মাটির গায়ে আলোগুলো গলে যাচ্ছে

মিলিয়ে যাওয়া বছরগুলোর মত

রাত্রে পারীর ওপর দিয়ে উড়ে চলেছি—

আগুন, সেই একই গেরুয়া রঙের আগুন !...

জানলায় মুখ লাগিয়ে দেখতে পাচ্ছি
 সমস্তই আমার কত চেনা
 ঘোড়ার ঘুঁটে-জালানো স্তম্ভের আগুনের মত
 বিদেশী বন্দরে বহিমান সব শহর ।
 পৃথিবীকে আবৃত করা এই রাত্রি দেখছি খুব খারাপ নয় ।
 আলোগুলো পিট পিট করছে,
 রাদারগুলো যেন ক্ষেপে উঠেছে,
 এরা আমাদের বুঝিয়ে দিচ্ছে
 রাস্তা পরিষ্কার ।
 রাতের চোখে সূর্যার রং ।
 নিচের ঘাস অন্ধকারে ভাসছে ।
 জলন্ত আগুন । আর চাঁদ । আর ঘোড়ার দল টান টান হয়ে আছে ।
 কখন উঠবে গগনভেদী চিংকার—আলি ! আলি ! আলি !

 আমি সব কিছুর ওপর দিয়ে চলেছি ।
 যেন ব'সে আছি এক তারাবরে ।
 আলোগুলো জলজল করছে, তাদের আর কিছুই লুকোবার নেই ।
 মেয়েরা তাদের পা ঢেকে
 বাতির আলোয় আমার গল্প পড়ছে ।
 জীবনের সব কিছুই যেন গুরুত্ব না পায় ।
 আলোগুলো । সারা রাস্তাই আলোগুলো চূপচাপ থাকছে ।
 প্লেনের জানলা কুয়াশায় ভেজা ।
 আলোর ঝাড়গুলো একে একে
 ভেসে উঠে তারপর সব একসঙ্গে মিশে যাচ্ছে ॥

পাঞ্জা

আফ্রিকার আর এশিয়ার সমস্ত গোরস্থানেই তুমি দেখবে
কবরে কবরে মাহুঘের হাতের পাঁচ আঙুলের ছাপ ।

তোমরা, যারা বেঁচে আছো,
অবমানিতদের দয়ার্দ্ৰ হৃদয়ের কথা
প্রমাণ ক'রে দেখাও ।
ধূলিকীর্ণ সমাধিস্থলে খাড়া করা
যেমন তেমন ক'রে কাটা রুদ্ধ পাথর ।

পাঞ্জা ।

পাঁচটি ছড়ানো আঙুলের অবয়বে
সেই কোন্ কবেকার এক ইশারা—
তোমরা ভুলে গেছ, তোমাদের মনে করতে হবে ।
শিশুদের হাতের আঙুল আমি দেখতে পাই
পাথরের গায়ে

ত্রুশবিল্ল ।

তোমরা, যারা বেঁচে আছ,
ভুলে যেও না

যারা আজ নেই—

পাগানিনির বিদ্যুতের কশা,
উড়োজাহাজের পাঁচটা আঙুল ।

আমি আমার গলায়

কবচের মত

ঝোলাব

নিঃশব্দে ডুবে যাওয়া রমণীদের

আঁকড়ে-ধরা আঙুল ।

যারা মিথ্যে, নাটুকে বক্তৃতা দিতে চায় তারা দিক ।

আমি কাটিয়ে দেব আমার জীবন—

সব সময়, ছোট্ট সংক্ষিপ্ত—

হাতের আঙুলগুলো মুঠো ক'রে ।

আমার হুত্বার পর

আমার বুড়ি মা পাথরের ওপর ধোঁদাই ক'রে দেবে

একটা খোলা মুঠো

আমার ডান হাতের ॥

বৃষ্টি — এরোপ্লেন থেকে

হয়ত সমুদ্রের ওপর এখন বৃষ্টি,

কিন্তু নিচে শুধুই দুর্ভাগা হৃদে মাটি

কান্ডপের এক আধভর্তি তিক্ত কলস

বহুযতীর তৃষ্ণার্ত চৌটে

জ-ধরা উষর মেঘ,

যেন অপার্থিব তৃষ্ণার বিস্ফোট,

ছোরাবিন্দু সূর্যাস্তের ঢেউ,

মজা ক'রে ধোঁয়া ছাড়তে ছাড়তে, আমাকে অহুসরণ করছে ।

কানা বৃষ্টি হামাগুড়ি দিয়ে চলেছে

মৃত্তিকার সমুদ্রের সামনে —

অপরাধী, দুর্বল আর বুড়ো বর

তরুণী অনাদৃত পৃথিবীর ॥

এক অন্ধ দর্শক

একবার এক অন্ধকে আমি দেখেছিলাম

লুভ্র-এর চিত্রশালায় ।

একা, কেউ তার সঙ্গে নেই,

নিঃশব্দে

সে তার চক্ষুহীন কোর্টরে একদৃষ্টে চেয়েছিল

ভেনাসের ছবির দিকে ।

নিগ্রোর! এমনি ক'রে

অন্ধকারের দিকে তাকায় ।

ক্যাচ ক্যাচ শব্দ ! হলের ঝকঝকে মেঝেতে জুতোর মশমশানি ।

অন্ধ লোকটি একটি বিরাট বাঁধানো

ফ্রেমের সামনে দাঁড়াল ।

যে ক'রেই হোক, সে ঠিক দেখতে পাচ্ছিল ।

চোখের খোদলের ভেতর দিয়ে ?

নাকি তার মুখমণ্ডল দিয়ে ?

অনেকখানিই অলুমান—

সে দেখছিল তার চোখ দিয়ে ।

এক ছবি থেকে অল্প ছবি, এমনি ক'রে দেখতে দেখতে সে হেঁটে যাচ্ছিল ।

যেন কোনো বইয়ের পাতা ওপ্টাচ্ছে,

ক্রমশ আস্তে,

আরো আস্তে...

তারপর থেমে গেল ।

এবার সে মুগ্ধচোখে দাঁড়িয়ে প'ড়ে

আর যেন কিছুতেই নড়তে চাইছে না—

তার সামনে ফাঁকা দেয়ালে

এখন শুধু একটা ছবির শূন্য নীড় ॥

বলো দেখি...

বলো দেখি...

আকাশে মানুষ কেন হাত বাড়ায় ?
বাজপাখিরা মাথা চুলকে ভাবে,
পাখিদের বাহবা দেবার জন্তে নয়ত ?
মানুষ তার সৃষ্টি-করা

সৌন্দর্যকে

কেন বলে 'মহান', 'মহিমাম্বিত' ?
নদী যায় গড়িয়ে গড়িয়ে
আর সমতলকে স্তম্ভপান করায়,
নদীর উপত্যকায়

শহরগুলো মাথা তোলে ।

নদীর নীল নীল ধমনীতে মোড়া

এক বিশাল হৃদযন্ত্র

এই পৃথিবী উড়ে চলে ।

গতকালের কুহেলিতে ঢাকা নক্ষত্রের দিকে এঁকে বঁেকে যাবে

এমন পথ তৈরি করা শক্ত

কিন্তু তার চেয়েও কঠিন

এই ভূমণ্ডলে এমন কোনো রাস্তা বার করা

যা চিরকাল ধরে ঘটাতে শহরের সঙ্গে শহরের মেলবন্ধন, ,

নদীর মতন পেরিয়ে যাবে দেশ,

সূর্যের রশ্মির মতন এফোঁড়-ওফোঁড় করবে অঙ্ককার,

বিগত বছরগুলোকে পাইয়ে দেবে মুঠোর মধ্যে ।

হৃদয়ের রাস্তা

তোমাকে পৌঁছে দিয়েছিল নক্ষত্রে ।

কঠিন খুব,

তবু তোমাকে পেতেই হবে সেই রাস্তা,

কেননা মাটির এই রাস্তা

আজকের উজ্জ্বল নক্ষত্রগুলোর কাছে তোমাকে পৌঁছে দেবে.

প্রচণ্ড গরমে

আপেল গাছ । ধুলো জমেছে পাতায় ।
তলায় তার দেখ, ছধারে ছড়িয়ে ছই বাছ
কী অপরূপ রমণী এক অঘোরে ঘুম যায়
কাছেই নদী । শোনা যাচ্ছে জলের কুলু কুলু !
লুটানো ফুলে গুনগুনিয়ে বেড়াচ্ছে মোমাছি ।
বুকের ওপর দোল খাচ্ছে রোদ ।

চলেছিলাম ঘোড়ায় চড়ে নদীর ধার দিয়ে ।
কী অপরূপ রমণী এক ! মাটিতে লোটে বেগী !
লজ্জা পেয়ে অন্তদিকে তাকায় বুড়ো ঘোড়া ।
আঙুল দিয়ে দেখায় রোদ
ছড়ানো তার ছপাশে ছই বাছ ॥

তিন সেলাম

হে অতীতের কবিসকল,
আমার মনে পড়ছে না তোমাদের,
কিন্তু এক প্রাচীন তববারির গায়ে
কিংবা কালের কলঙ্ক-পড়া এক হুসাইয়ের
নিপুণ গ্রীবায়
এক ব্রহ্মস্বাদসহোদর মিল এনে দেবার জন্তে
শহর আর গ্রাম আমি ভোলপাড় করব ।
আমি পাঠোদ্ধার করব অপরিচিত লিপির ।
জলজল করো দোহাই,
হে চাঁদ,

আর মাথার ওপর আলোকিত করো কাব্য—

নিকষ কালো পটে,

ছায়াপথের ছত্রে ছত্রে এক আগ্নেয় ভাষা ।

মানবজাতির উষাকাল না গোধূলি ?

আমার বয়ঃক্রম দিন আর প্রহরে

দীর্ঘবিদীর্ণ ।

কিন্তু একটি মুহূর্ত হতে পারে

একটি শতাব্দীর সমতুল্য,

যখন তুলাদণ্ড স্বদূর অন্তরীক্ষে আরোহণ করে ।

তোমরা তাদের দেখেছ বহুভাবে চিহ্নিত করতে :

একটি ষণ্টা,

কিংবা তার জায়গায়, হয়ত, একটি স্তম্ভ ।

যেমন দুঃখের,

তেমনি আনন্দোৎসবের

এটি একটি অভিজ্ঞান ।

আবারও তোমরা দেখবে

মাথার ওপর উঠতে ।

পৃথিবী,

আমি তোমাদের দেখেছি অমন সৌন্দর্যে নিজেদের আবৃত করতে

পৃথিবী, যার ভার কত আমি কিছুই জানি না,

কোনো দেশবাসীকে আমি কখনও ক্ষুণ্ণ করি নি,

আমি স্থখী,

যতদিন এখানে আমার প্রয়োজন থাকবে ॥

আমি জেগে আছি

দাদা, তুমি শান্তিতে ঘুমোও । আকাজান, ঘুমোও ।

আমি জেগে আছি ।

ছেলেমেয়েরা সগর্বে

আমার কথাগুলো হাঁ করে গেলে ।

আকাশে ভেসে থাকা

কিংবা পাথরের গা বেয়ে

বর্ণার মত আছড়ে পড়ার মধ্যে কোনো তফাত নেই ।

আমি দেখেছি স্থথের মুখ—সব কিছুই আমার প্রিয় ।

তোমরা কি চেয়েছিলে আমি স্থথের মুখ দেখি ?

রাত্রে আমি ভয়ের ভেতর দিয়ে হাঁটি,

আমি হাঁটি পাকদণ্ডীর রাস্তায়,

আমার হাতছুটো গোঁজা থাকে অন্ধকারে ।

আমার মাথা ঠিকবে থাকে কুঁজের মত ।

কিছু একটা আমাকে বিচলিত করে—

অবশ্যই আমি জানি এই তৃণভূমির শেষ নেই ।

তবু কী একটা অমঙ্গলের আশঙ্কা !

হায়, এই পাহাড়গুলোর

অজানা আশঙ্কাব ব্যাপারটা নিয়ে কী জ্বালাতেই না আমি পড়েছি

মণ্ডলাকার নক্ষত্র

স্তম্ভভূমির নিটোল সমতলের নিচে

তেরছাভাবে কেটে বার করা হয় স্তূপাকার খনিজ

ধনুকের ওপর

উচিয়ে থাকা মাথার মতন,

বিচিত্র রকমের দৃষ্টিকোণে ভাঙা

কবিতার মতন—

শ্বেতভূমির নির্লিপ্ততার ওপর দিয়ে
উত্তোলিত হয় অশান্ত ধনিজ ।
সবচেয়ে যা মূল্যবান, তার কথায়
কণ্ঠ রুদ্ধ হয় এমনি ক'রে ।
দূরের জিনিসগুলো আমাদের ভাঙচি দিয়ে নিয়ে যায় ।
কাছের জিনিসগুলো

মণ্ডলাকার ।

কোটি কোটি আলোকবর্ষ দূরের নীল নক্ষত্রগুলো
কোণাকুণি ।

নক্ষত্র থেকে আমাদের রক্ষা করে

ছাদ,

আমরা কিন্তু তাই আস্তর ফুঁড়ে

বেরিয়ে যাই ।

অনুপ্রাণিত পাহাড়গুলোর মাথায়

বিবর্ণ হয়ে গেছে

টাদের বিষম বলয় ।

মেঘের খাড়াইগুলোতে

চিহ্নিত হয়

বিদ্যাতের উত্থান আর পতন ।

আর রামধনুও, জেনো, ধনুক নয়—

সত্ত্ববপর যেকোনো কোণের চেয়ে

তা ঢের বেশি তীক্ষ্ণ ।

বলা হয় আমরা নাকি আজ যা ধরি কাল তা ছাড়ি—

কিন্তু ভালবাসাকে আমরা একবার যে ধরেছি

কিছুতেই আর ছাড়া নয় ।

আমরা উড়ে যাই যেখানে যাবার । আমরা ঠিক পৌঁছে যাই ।

আর আমাদের সঙ্গে দেখা হয়—

এক উপত্যকার । এক প্রান্তরের । এক কষিত ভূমির ।

সারবন্দী পাহাড়ের অসমান উচ্চতার, সিঁকুশকুনের আকাবাকা পথরেখার

একটি সহজসরল মণ্ডলাকার নক্ষত্রের ॥

রোগা ঈগল

মোটাসোটা ঈগলগুলো বুকে ভর দিয়ে হাঁটছে মাঠে,
রোগাপটকা ঈগলগুলো মাঠের ওপর দিয়ে উড়ে উড়ে বেড়াচ্ছে ।
ঈগলের ধারণায়, সবাই হচ্ছে ঈগল,
সকলের স্বভাবচরিত্রই একরকমের ব'লে তার সন্দেহ ।
পাহাড়ী জাতের ইদুর দেখে সে ছোঁ মারে,
ভাবে বুঝি সেটাও একটা ঈগল ।
তারপর গপাগপ খেয়ে ফেলে মনে মনে বলে —
হাঁ গো, কিঞ্চিৎ তেতো না !
মনিষিরা অবিশি বলতে ছাড়ে না যে, ঈগলে পেড়ে ফেলতে পারে
একটা ভেড়ার ছানা,
একটা ভেড়া,
একটা ছাগল ।
ঈগল কখনও জন্মেও নিজের ছায়া দেখতে পায় নি,
তার শিকার দেখতে পায় তার অগ্নিময় ছায়া ।
ঈগলের যে কায়্যা সেই তার ছায়া,
আর সে নিজেই হল ছায়ার অপচ্ছায়া ।
ভারী ঈগলেরা ছড়িয়ে পড়েছে আকাশে
আর মাটির ওপর
ঘন সবুজ আর কাঁচা সোনার রঙে
ঘাসগুলোকে অবিচলিত রেখে,
ঘাসগুলোকে অক্ষত রেখে
রোগাপটকা ঈগলেরা তোমাদের পাহাড়তলীর
গোল সমতলের ওপর দিয়ে
কোণ বরাবর উড়ে যাচ্ছে ।
ঈগলেরা তো যাবেই ।
হলুদে আর সবুজ তো থাকবেই ।
তৃণময় নিষ্পাদপ ধু ধু করা প্রান্তর হল সেই পাহাড়
যেখানে শিখর নেই, ফাটল নেই

বুথারার রোমাঞ্চ নেই
বজ্র নেই, বিদ্যুৎ নেই
গতি নেই, স্তব্ধতা নেই
স্বর্ষের নিশ্চুপ বিভীষিকা
আর ঈগল ॥

স্মৃবুলের তারা

যখন স্মৃবুলের তারা
ঝিকমিক করতে করতে ফুটে উঠবে,
আর ষোটকীর পাল
বিলিয়ে দেবে তাদের সাদা দুধ
আমার তৃণভূমির ওপর দিয়ে সরু সরু গলাগুলো বাড়িয়ে দিয়ে
যখন কলহংসেরা উড়ে যাবে
আর অঙ্ককারে, ইস্ কী বিষণ্ণ স্বরে যে ডেকে উঠবে
বেচারার, আহা বেচারার কলহংসের দল ।
তার মানে, ময়দানে ঘাসের বয়স
বেশ অনেকদিন হল ।
কিপ্‌চাক, ওহে কিপ্‌চাক, এবার গা তোলো...
স্মৃবুলের ঝিকমিকে তারা,
আমি চাই, আমার হাতের ওপর মরুক ॥

আহাম্মকের কথা

মায়ের দুধের সঙ্গে তোমার মধ্যে
যদি এই ছবু'ন্ধি ঢুকে গিয়ে থাকে,
তাহলে দুনিয়ার তামাম গরুর পক্ষেও
তোমার কল্জে বড় করা সহজ হবে না।

যদি এই পৃথিবী পর হত,
যদি আমার স্ত্রী হত দৃষ্টিহীন
তাহলে আমি আমার ব্রত লঙ্ঘন ক'রে
ঠায় তোমার দিকে আমার চোখ রাখতে পারতাম।
শুধু ভয়কে আজ আমি ডরাই
আমার করুণা এখন ওষুধের চেয়েও তেতো –
বুড়ো ব'লে আমি যাই বুড়িদের কাছে
তুমি ভেঙে গেলে আমি তার একটা টুকরো।
বাঘেদের মধ্যে আমি বাঘ,
বানরদের আস্তানায় আমি বানর,
নৈঃশব্দের তীরভূমি হয়ে আমি নৈঃশব্দ্যে ভাসি,
জ্যোৎস্নার মধ্যে আমি চাঁদের হাসি।

হে আক্কেলমন্ত, কান দুটো আরেকটু লম্বা করো
গুপ্তধন থাকার চেয়ে দিলদরাজ হওয়া ভালো।
এই ঠিক।
হে আক্কেলমন্ত, একজন আহাম্মকের কথাও শুনো।
যদি সেই আহাম্মক তোমাকে সত্যি কথা বলে ॥

আঙুরক্ষেতে

আঙুরক্ষেতের ওপর দিয়ে
যে যার ডেরাঙলোকে
ঘাড়ে নিয়ে
শামুকেরা হামা দেয় ।
এক যাযাবর টগবগিয়ে যেত
কিন্তু তার বয়স হামা দিত ।
প্রত্যেক জটিলতারই
একটা নির্বিকার ছবি আছে
এবং সেটাতে থাকে সরলতার প্রকাশ ।
কোনো সামাজিক ঘটনার অর্থ বুঝতে হলে
প্রকৃতিতে তার প্রতিক্রিয়া খোঁজো !
কোনো শামুককে যদি তুমি বলো : হামা দিচ্ছ হে—
সে বেজায় অবাক হবে :
বা রে, আমি যাচ্ছি টগবগিয়ে ॥

আমাদের গ্রামে ছিল এক চর্মকার

এই চর্মকার সবার জুতোই
কেবল নিজের মাপে বানাত,
সে ভাবত এইভাবে সে চারিয়ে দিচ্ছে সাম্যের ভাব ।
লোকটা ছিল বেঁটে খয়াখবুঁটে
আর আমরা একেকজন দৈত্যের মতো ঢ্যাঙা,
ফলে জুতো পরা তো নয়
আমাদের পক্ষে সে এক নরকযন্ত্রণা ।
কিন্তু সবাই ধরে নিয়েছিল ঐ জুতো
ঈশ্বরের উদ্ভাবিত,

যাতে মুসলমানেরা
হরবধত
নমাজ পড়তে পারে
(তোমাকে জুতো খুলে রেখে
বসতে হবে নমাজে, বুঝলে ?)
অতএব, প্রার্থনা হল
যন্ত্রণাক্রিষ্ট চরণের গান ।

আবালবুদ্ধ
সবাই খোঁড়াতে খোঁড়াতে
ছুটে চলেছে মসজিদে,
আর সেইসঙ্গে চেজাচ্ছে
(পাগুলো টাটিয়ে উঠেছে ব্যথায়) :
'আল্লাহ্ আকবর !'

তোমার জুতো তোমাকে আদেশ করছে
তুমি রস্থলের বন্দনা গাও
পায়ে যাদের জুতো নেই
যারা অলপ্পেয়ে অলবড্যে,
ঈশু তাদেরই ঈশ্বরে বিশ্বাস নেই ।
আর বিশ্বাস নেই আমাদের ঐ চর্মকারের,
তার পায়ে ফোঁকা পড়ে না ।

আল্লাহ্ আকবর ! কিন্তু তিনি তো থাকেন সেই কোন্ স্বদূরে । আর ঐ
চর্মকার বোটা দস্তবিকশিত করে রয়েছে খোদ্ এইখানে । এখন গাঁস্ফ লোক
কায়মনোবাক্যে প্রার্থনা করছে—চর্মকারের পা, হেই গো, একটুকুন বড হোক ।
ওস্তাগররা, হেই গো, এইটুকুন কম পুমসো হোক । টুপিওয়ালারা একটু কম
মাখামোটা হোক । ইত্যাদি ইত্যাদি ॥

হে মরুভূমি

পানীরের মাথার ওপর পা ঘষছে প্লাবন

এক জলগর্ভ ধুমসো মেঘ

হেঁটমুখে

নিজেকে উজাড় ক'রে

জুড়িয়ে দেয়

দক্ষানো বুকফাটা পাষাণের শোকতাপ ।

পাহাড়ে পাহাড়ে হেঁটে বেড়ায় মেঘ

আর বৃষ্টির আদরে মাথা-খাওয়া চূড়াগুলো —

যারা উদ্ধত, তারা ধ্বসে গিয়ে হয় বালির ঢিপি ।

ভেজা চটচটে পশমের গন্ধ কুয়াশাগুলোর গায়ে

অনতিদূর অতীতের গল্পগুলো

বললে বিশ্বাস করতেই চাইবে না মরুভূমির বালিয়াড়ি ।

প্রাচীন তিমুতারাকানের উঁচু মিনারগুলো

হিসারের সমাধিতে মুদ্রিত হয়ে ট'কে আছে ।

বিনষ্ট শিখরগুলো থেকে ভেসে যায় মেঘ ।

পরিত্যক্ত বালির ওপর

এসে দাঁড়িয়ে যায় একটি মেঘ,

শুকনো বৃকে ছবের শেষ ফোঁটাটুকু নিয়ে

জননীর মত ।

বালিয়াড়ি স্তব্ধ । হে চূর্ণ পাথর,

আমি যা পারি তোমাকে দিচ্ছি,

তুমি নাও এই স্নিগ্ধতা...

যদি কোনো অভিশাপের মতো নিষ্ফল হয় আমার ছায়া, তাতেই বা কী ।

হে মরুভূমি, তবু আমার এই ছায়াকে কাছে রাখো ।

আমি কুয়াশার এক ধূসর আন্তরণ,

আকাশের বকমকে জঘন্ঠ নীল নিয়ে তোমার কাজ নেই ।

যখন আমি থাকব না, হে মরুভূমি, তখন তুমি ব'লো :
যেখানে সে মেঘ হয়ে যায় না, জেনো, সেখানেই মরুভূমি

ইষ্টনাম জপি

আউল্‌ভিৎস্ কনসেন্টেশন ক্যাম্প বন্দী
পোলিশ লেখিকা ভি. ষ্টিভলস্কা-কে)

এক ডোরা-কাটা পার্কে এক ডোরা-কাটা বেকিতে
আমি ব'সে ।

শরতের বকরকে সূর্যকে আমি বিদায় দিছি ।

আমার কোলের ওপর বইয়ের খোলা পাতাগুলো ফরফর করছে ।

আরামে গা এলিয়ে দিয়ে ব'সে আছি ।

লোকে বাড়ি ব'য়ে নিয়ে চলেছে গোলাপ : বেগুনে, হলদে, কালো ।
কেউ বন্ধুদের, কেউ দেবে গোলাপ তার ভালবাসার মানুষকে,
আজ দিতে হয়

গোলাপ, হাড়-বার-করা মেয়েদের পিঠের ক্ষতের মত ।

একটা কচি মেয়ে আইসক্রীম খাচ্ছে ।

সেই কচি মেয়ের পরনে ইস্কুলের পোশাক ।

তার ঠোটময় ক্রীম,

কোনো মৃগীরোগীর গ্যাঞ্জলা-ওঠা মুখের মত ।

চটচটে...

বিস্মাল্লিশে একটি ছেলে চেয়েছিল খাসীর মাংস—

খাণ্ডের তালিকায় এটা যোগ করুন, ভাই ।

তেতাল্লিশে তার বেজায় ইচ্ছে করেছিল রাই থেকে করা রুটি খেতে—

দেখবেন ভাই, ভুলে যেন এটা তালিকা থেকে বাদ প'ড়ে না যায় ।

চুয়াল্লিশে সে হাম্লে বেড়াত একটুখানি বীটের কন্দ খাওয়ার জন্তে

আর পঁয়তাল্লিশে,

যখন এমন কি বুড়োরাও সব ছেলেমানুষ হয়ে গিয়েছিল,

সে এসে দাঁড়াত স্টেশনের প্ল্যাটফর্মে, তার আত্মীয়কুটুম্বদের প্রতীক্ষায়,

সৈন্তদের পুরো একটা দলের জন্তে...

কেমন যেন জংলী হয়ে গেল, ছটফট করে বেড়াত,

যে পর্যন্ত না চোঁচাতে চোঁচাতে হেঁচকি উঠে যেত,

তার চোঁচানো বন্ধ হত না।

ছোট্ট এইটুকু ছেলে—কতটুকুই বা সে বুঝত।

সে তখন জানত না।

তার কাছছাড়া ক'বে নিয়ে গিয়েছিল শুধু পুরুষদেরই নয়।

তার কোলের ওপর শীর্ণকায় বই,

যেন বহুবিলম্বে পৌঁছনো কোন্ কবেকার একটা চিঠি...

সৈন্তদের ওরা হেনস্থা করে করুক,

কিন্তু মেয়েদের ধরে যেন না টানে।

চমৎকার চমৎকার সব কথা কাদের উদ্দেশে বলা হবে ?

এই এদের ? টাইফয়েডে মুড়িয়ে নিয়েছে যাদের চুল ?

যাদের চোঁটগুলো লিপষ্টিকের মত পিস্তরসে মাখানো ?

এই এদের ? যারা বঞ্চিত হয়েছে

মাংস, কটি, বীটের কন্দ

আর মা-র কাছে চিঠি লেখা থেকে ?

চোখের জল, মনের বিষাদ, জীবনের মাধুর্য কেড়ে নিয়ে

যাদের জন্তে শুধু খুলে দেওয়া হয়েছে নরক,

শুধু পলায়ন, আত্মহত্যা

আর গ্যাস-কুঁরুরি ? !

অনুকম্পা পেল না এই মেয়েরা !

ক্লয় হয়ে যাওয়া কটুগন্ধ

দেহগুলোর জন্তে দরদ !

রাতের দুঃস্বপ্ন হতে প্রায়ত—

কবির কাছ থেকে ছিনিয়ে নিয়ে যাওয়া রমণী !...

এখন বিনা লজ্জায় আমি সব খুলে ফেলতে পারি

বেপরোয়া হয়ে আমার যা খুশি এখন আমি সাজতে পারি

আমার ইচ্ছে করছে ছেলেমানুষ হয়ে যেতে

যাতে আমি হাসতে পারি,
 কিংবা ইস্কুলের পোশাক-পরা ঐ যে ওর মত
 ঠাণ্ডা হিম মিষ্টি ক্রীমে
 দাঁত বসাতে,
 একে ওকে মুখ ভেংচাতে—

কিন্তু তার কারণ বুক-হিম-করা অনুষ্ঙ্গগুলো নয় ।
 রাস্তাটাতে এখন কত ফোয়ারা, মাঝখানে মাঝখানে লালের ছোপ,
 জয়কালো লাল ক্যানা ফুল. পুলিশের উর্দিতে লাল স্ট্র্যাপ ।
 হৃদয়বান আর প্রাক্ত
 নতুন এশিয়ার মহানগরীর প্রত্ন্যম্ব ।
 মনে মনে ইষ্টনাম জপছি ।
 উজ্জ্বল সব মুখমণ্ডল
 সন পঁয়তাল্লিশ । যুদ্ধবিজয়ের দিন ॥

মাটির কেতাবের ছুটি খণ্ডাংশ

১। দৈববাণী

...পৃথিবী হল বৃত্ত

তার ওপর দিয়ে আড়াআড়ি হয়ে এক সূক্ষ্ম চ্যারাচিহ্ন
 (এক সবুজ পাতার আবডালে
 তুমি হলে পরিণততম আপেল)
 বৃত্তের চারটি চাপ

চারদিক থেকে কেন্দ্রের অভিমুখে তাকিয়ে,
 তুমি কেন্দ্রের দিকে স'রে যাও

আর তন্দ্রা থেকে জেগে ওঠো ।

(ভরে উঠলে তুমিই সর্বাগ্রে
 অস্ত্রেরা এখনও তৈরী হয়,

যারা তোমার সবুজ স্বজাতি
রোদে পিঠ দিয়ে তারা ঘুমোচ্ছে,
এসো আমরা সর্বান্তঃকরণে কামনা করি
স্বপ্ন ওদের মধুর হোক,
এসো আমরা মন দিয়ে শুনি
খান্ ইশ্-পাকার বচন) ।
—একটি ক'রে চেতন জীব

আর তার মাথায় আকাশে বেড়ে উঠছে একটি ক'রে তারা,
তারাগুলো খসে পড়ছে...

—আপনি বলছেন তাই ?

—ই্যা ।

মানুষ এক অন্তহীন ঘূমে স্থাতা হয়ে থাকে,
কিন্তু প্রত্যেক শতাব্দীতে
ভৌম-ভৌম ক'রে ঘূমনো জনসমূহ থেকে উঠে আসে
একজন ।

হাজারে কিংবা শ'য়ে একজন

—তার আচম্কা ঘুম ভাঙে,

পোড়ার ব্যথায় সে চোঁচাতে থাকে :

আকাশ থেকে তার নক্ষত্র তার ওপর খসে পড়েছিল ।

ঘুমন্ত লোকগুলোর মধ্যে

গ্রহটাকে নিয়ে সে হৈ-হল্লা বাধিয়ে দেয়,

অসাড় দেহগুলোকে সে পা দিয়ে ঠেলা দিতে থাকে —

নাঃ, কেউ না ।

লোকটা চোঁচায়, রাগে ফোঁসে —

কিন্তু না,

•

কেউ জাগে না !

(কিন্তু পৃথিবীকে সে এমনভাবে দেখতে পাবে,

তার আয়ুষ্কালের পর

যে রূপটি আর কখনই কেউ দেখবে না) ।

তারপর স্থপ্ত মাহুঘেরা
 অনাগত কালে আবার পাড়ি দেবে,
 আর পরের শতাব্দীতে
 বর্তমানকে
 ধঁরে রাখতে কিংবা উদঘাটন করতে
 আবার একজন জেগে উঠবে ।
 একটি ক'রে যুগ অতিক্রান্ত হবে
 আর আকাশে সৃষ্টি হবে একটি ক'রে তারার শূণ্যতা
 কপালে নক্ষত্র নিয়ে সেই লোকটি
 চোখ সম্পূর্ণ খোলা রেখে বাঁচছে ।
 আহা বেচারী, এই সংক্ষিপ্ত জীবনকালে
 কী প্রতীয়মান হচ্ছে তার কাছে ?
 'জীবনটা স্বপ্ন' - অন্তেরা বলেছেন আমাদের আগে ।
 জাগরণ হল মৃত্যু । মন্দ নয়, কী বলো ?
 — ধার আছে ।
 আকাশে বেশ অনেক জুড়িয়ে-যাওয়া তারা
 রয়ে গেল কিনা দেখে নাও ।
 এই সর্বশক্তিমান ঘুম—
 এরই নাম
 অমুজীবন ।

...কাজেই আকাশ যখন শূন্য
 তখনই তাদের আবির্ভাব হবে :
 নিটপিটে সব মাহুঘ,
 ঘুমজড়ানো চোখে
 আড়ামোড়া ভাঙতে ভাঙতে

ফুটো দিয়ে চোখ কুঁচকে দিনের আলোর দিকে তাকাবে,
 পাছা চুলকোতে চুলকোতে
 তারপর একসঙ্গে
 এক জোড়া বিস্তারিত গল্প

কুঁতিয়ে কুঁতিয়ে বলল—

কী গো ?

— অঃ ! জব্বর...

পৃথিবী ঈষৎ বদলেছে

ভূগোল তার যথাস্থানে ঠিক নেই :

অনেক দিন আগেই

ঘুমের মধ্যে সরতে সরতে

ওরা একদম কিনারার দিকে চলে গিয়েছিল ।

লোকে গা এলিয়ে দিয়ে ভাববে

বাবা গো মা গো ! এ যে দিনে ডাকাতি গো ! কেন্দ্র গেল কোথায় ?

কিন্তু তারপর দ্বিতীয়বার ভেবে টেবে বলবে : নেই তো নেই !

এটা এখন শরৎ ।

আহা !

গাছপালার বাড়ি বড় কম,

মন-মরা বরফে ঢেকে যাবে প্রান্তরের ঘাস,

আদিকাল থেকে ধবল তুষারে

প্রতিরক্ষাহীন হও,

ও আমার মাহুষ,

তোমার অবসাদভরা ঘুম থেকে জেগে ওঠে প্রত্যেক শতাব্দী ।

ভ'রে উঠলে তুমিই সর্বাগ্রে, অশ্রুরা এখনও তৈরি হয়,

যারা তোমার সবুজ স্বজাতি

রোদে পিঠ দিয়ে তারা ঘুমোচ্ছে,

এসো আমরা সর্বান্তঃকরণে কামনা করি

ওদের স্বপ্ন মধুর হোক,

এসো আমরা মন দিয়ে শুনি

খান্ ইশ্পাকার বচন ॥

২ । বর্গীর হল

চিত্রবিচিত্র বোড়ার ওপর আমরা সওয়ার,

পেটের ওপর ভর দেওয়া আমাদের হাত—

প্রার্থনারত ।

জাতযাযাবর এই দলটার পুরোভাগে

উড্ডীন হয় পতাকার পর পতাকা ।

একেবারে কেন্দ্রস্থলে খান্-এর শ্বেত পতাকায় লাক্ষিত

নেক্‌ডের মাথা আর ভয় দেখানো সূর্য,

ডাইনে আর বায়ে পং পং করছে

রক্তবর্ণ নিশান ।

টগবগে ঘোড়ার পদশব্দে শঙ্কিত

গ্রীক, রোমান আর গথ্‌দের

দৃষ্টিগোচর হয়েছিল

ভোরের সূর্যের মত লাল,

ঘোরতম লাল

আমাদের পতাকা

সূর্যাস্তের দেশগুলোতে পৌঁচেছিল

সূর্যাস্তের রং ।

ওরা জেনেছিল, রুমের সূর্যাস্তের রং হল

পুবালী নিশানের ।

রুমের রমণীদের ওপর অরুচি ধ'রে যাওয়ার পর

পাকা চুল আর পাকা দাড়ি নিয়ে আমরা সব ফিরে যাব,

লড়াই বলতে তখন শুধু হাতাহাতি,

পাহাড়ী নদী —

মাঠের খানাখন্দ ।

আমরা ফিরে আসব ঘাসের প্রান্তরে,

ক্রমশ পাতলা হবে অস্বারোহীর দল,

আমাদের সেনাপতির পিঠ খালি ক'রে ঘোড়াগুলোকে হাঁটিয়ে নিয়ে যাবে ।

চলো !...বলার সঙ্গে সঙ্গে রেকাবে পা ;

চলো !...বলতেই মাথায় চেপে বসল ফারের টুপি,

চলো !...আর সঙ্গে সঙ্গে ছুটল ঘোড়সওয়ারের জাত —

চাষী গৃহস্থদের বিরুদ্ধে যাযাবর লুটেরার দল ॥

উড়াল

দেখ দেখ,

মেঘের দল

শহরের মাথার ওপর ত্রিশঙ্কু ।

এখন পর্যন্ত আর কোনো রাস্তা নেই

আমি উড়ে চলেছি মেঘমণ্ডলের ওপর দিয়ে

আর নিচে—নদীর দুপাড়েই

গাদা করা খড়

আর পাংশু বরফ

আর কালো কালো ঘরবাড়ি ।

নদীর বাঁকের মুখে

রাস্তার শেষ ।

আহ্লাদে আটখানা হওয়া ছোট মাছ

বলতে গেলে দোরগোড়ায় ।

মাথা থেকে ওড়না খুলে একটি মেয়ে

নদীর ঐ বাঁকে আমার কাছে আসত,

জল ফেলে জল আনতে যেত

কখনও ঘর মোছা, কখনও অতিথির জন্যে

চা করার ছলে ।

যেন ঝাঁঝালো আলোয়

চোখ কুঁচকে

মেয়েটি নিঃশব্দে রাতের গভীরে তাকাল

যখন আঁকড়ে ধরার আর কিছু নেই

আমাকে বাঁচিয়ে দেয় এই—

নদীর পাড়ে

ভারাক্রান্ত খড়ের গাদা ।

মেয়েটি ছড়িয়ে দেয় তার বাহুল্যতা,
আঙুলে মুঠো ক'রে ধরে
গুচ্ছ গুচ্ছ উলুখড়

আহ্লাদে আটখানা হওয়া ছোট্ট মাছ...

...পাইলটের ঠোঁটে শ্মিত হাসি ।
ছোট্ট প্লেনটা পড়ে গিয়ে চুরমার হল
নদীর বঁকে ॥

কোজাগরী : লায়লাতুল কাদার
জাগরণে যায় বিভাবরী ।
আবহে উষ্ণতা
বিছানো ফরাসে বুড়োদের ফিস্ফাস ।
চাঁদ — যেন বাকানো ভুরুতে
অবাক বিশ্বায় ।
দামালো নদীর থরশ্রোতে
ছুড়িপাথর ।

অঙ্ক করে
রাত্রি আর দিন ।
আল্লার কাছে মানুষ পৌছে দিচ্ছে
ষষ্ঠাবিহিত বাসনা কামনা ।
মানুষ ফিরে ফিরে সকাতরে দোয়া করছে
তাদের রাতের ইচ্ছেগুলো যেন পূর্ণ হয় ।
লায়লাতুল কাদারের রাত্রে অভাগা মুসলমানেরা

একরস্টি পার্থিব স্বপ্নের জন্মে
মোনাজাত করছে ।

মাটিতে স্থলিত হচ্ছে দৃষ্টি ।
ধূলিকণাগুলো রাস্তায় ভানুকের মতো
গা ছড়িয়ে,
লোকে হেঁটে যায়,
মসজিদের রোদে-পোড়া ইঁটের দেয়ালগুলো স্তব্ধ ।
ধূলোগুলো মসজিদের পাশ কাটায়
যেমন যেমন বছরগুলো যায় ।

বাঁকা তরবারির ছায়া ধারণ ক'রে আছে
কুকড়ে-যাওয়া মিনার ।
ঘাসের মাঝখানে একটা গড়খাই জল জল করছে,
খোলা পাগড়ির গায়ে বুটিদার রেশমের মতন,
আপেল গাছগুলো তাদের শিকড় ধুয়ে নিচ্ছে
পলিতকেশ জলের মধ্যে,
আজ যখন লায়লাতুল কাদারের রাত্রি ।

তিনকাল-খোয়ানো এক খুনখুনে বুড়োর মত
শান-বাঁধানো চোখুপী জাজিমের ওপর আমি ঘুরে বেড়াই
শরীরটাকে টেনে নিয়ে চলি আর তোমাকে স্বপ্নে দেখি ।
আমার ইচ্ছেগুলো, আহা সফল হোক ॥

ফাঁসির আগে মহম্মদের মোনাজাত

বিস্মিল্লাহ্ ।

দূর অভিযানের মধ্যে নিজেকে আমি ভুলে যাব

লড়াইতে আমি এক বছর আছি

আমার গলা পর্যন্ত অপবাদ

ঘোড়ায় জিন দিয়ে আমার জন্ম

শিকল প'রে আমি মরছি

রাস্তা দিয়ে কুকুরের মত আমাকে টেনে নিয়ে চলেছে ।

ঘোড়ার ঘামের গন্ধ আমি ভুলে যাব ।

ধরা গলায় কান্নার শব্দ আমি ভুলে যাব বন্দীশালায়

সকাল হলে আমার দেহটাকে খণ্ডবিখণ্ড ক'রে

আগুনের কুণ্ডে ছুঁড়ে ফেলা হবে

আমার মাথার টনক ভুলে যাবে তার অতীতের গৌরব ।

আমি ভুলে যাব মেয়েরা আমাকে দেখে কিভাবে আতকে উঠত ।

আমি যেন এক খোলা তরোয়াল,

কিন্তু জ্বা ধ'রে গিয়ে আমাকে খেয়ে নিচ্ছে ।

যেন একটা প্রচণ্ড নাড়া খেয়ে আমার প্রাণপুরুষ

কণ্ঠায় এসে ঠেকেছে ।

না, আমি ভুল বললাম—

আমার হৃদয় যেন পালক-ছাড়ানো বাজপাখি ।

আমি সমস্তই ভুলে যাব,

আমার প্রার্থনা, আমার মুক্তি,

অগ্নিকুণ্ড, লড়াই, আল্লা...

হে ঈশ্বর ।

মরুভূমির শিয়রে চাঁদ উঠছে

আর উটের দল চলেছে পেছনে পেছনে,

একটা মাদী উট বালিঝাড়গুলো পেরিয়ে...

মরুভূমির আঁচে ফুটন্ত রুধ,

নিতান্ত বেজার হয়ে কুকুরগুলো খেয়োখেয়ি করছে

আমি বন্দীশালায়, মাটির নিচে, অনেক গভীরে
আর গোলাকার রুটির মত চাঁদ আমার হাতে
গড়িয়ে গড়িয়ে আসছে...

অগস্টের এইসব রাত

অগস্টের এই সব রাত,
বিদায় নাও, কিন্তু মনে রেখো
এর চেয়ে ঘনঘোর রাত্রি আর নেই।
আমার কাঁধের ওপর আপেলের একটি পল্লব,
ঠিক চায়েরই মত স্নরভিত রাত্রি।

হাঁ করো,
দেখবে তোমার গলায়
চুপি চুপি প্রবাহিত হবে ধারা।
হরিৎ নগরের ভেতর দিয়ে যায় এই প্রহর, সেখানে বয়
আপেল গাছের শাখা,
গুঠানো যবনিকার মত,
কালো আকাশে আগুনের এক শিখা।
আমি ভুরু কৌচকাই আর মনে করতে চেষ্টা করি
সেই গ্রহের নাম।
মঙ্গল। মঙ্গল না হয়েই যায় না!

আস্তাবলের তেজী ঘোড়া আমার ডাকে সাড়া দিয়েছে,
আমার বিশ্বস্ত জুলবার।
তার লোহার লাগাম রুণু রুণু করে বাজিয়েছে
ধূলিধূসর সফরের পর।
শান্তি সিন্ধুতা ঘুম

উর্ধ্ব নক্ষত্র গম্বুজ,
গুলিতে কাঁঝরা হওয়া শিরদ্বাণের মত,
তার উজ্জ্বলতম নক্ষত্রকে বলকিত ক'রে
মাথার ওপর ঝুলিয়ে রেখেছে—
মজল। মজল না হয়েই যায় না !

পাকা টসটসে স্বচ্ছ ফল
হুয়ে পড়ে আপেলগাছের ডালটাকে চাপ দেয়,
ভাঙে।
আর সমানে হুইয়ে দিতে থাকে
অগস্টের এইসব রাত,
বিদায় নাও, কিন্তু মনে রেখো
এর চেয়ে লঘুভার রাত্রি আর নেই,
কত কিছু রয়েছে যা এখনও আমার জানার বাইরে,
ঠিক চায়েরই মত স্মরভিত রাত্রি।

ঘন ঘাসে নিষ্কিপ্ত
একটা জরাজীর্ণ জাজিম,
আলুবোথারা গাছের পেছনে অন্ধকার
কালো তেজী ঘোড়ার মতন দাঁড়িয়ে,
জিনের ওপর মাথা রাখা...জিন থেকে বেরোবে
ঘাম আর ধুলোর বোটকা গন্ধ...
আর আমার তলা থেকে উঠে আসছে
একটি দলিত মথিত উদ্ভিন্ন অঙ্কুর ॥

মরুভূমিতে রাত্রি

শিশির নেই,

আশ্চর্যের কথা, শিশিরই নেই,

অসাব্যস্ত, ঠাণ্ডা বালিতে,

আমার মুখমণ্ডলে আর আমার কুর্ভায়—

শিশির নেই,

চূর্ণিত পাথরের তরঙ্গমালা

ঠিক যেন প্রহরীর মতই চুপচাপ,

আর এক রাতছপুরের চাঁদের

জালায় জ্বলছে।

হায়, শিশির নেই।

খালি পায়ে শেয়ালেরা বালির মধ্যে হাসছে,

শিশির নেই ব'লে,

গায়ে আলো পড়ে এক কঙ্কালসার গাছ পরিজ্বাহি টেঁচাচ্ছে—

শিশির নেই ব'লে।

অ্যালুমিনিয়াম আলোয় অনাবৃত হয়

মরুভূমির উদ্গত স্তনযুগ

আর এক ফোঁটা শিশিরের জন্তে

বালিয়াড়ির কান্তর প্রতীক্ষার চেয়ে বড় মানবিক

সৌন্দর্য আর নেই।

চাঁদ জুড়িয়ে আসবে

আর বালিয়াড়ির দূরের কিনার

সূর্যালোকে ফেটে পড়বে...

কিসের জন্তে?

নিঃসঙ্গ মাহুষের মুখমণ্ডলে শিশির।

কথাটি

এক সুরাইতে ঢেলে দেওয়া তরল
চটপট বরণ করছে তার কঠিন হাঁদ ।
আল্লার বনগহনে নিবিষ্ট শব্দ
তাকে তার নিজের হাঁদে ঢেলে সাজে ।
রাতের গড়নে যা-নয়-তাই হয় অন্ধকার
আর অতীত থেকে আসে ছৈদো ঘোড়া নয় তেজী ঘোড়ার হেঁসারব ।
সব জায়গাতেই ভয়াবহ সামঞ্জস্যের সমস্ত কাঠামো
চিৎকার ক'রে ভাঙার একটা প্রবল স্পৃহা ।
এমনি ক'রে পৃথিবীতে ঢুকে আমরা পৃথিবীকে বদলাই ।
পৃথিবী ওপরের খোলস, আমরা তার ভেতরের শাঁস ।
কম্পমান ঈশ্বরের মত ছুমড়ে মুচড়ে গিয়ে
শব্দের কলেবর নিচ্ছে পৃথিবী ।
শেষ পুঁথি এখন ভাস্কর্য, আর স্কুলিকে ছেয়ে গেছে ধোঁয়া
কিন্তু অক্ষরগুলোর ছাইয়ের ওপর চিরন্তনের চিহ্ন
কঠিন প্রস্তরফলকে —
সেই ধ্বনি
চিন্তার নক্সায় উৎকীর্ণ ॥

বিলম্বিত

ট্রেনগুলো যে-সময়ে আসবার আসে নি ।
সবুজ সিগন্যাল দুর্ঘটনায় ঠাসা ।
গুলিতে ভূপাতিত পাঁশুটে নক্ষত্র
প্লেনগুলো বিলম্বিত ।

বাদামী চোখের ওপর তেরছা ভুরু —
দয়ার সাগর এই শতাব্দীর, মরি মরি, কী কেরামত !

মাত্র এক চাবুকপ্রমাণ দেরি ক'রে ফেলেছে
তোমার মন্তণা ।

অনেক ছবির রং চটিয়ে দিয়ে
পড়বে ভবিষ্যতের ছায়া ।
ওগো প্রিয়া, তোমার পেলবতা
বড় দীর্ঘদিন দেরি ক'রে ফেলেছে ।

পিয়ানোকে দাবড়াও ! ওরা বাবা-রে মা-রে করবে ।
মহাকাব্য থেকে ছিটকে উঠে আসবে
পরিত্রাতা অশ্বারোহীর দল — ইতিহাসের চেয়েও দ্রুতবেগে
— এসে দেখবে ওরা দেরি ক'রে ফেলেছে
বছর শ' তিনেক ॥

বিজ্ঞান, ধর্ম আর সৌন্দর্য বিষয়ে

মানছি

ধর্ম টানে সৌন্দর্যের দৌলতে—

রঙীন রঙীন কাঁচ, খোদাই-করা মূর্তি,

উচু উচু গম্বুজ,

নীলে নীলাকার মিনার, অক্ষয় অমলিন জলরং ।

শত শত জেহাদেও

ইসলামের যে জয় সম্ভব হয় নি

তা হয়েছে একটিমাত্র অপরাজেয় আয়া-সুফিয়ায় ।

তরোয়াল দিয়ে নোয়ানো যায় মাথা,

আস্বাণুলোকে হাত করায় আয়া-সুফিয়া,

নিরুঁহতা, গায়ের জোরে স্বীকার করায় বশুতা ।

পটাবার জন্তে রয়েছে সৌন্দর্য ।

মসজিদ জাগাবে সন্ধ্যা

তরোয়াল যোগাবে ভক্তি—

মারমুখো বিশ্বাসের এই হল আদত

চাঁদতারাকে আর চালচুলোকে এক জায়গায় এনে

দুয়ালোক আর ভুলোক মিলিয়ে দিয়ে

তরোয়ালে আর মসজিদে এক মিতালি ।

মানছি ।

কিন্তু ওসব প্রতীকে আর চলছে না,

সময় হয়েছে এখন ওদের আঁস্তাকুড়ে যাবার,

কিন্তু তবু ওরা বস্তুতে বস্তুতে আঠার মত লেগে,

মনগুলোতে তবু ওরা গেড়ে বসে আছে ।

দেবলোকে উঠে গেল কোথাকার এক আড়কাঠা

— ক্রসচিহ্নাকারে

কোথাকার এক খঞ্জর অর্ধচন্দ্রাকারে ।

রাগ হবে না ?

যুগটা পারমাণবিক আর ধর্মের প্রতীকগুলো

যেন সেই কোন্

আদমের সময়কার স্মৃতিচিহ্ন

মিনারের আদরার সঙ্গে

ক্ষেপণযোগ্য একটি রকেটকে একবার মেলাও ।

রকেটে মিশে আছে শক্তি আর সৌন্দর্য,

এখানেই তো পেয়ে গেলে তোমার যোগ্য প্রতীক ।

ভেতরে এক গোলমুখো দেবতার অধিষ্ঠান,

তার বেশ আটসাঁট মাংসপেশী

আর প্রথম শ্রেণীর রক্ত ।

আজ দেবতা বনতে পারে যে কেউ—

ওঁরা বলেন, তার জন্তে চাই যুগসই স্বাস্থ্য ।

মধ্য রাত্রে

কারো পিঠ বেয়ে পিঁপড়েরা যেমন বেড়ায়

তেমনিভাবে সেই দেবতার। চন্দ্রপৃষ্ঠে হাঁটে

সেই বিগ্রহ।

ঠাকুরের সাদাসিধে ভাবে কেউ বিমুখ তো হয় না,

সাদা সফেদ শয্যাতেই তো আমার প্রেয়সীকে ঢের ভাল দেখায়।

জীবনের সমস্ত নোংরা নিয়ে

সমস্ত সৌন্দর্য নিয়ে,

আমি উচ্চারণ করি আমার প্রার্থনা,

প্রেমই আমার ধর্ম।

ধুলোর মতন রেণু রেণু হয়ে জন্মবে

পুরুষের পর পুরুষ, কালের পর কাল, কল্পের পর কল্প

যতদিন বিরাজ করবে ভালবাসার এই ধর্ম,

যতদিন ভেনাসের শরীরের ঢেউগুলো মারাত্মক হয়ে থাকবে।

তামাকের একরাশ ধোঁয়ায়, দেখ

বুড়োর দল কি রকম আড়চোখে ঠাকরুনকে দেখতে দেখতে ভাবছে

উনি নিশ্চয় মানুষ, এই মাটির পৃথিবীর,

বিশেষ ক'রে,

শরীরের ঐ বন্ধিম ঠাম...

কিন্তু তা সত্ত্বেও, গির্জাগুলোতে চুঁ না দেওয়াই ভাল,

যেখানে রঙীন কাঁচ ভেদ ক'রে সূর্যের রশ্মিগুলো

খ্রীষ্টের বক্ষপঞ্জরের ওপর দিয়ে রক্তের ধারার মত বইছে,

সায়ংকালের প্যাগোডার মতন

যেখানে নৈশব্দ্য,

ভোরবেলার মসজিদের মতন

যেখানে উত্তুঙ্গ মহিমা।...

এই সৌন্দর্য হরণ ক'রে নেয় ধর্মে বিশ্বাস ॥

পদার্থবিদের প্রার্থনা

কেক্স্মারিতে (হ্যা, আমার মনে হয় কেক্স্মারিতে) মরুভূমি
হয়ে যায় লালে লাল সমুদ্র । পপিফুলে ।

মার্চে ঘাসে ঘাসে ঢাকা থাকে বালি,
উটের যে কাঁটা, তাও তখনও ঠিক কাঁটা নয়—

নরম, সবুজ আর তার থলথলে পাতাগুলো
ভেঙে গেলে তখনও চুঁইয়ে চুঁইয়ে পড়ে শিশির ।

মে মাসে রৌদ্রতাপে দগ্ধ ঘাস বালিতে মিলিয়ে যায়
আর গরম ধুলোয়

ঢের বেশী ক'রে দেখা যায় ভেড়ার নাদি ।

আর অগভীর বাটিতে

গুধু সবুজ চা

অরণ্য না করার কথা

আমাকে মনে করিয়ে দেয় ।

আর সেই সঙ্গে শুকনো কুম্বোর তলানিতে ঠেকা

কালো জল

মাকে মনে করিয়ে দেয়

চরাচর হলুদবর্ণ

আর টকটকে লাল ।

২

চৌটটাকে স্বাগত জানাবার ভঙ্গিতে নেড়ে নেড়ে

এক বাদামী ঈগল শূণ্ণে ভেসে আছে ।

আমি ফিরে এসেছি, আমার পুনরধিকারে

আমার এই ভূমণ্ডল, আমার ভালবাসার জগৎ ।

নিশ্চল সাপ গদগদ হয়ে আমার দিকে তাকিয়ে :

কুঁকড়ে গেছে লজ্জায় !

মাঠ, তুমি কেমন আছ !

প্রত্যেকটা নেংটি ইঁদুর আমার অন্ত্রে

তার জীবন আর স্বাধীনতা
 হাসিমুখে বিসর্জন দিতে প্রস্তুত ।
 এখানে সকলেই কুশীলব,
 সকলেরই স্থান মঞ্চ
 একটা চড়াইও জানে
 তাকে ছাড়া এ পৃথিবী অসম্পূর্ণ ।
 গুবরেপোকাও মানিয়ে যায় ।
 পেছনে ষাড় ঘুরিয়ে সে হাঁটে,
 গোময়ে তার প্রাণধারণ,
 সে ভালবাসা পায়,
 তাকে দেখা হয় না ঘৃণার চোখে
 পায়ের নিচে কেউ যদি তাকে মাড়িয়ে দেয়
 তাহলে তা হঠাৎ দৈবাৎ ।

বিনা মদিরায় এখানে শান্তি মেলে,
 অতীতকে নাকচ করতে হয় না ।
 শব্দ আর শ্রুতি হয়ে সময়ের পর্বগুলো এখানে এসে মেলে
 তারপর অনাদি-অনন্তে মিশে যায় ।
 তাড়া না করার ধর্মকে
 লগির জোরে অমর করে রেখেছে বালুতট,
 এখানে এলে টনক নড়ে :
 দার্শনিক জেনো বলেছিলেন ঠিক—
 কচ্ছপের পিছু নিয়ে কখনই আমরা তাকে ধরতে পারব না ।
 স্তত্রাং : বেঁচে থাকো আর ঘুমোও, হে—
 তোমার যা প্রশ্ন আছে করো, সময় হলে উত্তর পাবে ;
 কাল অনন্ত, তাকে তাড়া করো না ।
 সরলরেখা হল
 অনন্তে প্রসারিত গুহ্মমাত্র সংখ্যা ।
 পরম জ্যামিতিক চিত্রসমূহের যোগফল দিয়ে
 বৃত্তকে পরিমাপ করতে যেয়ো না,

আর বুঝে ফেলতে চেয়ে না সব কিছু
কেননা তাতে সব কিছুই অর্থ হারায় ।
যুগ যুগ সঞ্চিত অশ্রুর বাষ্পে,
শতাব্দীর পর শতাব্দী ধরে সঞ্চিত ধুলির আবরণে,
বাস্তব থেকে আমাদের ঠিক শিক্ষাটি হয় নি,
আমাদের মাথা খেয়েছে রূপকথা ।

গুতার পেরিয়েও অনেক টেন আছে ।
তার একটি হল আমার বিষাদ ।
প্রকৃতির ধর্মের দরুনই হোক,
কিংবা দুর্ঘটনাক্রমেই হোক,
হে ঈশ্বর, তুমি দেখো
যেন আমার দেরি হয়ে না যায় ।
ঈশ্বর, দেখো
আমি যেন সব কিছু বুঝে না ফেলি,
আর সে মুরোদ যদি তোমার না থাকে —
ঈশ্বর,
আমাকে মাপ ক'রো ॥

হে পর্বতমালা

হে পর্বতমালা, তুমি কি আমাকে ভালবাসো ?
পাইনগাছ, ভালবাসো ?
নীল আর সাদা পোশাকে
বছরগুলো আমার ভিতর দিয়ে বয়ে গেছে,
সঙ্গে নিয়ে কত সব মূল্যবান
ঔষধির নাম,

চড়া চড়া রঙের মধ্যে শুবে নিয়ে

সকল ছাঁদের নৈশব্য ।

পাহাড়গুলোকে একজোড়া দিগ্‌দর্শন যন্ত্রের মত ব্যবহার ক'রে

আকাট বাস্তবতাকে আমি শুধু নেই—

আমি ভ্রমণ করেছি তুষার-সম্প্রপাতের মত

আর আমার বছরগুলোর

দীর্ঘ আকাবাকা পদাঙ্কে জমেছে

তুষারের ধূলিকণা ।

উষ্কার নামাক

বিভ্রমের বছরগুলো ।

হে পর্বতমালা, তুমি কি আমাকে ভালবাসো ?

মানুষের জাত, আমাকে ভালবাসো ?

তোমার ভুল কখনও শোধরানো যাবে না,

তোমাকে কখনও সমান করা যাবে না,

তোমার বন্ধুরতাকে,

হে পর্বতমালা,

কখনও চেঁছে ফেলা যাবে না ।

তোমার নিয়মের কোনো বালাই নেই, হে পর্বতমালা,

তোমার কোনো ধারণাই নেই বিধিনিয়মের,

তোমাকে কেটে সমান করা যাবে না, হে পর্বতমালা,

কেননা তোমার সমান স্তরের কিছুই নেই ॥

-যায় আসে

আকাশে পাখির ঝাঁক

উড়ে যায়

নিচে গুজ নদী,

যেন দক্ষ ঐশ্বর্য দিল অন্তরীক্ষে ছুঁড়ে
কালো ছাই,
বলাকা উড়ীন, যেন শূন্যে যায় ভেসে
কারো চুল বাঁধবার ফিতে,
আমার হাঁসেরা যায়

যেখানে চেয়েছে তারা যেতে ।

মিষ্টি এঁটেল মাটি, লবণাক্ত হৃদ,
আফ্রিকার মাছ, কিন্তু তেতো নয়,
গায়ে নেই কাঁটা ।

আমার কেমন যেন মনে হয় —

মগ্ন হাঁসের কাঁক নিয়ে
নদীতে নদীতে ফেলে মুক্তাবর্ণ পাঁশুটে পালক
রাজ্য ছেড়ে চলে গেছে যেন স্বচর্চনী
আমার কেবল ভয় —

হয়ত এলিয়ে পড়বে ডানা,
হয়ত বা থেকে যাবে নিরবধি অন্তহীন কাল
যেখানে যাবার জন্তে বাসনা আমার ।

হয়ত আছে বাসনা আমার ।

...উঠে আসে পাহাড়ের মাথার ওপর

এলে মধুমাস,

যেন ভারতুর রশ্মি,
সূচীমুখে প্রথম প্রবেশ,
জোর ক'রে ঠেলে ঠেলে অবসন্ন জলবায়ু-জর্জরিত তাদের ডানায়
ঈষদচ্ছ, সান্দ্র সেই
বায়ুর দ্রবণ ॥

পদচিহ্ন

পায়ের

এই ছাপ

তোমার না হয়েই যায় না।

হাজারটা পায়ের ছাপ মরতে কেনই বা পড়বে !

ধবধব করছে রাস্তা, তার ওপর দাগ,

আমার নোটখাতার মার্জিনে কলম বোলানোর মত।

...আমি রাস্তিরে যেসব সাংঘাতিক ভুল ক'রে বসি, তার চিহ্ন.

মার-খাওয়া মুখের কালো আর নীল কালশিটের মত !

প্রিয় মুখ হাজার ভিড়ের মধ্যেও আমি খুঁজে নেব,

অভিধান ঘেঁটে আমি ঠিক খুঁজে বার করব ভাল ভাল কথা.

আমি তাদের শিকারী কুকুরের মতন পাদস্পৃষ্ট রাস্তা দিয়ে

হাঁটিয়ে নিয়ে যাব

গ্রামদেশের অমলিন তুষারের দিকে,

নগরের সেই উপান্ত পার হয়ে,

যেখানে শোনা যায় না কোনো হীন কটুকাটব্য,

যেখানে তুষারে মুদ্রিত ছাপ আহান্নমকেরা এখনও পড়ে ফেলে নি।

লাল খেঁকশেয়ালী হয়ে হয়ত তুমি চলে গিয়েছিলে পাহাড়ে ?

হয়ত নীল নেকড়ে হয়ে গিয়েছিলে মরুভূমিতে ?

নাকি তুমি সাদা তিতির হয়ে গিয়ে

তুষারে ছড়িয়েছিলে ঢা়াচিহ্ন ?

সীমান্ত পেরিয়ে তুমি উড়ে গিয়েছিলে কি

চীনদেশের ঘননিবিড় কাঁটাবনে ?

কিন্তু মুদ্রিত ঢা়াচিহ্নগুলো

কত শিখর, কত গহ্বর, কত পাহাড় ঘুরিয়ে ঘুরিয়ে

আমাকে আবার ফিরিয়ে নিয়ে আসে—

কাকেরা নিশ্চয়ই এই ঠেসে-ধরা, চোট-খাওয়া তুষারে

এই প্রান্তরকে চিহ্নিত করেছে।

আমি কাকদের সেই চ্যারাচিকগুলোকে বার বার জিগোস করেছি
তারা তোমার কথা কিছু জানে কিনা ।

আমি উত্তর পেয়েছি :

‘না ।’

আকাশ বর্ষণ করছে তুমার ।

কোনো পদচিহ্নই এই তুমারে থাকার নয় ।

বিড় বিড় ক’রে আঙড়াচ্ছে পত্ন...

মানবিক ক্রিয়ার মন্থর অনুধ্যান হল শব্দ,

ভাষা ফুটে বেরোয় খাড়াই বেধ আর বর্ষ নিয়ে ।

যেমন একটা গরাস, তেমনি একটা সজোরে ঘা,

আর একটা স্থিত হাসি,

আর শত শত বছর ধ’রে পায়ের পেটানোর আওয়াজ

আর আঙুরলতার একটা হেলে-পড়া ভাব :

সমস্তই পুনরাবৃত্ত হবে শব্দে ।

আমি পুনর্বীর এই কালো রাত্রিকে

আমার শাগ্‌রেদ ব’লে স্বীকার করছি ।

এই রাত্রে আমি উপলব্ধি করেছিলাম চাঁদের অস্মুট স্বগতোক্তি ।

আর গলা বেয়ে উঠে এসে

একগুচ্ছ শুভ্র শব্দ

এমনভাবে লাল জিহবার দিকে যাবার জন্তে

ঠেলাঠেলি ছড়োছড়ি করছিল

যেন তারা আলোর দিকে যাবার জন্যে ব্যস্ত ।

এখনি আমি তারস্বরে চিৎকার করে উঠব :

পেয়েছি.! পেয়েছি !

আমি সকলের কাছে রাষ্ট্র ক’রে দিতে চাই ।

দর্পণের ছায়ায়

এই চাঁদ গণনা করবে ভাগ্য ।

নিষ্কিন্ত গুলির দূরাগত বলকের মত

এই অনচ্ছ আলো

উলঙ্গ ক'রে দেয় আমার মুখ,

বছরের পর বছর সে জালা জুড়ায় না ।

আহাম্মকদের কাছে করুণা না চেয়ে,

আক্কেলমস্তদের আদেশ শিরোধার্য না ক'রে

স্বপ্ন-ভূমিতে টো টো ক'রে ঘুরছে শব্দ

যদি দৈবাৎ আমার দেখা পায় ।

...বিড় বিড় ক'রে সে আওড়াচ্ছে পদ্য । কুর্দ'রা ঠিক এইভাবেই

উচ্চারণ করে তাদের প্রার্থনা ।

ধিকি ধিকি আগুনের ছায়া পড়েছে তার গালের হাড়-উচু-করা মুখে ॥

রে তিমুর খান, লোহায় তৈরি খঞ্জ

আমার আছে দুই তুমেন* সৈন্য

তোমার আছে এক কুড়ি দুই ।

চীনা ভিক্ষু মু চিন তাঁর সম্রাটের কাছ থেকে

আমার জন্তে আনছিলেন ভেট ।

সোনালি জরি দিয়ে বোনা দুটো গালচে,

দুটো নাকাড়া

আর পান্না-বসানো একটা তরোয়াল ।

তুমি পুড়িয়ে ছাই করেছ আলমা-তাউ,

আমার খেতপক্ষ প্রাসাদ লুটিয়ে গেছে ধুলোয় ।

* তুমেন— হাজার সৈন্তের একটি বাহিনী

তোমার পণ্টনে তুমি জুটিয়ে নিয়েছ আমার লোকজন,
 আমার কাছে পড়ে রয়েছে আর মাত্র দু তুমেন ।
 চীনা ভিক্স মু চিন
 আমাকে দিয়েছিলেন দুটি নাকাড়া আর তাঁর করুণা ।
 আমি তাঁকে পুঁতে ফেলার হুকুম জারী করেছিলাম ।
 তিমুর, যদি সাহস থাকে তো এসো লড়ে যাও,
 খোঁড়া কুস্তা, তোমাকে আমি কচু-কাটা করব,
 তুমি হলে লোহার তৈরি খঞ্জ,
 কিন্তু আমার তরোয়াল ইস্পাতের ।
 এক খাপে দুটো তরোয়াল
 কখনও আঁটে না ।
 দুই রথী কখনও বাঁচতে পারে না
 শান্তিতে ।
 তোমার চৰ্বি আমি মাখিয়ে নেব আমার তরোয়ালে,
 তোমার চামড়া দিয়ে ঘোড়ার গায়ের চমৎকার ঢাকা হবে ।

আমি কালে ঘূর্ণীঝড়ের মত দেখা দেব তোমার জনপদে,
 আমার হাঁটু ছাড়িয়ে যারই মাথা উঠবে,
 ইতিহাসে তাকেই বিদায় নিতে হবে
 টগবগিয়ে ছুটে আমি ধ'রে ফেলব তোমার মেয়ে বুলবুলকে
 আমি তাকে ছিনিয়ে এনে
 ছাইগাদায় ফেলে
 ধ্বংস করব !

ক্ষেপেছ ?
 না, বুলবুল —
 বিধবস্ত আলমা-তাউয়ে আর আমি থাকব না,
 দরিদ্রতম পাড়াগাঁয় চলে যাব
 আর সেখানে গিয়ে আমার ছোট্ট ক্ষেতি-বাড়িতে করব জোয়ারের চাষ ॥

নিউ ইয়র্কে বৃষ্টি

হাওয়া নেই। লোক গিজ গিজ করছে। জুলাই।
কন্ক্রিটের গায়ে নেই-আঁকড়া বৃষ্টি,
শার্পিতে রাং-ঝালাই করছে লম্বা লম্বা হলুদে ফালি।
শহরটা মুখ বুঁজে জল ভাঙছে।
হাঁটুজল হাডসন।

মোড়ে হেলান দিয়ে
মুখ মুচছে শহর।

লোকে যেমন ঘোড়ার দাঁত দেখে,
তেমনি ক'রে আমি খুঁটিয়ে খুঁটিয়ে এই শহরকে দেখছি।
আমার জানলা আঁচড়াচ্ছে
ঐ সব লম্বা লম্বা হলুদে ফালি।
একটু হেঁটে আসা যাক। ব'লে আমি বেরিয়ে পড়ি।
পার্ক এভিনিউতে বৃষ্টি।
আমি তোমাদেব অতিথি।
তোমরা ভিজে গেছ।
আমিও ভিজব।
হাওয়া নেই।
অঝোরে বৃষ্টি।
হাঁটু অবধি জল ঠেলে চলেছি।
কাদাগোলা নদী উঠে আসতে চাইছে
আমার কোলে।

মরুভূমির নদী
ইন্টার দালানকোঠার মধ্যে গুর বড় একা একা লাগে !
— আমেরিকা !
ও কি তুমি, এইটুকু শিখা,
ছায়াচ্ছন্ন পদতলে ?
— আর তুমি স্বয়ং ? কে তুমি ?

আমি চুপচাপ, গাড়ির লালশক্তলোর পেছন দিয়ে

আমি খুঁজে বেড়াচ্ছি রাস্তা ।

হলুদবর্ণ দিন । বৃষ্টি । বালির ঢল ।

শেষ পর্যন্ত আমি পৌঁছোই

হোটেলের গাড়িবান্দায় ।

মেয়েদের চিলচিৎকারের মধ্যে

সবেগে হলুদবর্ণ কাদ। পেরিয়ে

গাড়িগুলো পৌঁছে যাচ্ছে শক্ত জমিতে ।

তারপর হাঁসের মত গা থেকে ঝেড়ে ফেলে জল ।

বাড়িগুলোর ফাঁকে ফাঁকে

টাইটব্রু হাওয়া ।

মুশলধারায় বৃষ্টি আমার চোখমুখে


যেন জুতোপেটা করছে ।

একটা নীল বেড়াল ডেউয়ের মতন

জল ছেটাচ্ছে ।

রাস্তার হলুদে ঘোলা জলে

নীল সমুদ্রের তরঙ্গ ॥



নাজিম হিকমত

না জি ম হি ক ম তে র আ রে। ক বি তা

শোভামল পারেখ —

মেহতাজনেমু

নাজিম হিকমত প্রসঙ্গে

উনিশ শো একাত্তর কি বাহান্ন সালে কলকাতায়, জানি না কী ক’রে, আমাদের বন্ধু ডেভিড কোহেনের হাতে এসেছিল নাজিম হিকমতের একগুচ্ছ কবিতার ইংরিজি তর্জমা। ইংরিজি খুব উচ্চাঙ্গের নয়। তবু প’ড়ে মুগ্ধ হয়েছিলাম। প্রধানত সেই কবিতাগুলি অবলম্বন ক’রেই বাংলায় বার হয়েছিল আমার ‘নাজিম হিকমতের কবিতা’। অনেকে বলেন, এই সময়কার আমার নিজের অনেক কবিতাতেও নাজিম হিকমতের লেখার ছাপ পড়েছে।

তারপর ছাব্বিশ সাতাশ বছর কেটে গেছে। মধ্যে দুবার, ১৯৫৮ আর ১৯৬২ সালে, নাজিম হিকমতের সঙ্গে আমার দেখাও হয়েছে। সুন্দর লম্বা দোহারী চেহারা। খুব নিরভিমান দিলখোলা ফুতিবাজ মাহুষ। ১৯৫০-এর পর থেকেই দেশছাড়া। হাসিখুশির মধ্যেও চোখেমুখে ছায়া ফেলত একটা ক্ষীণ বিষাদ।

নাজিমকে কাছে পেয়েও তাঁর সঙ্গে কখনই আমার সে রকম বাক্যালাপ হতে পারে নি। নাজিম জানতেন ফরাসী আর রুশ। আমি শুধু ইংরিজি। তাছাড়া সম্মেলনের বাঁধা-ধরা আর ভিড়ে-ঠাসা প্রোগ্রাম। ফলে, নাজিমের সঙ্গে আমার হয়েছে শুধুই চোখের দেখা।

নাজিম যা কিছু লিখেছেন সবই তুর্কী ভাষায়। আমার দুর্ভাগ্য, আজ পর্যন্ত তুর্কী ভাষা জানেন এমন কাউকেই হাতের কাছে না পাওয়ায় ইংরিজি তর্জমাই হয়েছে আমার কাছে অন্ধের যষ্টি।

নাজিমকে আমি শেষ দেখি ১৯৬২ সালে মস্কোয়। সেবার আমরা কায়রোয় অহুষ্ঠিত আফ্রো-এশীয় লেখক সম্মেলন থেকে ফিরছি। তুরস্ক থেকে বহিষ্কৃত নাজিমকে সেই সম্মেলনে তাঁর দেশের প্রতিনিধি ব’লে মানতে আপত্তি জানিয়েছিল চীনের প্রতিনিধিদল, যার নেতৃত্বে ছিলেন মাও-তুন। সমাজতান্ত্রিক চীন এ কাণ্ড করবে কেউ স্বপ্নেও ভাবে নি। কায়রোয় সেই সময় দেখা নাজিমের চোখ-ছলছল-করা মুখচ্ছবির কথা আমি কখনও ভুলব না।

সেবার মস্কোয় সোভিয়েত লেখক সম্মেলনের আয়োজিত এক ভোজসভায় কথা-প্রসঙ্গে নাজিম হিকমত বলেছিলেন, ‘পরকে আপন আর দূরকে নিকট করার মন্ত্র এ দুনিয়ায় একমাত্র মস্কোরই জানা আছে। এখানে আমার নিজেকে পরদেশী

ব'লে মনেই হয় না। আপনজনের মত এরা ভুলিয়ে দিতে পারে নির্বাসিতের বেদনা।'।

নাজিম যারা যান এর ঠিক পরের বছর। ১৯৬৩-র জুন মাসে।

নাজিমের জন্ম ১৯০২ সালে। বড় হন ইস্তানবুলে। ঠাকুর্দা ছিলেন তুরস্কের একজন সম্ভ্রান্ত রাজপুরুষ। কবিতায় নাজিমের হাতেখড়ি হয় যখন তাঁর চোদ্দ বছর বয়স।

প্রথম মহাযুদ্ধে মিত্রশক্তির দখলে চলে যায় তুরস্ক। ১৯২১ সালে স্বাধীনতার যুদ্ধে যোগ দেবার জন্তে নাজিম ইস্তানবুল ছেড়ে গোপনে চলে যান আনাতোলিয়ায়। তারপর সীমান্ত পেরিয়ে বাতুম। সেখান থেকে মস্কো। বিশ্ববিদ্যালয়ে পড়াশুনা করার সঙ্গে সঙ্গে সেইসময় তিনি নানা দেশের লেখক শিল্পীদের সংস্পর্শে আসেন। দেশ স্বাধীন হলে নাজিম তুরস্কে ফিরে এসে এক বামপন্থী পত্রিকায় কাজ করার অপরাধে গ্রেপ্তার হন। তারপর কোনরকমে পালিয়ে সোভিয়েতে চলে যান। ১৯২৮ সালে সব বন্দী ছাড়া পেলে নাজিম দেশে ফেরার অনুমতি পান। দেশে ফিরে নাজিম প্রফরিরডার, সাংবাদিক, চিত্রনাট্যকার এবং অনুবাদক হিসেবে কাজ করেন। দশ বছরে তাঁর ন'টি কবিতার বই প্রকাশিত হয়। তুরস্কের গোয়েন্দা পুলিশ তখনও তাঁর পেছনে লাগা ছাড়ে নি এবং কমবেশি মেয়াদে মোট প্রায় চার বছর তাঁকে জেলে আটক থাকতে হয়। এরপর আবার তিনি গ্রেপ্তার হন ১৯৩৮ সালে; সৈন্তবাহিনীর লোকদের মধ্যে তিনি নাকি বিদ্রোহের প্ররোচনা দিয়েছেন। নাজিমের কবিতা পড়তে দেখা গেছে তাদের অনেককে—এই সাক্ষ্যপ্রমাণ দেখিয়ে নাজিমকে আটশ বছরের কারাদণ্ড দেওয়া হয়।

তেরো বছর জেলে থাকার এই সময়টাতে নাজিম অজস্র কবিতা লিখেছেন। এইসব কবিতা তাঁকে লিখতে হয়েছে জেলকর্তাদের চোখ এড়িয়ে। তারপর গোপনে চালান করতে হয়েছে বাইরে। অস্বাভাবিক ব্যবস্থার দরুন তাঁর বেশ কিছু কবিতা খোঁয়া গেছে।

১৯৪৯ সালে নাজিম হিকমতের মুক্তির জন্তে প্যারিসে একটি আন্তর্জাতিক কমিটি গঠিত হয়। তাতে ছিলেন নেরুদা, পিকাসো, আরাগাঁ, মার্ত'রু। দেশে দেশে নাজিমের মুক্তি দাবি ক'রে সভাসমিতি হতে থাকে। কিছুদিন আগে গুরুতর হার্টের অস্ত্র হওয়া সত্ত্বেও ১৯৫০ সালে নাজিম হিকমতকে আঠারো দিন ধ'রে লম্বা অনশন ধর্মঘট করতে হয়। একই বছরে তিনি পান বিশ্বশান্তি পুরস্কার। শেষে বিশ্ব জনমতের চাপে অস্ভাশ্র বন্দীদের সঙ্গে নাজিম জেল থেকে ছাড়া পান। আটচল্লিশ বছর

স্বয়ংসেও জোর ক’রে তাঁকে মিলিটারিতে ভর্তি করার চেষ্টা হয়। ফলে, বাধ্য হয়ে আবার তাঁকে গোপনে দেশ ছেড়ে, জ্বীপুত্র ফেলে পালাতে হল। শেষের এই তেরো বছর সোভিয়েতে থাকা ছাড়াও পৃথিবীর দেশে দেশে তিনি সমানে ঘুরে বেড়িয়েছেন। লিখেছেনও বিস্তর।

নাজিম হিকমতের কবিতার সঙ্গে আমার যেটুকু পরিচয় তার প্রায় সবটাই ইংরিজি অনুবাদ মারফত। এর সীমাবদ্ধতা সম্পর্কে আমি সম্পূর্ণ সচেতন। কবিতা বাছাইয়ে আমার কোনো হাত নেই। বাংলায় নাজিম হিকমতের দ্বিতীয় কবিতাশুষ্ক বার করার ব্যাপারে আমাকে যে দীর্ঘ আটাশ বছর অপেক্ষা করতে হল, তার কারণ এর আগে ইংরিজি অনুবাদে এই কবিতাগুলো আমার হাতে আসে নি।

তুরস্কের এক তরুণ লেখক বন্ধু বছর দুই আগে তুর্কী ভাষায় প্রকাশিত নাজিম হিকমতের গ্রন্থাবলীর চারটি খণ্ড আমাকে পাঠান। দুঃখের বিষয়, কলকাতায় আজও তুর্কী ভাষা জানা এমন কারো খোঁজ পাইনি আমি যার দ্বারস্থ হতে পারি। ফলে, ইচ্ছে থাকলেও নাজিম হিকমতের কবিতার গভীরে ডুব দেবার আমার শক্তি নেই।

কিছুদিন আগে আফ্রো-এশীয় লেখক সম্মেলনের ‘লোটাস’ পত্রিকায় তুর্কী সাহিত্য-সমালোচক মেহমেৎ দোহান-এর লেখা একটি প্রবন্ধ পড়ি। আমাদের মতন বিদেশীদের পক্ষে নাজিম হিকমতের কবিতার মর্মগ্রহণে সাহায্য হবে ভেবে দোহান-এর লেখা থেকে কিছু কিছু কথা আমি আমার নিজের ভাষায় পাঠকদের কাছে ছোট ক’রে উপস্থিত করছি :

নাজিম হিকমত তাঁর গোড়ার দিকের এক কবিতায় লিখেছিলেন :

‘...শুধু লেখায় আর ছবিতে
আমি ঘুরে বেড়িয়েছি ইউরোপে।
সারা জীবনে নীল ডাকটিকিট লাগানো
এমন একটি চিঠিও আমি পাই নি
যার ওপর আছে এশিয়ার শিলমোহর
আমাদের পাড়ায় মন্দির দোকানী আর আমি
মার্কিন মূল্যে আমরা দুজনেই সমান অজানা।’

তুরস্কের বাইরে তাঁর নাম তখনও ছড়ায় নি। শেষ জীবনে তুরস্কের এই কবি হলেন জগদ্বিখ্যাত। মাতৃভাষা তুর্কীতে ছাড়া অল্প কোনো ভাষাতেই কখনও তিনি লেখেন নি। এ সম্বন্ধে পৃথিবীর ছোটবড় প্রায় সব ভাষাতেই তাঁর কবিতার তর্জমা হয়েছে।

নাজিমের নিজের বিপ্লবী জীবনের মহিমা আর আন্তর্জাতিক মনুষ্যত্ববোধ—এই দুটি গুণই তাঁর কবিতায় সর্বজনীন আবেদনের সঞ্চার করেছে।

ওপরের সেই একই কবিতায় তিনি লিখেছিলেন :

‘...’

এ সঙ্গেও কিন্তু

চীন থেকে স্পেন, অন্তরীপ থেকে আলাস্কা

প্রত্যেকটি জলকাটা মাইলে, প্রত্যেক

কিলোমিটারে আছে আমার দোস্ত আর দুশমন।

বন্ধুরা আমার, কোনোদিনই আমাদের একটিবারও

দেখা হয় নি, তবু একই ঝুটি, একই স্বাধীনতা—

একই আকাজ্জার জন্তে আমরা মরে যেতে পারি।

আমি যেমন আমার দুশমনদের,

দুশমনরাও তেমনি আমার রক্তপিপাসু।

আমার জোর এইখানে যে,

আমি এই বিপুল পৃথিবীতে একা নই।’

এই সাযুজ্যের দরুন নির্জন কারাকুঠুরিতে থেকেও, দেশ থেকে নির্বাসিত হয়েও, স্ত্রীপুত্র থেকে বিচ্ছিন্ন হয়েও নিজেকে কখনও তাঁর একা মনে হয় নি।

এরই ফলে নাজিমের কবিতা অতিক্রম করতে পেরেছে দেশ, কাল আর ভাষার গুণ্ডী।

কবিতার অকৃত্রিম কিংবা অবিকল ভাষান্তর কখনও সম্ভব নয়। অনুবাদক শক্তিশালী এবং নিষ্ঠাবান হলে বড়জোর তিনি করতে পারেন অস্ত্রের কবিতাকে নিজের ভাষায় যথাসম্ভব টেলে সাজতে। একাজে খানিকটা স্বেবিধে হয় মূলভাষা জানা থাকলে কিংবা তার খানিকটা আঁচ পেলে। সে স্বেবিধে না থাকলে কবিতা বাছাইয়ের ব্যাপারেও পুরোপুরি পরনির্ভর হওয়া ছাড়া অনুবাদকের অল্প কোনো উপায় থাকে না।

নাজিমের কবিতায় যে সর্বজনীনতা, তার শিকড় রয়েছে বিশেষভাবে তাঁর স্বদেশেরই মাটিতে। নাজিমের জীবন আর তাঁর কাব্য অভিন্ন। তাঁর কবিতাই তাঁর জীবনের ইতিবৃত্ত। সমসাময়িক তুরস্কের ধারাবিবরণ তাঁর কবিতায়। তাই নাজিমের সব কবিতা কালাহুক্রমে সাজালে তুরস্কের ইতিহাস বাণ্যয় হয়ে উঠবে।

তুর্কী ভাষায় নাজিম হিকমত আধুনিক কবিতার জনক। প্রথাগত ছন্দ ভেঙে তাকে তিনি এনে দাঁড় করান মুখের কথার কাছাকাছি। কবিতায় বাঁধাগৎ ছিল:

তঁার প্রকৃতিবিরুদ্ধ। নিজেকে তিনি ক্রমাগত বদলেছেন। তঁার বলবার কথা থেকেই ফুটে উঠেছে তঁার বলবার বিচিত্র ধরন। নিজের ভাষার ঐতিহ্যে অবিচল থেকেও অগ্নি ভাষার সার্থক অভিজ্ঞতাকে কাজে লাগাতে তিনি কখনও দ্বিধা করেন নি।

নাজিম হিকমতের বিপ্লবী জীবনের সূত্রপাত আনাতোলিয়ায়। দেশ আর দেশের মানুষকে তিনি এই প্রথম কাছ থেকে দেখতে শেখেন। তার ফলে, নাজিম হিকমতের কবিতারও রূপান্তর ঘটল। প্রচলিত ছন্দমিলের বন্ধন ঘুচিয়ে তিনি এই সময়েই মুক্তহৃদে, কথা বলার মত ক'রে, প্রথম কবিতা লিখলেন। এইভাবে যখন তঁার কবিতার নবজন্ম হল তখন তঁার মাত্র কুড়ি বছর বয়স।

‘নাজিম হিকমতের কবিতা’র মত ‘নাজিম হিকমতের আরও কবিতা’ যদি পাঠকদের ভাল লাগে, তাহলে অনুবাদক হিসেবে নিজেকে ভাগ্যবান মনে করব।

মাথা উচু করে

২১শে সেপ্টেম্বর

আমাদের ছেলেটা অস্থস্থ

তার বাপ জেলখানায়

আর তোমার ভারতুর মাথাটা তোমার ক্লান্ত করতলে—

আমরা ভাগ করে নিচ্ছি সারা পৃথিবীর ব্যথাবেদনা।

মানুষের দৌলতে আর সবাই সুদিনের মুখ দেখবে

কাজেই, ছেলে আমাদের ভাল হয়ে যাবে

তার বাবা জেল থেকে বেরোবে

আর তোমার সোনালি চোখের ভেতরটা আবার হেসে উঠবে

সারা পৃথিবীর ব্যথাবেদনা ভাগ করে নিয়ে।

২২শে সেপ্টেম্বর

আমি একটা বই পড়ি :

তার ভেতরে তুমি

আমি একটা গান গাই :

তার ভেতরে তুমি

আমি বসেছি রুটি খেতে :

আমার মুখোমুখি তুমি।

আমি হাত লাগিয়েছি কাজে :

আমার মুখোমুখি তুমি।

সব জায়গাতেই তুমি আছ

তবু তুমি কিছু বলতে পারছ না আমাকে

আমরা কেউ কারো গলার স্বর শুনতে পাচ্ছি না—

তুমি আমার আট বছরের বিধবা বউ।

২৩শে সেপ্টেম্বর

ঠিক এই সময়, এখন, এই মুহূর্তটিতে

ঠিক একুশি সে কী করছে ?

সে বাড়িতে, না কি কোথাও বেরিয়েছে ?
কি করছে, না গা এলিয়ে দিয়েছে, না দাঁড়িয়ে আছে ?
সে কি ওপরদিকে তুলে রেখেছে তার বাহুলতা—
সে আমার প্রিয়তমা
তার এই গতিচ্ছন্দে
হাতের চ্যাটালো কজ্জিটা কী দিগম্বর যে দেখায় !

এই সময়, এখন, এই মুহূর্তটিতে
ঠিক এক্ষুণি সে কী করছে ?
কোলে তার এক বেড়ালছানা
তার আদর কাডছে ।
হেঁটে চলেছে, আরেক পা মাটিতে পড়বে—
কী স্নন্দর দুটি চরণ
যা তাকে নিভূতে আমার কাছে এনে দিত
যখনই চোখে আমি অন্ধকার দেখতাম ।

কি ভাবছে—

আমার কথা ?
কি তার চিন্তা
(অবশ্য আমি জানি না)
না বিন রীধিতে এত কেন সময় লাগে ?
বা এও ভাবতে পারে, এত আকছার লোক
কেন এত অস্থখী হয়ে থাকছে ?
কিন্তু ঠিক এই সময়, এখন, এই মুহূর্তটিতে
ঠিক এক্ষুণি সে কী করছে ?

২০শে সেপ্টেম্বর

তার। আমাদের নিয়ে এসে
এখানে জেলখানায় পুরেছে
আমাকে, পাঁচিলের ভেতরে
তোমাকে. পাঁচিলের বাইরে ।

আমার অবস্থা তত খারাপ নয়
তার চেয়েও খারাপ অবস্থা হল :
জেনে হোক, না জেনে হোক
তোমার নিজের ভেতরে জেলখানাকে বয়ে বেড়ানো ।
আজকাল বেশির ভাগ লোকেরই এই হাল,
সং, কঠোর পরিশ্রমী, ভাল লোক তারা
এবং ঠিক তোমারই মতন তাদেরও ভালবাসা দরকার ।

৫ই অক্টোবর

আমরা দুজনে জানি, প্রিয়তমা,
আমাদের শেখানো হয়েছে
কিভাবে অনশনে থাকতে হয়, শীতে কাঁপতে হয়
খেটে খেটে হাড় কালি করে মরতে হয়
একে অপরকে বাদ দিয়ে কিভাবে ভাবতে হয় ।
এ পর্যন্ত আমাদের কোনো কারণ ঘটে নি খুন করার
আর খুন হওয়ার ব্যাপারটা
এখনও আমাদের ঘটে ওঠে নি ।

তুমি আমি জানি, প্রিয়তমা,
আমরা শেখাতে পারি :
দেশের মানুষের জন্তে লড়তে
আর দিনে দিনে, আরেকটু অন্তর থেকে,
আরেকটু অকপটে
কিভাবে ভালবাসতে হয় ।

৬ই অক্টোবর

খবরের ভারী বোঝা নিয়ে যেচ চলে যায় ।
তোমার কাঁছ থেকে যে চিঠি আজও আমি পাই নি,
হৃদপিণ্ডাকার অক্ষিপল্লবের কিনারায়
আমি দলা পাকাতে থাকি :
অন্তহীন মাটিতে জো লাগে ।

আর আমার খুব টেঁচিয়ে উঠতে ইচ্ছে করে
পিরায়ে ! ও পি-রা-য়ে !

৯ই অক্টোবর

তোরঙ্গ থেকে বার ক'রে আনো সেই পোশাক
তোমার পরনে আমি যা প্রথমবার দেখেছিলাম,
চুলে ঝুঁজে দাও সেই লাল ফুল
জেলখানা থেকে আমি যা পাঠিয়েছিলাম
এখন তা যতই শুকিয়ে গিয়ে থাক ।
সেজেঙজে সপ্রতিভ হও
ঠিক বসন্তেরই মতন ।

এমন দিনে তোমাকে যেন কিছুতেই
ছন্নছাড়া, বিষণ্ণ না দেখায় ।
না, কিছুতেই নয় !

আজ এমন দিনে

মাথা উঁচু ক'রে
তোমাকে গটগট ক'রে হেঁটে যেতে হবে,
নাজিম হিকমতের সহধর্মিণীর গর্ব নিয়ে
তুমি হাঁটবে ॥

খালি পায়ে

আমাদের মাথাগুলোকে বেড় দিয়ে সূর্য,
যেন এক জলন্ত উষ্ণীষ ;
বাজা মাটি,
যেন আমাদের পায়ের নিচে দু পাটি খড়ম ।

এক বুড়ো চাষী

তার বেতো মাদী ঘোড়ার চেয়েও

যেন ঢের বেশি ঘাটের মড়া

আমাদের কাছেপিঠে

আমাদের কাছেপিঠে নয়

বরং অন্তর্দেশে

আমাদের জালাময় ধমনীতে ।

ফতুয়াখোলা কাঁধ

চারুকছাড়া হাত ;

বিনা ঘোড়ায়, বিনা শকটে

গাঁয়ের দফাদার ছাড়াই

আমরা ঘুরে বেড়িয়েছি

ভালুক-বাসার মতন গাঁয়ে গাঁয়ে

প্যাচপেচে শহরগুলোতে,

ছাড়া ছাড়া পাহাড় পেরিয়ে ।

রোগা গরুগুলোর চোখের জলধারায়

আমি শুনেছি

পাথুরে জমির কণ্ঠস্বর ;

আমরা দেখেছি সেই মাটি

লাঙলের কালো ফলার মুখে

ফোটাতে পারে নি সোনালি ফসলের সজীবনী মস্ত ।

আমরা ঘুরে বেড়িয়েছি,

না গো !

স্বপ্নচালিতের মত নয় ।

আবর্জনার স্তুপ থেকে রঙনা হয়ে আরেক আবর্জনার স্তুপে ।

আমরা

জানি

একটি দেশের

কী মনোবাসনা ।

একজন বস্তুবাদীর
 মানসিকতার মতই
 স্পষ্টাঙ্গাঙ্গি এই চাওয়া,
 আর বস্তুতই
 এই চাওয়ার মধ্যে
 রয়েছে সত্যিকার বস্তু ॥

আমাদের সম্মানসম্মতির প্রতি উপদেশ
 দোষ নেই, হোস্‌ ছরস্ত । ঠিক আছে
 উঠে যাবি শ্রেফ দেয়াল ঝাঁকড়ে,
 চড়বি লাফিয়ে ধুসো গাছে ।
 ঝাঁহু সারেঙের মত পাকা হাতে
 তোর সাইকেল হাওয়া যেন কাটে ।
 যে কলমে ল্যাং থেয়ে মৌলবি
 হররোজ হন ব্যঙ্গের ছবি,
 তার খোঁচাতেই উন্টে পড়ুক কোরান ।
 এ কালো মাটিতে গড়বি বেহেশ্ত
 তোকে পেতে হবে সেই জ্ঞান ।
 ক্লাসের পাঠ্য ভূত্ব করে রপ্ত
 ছিপি এঁটে দিবি তার মুখে তুই একদম
 যে তোকে বলবে সৃষ্টির মূলে আদম ।
 পৃথিবীর যে কী কর্ম তা বুঝে নিবি,
 হৃদয়ের পটে যেন ঝাঁক থাকে
 চির ভাস্বর পৃথিবী ।
 যেন তুলিস নে
 যিনি মা তিনিই মাটি ।
 যে ভালবাসায় মা এবং মাটি একাকার হয়
 সে ভালবাসাই খাঁটি ॥

কেটে যাচ্ছে এইভাবে

রয়েছি আমি ছড়িয়ে পড়া আলোর মধ্যে ।

দ্বহাতে বয় প্রাণের বস্তা ।

কী স্বন্দর যে বসুন্ধরা ।

গাছের দিকে তাকিয়ে চোখের পাতা পড়ে না :

কী যে সবুজ পাতা, কিছুতেই আশা মরে না ।

মাল্বেরিগাছ পেরিয়ে রাস্তা রোদে হাসছে,

জানলা ধরে দাঁড়িয়ে আছি একলা জেলের হাসপাতালে ।

হাওয়ায় নেই ওষুধের সেই তীব্র গন্ধ,

বাগানে কোথাও ফুল ফুটেছে, সন্দেহ নেই ।

এমনি কবে কেটে যায় দিন, বন্ধু আমার ।

ধরা পড়াটা সমস্তা নয়,

দেখতে হবে, যেন না দিই ধরা কিছুতেই ॥

লোহার খাঁচায় সিংহ

লোহার খাঁচায় সিংহটাকে দেখ,

ওর দুচোখের মণিতে চোখ রাখো :

ঠিক যেন একজোড়া

তীক্ষ্ণধার ছোরা

ঝিলিক দেয় রাগে ।

মান খোয়ায় না, দেমাক ঠিক রাখে

যদিও ক্রোধ বেজায়

এই-আসে আর এই যায়

এই আসে আর এই যায় ।

বাঁধন ওকে পরাবে কোন্‌ ঠাই ?

ঝাঁকড়া পুরু কেশর ওর গ্রীবায় ।

যদিও ওর বেজাহত
 পাংশু পিঠে
 জলছে ক্ষত
 ছড়ানো ওর দীর্ঘ ছপায়
 ঠিকরে থাকে তাম্র থাবা ।
 উদ্ধত শির
 ঘাড়ের কেশর
 গর্বে ফোলায় ।
 ঠিক তখনি দারুণ ঘৃণা
 এই আসে আর এই যায়
 এই আসে আর এই যায় ।

দেখ আমার ভাইয়ের ছায়া
 কারাক্ষের দেয়ালের গায়
 ওপর নিচে
 ওপর নিচে
 অহোরাত্র ঘুরে বেড়ায়

নির্বন্ধ

সেই কোন্‌ দূরের এশিয়া থেকে টগ্‌বগিয়ে এসে
 মাদী ঘোড়ার মতন
 ভূমধ্যসাগরে মুখ বাড়িয়ে রয়েছে—
 এই আমাদের দেশ ।
 রক্তে কজি ডোবানো, দাঁতে দাঁত দেওয়া, খালি পাগুলো
 রেশমের গালুচের মতন এই জমিতে—
 এই দোজখ, এই বেহেশ্ত্‌ আমাদের ।
 গোলামির ফটকগুলো বন্ধ করো, আর যেন খুলো না ।

এক মানুষ যেন অস্ত্র মানুষের ভজনা আর না করে —
আমাদের এই নির্বন্ধ ।
গাছের মত আলগা হয়ে যে যার নিজের মতন
কিন্তু অরণ্যের মত ভাই-ভাই এক ঠাঁই হয়ে বেঁচে থাকা

— আমাদের এই প্রবল বাসনা ॥

আমাদের এই মেতে ওঠা

আমাদের এই মেতে ওঠায় নেই

ক্ষাপা

নারাজ ঘোড়ার

টিপছাপ ।

লাইন বেয়ে গড়গড়িয়ে নামলেও

আমাদের মন্ততা

যে-কে সে-ই ইঞ্জিন —

যে তার অয়ক্ষঠিন মান কখনও খোয়ায় না ।

এমনই এক ইঞ্জিন ।

প্রত্যেকটা এইটুকু-টুকু ইজুপ তাতে আঁটার জন্তে,

বস্তুবাদের দিকে আমাদের মনগুলোকে ফেরাই,

গোলা হয় আর বন্ধ হয় দিনের পর দিন

যাতে বলবিচার জটগুলো ছাড়ানো যায় ।

শক্তির হাতে অর্পণ করব বলে আমরা যাকে বড় করেছি

এখন ভূমিষ্ঠ সেই ইঞ্জিন

এই চেতনার ছল্লাল ।

আজ সে এতটাই

আমাদের মত যে —

আমরা যা কিছুই তাকে দিয়ে দলিত মথিত করতে চাই

তার রাস্তায় ফেললে পয়সার মত করে সে পিষে দেবে ।
 তবে কথা এই,
 আমাদের বেঁধে দেওয়া গঞ্জির বাইরে
 যদি ক্ষণমাত্রও সে পা বাড়াতে যায়,
 তাহলে ভেঙে চুরমার হবে ।
 ওর আর আমাদের একই গোত্র ;
 আমাদের চেতনার অপত্য
 ইঞ্জিন ॥

কবির ক্ষণিক কুঁড়েমি
 রোদমাখা নীল আড়াআড়ি ভাসতে ভাসতে
 ক্রমশ গা ছেড়ে স্থির হয়ে গেল ।
 সাঁকো বাজাল ঘণ্টা,
 পাক খুলে গেল দড়িদড়ার,
 আমার দুচোখে নোঙর ফেলল ঘুম ।

ভাসা-ভাসা ঘোড়াগুলোর
 ভাসা-ভাসা সব সওয়ার
 আমার লাল রক্তকণিকাগুলোর ওপর
 হঠাৎ হারে-রে-রে ক'রে ঝাঁপিয়ে পড়ল
 আমার মগজের মধ্যে
 ফস্ ক'রে উড়ে গেল ছিপি ।
 আমার হাতের পেন্সিল
 বেড়ে বেড়ে
 হল লম্বা
 আর মোটা ।

তারপর নিল হাতলওয়ালো কাঁটার আকার,

আমার হাত তখন হয়ে গেছে এক বুড়ো ঝাড়ুদার.
হাতলে ভর দিয়ে
ঘুমে অকাতর !!!

ধু-

উউ-

উউম

শব্দগুলোর কাঁধে-চড়া রং,
ছাপগুলোর কোলে-বসা আলো—
ওরা ভেসে যায়...

আমার মগজের মধ্যকার ছকুমনামায় একটাই আদেশ :
কিছু ক'রো না !!!

অনড়

অচল

খালি পিপের মত আমি ব'সে আছি শূন্য হাতে
কিছু নেই
কিছুই নেই...

না আছে ভালবাসা, না আছে ঘৃণা,
করুণা নেই, ঘেঁষ নেই, কিছুই নেই...

কিন্তু হঠাৎ

আমার অঁঠে ভেঙেচুরে গেল দ্বিতীয় এক জাপান ।

নাক সিঁটকে

জিভ বার করল

ক্ষিধে ।

মৃত্যু

যেন হাড়-মড়মড় আওয়াজে

তার হৃদে রুমাল নাড়াতে লাগল...

আমি উঠে বসলাম...

আমার চোখের দৃশ্য

নোঙর উঠিয়ে নিল ।

কুয়াশায় মোড়া ঘোড়সওয়াররা

মিলিয়ে গেল ।

আমার মগজের হুকুমনামায় সই করেছিল যে সেনাপতি

মুখে চুনকালি মেখে শিবির থেকে সে ভেগেছে ।

রাস্তার বুড়ো ঝাড়ুদারটি তার ঝাঁটাটা বাগিয়ে ধরল —

সেইসব লোকদের হাতে তুলে দিল

যারা ছনিয়ার আলাই বালাই

ঝেঁটিয়ে

সাফ করতে চাইছে ।

১৯২৩

চলে গেছে

কাঁচের গায়ে রাত্রি আর তুষার ।

রেলের লাইন ঝিকঝিকিয়ে গুল্লা রজনীতে

তোমাকে মনে পড়ায় চলে যাওয়া

কখনও আর ফিরে না আসার কথা ।

তৃতীয় শ্রেণীর প্রতীক্ষালয় ;

ওয়ে রয়েছে রমণী এক

মাথায় কালো ওড়না বাঁধা

পা দুটো তার খালি ।

আমি একবার এগিয়ে যাই, আবার ফিরে আসি ।

কাঁচের গায়ে—রাত্রি আর তুষার ।

ভেতরে কারা গান গাইছে ।

সেই গান যা ভালবাসত

বিদায়-নেওয়া সংগ্রামের সেই সাক্ষী

তারই প্রিয় গান,

তারই প্রিয়,

তারই—

ভাই তোমরা, সরিয়ে নাও চোখ,

এই মুহূর্তে চোখে আমার ফেটে পড়বে জল ।

রেলের লাইন ঝিকমিকিয়ে ওক্সা রজনীতে

তোমাকে মনে পড়ায় চলে যাওয়া

কখনও আর ফিরে না আসার কথা ।

কালো ওড়না মাথায় কে রমণী

ওয়ে রয়েছে ।

তৃতীয় শ্রেণীর প্রতীক্ষালয় ;

পা দুটো তার খালি ।

কাঁচের গায়ে রাত্রি আর তুষার ;

ভেতরে ওরা গান গাইছে কোথাও ॥

বন্দীমুক্তি

হাজার-এক-রজনী বইটা নামিয়ে রাখি ।

একটা সিগারেট ধরাই ।

গরাদগুলোর ভেতর দিয়ে

তাকালাম বাঁহিরে :

প্রত্যেকটা নক্ষত্র

জলজল করছে

ভাষ্যমতীর আয়নার মত ।

রাজি ।
বারুসা বন্দীশালা ।
পাণ্ডববর্জিত দেশের
কালো হৃদের জল
চল্কাচ্ছে ।
দোতলায়, “গুমখুন এক”
মাপের
উদ্ভেজনা ;
ছুঁচোলো কালো
টুপিগুলো
ছটফট করছে ।

ঠোট সাদা,
ভুরুগুলো কৌচকানো ।
দেয়ালের ফাটল চুঁইয়ে
এক কৌটা আলো ।
অঙ্কদের অচলায়তন
বিড় বিড় করতে করতে এগোচ্ছে ।
কানার দল
ভাদের সেই অঙ্ককারে স্বপ্নের দিকে ছুটছে !
“বন্দীমুক্তি !”

ওরা বলছে,
“আমরা বেরিয়ে যাব,
টুপিগুলো মাথায় পরব
একপাশে হেলিয়ে ।
পৃথিবী,
রোদ্দুর,
রমনী,
হাওয়া...

নৌকায় ওঠা, ঝেঁনে চড়া,

টলিবাস নাও !

নেই হাতকড়া,

নেই লাল পাগড়ি—

নিজের মজিতে,

নিজেরা নিজেরা,

টো-টো ক'রে ঘোরো,

দেখে বেড়াও !

বনজলে ঘুমোও, পাহাড় যাও ডিঙিয়ে !

ট্যাঙোস্ ট্যাঙোস্ ক'রে শুধু ঘোরো !”

ছ'চোলো কালো টুপিগুলো ছটফট করছে !

বিনা স্বপ্নে কয়েদ খাটা অসম্ভব...

তবু আমি...

আমি চোখ তাকিয়ে আছি আর এইখানে এসে হাতের মধ্যে

আমার সিগারেট পুড়ে শেষ হয়ে যায়—

একটিবারও তাতে টান দেওয়া হয় নি ।

আমার দেহস্থ কীট

মিনারের মত লম্বা

পাইনের মত গোলগাল

আমার শরীরে ঢুকেছিলে

নরম

সাদা কুমির মতন

তুমি,

আমাকে কুরে কুরে খেয়েছিলে ।

তোমাকে আমি বহন করছি আমার মধ্যে

একজন ইংরেজ শ্রমিক যেমন ক'রে
তার মাইলের পর মাইল জোড়া অস্ত্রে
বয়ে বেড়ায় কুমিকীট ম্যাকডোনাল্ডকে ।^১

দোষটা কার
আমি অবশ্যই জানি ।

শ্রীমতী হে ! তোমার আত্মা
লর্ডদের সভাঘর ।
তুমি হলে ঘাঘরা-পর্য্যাকুল পোষাকারে ।^২
আমার সামনে এসে
স্বীয় ইঞ্জিনে
লাল গনুগনে
এক তাল লোহার মতন

জলতে থাকা
তোমার এক মোক্ষম কৌশল ।
আরেক কৌশল তোমার
জমাট বরফে
এক জোড়া স্কেটের মতন
মুচ্ড়ে মুচ্ড়ে চলা

কনু'কনে,
গনুগনে—
তুমি স্বৈরিণী,
থামো ।

তোমার স্বচ্ছন্দ
শ্বেত গতিভঙ্গে
তুমি চুকে পড়ছ আমার মগজে ।

১ রায়মুন্ডে ম্যাকডোনাল্ড (১৮৬৬-১৯৩৭)—ব্রিটিশ লেবার পার্টির নেতা । প্রধানমন্ত্রী—১৯২৪ ;
১৯২৯-৩৫ ।

২ রেমন্ড পোষাকারে (১৮৬০-১৯৩৪)—ফরাসী প্রধানমন্ত্রী—১৯১৭-১৩ ; ১৯২২-২৪ ;
১৯২৬-২৯ ; প্রেসিডেন্ট—(১৯১৩-২০) ।

সেখানে যাওয়ার কোনো রাস্তা নেই
তুমি শুধে নিতেও পারবে না ।

যে কীট

স্বচ্ছন্দে শ্বেতভাবে

আমার মগজ

ফুঁড়তে চেষ্টা করেছিল—

আমি তাকে টেনে তুলে ফেলেছি ।

ঝরঝরে দাঁতের মতন ।

আর যেমেছি সমানে ।

ব্যস্, নাকে কানে ঝং,

এমন আর

কখনও হবে না ॥

চানকিরি জেল থেকে চিঠি

ঘড়িতে চারটে,

না তুমি ।

পাঁচটা বাজল,

না কিছু ।

ছটা, সাতটা,

কাল,

পরশু,

হয়ত বা—

কে জানে...

জেলখানার হাতায়

আমাদের একটা বাগান ছিল ।

রোদ-লাগা পাঁচিলের নিচে,
হাত পনেরো লম্বা ।

তুমি আসতে,
আমরা পাশাপাশি বসতাম,
তোমার হাঁটুর ওপর থাকত
তোমার মস্ত লাল
অয়েলকুথের থলি...

‘হেড’ মহম্মদের কথা তোমার মনে আছে ?
সেই যে ছোকরা-ফাইলে থাকত ?
চৌকো মাথা,
গোলগাল, বঁটে বঁটে পা,
আর হাতের থাবা যার পায়ের পাতার চেয়ে বড় ?
যে একজনের চাকের মউ চুরি ক’রে
নোড়া দিয়ে তার মাথার খুলি ছেঁচে দিয়েছিল ?
সে তোমাকে ডাকত ‘ভালোমানুষের মেয়ে’ ব’লে ।
তার একটা বাগান ছিল আমাদের চেয়েও এইটুকু
আমাদের মাথার ঠিক ওপরে
সূর্যের কাছাকাছি,
একটা টিনের পাত্রে ।

একটা শনিবারের কথা তোমার মনে আছে ?
জেলের ফোয়ারার পাশে জলছিটানো
সেই পড়ন্ত বেলা ?

টিনের কারিগর শাবান গান গেয়েছিল,
মনে আছে ?—

“বেপাজারি মোদের নগর, মোদের গেহ
কেউ জানে না কোথায় মোরা রাখব দেহ...”

আমি তোমার কত যে ছবি এঁকেছিলাম,
তার একটাও আমার জন্তে তুমি রেখে যাও নি।
আমার কাছে থাকার মধ্যে আছে একটা ফটোগ্রাফ :
অল্প একটা বাগানে,
খুব নির্বিকার,
খুব অস্থী অস্থী,
তুমি কয়েকটা মুরগির ছানাকে খাবার দিতে দিতে
খুব হাসছ।

জেলখানার বাগানে মুরগির ছানা ছিল না বটে,
তবু হোহো ক'রে ঠিকই আমরা হাসতাম
এবং আমরা অস্থী ছিলাম না।
সবচেয়ে স্নন্দর যে স্বাধীনতা
আমরা কিভাবে তার খবর শুনতাম,
অখবরের পায়ের শব্দ শোনার জন্তে কিভাবে আমরা
কান খাড়া ক'রে বসে থাকতাম,
জেলখানার বাগানে কত স্নন্দর স্নন্দর জিনিস নিয়ে
আমরা কথা বলতাম...

২

একদিন বিকেলে
জেলখানার ফটকের ধারে ব'সে
আমরা পড়েছিলাম গজলীর রুবাই :
“সেই বিশাল নীল বাগিচা
রাতের।

নর্তকীদের ঘুরপাকে চমক দেয় সোনা।
কাঠের বাঞ্জে য্তের দল গুয়ে।”
যদি কোনোদিন,
আমার কাছ থেকে দূরে গিয়ে,
ঘোর বুষ্টির মত

জীবন যদি গুরুভার ঠেকে,

তাহলে আবার গজলীর রুবাইগুলো প'ড়ে।

আর, এও জানি,

পিরায়ে আমার,

লোকটার বেদম একাকিত্ব

আর যত্নর মুখোমুখি

মহিমায়িত ভয়

তোমার শুধু করুণারই উদ্বেক করবে।

বহুত জল তোমার কাছে গজলীকে এনে দিক ;

“— কুমোরের কুলুঙ্গিতে,

রাজাধিরাজ বলতে একটি মাটির পাতিল

আর জয়পত্র লেখা হয়

রাজরাজেশ্বরের বিধ্বস্ত দেয়ালে...”

ঠেলে উঠছে ফোয়ারার মত।

কনকনে

তপ্ত

স্নিগ্ধ।

আর সেই বিশাল নীল বাগিচায়,

অন্তহীন,

নিরবচ্ছিন্ন

নর্তকীদের ঘুরপাক...

কেন জানি না

আমার মাথায় আসছে এই প্রবাদটা,

প্রথম তোমার কাছ থেকে শোনা

চানকিরির সেই লোকমুখে ফেরা বুলি :

“পপ্লারের গায়ে আঁশ জাগলে

চেরীফুলের আর দেরি নেই।”

গজলীর রুবাইতে পপ্লারের গায়ে আঁশ জাগে

কিন্তু ওস্তাদজী দেখতে পান না।

চেরীফুলেরা আসছে।

তাই তিনি উপাসনা করেন যত্নর।

ওপরতলায়, যন্ত্রে স্বর ভাঁজছে ‘মিছরি’ আলি।

বেলা গড়িয়ে সঞ্চে।

বাইরে সবাই গলা ফাটাচ্ছে।

চৌকি-ঘরের আলোয়

বাবলাগাছে বাঁধা তিন নেকড়ের বাচ্চা।

গরাদ ছাড়িয়ে,

আমার সেই বিশাল নীল বাগিচা নিজেকে খুলে ধরেছে।

যে টা বা স্ত ব সে টা হ ল জী ব ন...

পিরায়ে, আমাকে ভুলে যেয়ো না...

৩

আজ বুধবার—

তুমি তো জানো,

চানকিরির হাটবার।

এমন কি আমাদের কাছেও তা পৌঁছে যাবে,

লোহার দরজা গলিয়ে বেতের চূপড়িতে :

তার ডিমআণ্ডা, গুলকচু,

তার ময়ূরকণী রঙের বেগুন...

কাল

গ্রামগুলো থেকে ওদের আমি নেমে আসতে দেখেছিলাম—

ক্লান্ত,

ছলনাপরায়ণ

আর সন্ধিদ্ধ,

ওদের ডুকর তলায় ছুঁথ।

পাশ দিয়ে ওরা চলে গেল— পুরুষেরা গাধার পিঠে,
মেয়েরা গেল খালি পায়ে হেঁটে ।

তুমি বোধহয় ওদের কাউকে কাউকে চেনো ।

আর আগের দুই বুধবার ওরা সম্ভবত

হাটের চারপাশে খুঁজেছে লাল-ওড়না-পর।

নাকউচু-নয় সেই ইস্তানবুলের বিবিকে ।

৪

এমন গরম তুমি কখনও দেখ নি,

আর আমি তো সমুদ্রের ধারে মানুষ—

সেই সমুদ্র এখন কত দূরে...

দুটো থেকে পাঁচটা

মশারির মধ্যে

চোখের পাতা না ফেলে

চুপচাপ শুয়ে ঘেমে নেয়ে উঠি

আর সারাক্ষণ স্তন্যে থাকি মাছদের ভন্ডন্ ।

আমি জানি

জেলের হাতায় এই সময়

দেয়ালে দেয়ালে ওরা ছিটিয়ে দিচ্ছে জল,

লাল গনুগনে ইটগুলো থেকে বেরিয়ে আসছে ভাপ ।

আর বাইরে, দুর্গের দক্ষ ঘাস ঘিরে,

পোড়া-ইটের শহর

শোরাঘটিত অল্পের আলোয় বসে থাকে...

রাত্রে হঠাৎ একটা হাওয়া উঠে এসে

তারপর হঠাৎ মরে যায় ।

আর অন্ধকারে কোনো জ্যান্ত জিনিসের মত হাঁপাতে হাঁপাতে

নরম লোমশ পায়ে চারপাশে ঘুরতে থাকে আগুনের হুঙ্কা,

আমাদের যেন কিসের একটা ভয় দেখাতে থাকে ।

আর থেকে থেকে

আমাদের চামড়ায় ভয়-পাওয়া প্রকৃতিকে অনুভব ক'রে

আমরা থর থর ক'রে কাঁপতে থাকি...

একটা ভূমিকম্প হতে পারে।

আমাদের কাছেই মাত্র তিনটি দিনের তফাতে তা ঘটেছে।

সেই বিপদ নড়িয়ে দিয়েছে ইয়োজ্‌গাংকে।

আর এখানকার লোকে বলছে :

হুনের খনির ঠিক ওপরে তৈরি হয়েছে ব'লে

রোজ-কেয়ামতের চল্লিশ রোজ আগেই

চানকিরি শহরটা ধ্বসে পড়বে।

এক রাতে বিছানায় শুতে গেলে

কিন্তু পরের দিন সকালে আর তোমার ঘুম ভাঙল না,

তোমার মাথাটা ঝুঁড়িয়ে গেল কড়িকাঠে।

কী একটা বাজে বিচ্ছিরি চোখের-মাথা-খাওয়া যত্ন।

আমি চাই আরও একটু বাঁচতে—

আরও বেশ খানিকটা।

অনেককিছু জিনিসের জন্তে এটা আমি চাই,

অনেককিছু

খুব জরুরী জিনিসের জন্তে।

৫

পাঁচটাতেই অন্ধকার জেঁকে বসে

মেঘগুলো এমনভাবে চড়াও হয়।

ওরা বহন করছে বৃষ্টি এটা স্পষ্ট।

অনেকে

এত নিচে দিয়ে যাচ্ছে যে, হাত বাড়ালেই ছোঁয়া যায়।

আমাদের ঘরে জলছে একশো পাওয়ারের আলো

আর দর্জিদের ঘরে কেরোসিনের ডিবে।

দজিরা খাচ্ছে গরম লেবু-পানি...

তার মানে শীত এসে গেছে...

আমার ঠাণ্ডা লাগছে।

কিন্তু আমি বিষণ্ণ নই।

এ এমন এক স্বথস্ববিধে যা শুধু আমাদেরই জঙ্গে রাখা :

শীতের দিনগুলোতে জেলখানায় থাকা

আর শুধু জেলখানায় নয়

বরং এই বিশাল পৃথিবীতে

যা হওয়া উচিত—

যা নিশ্চয়ই হবে—

উষ্ণ মধুর,

ঠাণ্ডা লাগা

কিন্তু বিষণ্ণ হওয়া নয়...

তারাস্তা-বাবুকে লেখা পত্রাবলী

১

তার পিতার পঁচিশতম কন্ঠা

আর আমার তৃতীয়া স্ত্রী

আমার দুঃখন, আমার গুণাধর, আমার সব কিছু

তারাস্তা-বাবু

তোমাকে আমি পাঠাচ্ছি

রোম থেকে

এই চিঠি

এই চিঠিতে শুধু একটা জিনিসই জোড়া থাকছে

সে আমার হৃদয়।

আমার ওপর যেন চটে যেও না

কেননা রাজতুল্য এই শহরে

আমার হৃদয়ের চেয়ে

ভালো কোনো উপহার

আমি খুঁজে পাই নি ।

তারান্তা-বারু

আজ নিয়ে এখানে আমি এই দশ রাত্তির আছি,

আর এ সময়ে সোনার জলে বাঁধানো বই মুখে দিয়ে

আমি বসে আছি

আমাকে তারা বলে

রোমের

জন্মভূতান্ত

আর ঐ যে !... ছিপছিপে নেকড়ে বাঘিনী

আর তার পেছনে

মোটাসোটা দিগম্বর রোমুলুস আর রেমুস

আমার ঘরের চারপাশে হেঁটে বেড়ায় ।

আহা, তাই ব'লে কেঁদো না ;

এ রোমুলুস

সেই রোমুলুস নয়

নীল রুদ্রাক্ষের বণিক

যে-লোকটা

প্রকাশ দিবালোকে

ভাল-ভালের হাটতলায়

তোমার নাবালিকা বোনকে ধর্ষণ করেছিল ।

ইনি হলেন রাজা রোমুলুস, প্রথম রোমক ।

* * *

অস্তিত্বের তানু গা থেকে ধু-ধু করা সমুদ্রের দিকে

যখনই তিনি গর্জে উঠতেন

ঢেউগুলো এ-ওকে ঠেলে ফেলে দিয়ে

দূর কসিকার উপকূলে আছড়ে পড়ত ।

আর যখনই তিনি তুলে ধরতেন তাঁর হাত

আকাশের দিকে

বজ্রের লম্বা লম্বা ঝুঁটিগুলো পাকড়ে

মাটির ওপর সপাতে ছুঁড়ে দিতেন ।

...ভাবখানা, তাঁর বাপ যেন মুষ্টিযোদ্ধা কার্বনেরা

আর মা যেন ইলু ছচে মুসোলিনি ।

* * *

রোমুলুস আর রেমুস

সিলভিয়া'র যমজ ছেলে

ভেনাসের নাতিপুতি...

ওদের

চোখের জল

গায়ে না মেখে

একদিন অন্ধকার রাত্রে

মা ওদের ফেলে রেখে চলে গেল

না দিয়ে গেল

ওদের মাথায়

কোনো শিরোমালা

না তাদের পরনে কোনো ভদ্রগোছের কটিবাস ।

সে কালে, তারান্তা-বাবু,

আমাদের স্বদেশভূমি ইথিওপিয়া

পরের হাতে চলে যায় নি ।

তার গায়ে পড়ে নি ঔপনিবেশিক সবুজের পৌঁচ ;

রোমের যে ব্যাক্স, তখনও তার পত্তন হয় নি ।

স্বতরাং রোমুলুস আর রেমুস

একদিন খুব ভোরে উঠে

নিজের মনে ভাবল :

‘এ জায়গায় পড়ে থেকে

আমরা

কী ছাই করব !’

তখন তারা বেরিয়ে প'ড়ে এক নেকড়ে-বাঘিনীকে দেখতে পায়,
তার ছানাগুলোকে মেরে ফেলে
পেট পুরে খেয়ে নেয় তার দুধ
এবং তারপর গায়ে ফুঁ লাগিয়ে ঘুরে বেড়াতে বেড়াতে
এক সময়ে পশুন করে

এই নগর, রোম ।

পশুন তো হল, কিন্তু
গুঁদের দুজনের পক্ষে
রোম হল নিতান্তই ছোট ।
কাজেই, একদিন সন্ধ্যাবেলায়

ভাইয়ের ঘাড়ে

মাঝখানের পাঁচিল ডিঙোবার দোষ চাপিয়ে
রোমুলুস তার ভাই রোমুসের মুণ্ডু ছিঁড়ে নিল ।
এইসব সোনার জলে বাঁধানো বইগুলোতে,
তারাস্তা-বারু, এইসব লেখা আছে :
রোমের ভিত্তিমূলে

রয়েছে

এক নেকড়ে-বাঘিনীর কঁড়ে কঁড়ে দুধ
আর এক ভাইয়ের এক ঈজলা রক্ত ।

তোমার গলায়

এক নীল বাদরের দাঁত দিয়ে তৈরি
তিন-নরী হার ;

আকাশের তলায় তুমি থাকো

যেন লাল-পালকওলা পাখি

কিংবা স্রোতস্বতীর মত ছুটে বেড়াও মাটিতে—

তোমার কথাগুলো আমার

তোমার চোখদুটো আমার

তোমার দর্পণে আমার ছায়া,

আমার তৃতীয় কণ্ঠার জননী তুমি

আমার পঞ্চম পুত্রের জননী তুমি

তারাস্তা-বাবু !

আজ মাসের পর মাস

আমি সমানে কড়া নেড়েছি প্রত্যেকটি দরজায়

রাস্তা ধ'রে ধ'রে

বাড়ি ধ'রে ধ'রে

পদে পদে

রোমের মাঝখানে দাঁড়িয়ে

আমি হঠাৎ হয়ে খুঁজেছি রোমকে ।

আর সেই

ওস্তাদ শিল্পীরা

রেশমী সূতোর মতন কাটে না মর্মর ;

ক্লোরেন্স থেকে বয়ে আসে না কোনো হাওয়া ;

দান্তে আলিগিয়েরির কবিতা নেই

নেই বিয়াক্রিচের ফুলকারি-করা মুখচ্ছবি

না আছে লিওনার্দো দা ভিঞ্চির মাথায় ক'রে রাখার মত হাত

জাহ্নঘরগুলোতে পায়ে-বেড়ি-পরানো কেনাগোলাম

মিকেলাঞ্জেলো

আর ক্যাথিড্রালের দেয়ালে

আকর্ষণ ঝুলছেন পাণ্ডুরোগাক্রান্ত রাফায়েল ।

ইদানীংকালে,

রোমের লম্বাচওড়া যে রাজপথ

তার শানবীধানো পাড়ে ঠেস দিয়ে

কাঁসি-দণ্ডের মতন খাড়া

একমাত্র একটি কালচিটে

একটি রক্তের ছোপ-ধরা ছায়া,

প্রতি পদে

একটি ক'রে ক্রীতদাসের

মুণ্ডু ঘচাং,

প্রতি পদে

একটি ক'রে কবর অশ্রুটি ক'রে

চলে যাচ্ছে—

এই ছায়াযুঁতি সীজার ।

রোমা

‘কো ভাদিস্ রোমা ?’ ‘কোথায় চলেছ, রোম ?’

জিগোস ক'রো না ।

ঠিক আমাদের দেশে যেমন

এখানেও মাটি সিক্ত করছে একই সূর্য...

কিন্তু চুপ, তারান্তা-বারু

ভালবেসে

আর অন্ধায়,

এই নিঃশব্দে,

এই হো-হো ক'রে হেসে,

চুপ !

একবার কান পেতে শোনো :

রোমের উপকণ্ঠে

স্পার্তাকুসের শিকল

ঝন্ঝন্ ক'রে ভাঙছে ।

৩

পোপ একাদশ পিয়ুস-কে,

তারান্তা-বারু,

আজ দেখলাম ।

ঠিক যেমন আমাদের আছে, আমাদের উপজাতিতে,

চাঁই-গুনীন,

এখানে, এদের ইর্নি ।

তবে,

তফাত এই :

তিন মাথাওলা

নীল ভূতকে ঝেড়ে

হারার-পাহাড়ে চালান ক'রে দিতে

আমাদের গুনীনকে পয়সা দিতে হয় না ;

তার পাওনা উত্তল হয়

উৎসর্গ-করা বুনো মাদী-ঘোড়ায়

আর বছরে দু' বস্তা হাতির দাঁতে ।

কিন্তু এই সাধুপুরুষ পোপ

সে জিনিস আশা করতে পারেন না

বুনো মাদী-ঘোড়াগুলোর কাছ থেকে ।

এই চড়া-দরের ভদ্রলোক নিযুক্ত করেন

সোনার ক্রসের ফুলকারি-করা

কালো জোকা-পরা দূতদের ;

নিযুক্ত করেন নিম্নাঙ্গে চুস্ত, পায়ে চকমকে চামড়ার পটি

লাগানো সেপাই—

তারার তাঁর আর তিনি তাদের

হাতের দিকে নির্নিমেষে তাকান ।

এই রম্য ইতালির একজন মুক্ত নাগরিক,

এক জ্বীলোক

নিগমবদ্ধ উত্তেজনায যে তার গুঁঠাধর বিকিয়ে দেয়

আর চিং হয়ে পড়ে থাকে আধঘণ্টা আধ-লীরায়,

ঐ পয়সার অর্ধেক দিয়ে কেনে

এই সাধুপুরুষটির একটা ছোট ছবি,

তার বিছানার শিয়রে টাঙিয়ে রাখে

যাতে তার সমস্ত পাপ তিনি মার্জনা করেন ।

তাঁর দিকে আমি তাকলাম :

সেন্ট জর্জ কিংবা

সেন্ট পিটারের মতন তিনি নন,

গুঁদের কারো চোখেই সোনা দিয়ে বাঁধানো চশমা ছিল না।

বরং থাকার মধ্যে ছিল না-আঁচড়ানো

লম্বা

তেলতেলে দাড়ি ।

একাদশ পিষুস, তারাস্তা-বাবু, যেন একজন রাখাল
ভুলভুলে পশমওলা কালো ভেড়ার পাল নিয়ে
মুকুট-পরা বা মুকুটহীন রাজাদের প্রেতগুলোকে
যেন তৃণভূমিতে চরাচ্ছে ।

কুমারী মেরীর নিকটতর হওয়ার জন্তে
পিতৃব্যতিরেকে নাদার মধ্যে জন্মানো
অধিতীরের দূত
যিনি

সেই পিষুস একাদশ
তঁার দেহকে পীড়ন করেন,
আর প্রতি রাত্রে
মর্মরের স্তম্ভযুক্ত প্রাসাদে নিদ্রা যান ।

৪

রেশমী শালগুলোর কশিদা-করা প্রত্যেকটি নক্সায় সূর্য
পম্পেইয়ের রাস্তায় কালো খচ্চরগুলোর খুরখনি ;
ব্যারেল-অর্গানের রংচঙে বাস্তুর মধ্যে
ভেদি-র স্পন্দিত হৃদয় ;

আর ছুনিয়ার শ্রেষ্ঠ মাকারোনি...

এর মতই, তারাস্তা-বাবু,
ফ্যাসিজম্-এর জন্তেও ইতালির খুব নামডাক ॥
এমিলিয়ার বড় বড় কাউন্টের জমি থেকে

আর রোমান ব্যাঙ্কারদের

স্টীলের সিন্দুক থেকে

সাঁ ক'রে বেরিয়ে

এই ফ্যাসিজম্ এসে যা মেরেছে

ইন্ হুচে-র টেকো মাথায়
একটা আলোর ভাব নিয়ে ।

একটা আলো,
তারান্তা-বাবু ।
যা দেখতে দেখতে অবতরণ করবে
ইথিওপিয়ার
প্রান্তরে প্রান্তরে
কবরখানার পর কবরখানায় ।

৫

দেখা
শোনা
হোঁয়া
ভাবা
বলা
না থেমে ছোট
ছুটে যাওয়া
ওঃ, ছুটে যাওয়া
তারান্তা-বাবু
হি হি হি !

মরুতগে যাক এসব
কী সুন্দর
জিনিস

এই বেঁচে থাকা ।
আমাকে মনে করো
তোমার প্রশস্ত নিতম্ব বেঁটন করে আছে আমার হাত
আমার তিন সন্তানের জননী তুমি,
ভাবো আবেগের সঙ্গে,
কষ্টপাথরে ঝরে পড়া
একটি উদ্যম জলবিন্দুর আওয়াজের কথা ।

যে ফল তোমার সবচেয়ে প্রিয়

তার শাঁসের কথা

তার রঙের কথা ভাবো,

লাল টকটকে স্বর্ষ,

গাঢ় সবুজ ঘাস

আর চাঁদ থেকে ফুটে বার হওয়া

নীল স্নানীল প্রকাণ্ড কিরণ

তোমার দৃষ্টিতে আশ্বাদনের কথা ভাবো ।

ভাবো, তাবাস্তা-বারু :

মাহুঘের

হৃদয়

মন

আর বাছ

ভূপৃষ্ঠের সপ্তম তলদেশ থেকে

তুলে এনেছে

আর গড়ে তুলেছে কত যে অগ্নিচক্ষু, অয়স্পত্রী দেবতা

যারা আজ একটি মাত্র ঘা দিয়ে

দুনিয়াকে ভেঙে গুঁড়ো কবে দিতে পারে ;

যে ডালিমগাছে বছরে ফল হয় একটি

তাতে হতে পারে হাজারটা ;

আর পৃথিবীটা কত বড়

কী সুন্দর

আর উপকূলগুলো কী অপার

রাত্রে স্বচ্ছন্দে আমরা বালির ওপর শুয়ে থেকে

নক্ষত্রখচিত জলরাশির শব্দ শুনতে পারি ।

কী যে অবাক-করা ব্যাপার এই বেঁচে থাকা,

তারাস্তা-বারু,

জীবন যে কী আশ্চর্যের ।

এ জিনিসটাকে সেরা শিল্পকর্ম হিসেবে বোঝা

প্রেমের গান হিসেবে শ্রুতিগোচর করা

শিশুর মতন বিশ্ব নিয়ে বাঁচা

জনে জনে

কিন্তু সকলে একসঙ্গে হয়ে

বেঁচে থাকা

যেমন ক'রে বোনা হয় পরমাশ্চর্য রেশমের থান।

ইস, বেঁচে থাকা...

কিন্তু তাজ্জব ব্যাপার, তারান্তাবাবু,

ইদানীং

‘এই অসম্ভব স্নন্দর সৃজনকর্ম’

সবচেয়ে আনন্দময় এই সর্বভূতের অনুভব

হয়ে পড়েছে

কী কষ্টকর

কী অনুদার

কী লাখিঝাঁটা খাওয়া

মান খোয়ানোর ব্যাপার কী বলব।

৭*

আমি বিলক্ষণ জানি

তোমার মনের খোপগুলোতে

ছিপি-জাঁটা একসার বোতলের মতন দাঁড় করানো

অনধিক ছ’টি হৈয়ালি...

সরকারী হর্তাকর্তাবিধাতার মতই তুমি

লাগামছাড়া গোমুখ্য !

এতৎসঙ্গেও

ধরো তোমাকে আমি জিগ্যেস করলাম :

‘কী করবে তুমি

যদি

আমাদের বকরিগুলো খুইয়ে ফেলে তাদের কৌকড়ানো লম্বা লম্বা লোম ;

* ৬নং অংশটি সম্পূর্ণ গড়ে ব’লে ইংরেজি তর্জমায় বর্জিত।

তাদের দুই বোটার স্তন থেকে
 আলোর বাহুগুলের মত
 নিঃসৃত দুধের ধারা
 হঠাৎ যদি রুদ্ধ হয় ;
 স্মৃতিচাকুরের ছানার মতন
 আমাদের দেশের কমলালেবুগুলো
 ডালে ডালে যদি শুকিয়ে যেতে থাকে ;
 আর আমাদের ভূখণ্ডের দেশীয় রাজার মত
 অস্থির হয়ে
 দুর্ভিক্ষ যদি হাঁটতে শুরু করে—
 তবে তুমি করবে কী ?

আমাকে তুমি তখন বলবে,
 ‘ফোঁটা ফোঁটা ক’রে আমার রং খুঁইয়ে
 আমি নিজেই তখন বিলীন হতে থাকব,
 সূর্যের প্রথম আলো এসে পড়লে
 যেমন মিলিয়ে যায়
 নক্ষত্রময় রাত্রি—
 আমার মতন একজন আফ্রিকার রমণীকে
 বলিহারি প্রশ্ন !
 আমাদের কাছে দুর্ভিক্ষ মানে অমোঘ মৃত্যু ;
 অগাধ, অপার আনন্দ ।’

কৌনদেশী প্রাজ্ঞতা এটা, তারাস্তাবাবু,
 এর ঠিক বিপরীত এই ইতালিতে ।
 লোকে ফোঁত হয় প্রাচুর্যের সময় :
 লোকে বাঁচে দুর্ভিক্ষ এলে ।
 রোমের শহরতলীতে
 রুগ্ন, ক্ষুধার্ত নেকড়ে মত মানুষ হেঁটে বেড়ায় ;

কিন্তু গোলাগুলো আগল-দেওয়া, কুলুপ ঝাঁটা
যদিও তারা আকর্ষণ ফসলে ঠাসা !

এখান থেকে সূর্য অবধি

সারা পথ মুড়ে দেওয়ার মত রেশমী চাদর

বুনবার ক্ষমতা রাখে তাঁতগুলো,

তবু রাস্তায় লোকের পায়ে জুতো নেই,

পরনে ছেঁড়া উলিডুলি জামাকাপড়

কী এক ধাঁধায় ভরা জগৎ !

ভেজিলে যখন মাছদের খাওয়ানো হচ্ছে কফি

এখানে দুধ জুটছে না বাচ্চাদের...

মানুষকে ওরা কথা গেলায়,

শুয়োরকে দেয় বাছা-বাছা আনু !

৮

মুসোলিনি বড় বেশি বকুবকু করে, তারাস্তাবাবু ।

নিজের খেয়ালে

বন্ধুহীন অবস্থায়

যেন কোনো কচি খোকাকে

ছুঁড়ে ফেলে দেওয়া হয়েছে ঘোর অমানিশায় ।

সপ্তমে গলা চড়িয়ে

আর নিজের কণ্ঠস্বরেই ধড়মড়িয়ে উঠে

ভয়তরাসে কখনও জলে উঠছে

কখনও দক্ষ হচ্ছে,

বকবকানির কামাই নেই !

লোকটা বড় বেশি বকুবকু করছে, তারাস্তাবাবু ।

কারণ

ভয়ে ওর আত্মানাম খাঁচাছাড়া

(এই চিঠির একেবারে গোড়ায় একটি বেতারযন্ত্রের ছবি ।)

আজ কী একটা জিনিস আমার মনে হয়েছিল
 একটা ছবি
 রেখাবিহীন
 কথাবিহীন, তারান্তাবারু ।

আর অকস্মাৎ
 আমার খুব দেখতে ইচ্ছে করল,
 তোমার মুখ নয়
 তোমার চোখ নয়
 দেখতে ইচ্ছে করল তোমার গলার সুর, তারান্তাবারু ।
 নীল নদীর জলের মত স্নিগ্ধ,
 বাঘের আহত চোখের মত গভীর
 তোমার গলার স্বব ।

(চিঠির এক জায়গায় খবরের কাগজের একটা কাটিং জুড়ে দেওয়া হয়েছে । তাতে লেখা আছে :

ইল্‌ তুচের বশস্বদ সেপাই

প্রকাশ, মার্কনি আজ একদল সাংবাদিককে বলেন যে, তিনি হলেন তাঁর নেতা মুসোলিনীর আজ্ঞাবহ । লোকগুণে শোনা যায়, মার্কনিব নবোদ্ভাবিত এক ধরনের মারণ-রশ্মির কার্যকারিতা প্রমাণিত হলে অবিলম্বে তা ইথিওপিয়ায় নিয়ে গিয়ে হাতেকলমে প্রয়োগ করে দেখা হবে ।...এই রশ্মি')

সেই তাঁর

যিনি গলার স্বরগুলোকে মুক্তি দিয়েছেন

অন্তরীক্ষে

নীল ডানাওয়ালা পাখির মত ;

হাত দিয়ে তিনি চয়ন করেছেন
 মধুরতম সব সঙ্গীত
 আকাশ থেকে পাড়া পাকা ফলের মতন—
 কিন্তু আজ তিনি
 কালো কুর্তা-পরা বেনিতোর কেনাগোলাম
 কলঙ্কিত করতে চলেছেন কনুই অবধি তাঁর হাত
 আমার ভাইবেরাদারের রক্তে ।
 মানুম হচ্ছে, ইথিওপিয়ার মুক্তিকায়
 শ্রীল শ্রীযুক্ত মারুকনি
 সওদাগরী অধিকোষের
 অংশীদার
 সাত অঙ্কের বহু লক্ষপতি
 হত্যা করবেন বড় বৈজ্ঞানিক মারুকনিকে ।

১০

(এ চিঠিরও গোড়ায় খবরের কাগজের একটা কাটিং । তাতে লেখা :
 ‘বর্ষার মরশুম শেষ ক’রে বসন্তকাল শুরু হওয়ার সঙ্গে সঙ্গে ইথিওপিয়ার
 ওপর চড়াও হওয়ার জন্তে ইতালির সেনাদল অপেক্ষা করে আছে ।’)

এ বড় অদ্ভুত, তারান্তাবাবু,
 আমাদের নিজের জমিতে আমাদেরই কোতল করবে ব’লে
 ওরা ব’সে ব’সে দিন গুনছে

কবে মঞ্জুরিত হবে আমাদের বসন্ত ।

এ বড় অদ্ভুত, তারান্তাবাবু ।

এ বছর আফ্রিকায়

বর্ষার শেষ,

দেবলোক থেকে আসা সুরের মত

ষাবতীয় রং আর গন্ধের

সমাগম—

গ্যালা থেকে আসা তামার বরণ রমণীর মত

সূর্যের নিচে প্রসার্যমান আর্দ্র মাটি—

এ সমস্ত কিছুই আমাদের এনে দেবে মৃত্যু

যে সময়ে যুগপৎ

জেগে উঠছে তোমার মধুময় বক্ষস্থল।

এ বড় অভূত, তারান্তাবারু।

মৃত্যু

তার ঔপনিবেশিক টুপিতে

একটা বাসন্তী ফুল গুঁজে

আমাদের দরজা দিয়ে ভেতরে ঢুকে যাবে।

১১

আজ রাতে

ইল্‌ ছচে

একটা ধূসর ঘোড়ায় চেপে

বিমান বন্দরে

৫০০ বিমান-চালকের সভায়

বক্তৃতা ঝাড়লেন।

বাস্, কাজ শেষ।

রাত পোহালেই

ওরা সব উড়ে যাবে আফ্রিকায়।

উনি অবশ্য নিজে

তঁার প্রকাণ্ড প্রাসাদে বসে

এখন সাঁটাচ্ছেন স্প্যাগেটি দিয়ে বোলোনিয়ার কাবাব।

১২

ওরা আসছে তারান্তাবারু,

ওরা আসছে তোমাকে মেরে ফেলতে,

তোমার পেট ফুটো ক'রে দেখতে

ক্ষুধিত সরীসৃপের মত

বালির ওপর মোচড়-দেওয়া

তোমার অস্ত্র ।

ওরা মেরে ফেলতে আসছে, তারাস্তাবাবু,

তোমাকে আর তোমার বক্সিগুলোকে

একই সঙ্গে মারতে ।

তা হলেও, ওদের তুমি চেনো না

আর ওরাও তোমাকে চেনে না ;

এমনও নয় যে, তোমার বক্সিগুলো

বেড়া টপ্কে ওদের বাগানে ঢুকেছে ।

ওরা আসছে তারাস্তাবাবু,

কেউ নেপ্ল্‌স্ থেকে

কেউ তিরোল থেকে

ছিনিয়ে আনা হয়েছে কাউকে প্রেমবিগলিত চাহনি থেকে

কাউকে বা

নরম উষ্ণ হাতের

স্পর্শ থেকে ।

স্থলবাহিনী হোক

অশ্বরোহী হোক

বৈমানিকের দল হোক

জাহাজের পর জাহাজ

তিন তিনটি বিশাল দরিয়া পেরিয়ে

একের পর এক সৈন্তকে এনে তুলেছে

যমের দুয়োরে,

যেন তারা চলেছে বিয়ের হাঁদনাতলায় ।

ওরা আসছে, তারাস্তাবাবু,

যেন এক জলদগ্নির অন্তস্তল থেকে ;

আর তোমার মাটির বাড়ির

খোলার চালের ওপর

একবার নিশান উড়িয়ে দিয়েই

ওরা সবাই হয়ত ফিরে যাবে—

কিন্তু তৎসম্বন্ধে

তোরিনোর লেদের মিস্ত্রি

সোমালিয়াতে যাকে খোয়াতে হয়েছে তার ডান হাত

তাকে দিয়ে আর কখনই হবে না ইস্পাতের রডের কাজ

যা সে একদিন একগাঁট রেশমী সূতোর মতন নাড়াচাড়া করত ।

আর সিচিলির সেই জেলে

আর কখনই দেখতে পাবে না সমুদ্রের আলো

তার অন্ধ-হয়ে-যাওয়া চোখদুটো দিয়ে ।

ওরা আসছে, তারাস্তাবাবু,

মরতে আর মারতে আসা এই লোকগুলো

অবিলম্বে বেঁধে দেবে টিনের ক্রস

তাদের রক্তাক্ত ব্যাণ্ডেজে

যে মুহূর্তে তারা ঘরে ফিরে যাবে ।

তারপর,

বিরিট এবং ন্যায়পরায়ণ রোম নগরীতে

শেয়ারের দাম চড়চড় ক'রে বাড়বে, ব্যাঙ্কগুলো শাঁসেজলে হবে

এবং আমাদের নতুন প্রভুরা সৈন্যদের স্থলাভিষিক্ত হয়ে

মৃতদের সর্বস্ব কেড়েকুড়ে নেবে ।

শেষ চিঠি

ইতালিতে শ্রমিকের মজুরি

একজন ইংরেজ শ্রমিকের আনুপাতিক মজুরি যদি ১০০ ব'লে ধরে

নেওয়া যায় । তাহলে :

আমেরিকা	১২০
কানাডা	১০০
ইংলণ্ড	১০০
আয়ারল্যান্ড	৮০

নেদারল্যান্ডস্	৭২
পোল্যান্ড	৫০
স্পেন	৩০
ইতালি	২৯

ইতালিতে বেকার এবং দেউলিয়া অবস্থা

	বে	দে
১৯২৯	৩০০,৭৮৬	২,২০৪
১৯৩০	৪২৫,৪৩৭	১,২৯৭
১৯৩১	৭৩১,৪৩৭	১,৭৮৫
১৯৩২	৯৩২,২৯১	১,৮২০

এই পরিসংখ্যানটি হল, তারান্তাবাবু, ইতালীর ফাশিজ্‌মের জাব্দাধাতা । আগামী বছরগুলোতে কী ঘটবে ? আমাদের দেশের মাটিতে মরতে এসেছে যে নওজোয়ান সৈনিকের দল, এর উত্তর রয়েছে তাদের কাছে ।

১৯৫৩

ইথিওপিয়ান গ্যালা প্রদেশে থাকত রোমপ্রবাসী এক তরুণ ইথিওপিয়ানের স্ত্রী তারান্তাবাবু । এই কবিতাশুদ্ধ বেন সেই স্ত্রীর কাছে তার লেখা কয়েকটা চিঠি । পশ্চাৎপটের কাহিনীটি হল এই : হিকমতের এক ইতালিয়ান বন্ধু তাঁকে লেখেন যে রোমের গরিব পাড়ায় ঘর ভাড়া করতে গিয়ে তিনি ল্যাণ্ডলেডির কাছে শোনেন তাঁর ঠিক আগেই ঐ ঘরে থাকত ইথিওপিয়ান এক কৃষ্ণাঙ্গ তরুণ । 'সে এখন কোথায় ?' 'তোমাকে বলা ঠিক হবে কিনা জানি না... পুলিশ তাকে ধরে নিয়ে গেছে ।' হিকমতের সেই ইতালিয়ান বন্ধু আলমারির ডয়ার খোঁটে ইথিওপিয়ান ছেলেটির নিজের ভাষায় লেখা একতারা চিঠি পান । চিঠিগুলো লিখলেও কখনও সে ডাকবাজে ফেলে নি । হিকমতের বহুভাবাবিদ ইতালিয়ান বন্ধুটি সেইসব চিঠির অনুবাদ করে তুরন্তে হিকমতের কাছে পাঠিয়ে দেন । গ্রন্থার করে নিয়ে বাবার পর মুসোলিনীর অনুচরেরা খুব সম্ভবত ইথিওপিয়ান ছেলেটিকে গুলি করে মারে ।

প্রাহায় সকাল

প্রাহায় আলো ফুটছে

আর বৃষ্টির সঙ্গে

সীসের মত ভারী

তুষার ।

প্রাহায় আন্তে আন্তে আলোকিত হয় ব্যারক :

অস্বচ্ছন্দ, দূরগত,

শোকমলিন তার গির্শিট ।

চতুর্থ চার্লস্ সেতুর ওপর পাথরের মূর্তিগুলো

মৃত নক্ষত্র থেকে নেমে আসা পাখিদের মত ।

প্রাহায় প্রথম ট্রলিবাস ডিপো থেকে ছেড়ে গেছে,

জানলায় জানলায় হৃদে উষ্ণ আলো ।

কিন্তু আমি জানি

ভেতরটা বরফের মত ঠাণ্ডা :

প্রথম যাত্রীর নিশ্বাসে ভেতরটা এখনও উষ্ণ নয় ।

প্রাহায় পেপিক খাচ্ছে তার দুধ-দেওয়া কফি,

সাদা রান্নাঘরে ঝকঝক করছে কাঠের টেবিল ।

প্রাহায় আলো ফুটছে

আর বৃষ্টির সঙ্গে

সীসের মত ভারী

তুষার ।

প্রাহায় টগবগিয়ে পেরিয়ে যায়—

এক ঘোড়ার একটা মাল-টানা গাড়ি—

ইহুদীদের কবরখানার সামনে ।

অন্য কোনো শহরের আকুল আকাঙ্ক্ষা চাপানো গাড়ি,

আমি তার কচুয়ান ।

প্রাহায় আন্তে আন্তে আলোকিত হয় ব্যারক :

অস্বচ্ছন্দ, দূরগত,
শোকমলিন তার গিণ্টি ।

প্রাহায় ইহুদীদের কবরখানায় রুদ্ধশ্বাস, নিঃশব্দ মৃত্যু ।
ও আমার গোলাপ, ও আমার গোলাপ
মৃত্যুর চেয়েও খারাপ নির্বাসন...

২০।১০।১৯৫৬

একটা চিঠিতে মুনেনভার আমাকে এই কথা লিখেছিল :

নাজিম, আমি যে শহরে জন্মেছি তার কথা আমাকে বলো ।
যখন আমি সোফিয়া ছেড়ে যাই তখন আমি খুব ছোট,
কিন্তু শুনতে পাই আমি তখন বুলগেরিয়ান জানতাম...
সোফিয়া শহরটা কী রকমের ?
আমার মার কাছে শুনতাম
সোফিয়া ছিল এইটুকু,
এখন নিশ্চয় বড় হয়েছে—
ভাবো

মধ্যে একচল্লিশটা বছর ।
তখন ছিল এক ‘পার্ক বারিস’ ।
আমার ধাইমা আমাকে সেখানে নিয়ে যেতেন সকালে ।
ওটাই নিশ্চয় সোফিয়ার সবচেয়ে বড় পার্ক ।
পার্কে তোলা আমার ছবি এখনও আমার কাছে আছে ।
সেখানে যেমন প্রচুর রোদ আর তেমনি প্রচুর ছায়া ।
তুমি সেখানে গিয়ে একবার ব’সো ।
হয়ত যে বেক্সির চারপাশে আমি খেলতাম সেটা তোমার চোখে পড়বে ।
তবে বেক্সির আয়ু কখনই চল্লিশ বছর হবে না,
এতদিনে নিশ্চয় ঝরঝরে হয়ে গিয়ে কলেবর পাটেছে ।
গাছই সবচেয়ে ভালো ।

স্বভির চেয়েও গাছ বেশিদিন থাকে ।

সবচেয়ে পুরনো চেস্টনাট গাছের নিচে গিয়ে একদিন ব'সো ।

সব কিছু ভুলে গিয়ে ।

এমনকি আমাদের এই বিচ্ছেদও,

শুধু আমার কথা ভেবো ।

১৯৫৭

মুনেভারকে এই ব'লে চিঠি লিখেছিলাম :

গাছগুলো দাঁড়িয়ে, পুরনো বেকিগুলো ম'রে ভূত ।

‘পার্ক বারিস’ এখন হয়েছে ‘স্বাধীনতা উদ্যান ।’

চেস্টনাট গাছের তলায় এইমাত্র তোমার কথা মনে হল,

কেবল তুমি, আমি বলতে চাইছি মেমেং,

কেবল তুমি আর মেমেং, আমি বলতে চাইছি আমার দেশ...

১৯৫৭

মুনেভার—নাজিমের তৃতীয় পক্ষের স্ত্রী ।

বর্ হোটেল

ভার্নায় রাস্তিরে কিছুতেই তোমার ঘুম হবে না

কিছুতেই ঘুম হবে না :

আকাশে তারার প্রাচুর্যে,

তারাগুলো বড় বেশি কাছে ব'লে, বড় বেশি জল্জল্ করে ব'লে,

বালিয়াড়িতে মৃত টেউগুলোর ঝিরঝির শব্দে,

মুক্তোর মত ঝিহুক

আর হুড়ির সঙ্গে

লবণাক্ত লতাপাতার মর্মরধ্বনিতে,

সমুদ্রে হৃদয়ের মত স্পন্দমান মোটরবোটের আওয়াজে,
 আমার ঘর ভরিয়ে তোলা স্মৃতিতে,
 বস্পরাসের ভেতর দিয়ে আসা
 আর আমার ঘর ভরিয়ে তোলা
 ইস্তানবুলের স্মৃতিতে,
 কারো হরিৎ নয়ন,
 কারো হাতে হাতকড়া,
 কেউ হাতে ধ'রে আছে রুমাল,
 সে রুমালে ল্যাভেণ্ডারের গন্ধ,
 রাস্তিরে কিছুতেই তোমার ঘুম হবে না, প্রিয়তমা,
 ভার্নায় বন্ হোটেল ॥

২রা জুন ১৯৫৭

আশাবাদী প্রাহা

১৯৫৭, জানুয়ারি ১৭ই ।
 কাঁটায় কাঁটায় ন'টা ।
 রৌদ্রোজ্জ্বল শুকনো হিম, মিথ্যে নেই,
 শুকনো হিম গোলাপী-লাল,
 আসমানী-নীল শুকনো হিম ।
 আমার লালচে গোঁফ বরফে জমে যাওয়ার মতন ।
 পল-তোলা কাঁচে হীরের স্ফটীমুখে খোদাই-করা
 প্রাহা নগরী ।
 আমি ছুঁলেই ঠুনঠুন করে বেজে উঠবে :
 সোনালী-কানা, স্বচ্ছ, শুভ্র কাঁচ ।
 এখন কাঁটায় কাঁটায় ন'টা
 সমস্ত মিনারে
 আর আমার ঘড়িতে ।

‘ওকুনো হিম রোদ্রোজ্জল, গোলাপী-লাল,
আসমানী-নীল ওকুনো হিম ।

এখন কাঁটায় কাঁটায় ন’টা

এই দণ্ডে, এই মুহূর্তে

প্রাণায় একটি মাত্র মিথ্যেও উচ্চারিত হয় নি ।

এই দণ্ডে, এই মুহূর্তে

জ্বীলোকেরা বিনা ব্যথায় প্রসব করেছে সন্তান,

কোনো একটি রাস্তা দিয়েও

কোনো একটি শববাহক গাড়িও যায় নি ।

এই দণ্ডে

সমস্ত নজ্জা ওপরে উঠেছে

পাঁড়িতের ভালোর জন্তে ।

মুহূর্তের জন্তে

সমস্ত রমণী হয়েছে স্নানর, পুরুষেরা প্রাজ্ঞ,

মানবযুঁতিগুলো বিষম নয় ।

এখন

ইস্কুলে বাচ্চারা সব প্রশ্নেরই উত্তর দিয়েছে

একটুও না থেমে ।

এখন

সমস্ত উন্নয়েই কয়লা আছে,

সব রেডিয়েটারেই আছে তাপ,

এবং কালো মিনারের গম্বুজ

সোনা দিয়ে পুনর্বার মোড়া হয়েছে ।

মুহূর্তের জন্তে

অন্ধেরা ভুলে গেছে তাদের অন্ধকার,

কুঁজেরা ভুলে গেছে তাদের বঁকে যাওয়া পিঠ ।

মুহূর্তের জন্তে

আমার কোনো বৈরী ছিল না

এবং কেউই ভাবছিল না

পুরনো দিনগুলো আবার ফিরে আসতে পারে ।

এই সময়

ওয়েনসেস্লাউস তার ব্রোঞ্জের ঘোড়া থেকে নেমে এল ।

জনতার মধ্যে সে ভিড়ে গেল,

তাকে আর আলাদা ক'রে চিনে নেওয়ার উপায় রইল না ।

মুহূর্তের জন্তে

তুমি আমাকে ভালবাসলে

আমাকে এত ভালো আগে কখনই তুমি বাসো নি ।

এই দণ্ডে, এই মুহূর্তে,

রৌদ্রোজ্জ্বল শুকনো হিম, মিথ্যে নেই

শুকনো হিম গোলাপী-লাল

আসমানী-নীল শুকনো হিম ।

পল-তোলা কাঁচে হীরের স্ফটিকখে খোদাই-করা

প্রাঙ্গণ নগরী ।

আমি ছুঁলেই, ঠুন্ঠুন্ ক'রে বেজে উঠবে :

সোনালী-কানা, স্বচ্ছ, শুভ্র কাঁচ ॥

মিখাইল রেফিলির স্মৃতিতে

আমার প্রজন্মের এখন পাতা-ঝরার দিন,

আমরা বেশির ভাগই শীতটা পেরোতে পারব না ।

লোকটা ভেঙে পড়েছিল, রেফিলি ।

যখন সে শুনল...

কী বলছিলেন যেন...

তোমার কি মনে আছে, মিখাইল...

কিন্তু তোমার তো এখন স্মৃতি নেই,

তোমার নেই নাক, মুখ, চোখ...

ভাই, তুমি এখন লুপ্তকার অস্থি,

বাকু-র এক সমাধিক্ষেত্রে ।

কী বলছিলাম যেন...

মস্কোয়, আমাদের বাসায়, নববর্ষের এক প্রাক্-সন্ধ্যায় ।

চাঁদোয়া-টাঙানো পাইনের নিচে, টেবিলে,

প্রকাণ্ড একটা খেলনার মত তুমি জলজল করছিলে ।

তোমার চকচকে চোখ, টাক-পড়া মাথা,

সমীহ করার মত পেট ।

বাইরে, রাত্রিতে নিমজ্জিত তুষারময় অরণ্য ।

আমি তোমার দিকে তাকালাম, তারপর ভাবলাম :

মহামানুষ—এক পিপে পুরনো মদের মত ডগমগ,

পুরনো মদের পিপের মত পোক্ত ।

আমার ঢের পরেও ও ঠিক বৈচে থাকবে ।

আর আমার অবর্তমানে ও লিখে ফেলবে কোনো প্রবন্ধ

কিংবা কবিতা :

নাজিমের সঙ্গে আমার দেখা হয় মস্কোয় ১৯২৪ সালে-

সত্যি মিখাইল, তুমি হতে পারতে কবি,

ছিলে তুমি অধ্যাপক ।

কিন্তু সেটা কোনো কথা নয় ।

আমাদের ক'রে যাওয়া সেরা কাজ, কিংবা সবচেয়ে বড় অপকীর্তি, '

আমরা চলে গেলেও থেকে যায় ।

আমার ধারণা, তুমি ছিলে মাঝারির দলে ।

আমিও তাই ।

আমি বলতে চাই, এই ভূমণ্ডলে আমাদের কণ্ঠস্বর থেকে যাবে

সে আশ্বাস আমাদের নেই ।

আমার দিক থেকে, তাতে কিছু এসে যায় না ।

আশ্বাস ছাড়াই আমি বৈচে থাকতে পেরেছি,

এবং আশ্বাস ছাড়াই আমি মরে যেতে পারব—

তোমার মতন রেফিলি ॥

৫ই জুন : ১৯৮৮

প্রাণ

মৌমাছি

মধুর বড় বড় ফোঁটার মতন মৌমাছি,
ওরা দ্রাক্ষালতা বয়ে নিয়ে যায় রোদুদ্রে,
আমার যৌবনকাল থেকে ওরা উড়তে উড়তে এল,
আপেলগুলো, এই ভারী ভারী আপেল,
এরাও সেখান থেকেই

এই স্বর্ণরেণু সরণি ।
জলস্রোতে এইসব শুভ্র উপল,
আমার ভরসা গানে ।
ঈর্ষাহীন আমার সত্তা,
মেঘবিহীন দিন, এই নীলবর্ণ দিন,
এও সেখান থেকেই

চিৎ হয়ে শুয়ে আছে নগ্ন আর উষ্ণ সমুদ্র,
এই উন্মুখ প্রতীক্ষা, এইসব বাকবকে দাঁত আর পুরু পুরু ঠোঁট—
মৌমাছির পায়ে
মধুর বড় বড় ফোঁটার মতন
তার। এসেছিল ককেশাস অঞ্চলের এই গ্রামে
আমার যৌবনকাল থেকে, শেষ করার আগে যে যৌবনকে
কোথাও আমি ফেলে রেখে এসেছিলাম ॥

১৩ই সেপ্টেম্বর ১৯৫৮

আগ্রহিনো ওসিগভ্কা

ভোরের আলো

ভোরের আলোয়, টেলিগ্রাফের খুঁটিগুলো,
রাস্তাটা ।
প্রসাধনের আয়না ভোরের আলোয় উল্লে ওঠে,
টেবিলটা,
পায়ের চটিকুতো—

জিনিসগুলো পুনর্ব্যার এ ওকে দেখে আর জানে চেনে ।

আমাদের ঘরে পাল টাঙানোর মত ছড়িয়ে পড়ে ভোরের আলো,
হীরের আংটির মত নীল হিমশীতল বায়ুলোক ।

আমাদের ঘরের মধ্যে তারাগুলো স্নান হয়

সুদূরে,

আকাশগঙ্গার গভীরে, পাখরগুলো গা ধুয়ে পরিষ্কার হয়
বালিশে, আমার গোলাপ ঘুমোয় —

পালকের প্রকাণ্ড বালিশে তার মাথা ।

লেপের গায়ে রাখা তার দুটি হাত যেন সাদা টিউলিপ ফুল ।

তার কেশপাশে পাখিরা গুরু করে গান ।

ভোরের আলোয়, গাছপালা আর কারখানার চিমনি নিয়ে শহর ।

গাছগুলো ভেজা-ভেজা, চিমনিগুলো গরম ।

শানবঁধানো রাস্তাকে সোহাগ করে

প্রথম পায়ের শব্দ আমাদের ঘরের ভেতর দিয়ে যায়,

প্রথম ইঞ্জিনের গুঞ্জন,

প্রথম অট্টহাসি

প্রথম শাপাস্ত ।

পেক্ষির গাড়ির কাঁচের ডালায় গরম ভাপ,

বুট-পরা ড্রাইভার যাচ্ছে দুধমাখনের দোকানে,

প্রতিবেশীর চাঁচিয়ে কাঁদা শিশু,

নীল প্রাচীরপত্রে খেতকপোত,

দোকানের জানলায়

হলুদে জুতো-পরা মানুষের যুঁতি,

আর চন্দনকাঠের চীনে হাতপাখা

আর তার সেই রমণীয় লাল ঠোঁট

আর ভোরের আলোয় আমাদের ঘরের ভেতর দিয়ে যায়

সবচেয়ে সুখের আর সবচেয়ে তরতাজা জাগরণ ।

আমি রেডিও খুলি :

বৃহদাকার নামের ধাতুর সঙ্গে যেশে বৃহদাকার সব রাশি,

শতক্ষেত্রের সঙ্গে পাল্লা দেয় তৈলকূপ ।

লেনিন পদক পাওয়া মেমপালক

(প্রথম পৃষ্ঠায় ছাপা তার ছবি দেখেছি

তার মোটা কালো ঝুলন্ত গৌফ)

কথা বলছে কিশোরীর মত লজ্জায় জড়সড় হয়ে ।

তারপর খবর আসে দুই মেরুপ্রান্তেরই :

এরপর যখন তৃতীয় স্পুৎনিক

আজ সকাল ছ'টায়

৮৮৭৮ বার পৃথিবীকে চক্কর দেয়

আমার গোলাপের বিশাল দুটো চোখ বালিশের ওপর খুলে যায় ।

দেখতে এখনও তারা ধোঁয়া-ওঠা পাহাড়ী সরোবরের মতন ।

তাতে ঝিকিয়ে ঝিকিয়ে ওঠে নীল মাছ,

তাদের তলদেশ থেকে ওঠে সবুজ পাইন ।

দেখায় গভীর আর চ্যাটালো ।

তার শেষতম স্বপ্ন চোখ ঝলসায় ভোরের আলোয় ।

আমার গায়ে আলো এসে পড়ে,

আমি আরেকবার নিজেকে দেখি আর নিজেকে জানি ।

আমি এখন বেপরোয়াভাবে স্থখী

সেইসঙ্গে কিছুটা কুণ্ঠিত,

অবশ্য খুবই সামান্য ।

ভোরবেলায় আমাদের ঘরের আলো

নৌযাত্রায় তৈরি পালের মত দেখায়

যেন আলোর পাল ।

আমার গোলাপ বিছানা ছেড়ে ওঠে খুবানির মত অনাবৃত ।

ভোরের আলোয় বিছানাটা পুরোপুরি শুভ্র

নীল প্রাচীরপত্রের শ্বেতকপোতের মত ॥

ফেব্রুয়ারি ১৯৬০

কিসলোভদ্বন্দ্ব

চলে গেলে

আমার মনের মানুষ সঙ্গে এসেছিল ব্রেস্ত্ পর্যন্ত,
ট্রেন থেকে নেমে পড়ে সে ছিল প্ল্যাটফর্মে দাঁড়িয়ে,
ছোট হতে হতে, ছোট হতে হতে
এক সময়ে সে হয়ে গেল অনন্ত নীলিমায় গোধূমের অন্তবীজ,
তারপর লৌহবজ্র ছাড়া কিছুই আর চোখে পড়ল না।
তারপর সে আমাকে ডাকতে লাগল পোল্যাণ্ড থেকে, আমি উত্তর দিতে
পারি নি,
আমি জিগ্যেস করতে পারি নি, ‘হে আমার গোলাপবালা, তুমি কোথায়?’
সে আমাকে ‘এসো’ ব’লে ডেকেছিল, আমি তার কাছে পৌঁছুতে পারি নি,
ট্রেন এমনভাবে ছুটে চলেছিল যেন কখনই আর থামবে না,
দুঃখে গলা আমার বুঁজে এসেছিল।
তখন, বালুময় যান্ত্রিক বরফের টুকরোগুলো গলে গলে পড়ছিল,
সেই সময় হঠাৎ আমি জানলাম আমার মনের মানুষ সব কিছু দেখছে,
‘আমাকে কি ভুলে গিয়েছিলে,’ সে জিগ্যেস করছিল, ‘আমাকে কি ভুলে
গিয়েছিলে?’

বসন্ত তখন কাদামাথা খালি পায়ে আকাশে আঙুলান।
টেলিগ্রাফের তারে তারে আলো জ্বলেছিল নক্ষত্রমণ্ডলী,
অন্ধকার তখন চাবুকের মতন রেলগাড়িতে হেনে চলেছিল বৃষ্টি।
আমার মনের মানুষ টেলিগ্রাফের খুঁটিগুলোর তলায় দাঁড়িয়ে,
তার হৃদয় উথালপাথাল করছিল যেন সে আমার বাছডোরে,
খুঁটিগুলো যখন উধাও হয়ে যাচ্ছিল তখনও সে দাঁড়িয়ে,
ট্রেন এমনভাবে চলছিল যেন কখনই থামবে না,
দুঃখে গলা আমার বুঁজে এসেছিল।
তখন হঠাৎ আমি জানলাম এই ট্রেনে আমি বছরের পর বছর ধরে রয়েছি,
—কিন্তু এখনও আমার অবাক লাগে কিভাবে অথবা কেন আমি এটা
জানলাম—

এবং সব সময় সেই একই মহৎ আশা-জাগানো গান গেয়ে
আমি চিরকাল ছেড়ে চলে যাই শহরগুলো আর আমার প্রেমাস্পদ নারীদের

আর আমার অন্তরে দগ্‌দগে ক্ষতের মতন আমি বহন করছি বিচ্ছেদ
আর আমি কাছে আসছি, ক্রমেই কাছে আসছি কোনো একটা জায়গার ॥

মার্চ ১৯৬০

ভূমধ্যসাগর

অকস্মাৎ

অকস্মাৎ আমার মধ্যে কিছু একটা ছিঁড়ে গিয়ে গলা ধরে নেয়
অকস্মাৎ, আমার কাজের মাঝখানে, আমি লাফিয়ে উঠি,
অকস্মাৎ আমি একটা স্বপ্ন দেখি, একটা হোটেলে, হলঘরে, দাঁড়িয়ে উঠেছি
অকস্মাৎ রাস্তার পাশের গাছটা আমার কপালে বা মারল,
অকস্মাৎ একটা অস্থি, ক্রুদ্ধ, অভুক্ত নেকড়ে চাঁদের দিকে মুখ ক'রে
গাঁক-গাঁক করছে,

অকস্মাৎ একটা বাগানের দোলনায় তারাগুলো ছলছে,
অকস্মাৎ আমি ভাবি কেমন ক'রে আমি কবরে থাকব,
অকস্মাৎ আমার মাথায় ভর করে একটা রোদ-পড়া কুয়াশা,
অকস্মাৎ আঁকড়ে ধরি আমার আরকু দিনটাকে যেন তা কখনও শেষ হবে না
এবং প্রতিবারই তুমি জলের ওপরে ভেসে ওঠো..

৮ই সেপ্টেম্বর ১৯৬০

সকাল ছ'টা

সকালবেলা, ঘড়িতে ছ'টা ।

দিনের দরজা খুলে ভেতরে পা বাড়ানাম,

জানলায় আমায় সুপ্রভাত জানাল তরতাজা নীলিমার আশ্বাদ

আয়নায় আমার কপালে গতকালের পরিত্যক্ত রেখা

আর আমার পেছনে এক রমণীর কণ্ঠস্বর, পীচফলের রেণুর চেয়েও কোমল
 আর রেডিওতে বলছে আমার দেশের খবর
 আর এখন, আমার আকুল আকাঙ্ক্ষা কানায় কানায় ভরে উপচে পড়ছে,
 প্রহরের ফলবাগানে গাছে গাছে আমি ছুটব
 আর সূর্য অস্ত যাবে, প্রিয় আমার,
 আর রাত পেরিয়ে যাবে আমার আশা
 এক নতুন নীলিমার আশ্বাদ আমার অপেক্ষায় থাকবে, আশা করছি ॥

১৪ই সেপ্টেম্বর ১৯৬০

স্বর্ণকুমুদা।

ভেরা তুলিয়াকোভা-কে
 গভীর শ্রদ্ধায়

১

ভোরবেলায় এক্সপ্রেস ট্রেন বেমানুম এসে চুকেছিল স্টেশনে
 বরফে চারিদিক ঢাকা
 ওভারকোটের কলার তুলে আমি প্ল্যাটফর্মে দাঁড়িয়ে
 আমি ছাড়া প্ল্যাটফর্মে দ্বিতীয় কেউ নেই
 স্লিপার কোচের একটা জানলা ঠিক আমার সামনে এসে থেমেছিল
 পর্দাগুলো সরানো
 নিচের বার্থে আধো-আলো আধো-ছায়ায় নিদ্রামগ্ন এক তরুণী
 তার খড়-রঙা চুল নীল-বরণ আঁখিপদ্ম
 আর তার টোবা ঠোঁট জেবড়ানো আর টস্কানো
 ওপরের বার্থে কে শুয়ে ছিল আমি দেখি নি
 বেমানুম স্টেশন থেকে সরে পড়েছিল সেই এক্সপ্রেস
 আমি জানি না কীথা থেকে তার যাত্রা শুরু । কোথায়ই বা শেষ ।
 গাড়িটা ছেড়ে চলে গেল আমি দেখলাম ।
 আমি যখন ঘুমোচ্ছিলাম ওপরের বার্থে
 গুয়ারস' শহরে ব্রিস্টল হোটেলে

এমন অঘোরে কত বছর যে ঘুমোই নি
 তবু তো আমার বিছানাটা ছিল কাঠের আর সরু
 অশ্রু বিছানায় শুয়ে ছিল এক তরুণী
 তার খড়-রঙা চুল নীল-বরণ আশ্বিনপক্ষ
 যেমন দীর্ঘ তেমনি মস্তৃণ ছিল তার শুভ্র গ্রীবা
 এমন অঘোরে কত বছর যে সে ঘুমোয় নি
 তবু তো তার বিছানাটা ছিল কাঠের আর সরু
 সময় ধেয়ে চলেছিল বেগে আমরা তখন মধ্যরাতের কাছাকাছি
 এমন অঘোরে কত বছর যে আমরা ঘুমোই নি
 তবু তো বিছানাগুলো ছিল কাঠের আর সরু
 পাঁচতলা থেকে সিঁড়ি ভেঙে আমি নামছি
 লিফ্ট আবার বিগড়েছে
 ভেতরের আয়নায় আমি সিঁড়ি ভেঙে নামছি
 আমার বয়েস হতে পারে কুড়ি, হতে পারে এক শো
 সময় ধেয়ে চলেছিল বেগে আমরা তখন মধ্যরাতের কাছাকাছি
 চার তলায় দরজার আড়ালে এক মহিলা সরবে হাসছেন
 আমার ডান হাতে আস্তে আস্তে পাপড়ি খুলছে এক বিষম
 গোলাপ
 তিন তলার তুষারঢাকা জানলায় কিউবার এক ব্যালে-নর্তকীর সঙ্গে আমার
 দেখা
 এক তাজা ঘোর অগ্নিশিখার মত সে আমার কপাল ঘেঁষে ছিটকে চলে গেল
 অনেকদিন হল কবি নিকোলাস গিয়েন হাভানায় ফিরে গেছেন ।
 ইউরোপে আর এশিয়ায় বছরের পর বছর হোটেলের লবিতে ব'সে
 ফোঁটায় ফোঁটায় আমরা পান করেছি আমাদের হৃত শহর
 আর নোঙর-ছেঁড়া সেকালের দাঁড়-টানা নৌকার মতন
 শীতের প্রত্যুষের হাওয়ায় জল কাটে কাঠের বজরাগুলো
 আর এক কাঁসারীর ছাইগাদায়
 ঘুম ভেঙে চোখ মেলে আমার মহাকায় ইস্তানবুল
 দুটো জিনিস আছে একমাত্র মৃত্যুই তা ভুলিয়ে দিতে পারে
 দারবান তার আলখাল্লা রাজিতে ডুবিয়ে আমাকে এগিয়ে দিতে এসেছিল

বরফের মত কনকনে হাওয়ায় নিয়ন আলোর মধ্যে আমি হেঁটেছিলাম
 সময় ধেয়ে চলেছিল বেগে আমি তখন মধ্যরাতের কাছাকাছি
 ওরা অতর্কিতে এসে আমাকে ধরে ফেলল
 দিনের মত আলোতেও আর কেউ তাদের দেখতে পায় নি
 ওরা এসেছিল ঝাঁক বেঁধে
 ওদের পায়ে কাঁটা-মারা বুট পরনে প্যান্টকোট
 বাহুতে স্বস্তিকার ছাপ তাদের বাহুতে
 হাতে স্বয়ংক্রিয় বন্দুক তাদের হাতে
 তাদের কাঁধে শিরস্ত্রাণ তাদের কাঁধে কিন্তু মাথা নেই
 কাঁধ আর শিরস্ত্রাণের মাঝখানে শূন্যতা
 ওদের এমন কি গলার কলার এমন কি ঘাড়ও ছিল কিন্তু মাথা ছিল না
 ওরা ছিল জওয়ান যাদের মৃত্যুতে শোকপ্রকাশের বালাই থাকে না
 আমরা হাঁটতে লাগলাম
 তুমি দেখতে পেতে ওদের ভয় জান্তব ভয়
 বলতে পারব না ওদের চোখের মধ্যে ছিল সেটা স্পষ্ট
 ওদের মাথাই ছিল না তার আবার চোখ
 ওদের ভয়ে জান্তব ভয় তুমি দেখতে পেতে
 ওদের বুটজুতোয় সেটা ছিল স্পষ্ট
 বুটজুতোয় কি ভয় কখনও প্রকাশ পায়
 ওদের বেলায় পেয়েছিল
 ভয়েভয়ে ওরা ছুঁড়েছিল বন্দুক
 সমস্ত ঘরবাড়ি সমস্ত গাড়িঘোড়া জান্তব সব কিছুর ওপর সমানে ওরা
 ছুঁড়েছিল গুলি

যে কোনো আওয়াজে সামান্যতম নড়াচড়ায়
 শোপ্যাঁ সরগিতে এমন কি নীল মাছওয়ালা একটা প্রাচীরপত্রেও ওরা গুলি
 করেছিল

কিন্তু একপর্দা বার্লিও তাতে খসে পড়ে নি কিংবা একটা কাঁচও ভাঙে নি
 আর আমি ছাড়া অন্য কেউই গুলির শব্দ পায় না
 কিন্তু মরে-মাওয়া ঝটিকাবাহিনীর একটি দলও মরে গিয়ে মারতে পারে না
 ফিরে এসে মৃতেরা খুন করে ক্রমিকীট হয়ে আর আপেলের ভেতরে ঢুকে

তবে তুমি দেখতে পেতে ওদের ভয় জাম্বব ভয়
খুন হয়েছিল না কি এই শহর ওরা খুন হওয়ার আগে
এই শহরের হাড়গোড়গুলো একের পর এক ভাঙে নি কি আর
এর ছাল কি ছাড়ানো হয় নি

হয় নি কি এর চামড়া দিয়ে বইয়ের মলাট এর তেল
থেকে সাবান এর চুল দিয়ে রশি

কিন্তু ওদের সামনে এইখানে দাঁড়িয়ে ছিল এই শহর
রাতিরে বরফের মত কনকনে হাওয়ায় তপ্ত রুটির মতন
সময় ধৈর্যে চলেছিল বেগে আমরা তখন মধ্যরাতের কাছাকাছি
বেলভিডিয়ার সরণিতে পোলদের কথা আমার মনে পড়ছিল
এই প্রাসাদে আমার প্রথম এবং হয়ত শেষ পদকটি আমাকে তারা অর্পণ
করেছিল

অনুষ্ঠানকর্তা উদ্ঘাটন করেছিলেন স্তব্ধচিত্রিত ধবল দুয়ার
এক তরুণীকে সঙ্গে নিয়ে আমি পদাৰ্পণ করেছিলাম হলঘরে
তার খড়-রঙা চুল নীল-বরণ আখিপদ্ম
আর আমরা দুজনে ছাড়া সেখানে আর কেউ ছিল না
সঙ্গে জলরঙের আঁকাজেঁঁকা আর খেলাঘরের মতন চিকন চিকন চেয়ার আর
কোঁচ

আর তুমি হয়ে গেলে

হালকা নীলে আঁকা ছবি কিংবা চীনে মাটির পুতুল হয়ত বা
কিংবা আমার বুকে নেমে আসা কোনো স্বপ্নের হয়ত বা ফুলকি
আধো-আলো আধো-ছায়ায় নিচের বার্থে তুমি ছিলে নিদ্রামগ্ন
যেমন দীর্ঘ তেমনি মৃৎ ছিল তোমার স্তন গ্রীবা
এমন অঘোরে কত বছর যে তুমি ঘুমোও নি
আর ক্র্যাকাউতে এই খেয়ালী পানশালায়
সময় ধৈর্যে চলেছে বেগে এখন আমরা মধ্যরাতের কাছাকাছি
কফির কাপ আর গেলাসের মাঝখানে টেবিলে ছিল বিচ্ছেদ
তুমিই রেখেছিলে সেখানে
যেন কোনো ইদারার তলদেশে ঠেকা জল
আমি ঝুঁকে পড়ে দেখছি

মেঘের দিকে তাকিয়ে যুহু হাসছে এক বুড়ো মানুষ
আমি ডাক দিই

আমার গলার স্বর প্রতিধ্বনিত হয়ে ফিরে আসে তোমাকে হারিয়ে
টেবিলে ছিল বিচ্ছেদ সিগারেটের প্যাকেটে
বয়স সেটা এনেছিল গলাসগুলোর সঙ্গে কিন্তু তুমিই বলেছিলে আনতে
তোমার হুচোখে কুঞ্চিত হয়ে উঠেছিল ধোঁয়া
ধোঁয়া ছিল তোমার সিগারেটের আগায়
ছিল বিদায় বলতে উত্তর তোমার করপল্লবে
যেখানে রেখেছিলে তোমার কনুই সেই টেবিলে ছিল বিচ্ছেদ
ছিল তোমার মনের ভাবনায়

যা তুমি আমার কাছে গোপন রাখছিলে এবং যা রাখো নি তার মধ্যে
বিচ্ছেদ ছিল তোমার প্রশান্তিতে

আমার ওপর তোমার অচলা আস্থায়

তোমার ভীষণ ভয়ের মধ্যে

পাছে হঠাৎ আকাশ-থেকে-পড়া কাউকে ভালবেসে ফেলো যেন তোমার দরজা
হঠাৎ খুলে গেছে

আসলে আমাকে তুমি ভালবাসো অথচ তুমি তা জানো না

বিচ্ছেদ ছিল তোমার না-জানার মধ্যে

মাধ্যাকর্ষণ-বিরহিত ছিল বিচ্ছেদ বলতে পারব না পালকের মত ভারহীন
এমন কি পালকেরও ভার আছে বিচ্ছেদ কিন্তু ছিল সত্যিই ভারহীন
সময় ধেয়ে চলেছে বেগে মধ্যরাত কাছে আসছে

নক্ষত্র-ছোঁয়া মধ্যযুগীয় প্রাচীরগুলোর ছায়ায় ছায়ায় আমরা হেঁটে গেলাম
সময় দ্রুতবেগে পিছু হাঁটছিল

আমাদের পদশব্দের প্রতিধ্বনিগুলো ফিরে গেল হাড় জিরজিরে হৃদে
কুকুরের মত

ওরা একবার আমাদের সামনে একবার পেছনে ছুটছিল

জাগিয়েলোনিয়ান বিশ্ববিদ্যালয়ে বোরাফেরা করে শয়তান

পাথরে সে বসিয়ে দেয় নথ

আরবদের কাছ থেকে পাওয়া কোপার্নিকাসের নক্ষত্র-মাপক সে চায় ভেতর
থেকে ধসিয়ে দিতে

আর কাপড়-কাটারার তলাকার হাটতলায়

সে রয়েছে রক্ত আঁশ রোলের তালে তালে নৃত্যরত ক্যাথলিক ছাত্রদের সঙ্গে
সময় ধৈর্যে চলেছে বেগে এখন আমরা রাতের কাছাকাছি
নোভা-হুতার লাল-আভা মেঘে মেঘে বাড়ি মারে
সেখানে গাঁ থেকে আসা ছোকরা শ্রমিকরা ধাতুর সঙ্গে ঢালাই করে নেয়
তাদের অন্তরাঙ্গা

নতুন নতুন হাঁচের মধ্যে জলতে জলতে

আর ধাতু ঢালাইয়ের চেয়েও হাজার গুণ শক্ত আত্মাগুলোকে ঢালাই করা
সেণ্ট মেরীর গীর্জায় গম্বুজে ঘণ্টাধ্বনি করা ভেরী নিনাদে
ঘোষিত হল মধ্যরাত
মধ্যযুগ থেকে উঠে এসেছে তার ত্রাহি রব

শহরের সমীপবর্তী শত্রুর বিপদসঙ্কেতে

আর সহসা স্তব্ধ হয়েছে সে তার কণ্ঠ ভেদ করে যাওয়া বাণে
শান্তিতে চোখ বুঁজেছে ভেরী
আর আমি ভাবছিলাম
শত্রুকে আসতে দেখেও কাউকে জানাবার আগেই খুন হয়ে যাওয়ার
বেদনার কথা

সময় ধৈর্যে চলেছে বেগে মধ্যরাত অতিক্রান্ত

এইমাত্র আলো-নেভা কোনো স্ট্রিমারঘাটের মতন
ভোরবেলায় এক্সপ্রেস ট্রেন বেমানুম এসে ঢুকেছিল স্টেশনে
বৃষ্টিতে ছয়লাপ প্রাহা

যেন কোনো সরোবরের তলদেশে রৌপ্যখচিত এক সিন্দুক
আমি তার ডালা খুলে ফেলেছি

ভেতরে এক ঝাঁক কাঁচের পাখির মধ্যে ঘুমিয়ে আছে এক কত্তা

তার খড়-বরণ চুল নীল-বরণ আঁখিপদ্ম

এমন অঘোরে কত বছর যে সে ঘুমোয় নি

সিন্দুক বন্ধ ক'রে লাগেজ ভানে আমি তুলে নিলাম

বেমানুম স্টেশন থেকে সরে পড়েছিল সেই এক্সপ্রেস

আমার ছপাশে আমার ডানা ছটোকে ঝুলিয়ে আমি ট্রেনটাকে চলে যেতে

দেখলাম

বুষ্টিতে ছয়লাপ প্রাণ

তুমি এখানে নেই

আধো-আলো আধো-ছায়ায় নিচের বার্থে তুমি ঘুমিয়ে

ওপরের বার্থে খালি

তুমি এখানে নেই

পৃথিবীর এক সুন্দরতম শহর শূন্য

তোমার হাত থেকে খুলে ফেলা দস্তানার মতন খালি

তোমাকে দৃষ্টির আড়াল করা আরশির মতন নিভে গেল তার আলো

হারানো রাজির সঁকোর নিচে অদৃশ্য হয় ভল্‌ভাতার জলশ্রোত

রাস্তাগুলো সবই ফাঁকা

বাসগুলো যাচ্ছে সমস্তই খালি

এমন কি তাতে না আছে কণ্ঠার না আছে ড্রাইভার
কফিহাউসগুলোতে লোক নেই

পানশালা আর রেস্টোরাঁগুলোরও একই দশা

দোকানে দোকানে শো-কেস খালি

না কাপড়চোপড় না পলতোলা কাঁচের জিনিস না মাংস না মদ

না বই না লজ্জুসের বাক্স না কোনো গোলাপী লাল ফুল

আর কুয়াশার মতন এই নির্জনতায় মোড়া শহরে এক বুড়ো মানুষ,

নির্জনতায় দশগুণ বেড়ে যাওয়া বয়সের বিষণ্ণতা ঝেড়ে ফেলার চেষ্টায়

লিফ্টিংনেয়ার ব্রিজ থেকে সিঙ্কশকুনদের দিকে ছুঁড়ে দেয় রুটি

প্রত্যেকটা টুকরো তার অতি-তরুণ

হৃদয়ের রক্তে ভিজিয়ে নিয়ে

আমি ধরতে চাই মিনিটগুলোকে

আমার আঙুলে আঙুলে থেকে যায় তাদের গতিবেগের স্বর্ণরেণু

স্লীপার কোচের নিচের বার্থে এক তরুণী নিদ্রামগ্ন

এমন অঘোরে কত বছর যে সে ঘুমোয় নি

তার খড়-রঙা চুল-নীলবরণ আঁখিপদ্ম

তার হাতছোটো যেন রূপোর বাতিদানে মোমবাতি

আমি দেখতে পাইনি ওপরের বার্থে ঘুমিয়ে ছিল কে

কেউ যদি শুয়ে থাকে তো আমি নই

হয়ত ওপরের বার্থ, খালি

হয়ত ওপরের বার্থে মস্কো

পোল্যাণ্ডে কুয়াশা জেঁকে বসে আছে

ব্রেস্লেও তাই

দুদিন হয়ে গেল কোনো প্লেন না পারছে নামতে না পারছে উঠতে

কিন্তু ট্রেনগুলো যাচ্ছে আসছে কোটরাগত চোখের ভেতর দিয়ে তারা যাচ্ছে

বার্লিনের পর থেকে কামরায় আমি একা

পরদিন সকালে বরফাচ্ছন্ন মাঠের রোদে আমি জেগে উঠলাম

ডাইনিং-কারে আমি খেলাম এক রকমের দই

পরিচারিকা আমাকে চিনতে পেরেছিল

মস্কোয় সে দেখেছিল আমার দুটো নাটক

এক তরুণী স্টেশনে এসেছিল আমাকে নিতে

পিঁপড়ের চেয়েও ছোট তার কটিদেশ

তার খড়-রঙা চুল নীল-বরণ আঁখিপদ্ম

আমি ধরেছিলাম তার হাত আমরা হেঁটেছিলাম

রোদ্দুরে বরফ মুচমুচিয়ে ভাঙতে ভাঙতে আমরা হেঁটেছিলাম

সে বছর বসন্ত এসেছিল একটু আগে

তখন ছিল সন্ধ্যাতারায় ওদের উড়ে খবর পাঠাবার মরশুম

মস্কো তখন আনন্দে ডগমগ আমি আনন্দে ডগমগ আমরা আনন্দে ডগমগ

সহসা আমি তোমাকে হারিয়েছিলাম মায়াকভস্কি স্কোয়ারে সহসা

হারিয়েছিলাম

না ঠিক হঠাৎ নয় কেননা প্রথমে আমি হারাই তোমার হাতের উষ্ণতা

আমার হাতে তারপর হারাই আমার হাতের তালুতে তোমার হাতের

নরম ভার

এবং তারপর তোমার হাত

এবং আমাদের আঙুলে আঙুলে প্রথম ছোঁয়াছুঁ'য়ের ঢের আগেই নেমে

এসেছিল বিচ্ছেদ

কিন্তু তবু সহসা আমি তোমাকে হারিয়েছিলাম

অ্যাসফণ্টের সমুদ্রে গাড়িগুলোকে আমি কুখে দিয়েছিলাম আর ভেতরে

খুঁজে দেখলাম তুমি নেই

বরফে ঢাকা বুলেভার

পায়ের চিহ্নগুলোর একটিও তোমার নয়

তোমার লম্বা-বুট শু-জুতো মোজায় ঢাকা অনাবৃত পায়ের সব ছাপই

আমার চেনা

প্রহরীদের জিগ্যেস করেছিলাম

তোমরা দেখ নি কি

দস্তানা খুললে তার হাতদুটো চোখে পড়বেই পড়বে

তার হাত যেন রূপোর বাতিদানের মোমবাতি

প্রহরীরা সবিনয়ে জানায়

আমরা দেখি নি

ইস্তানবুলের সেরভিলিও পয়েন্টে একটা গাদাবোট ঢেউ ঠেলে আসে

তার পেছনে তিনটে বজরা

অক্ অক্ সিন্ধুশকুনেরা যায় অক্ অক্

আমি চেষ্টা করে ডাকলাম বজরাগুলোকে রেড স্কোয়ার থেকে আমি ডাকতে

পারি নি

গাদাবোটের সারেঙ্কে কেননা যেভাবে তার ইঞ্জিনটা গরব্ গরব্

করছিল তাতে

আমার কণ্ঠস্বর তার কানে যেত না এবং সারেঙ্কটি ক্লান্তও হয়েছিল খুব এবং

তার কোটের সব বোতামই ছিল ছেঁড়া

বজরাগুলোকে আমি চেষ্টা করে ডেকেছিলাম রেড স্কোয়ার থেকে

আমরা দেখি নি

আমি দাঁড়িয়েছিলাম আমি দাঁড়িয়ে আছি মস্কোর সব দিকের সমস্ত রাস্তায়

আর আমি জিগ্যেস করছি শুধু মেয়েদেরই

পশমের নিচে হাসি-হাসি মুখের শান্ত ধীর স্থির বুদ্ধবয়সী বাবুশ্কাদের

সবুজ ভেলভেটের টুপি-পরা গোলাপী-গাল আর খাড়া-নাকের তরুণীদের

আর খুব ছিমছাম আর গোলগাল আর স্থলী বাচ্চা মেয়েদেরও

সেখানে থাকতে পারে ভয়ানক বুড়ি লবেজান তরুণী আর ছিচকাদুনে সব

মেয়েরা

কিন্তু কে তাদের তোয়াক্কা করে

পুরুষদেরও আগে নারীদের নজরে পড়ে সৌন্দর্য এবং তারা ভোলে না

তোমরা দেখ নি কি

তার চুল খড়ের মত সোনালী আশ্বিনী নীল

তার কালো ওভারকোট সাদা কলার আর তাতে বড় বড় মুস্তোর মত বোতাম
পেয়েছিল সে প্রাহায়

আমরা দেখি নি

মিনিটগুলোর সঙ্গে এখন পাল্লা দিচ্ছি তারা আমার আগে এখন আমি

ওরা আগে গেলে ভয় হয় পাছে আমার চোখের আড়ালে চলে যায়

ওদের অন্তর্ধানরত লাল আলো

যখন আমি আগে আগে ওদের স্পটলাইট আমার ছায়াকে ছুঁড়ে দেয় রাস্তায়

আমার ছায়া আমার আগে আগে উর্ধ্বশ্বাসে ছোটো আমার হঠাৎ ভয় হয়

পাছে চোখের আড়ালে চলে যায় আমার ছায়া

আমি যাই থিয়েটারে বিচিত্রানুষ্ঠানে সিনেমায়

বল্শয়তে আমি যাইনি আজ রাত্রের অপেরা তোমার পছন্দ নয়

আমি চলে গেলাম ইস্তানবুলের কালামিশে ধীবরদের পানশালায় আর আমরা

ব'সে সইৎ ফাইকের সঙ্গে জুড়ে দিলাম মধুর আলাপ একমাস হল আমি ছাড়া

পেয়েছি জেল থেকে তার লিভার ব্যথা করছিল এবং পৃথিবীটা ছিল বড় স্নন্দর

বিখ্যাত ব্যাণ্ডব্যাণ্ডের কাংশ অর্কেস্ট্রা যেখানে সেইসব রেস্টোরাঁয় যাই

জিগ্যেস করি সোনালী পটিদার দ্বারপাল উদাসীন বখশিসপ্রিয় ওয়েটারদের

চেকব্রমের লোকদের আর আমাদের পাড়ার পাহারাওয়ালাদের

আমরা দেখিনি

স্বাস্থ্য নয় মঠের ঘড়ি-ঘরে রাত বারোটা বাজল

আদতে ঘড়ি-ঘর আর মঠ বহুকাল আগেই ভেঙে ফেলা হয়েছে

সে জায়গায় তৈরি হচ্ছে শহরের বৃহত্তম সিনেমা হাউস

এখানেই আমার সঙ্গে আমার উনিশতম বছরের দেখা

দেখামাত্রই পরস্পরকে আমরা চিনতে পেরেছিলাম

অথচ কেউ কাউকে আগে দেখি নি এমন কি ফটোগ্রাফও নয়

তবু দেখামাত্র পরস্পরকে আমরা চিনতে পেরেছিলাম একটুও আশ্চর্য হইনি

আমরা চেয়েছিলাম হাতে হাত দিতে

কিন্তু কেউ কারো হাত ছুঁতে পারি নি আমাদের মাঝখানে দাঁড়িয়ে

চল্লিশটা বছর

বরফে জমাট অন্তহীন উত্তর সাগর এক

আর এখন যেটা পুশকিন স্কোয়ার তখনকার সেই জ্বালন্ত স্কোয়ারে বরফ
পড়তে শুরু করেছিল

কনকনে ঠাণ্ডা বিশেষ ক'রে আমার হাতে আর পায়ে

অথচ পরে রয়েছি পশমের মোজা আর ফার-দেওয়া বুট আর দস্তানা
সে লোকটা ছিল এমন মোজার অভাবে পা কাপড়ে মোড়া

পুরনো ঝরঝরে হুট হাতুড়টো আটাকা

ছনিয়া বলতে তার মুখে ছিল কাঁচা আপেলের স্বাদ

হাতে এক চতুর্দশীর স্তনের দৃঢ়বদ্ধতা

গান ধেয়ে যায় মাইলের পর মাইল তার চোখে মৃত্যুর পরিমাপ এক হাতের
মতন

আর তার কিছুই জানা নেই তার কী ভবিষ্যৎ

একমাত্র আমিই জানি কী তার ভবিষ্যৎ

কেননা তার যা বিশ্বাস আমি সেই সব কিছুতেই বিশ্বাস করেছি

যে মেয়েদের সে ভালবাসতে চলেছে তাদের সবাইকেই আমি ভালবেসেছি

যে কবিতাগুলো সে লিখতে চলেছে সে সবই আমি লিখে ফেলেছি

যেসব বন্দীশালায় সে থাকবে তার সব ক'টাতেই আমি থেকেছি

যে শহরগুলো দিয়ে সে যাবে তার সব ক'টাতেই আমি পদার্পণ করেছি

তার সমস্ত পীড়ায় আমি পীড়িত হয়েছি

তার সব ঘুম আমি ঘুমিয়েছি তার সব স্বপ্নই আমি দেখেছি

যা কিছু সে হারাবে সমস্তই আমি হারিয়েছি

মেয়েটির চুল ঝড়-রঙা ঝাঁপিমস্ত নীল

মেয়েটির কালো ওভারকোট সাদা কলার আর তাতে প্রকাণ্ড মুক্তোর মত

বোতাম

আমি দেখি নি

২

আমার উনিশতম বছর বেয়াজিৎ-চকের ভেতর দিয়ে যায় আর বেরিয়ে আসে

রেড-স্কোয়ারে

কঁকোর্দে নেমে যায় আবিদিনের সঙ্গে দেখা হলে আমরা চকগুলোর কথা বলি

গত পরন্তু গাগারিন গিয়েছিল ওদের মধ্যে যেটা বৃহত্তম তাকে চক্কর দিতে এবং
সে ফিরে এসেছে

তিতভ্ৰুও ঘুরতে বেরোবে এবং এমন কি সাড়ে সতেরো বার ফিরে আসবে
যদিও এসবের এখনও কিছুই আমি জানি না

আবিদিনের সঙ্গে আমার হোটেলের চিলেকোঠায় ব'সে আয়রা

আকাশ-মহাকাশ আর গড়ন-কাঠামো নিয়ে কথা বলি
আর সাইনে নদী নোংর-দামের ছপাশেই বয়ে যায়
রাত্রে আমার জানলা দিয়ে দেখি তারকাপুঞ্জের তক্তাঘাটে একফালি চাঁদের
মত সাইনে নদী

আর পারীর বাড়ির ছাদগুলোর চিমনির সঙ্গে মেশা

আমার চিলেকোঠার ঘরে নিদ্রামগ্ন এক তরুণী

এমন অঘোরে কত বছর যে সে ঘুমোয় নি

তার খড়ের মত সোনালী চুল কৌকড়ানো তার নীল আঁখিপদ্ম

তার মুখমণ্ডলে মেঘ

আবিদিনের সঙ্গে আমাদের কথা হচ্ছে পরমাণুর বীজের মধ্যকার ফাঁক

আর পরমাণুর বীজের মধ্যকার গড়ন-কাঠামো নিয়ে

আমরা বলি শূণ্ণে ঘূর্ণ্যমান ক্রমির কথা

আবিদিন সীমাহীন গতিবেগের রংগুলো আঁকে

রংগুলোকে আমি ফলের মত খেয়ে ফেলি

আর মাতিস হলেন এক ফলবিক্ষেপ্তা তিনি বিক্রি করেন নিখিল বিশ্বের ফল

আর আমাদের আবিদিন আর আভ্‌নি আর লেভ্‌নিও তাই

আর অল্পবীক্ষণে আর রকেটের ঘুলঘুলি দিয়ে দেখা কাঠামোগুলো ফাঁকগুলো

আর রংগুলো

আর তাদের কবিকুল চিত্রকর আর সঙ্গীতশিল্পীরা

দেড়শো দৈর্ঘ্য ষাট প্রস্থের পরিমাপে আবিদিন আঁকে আঙুয়ান উত্তাল

তরঙ্গ যেভাবে আমি দেখতে পাই আর জলে মাছ ধরতে পারি সেই রকম

আবিদিনের ক্যানভাসের ঝকঝকে প্রবাহমান মুহূর্তগুলো আমি দেখতে পাই

আর ধরতে পারি

আর একফালি চাঁদের মত সাইনে নদী

এক তরুণী এক একফালি চাঁদের ওপর ঘুমোয়

কতবার যে আমি তাকে হারিয়েছি কতবার যে আমি তাকে খুঁজে পেয়েছি
এবং আরও কতবার যে আমি তাকে হারাব আর খুঁজে পাব
ঐ হল রাস্তা মেয়ে ঐরকমভাবেই আমার জীবনের ঋনিকটা

সেন্ট মিচেল ব্রিজের ওপর থেকে সাইনের জলে পড়ে গেছে
আমার জীবনের সেই অংশটা মঁসিয়ে দুর্গ-র ছিপের মুখে এক সকালের
ঝিরঝিরে আলোয় ধরা দেবে

মঁসিয়ে দুর্গ সেটাকে জল থেকে টেনে তুলতে গিয়ে তার সঙ্গে উঠে আসবে
পারীর নীল ছবি দুর্গ আমার জীবনের অংশটার মাথামুণ্ডু কিছুই
বুঝে উঠতে পারবে না সেটা মাছের মত কিংবা জুতোর মত হবে না
মঁসিয়ে দুর্গ সেটা আবার টান মেরে ফেলে দেবে জলে তার সঙ্গে থাকবে পারীর
নিষিদ্ধ নীল ছবি

ছবিটা থেকে যাবে তার পুরনো জায়গায়

আমার জীবনের ঋনিকটা সাইনের সঙ্গে নদীগুলোর মহা সমাধিতে বয়ে যাবে
আমার ধমনীতে বয়ে-যাওয়া রক্তের মর্মরধ্বনিতে জেগে উঠলাম

আমার আঙুলগুলো ভারশূন্য

আমার হাতপায়ের আঙুলগুলো যেন এখুনি ধসে যাবে আকাশে পাখা মেলতে
আর আমার মাথার চারপাশে গা ছেড়ে চক্কর দেবে

আমার ডান-বাঁ ব'লে উর্ধ্ব-অধঃ ব'লে কিছু নেই

আবিদিনকে বলতে হবে যেন আঁকে বেয়াজিৎ চকে যে লোকটা শহীদ
হয়েছিল তাকে আর কমরেড গাগারিনকে আর কমরেড তিতভ্কে যার
নামযশ বা মুখচ্ছবি এখনও আমার জানা নেই এবং তার পরে যারা আসবে
তাদের এবং চিলেকোঠায়

ঘুমন্ত সেই তরুণীকে

আজ সকালে আমি কিউবা থেকে ফিরেছি

কিউবা ব'লে যে জায়গা সেখানে ষাট লক্ষ লোক সাদা-কালো-হলুদ-মুলাটোর
দল কয়ে দিচ্ছে বীজ মহানন্দে বীজের সেরা বীজ

আবিদিন তুমি কি আঁকতে পারো স্মৃতি

কিন্তু তাই ব'লে ভুড়ি দিয়ে অনায়াসে নয়

গোলাপী গালওয়ালা শিশুকে স্তম্ভপান করানো দেবী-প্রতিমার মত মুখওয়ালা
জননীর ছবি নয়

সাদা কাপড়ে রাখা আপেলকলও নয়

নয় মাছপুষ্টিতে চারদিকের বৃদ্ধদের মধ্যে ছোটোছুটি করা সোনালী মাছ
আবিদীন তুমি কি আঁকতে পারো স্ব্থ

তুমি কি পারো আঁকতে ১৯৬১-র মধ্যনিদাঘের কিউবা

শিল্পাচার্য তুমি কি আঁকতে পারো কী মহিমা আহা কী মহিমা আমার দেখা

হয়েছে সেইদিন এবার আমি মরতে পারি আর কোনো দুঃখ থাকবে না
তুমি আঁকতে পারো হায়রে-হায় হায়রে-হায় আমরা আজ সকালেই জন্ম

নিতে পারতাম হাভানায়

আমি একটা হাত দেখেছিলাম সমুদ্রের অদূরে হাভানার ১৫০ কিলোমিটার

পুবে

আমি একটা হাত দেখেছিলাম দেয়ালে

দেয়ালটা ছিল একটা দিলখোলা গান

হাতটা আদর করেছিল দেয়ালটাকে

হাতটার বয়স ছিল ছ মাস এবং তার মা-র ঘাড়ে টুস্কি মারছিল

হাতটার বয়স ছিল সতেরো বছর এবং মারিয়া-র স্তনযুগকে সোহাগ করছিল

তার তালু ছিল রুদ্ধ আর তাতে ক্যারিবিয়ানের গন্ধ

তার বয়স ছিল কুড়ি বছর এবং সে তার ছ-মাস বয়সের ছেলেটার ঘাড়ে

টোকা মারছিল

হাতটার বয়স ছিল পঁচিশ বছর এবং সেই হাত কেমন ক'রে সোহাগ করতে

হয় ভুলে গিয়েছিল

হাতটার বয়স ছিল তিরিশ বছর এবং আমি সেটাকে দেখেছিলাম হাভানায়

১৫০ কিলোমিটার দূরে সমুদ্রোপকূলের একটি দেয়ালে হাত দিয়ে দেয়ালকে

আদর করতে

আবিদীন তুমি হাত আঁকো আমাদের শ্রমজীবীদের আর লৌহশ্রমিকদের

হাত আঁকো কাঠকয়লা দিয়ে আঁকো কিউবার মৎস্যজীবী

নিকোলাসেরও হাত

কিউবার মৎস্যজীবী নিকোলাসের হাত যে কো-অপারেটিভের কাছ থেকে

পাওয়া বকবকে বাড়িটার দেয়ালে পুনরাবিকার করেছে আদর-সোহাগ

এবং সেটা সে আর কখনই হারাবে না

একটা জন্মের হাত

সামুদ্রিক কচ্ছপের মত একটা হাত

যে হাত এখন বিশ্বাস করে না একটা দিলখোলা দেয়ালকে সে আদর

করতে পারে

যে হাত এখন সব আনন্দআহ্লাদেই বিশ্বাস করে

একটি রৌদ্রালোকিত লবণাক্ত পুতপবিত্র হাত

আশাভরসার যে হাত ফিদেলের মুখের কথার মত উর্বর মাটিতে জাগিয়ে

তোলে সবুজ অঙ্কুর আর আখের গতিবেগের সঙ্গে তাল রেখে মধুময় হয়

১৯৬১-র কিউবায় ঐ হাতগুলোরই একটি রোপণ করে ভারি রংচঙে স্নিগ্ধ

বৃক্ষের মতন

বাড়ির পর বাড়ি আর খুব আরামদায়ক বাড়ির মতন গাছের পর গাছ

ঐ হাতগুলোরই একটি ইস্পাত ঢালবার জগ্রে তৈরি হচ্ছে

যে হাত তৈরি করছে মেশিনগান থেকে গান আর গান থেকে মেশিনগান

যে হাত মিথ্যাবিরহিত মুক্তির

যে হাতে হাত রেখেছেন ফিদেল

যে হাত তার জীবনের প্রথম পেন্সিলে তার জীবনে প্রথম কাগজে লেখে

স্বাধীনতা কথাটা

যখন স্বাধীনতা কথাটা বলে তখন সিক্ত হয় কিউবানদের রসনা

যেন তারা কামড় দিচ্ছে মিষ্টি তরমুজে

আর পুরুষদের চোখ চকচক করে ওঠে

আর মেয়েরা গলে যায় যখন স্বাধীনতা কথাটা তাদের অধর স্পর্শ করে

আর বুড়োমাতৃষেরা কুয়ো থেকে উঠিয়ে আনে তাদের মধুরতম সব স্মৃতি আর

আস্তে আস্তে তাতে চুমুক দেয়

আবিদিন তুমি ঝাঁকতে পারো স্মৃতি

তুমি কি ঝাঁকতে পারো স্বাধীনতা কথাটা এমনভাবে যাতে থাকবে না মিথ্যে

পারীতে নামছে রাত্রি

নারাঙ্গার বাতির মত নোংরাদাম্ জ'লে উঠে আবার নিভে গেল

এবং পারীতে নতুন আর পুরনো সমস্ত ইটপাথর নারাঙ্গার বাতির মত জ'লে

উঠল আবার নিভে গেল

আমি ভাবি আমাদের কারুশিল্প কবিতা সঙ্গীত রচনা ইত্যাকার যাবতীয় বিষয়ে

আমি মনে করি এবং তলিয়ে বুঝি

সর্বপ্রথম মানুষের হাত সর্বপ্রথম গুহার সর্বপ্রথম বাইসনের ছবি আঁকার

সময়ের পর থেকে এক মহানদী বয়ে চলেছে

নতুন নতুন মাছ নতুন নতুন জল ঘাস নতুন নতুন আশ্বাদ নিয়ে তাতে এসে

মিশেছে সমস্ত জলধারা এবং একমাত্র এই মহানদীই অন্তহীনভাবে

বয়ে চলেছে এবং কখনও মজে যাবে না

মনে করা হয় পারীতে কোথাও একটা কাঠবাদামের গাছ আছে

পারীর সব কাঠবাদাম গাছের আদি পারীর সমস্ত কাঠবাদাম গাছের পূর্বপুরুষ
গাছটা এসেছিল ইস্তানবুল থেকে এবং বস্পুরাসের পাহাড় থেকে এসে ডেরা

বাধে পারীতে

আমি জানি না প্রায় শ'দুই বছরের পুরনো এই গাছটা আজ অবধি বেঁচে

আছে কিনা

আমার ইচ্ছে করে একবার গিয়ে তার হাতে টোটকটো ছোঁয়াতে

আমার খুব ইচ্ছে করে একবার আমরা গিয়ে তার ছায়ায় শুয়ে পড়ি

সেইসব মানুষ যারা এ বইয়ের জন্তে কাগজ বানায় যারা

এর ছাপার অক্ষর সাজায় যারা এর আঁকা ছবিগুলো ছাপায় সেইসব মানুষ

যারা তাদের দোকান থেকে এই বই বিক্রি করে যারা পয়সা খরচ করে আর

এই বই কেনে

এবং চোখ রাখে এর পাতায় আর আবিদীনকে আর আমাদেরও দেখে

আর সেইসঙ্গে দেখে আমার জীবনের খড়-রঙা ফ্যাসাদ

আমার অন্তিমে

আমার শবযাত্রা শুরু হবে কি আমাদের উঠোন থেকে ?

চারতলা থেকে কেমন ক'রে আমাকে তোমরা নামাবে ?

লিফ্টে কফিন তো আঁটবে না,

আর সিঁড়িও তো অসম্ভব সরু ।

উঠোনে হয়ত থাকবে হাঁটু অবধি রোদুর, আর পায়রা,

হয়ত থাকবে বাচ্চাদের চাঁচামেচিতে মুখর বরফ,

হয়ত জলেভেজা শানের ওপর বৃষ্টি ।

আর উঠোনে থাকবে, যেমন চিরটা কাল থাকে, ময়লা ফেলার টিন

এখানকার রেওয়াজমত মুখ খুলে ট্রাকের ওপর যদি আমাকে শোয়ায়

কোনো পায়রার একটা কিছু আমার কপালের ওপর পড়তে পারে ; ওটা

কপাল ভালোর লক্ষণ ।

বাঁও বাজুক না বাজুক, বাচ্চার দল আমার দিকে দৌড়ে আসবে,

কেউ মারা গেলে ওদের কোঁতুহলের সীমা থাকে না ।

আমাদের রান্নাঘরের জানলা ফ্যাল ফ্যাল ক'রে তাকিয়ে দেখবে

আমি চ'লে যাচ্ছি

ভিজ্ঞে কাপড় মেলে দেওয়া আমাদের গাড়িবারান্দাটা

আমাকে হাত নেড়ে বিদায় দেবে ।

এই চত্বরটাতে আমি যে কী স্থখে ছিলাম তোমরা কেউ

কোনোদিন জানবে না ।

পড়শীরা আমার, আমি কামনা করছি তোমরা দীর্ঘজীবী হও ॥

এপ্রিল ১৯৬৩

একটু পা চা লিয়ে, ভাই

গানে রেকর্ড-করা
কিম্বদন্ত
হেমন্ত মুখোপাধ্যায়
বঙ্কুবরেন্দ্র

আনন্দ

রাস্তার ছোট ছোট গর্তে
জমানো ছিল
আমাদের চোখের জল ।

একটুও না দাঁড়িয়ে
তার ওপর দিয়ে
লাফাতে লাফাতে চলে গেল
সময় ।

শুধু একজন হাঁটু মুড়ে
নিচু হয়ে
জলে-পড়া আকাশটাকে
খুঁটিয়ে খুঁটিয়ে দেখে নেয় —

আর ঠিক তখনই
তার সিঁথি থেকে ঠিকরে
আকাশের গায়ে
আনন্দের রং লাগে ॥

সাধ

দু' দেয়ালে ঝুঁকু ঝুঁকু
দুটো ছবি
টাঙানো পেরেকের ।

একটিতে কাঁটার বিদ্ধ
যীতশ্রীষ্ট ।

অশ্রুটিতে
হেলায় করেন কণ্ঠ যত্নকে বরণ
রথের চাকায় হাত রেখে ।

ছুটোই জলজল করছে ।
বিধিবহির্ভূত ছুটি
চিরঞ্জীব
জন্মের মহিমা ।

তার নিচে
যেখানেই থাকো —
একবার ফিরিয়ে ঘাড়,
দেখ, কুমারী মা :

বাইরে চলে সারাক্ষণ অক্লান্ত বর্ষণ
থেকে থেকে চম্কাচ্ছে বিদ্যুৎ
জন্মাষ্টমীর মত অন্ধকার
এই আলো-নেভানো শহরে ।

দেখ, ঘর আলো ক'রে
জন্মদ্বন্দ্বী মা আমার
স্বথস্বপ্নে
একহাতে চিবুক
অশ্রু হাতে
ভারবহনের গর্বে ধরে আছে
জানলার গরাদ ।

জেনে তুমি স্থখী হও—
কাল তার সাধ ॥

আজ আছি কাল নেই

১

হেমন্তের হলদে পাতার মতন
হায়, আমার
এই দিন-আনি দিন-খাই
লেখার আয়ু।

শীত পড়লে
এক জায়গায় স্তূপাকার ক'রে
লোকে উবু হয়ে ব'সে
আঙুন পোহাবে।

পাতাগুলোর এক বর্গও
কেউ মনে রাখবে না।

যেমন
আমিও মনে রাখি নি
কে কবে কেমন ক'রে
আমাকে বোকা পেয়ে
এই জিনিসটা
হাতে ধরিয়ে দিয়ে
চলে গিয়েছে।

আজ আমি ঠিক আমারই মতন
একজনকে খুঁজছি
যার মাথায় হাত বুলিয়ে বলতে পারি—
ভাই, একটু ধরো তো
আমি আসছি।

বাংলাভাষার এই এক মাধুর্য —
আসছি ব'লে

স্বচ্ছন্দে চলে যাওয়া যায় ।
নাকি আমরা আদতে যাই না
আসি

নদী যেমন আসছি ব'লে
নাচতে নাচতে
মোহানায় ছুটে যায়

আবার বৃষ্টির জল হয়ে
চক্রাকারে ফিরে আসে উৎসে ।
তেমনি কি ?

কী জানি ।

২

ভালো কথা, কাল এই শহর
ডুবে গিয়েছিল বৃষ্টিতে ।
লেখার কাজে
জল ভেঙে আমাদের বেরোতে হয়েছিল রাস্তায় ।
শহরের অল্প সব কাজ কাল বন্ধ ছিল ।

ছপাৎ ছপাৎ ক'রে আমি রাস্তা পার হচ্ছিলাম
আমার সাদা চুল ঢাকা পড়েছিল
জল-রোখা টুপিতে ।
তবু আমাকে চিনতে পেরে
রিক্‌শায় যেতে যেতে দুজন তরুণ কবি হাত নাড়ল ।
আমার মনে হয়, তারাও চলেছিল লেখারই ধাক্কায় ।

জল উপ্ছে নাকি মাছ বেরিয়ে এসেছে,
কলোনির একজনের কাছে শুনেছে
মিষ্টির দোকানের ছেলেটা ।

তার কাছ থেকে
ধবরটা পেয়েই আবার তক্ষুনি আমাকে ছুটতে হল
লেকের দিকে ।
মাছ পাই নি,
ইস, কপালটাই খারাপ ।

এমন কি, বিনামূল্যে বিলোবার মত
একটা কবিতাও নয় ।

৩

পরের বাড়িতে আছি, তা প্রায়
চল্লিশ বছরের কাছাকাছি ।
অবশ্য বিনা পয়সায় নয়,
পুরনো ভাড়ায় ।
আর
মনে করিয়ে না দিলে
কখনও মনেই হয় না এ বাড়ি
আমাদের নিজের নয় ।

এক চিলতে জমিতে আগে ছিল
তিনটে পেঁপে গাছ
লাউগাছ ছিল, কখনও ফল ধরে নি ।
পেয়ারা গাছে এখন নিয়ম ক'রে
বঁছরে দু'বার পেয়ারা হয় ।
বাড়ি বাড়ি ডিম বিলোনো হত
যখন এক ডজন মুরগি ছিল ।

লাখিঝাঁটা আর শাপমুজ্জিঙলো
হুম হুম ক'রে
রোজ হু' বেলা সিঁড়ি দিয়ে ওঠে নামে ।

বাড়ির মালিক খুব সজ্জন ।
এসে খুব হুন্দর ক'রে বোঝান
কেন অবিলম্বে আমাদের উঠে যাওয়া উচিত

লজ্জায় মাথা নিচু ক'রে থাকি ।
তখন আমার নজরে পড়ে
একরাশ স্বাতি বুকে নিয়ে
আমার পা দুটো ধ'রে রয়েছে
তিন পুরুষের চেনা মেঝে ।

ছোট মুখে বড় কথা ছাড়া
তখন আর কীই-বা আমি বলতে পারি—

দয়া ক'রে আর কিছুটা সময় অপেক্ষা করুন
শুধু এই বাড়ি নয়
ছনিয়াটাই আমি বদল করব ।

আমাকে এইটুকু থেকে দেখে আসছেন—
এ বাড়ির মালিক খুব সজ্জন ।
আমার আশাবাদ তাঁর নাগাল পায় না,
জিভ কেটে বলেন,
ছি, ও কথা বলতে নেই,
বালাই ষাট ।

কিন্তু ইদানীং আমি বুঝে উঠতে পারছি না
বিরুদ্ধ পক্ষের কোনো হুঁদে উকিল

আমাদের দুটো শয়তান কুকুরকে
আর চারটে লুভিষ্ট বেড়ালকে
লুকিয়ে লুকিয়ে কিছু খাওয়ানোছে কিনা ।
নইলে —

আমার ভয় হয়,
শেষটায় ওদের জ্বালাতেই কি আমাদের
বাড়ি ছাড়তে হবে ?

৪

দূরের কথা
এখন দিব্যি ঘরে ব'সে
গুনতে পাচ্ছি ।
বাড়িতে টেলিফোন এসেছে ।
গুনছেন বোধহয়,
আমার এখন কাঁড়ি কাঁড়ি টাকা ।
আপনাকে বলা হয় নি
ধার চেয়ে বসবেন,
এই ভয়ে ।

সব ব্যাটাকেই আমার দেখা আছে
ধার নিলে আর শোধ দেবার নাম করে না

এখন আমি বাড়ি করছি
গাড়ি করছি
মদ খাচ্ছি
মেয়েমানুষ রাখছি
গড়াগড়ি দিচ্ছি
ধুরছি
উড়ছি

বাতাসে কান রাখলেই সব শুনবেন

টাকা হলে বেশ লাগে । বলুন ?
খুব জুতোতে ইচ্ছে করে ।

চালাও পান্‌সি বেলঘরিয়া ।

৫

আপনি তো আজ আছেন কাল নেই
মানে,
এ দেশে—

শুনে শুনে কান পচে গেল ।
আমি যত দূরে যাই
তত কাছে আসি ।
আকাশে উঠলে
একটু মাটির জন্তে আমার কী যে হয়
কাউকে আমি বুঝিয়ে বলতে পারব না ।

যখন আমি বাইরে যাই
ভাষা না জানলেও
একা একা আমি হাঁটি

কখনও ভিড়াক্রান্ত শহরের রাস্তায়
কখনও গ্রামগঞ্জের ধু ধু করা মাঠে ।
মাটির পাশে মাটি
মুখের পাশে মুখ রেখে রেখে
মনে মনে হিসেব করি
কী করলে কী হয়
কী ক'রে ফোটাতে হয়

বাগানে বাগানে ফুল
আর মুখে মুখে হাসি
লোভের আগাছাগুলোকে কেমন ক'রে
উপড়ে কেলতে হয় ।

আমি তাই যাই
আমি তাই আসি ।

যাতে সহজেই চেনা যায়
আমার দরজায় লিখে রেখেছি :
‘আজ আছে ।
কাল নেই ।’

সত্যি কথা বলতে কি
আমার সামনে—

শুধু আজ আছে,
কাল বলে কিছু নেই ।

গোলকধাম

ডানা-কাটা পরী বলে,
‘বুড়ু হ,
একবার খতম হলে খেল
তারপর স্বর্গে যাবি ?
দূর হ—
বলিহারি তোর এই আক্কেল ।

‘ফের যদি দেখেছি গির্জায় ।

উহ,

মাধুসন্তেরও কাছে না ।
গায়ে দিবি বাহারে মেরজাই,
ফুল কিনবি —
হোক ধারদেনা ।

‘তুই চোখ বুঁজলে চোখ টেপে
ছাই-মাথা
ভুথেকোর বেটা
মালকড়ি দেয় সব ঝোঁপে
শুঁড়ি গণৎকার গাঁট-কাটা ।

‘এই নরকে ত্যাখ্, দিই পেতে
নতুন
গোলোকধাম খেলা ।
সশরীরে স্বর্গে চাস যেতে ?
আয় কাছে,
আয় এই বেলা ।’

বিশ্বাস ছিল না,
গেল তবু—
কী আশ্চর্য, সে বুড়ো মিস্তিরি
নরকের দ্বার খুলে,
প্রভু,
পেল স্বর্গে পৌঁছবার সিঁড়ি ॥

হিংসে

যাবার আগে মিটিয়ে নেব
বার বার সঙ্গে আড়ি

উঠলে ঝড় ছুটব বাইরে
তারপরে তো বাড়ি

ঠিক করি নি কিসে যাব
হেঁটে না সাইকেলে

ঝনঝনালে পকেটে পয়সা
মাটিতে দেব ফেলে

মাটি কাঁপছে, কাঁপুক—
চলু রে ঘোড়া,
হাতে তুলেছি চাবুক

মুখপুড়িটা তাকাচ্ছে ছাখ্,
বলছে, আ মর মিনুসে

ও কিছু নয়, বুঝলি না রে
হিংসে হিংসে হিংসে ॥

মরুভূমির হাওয়ায়

আমি কখনও ভুলি না

কিভাবে

তুমি আমাকে ভুলিয়ে দিয়েছিলে

এক শোকের রাস্তায় ।

আকাশের চোখে ধুলো দিচ্ছিল

বাইরে

মরুভূমির হাওয়া ।

অন্ধকারে রিনটিন্ রিন্টিন্ ক'রে

একদল উট

বেশ একটু নাক-উঁচুভাবে

শহর ছেড়ে গ্রামের দিকে যাচ্ছিল ।

রাস্তার ওপাশে ওটা কী গাছ

আমি জানি না ।

বাগানে ফুটে আছে ওটা কী ফুল

আমি জানি না ।

আমি পরদেশী,

এ শহরে

নতুন ।

কিছুটা দূরে

মাটি থেকে একটু উঠে

গাড়ির আলোগুলো

সারাক্ষণ উর্ধ্বাঙ্গে

নিজদের মধ্যে কাটাকুটি খেলছিল ।

যেন কোনো পোড়-খাওয়া মানুষের
কপালের রেখা ।
হঠাৎ আমার চোখের জল পাথর হয়ে গিয়ে
ভয়ঙ্কর ভারী ক'রে তুলেছিল
আমার কাঁধের ওপর চেপে বসা
এক অদৃশ্য শবাধার ।
আমি সেইদিন বুঝেছিলাম
জীবনের ভার মৃত্যুর চেয়ে হালকা ।

আমার মনে পড়েছিল
এক নিষ্ফল জীবনের কথা ।
নিজের দেশ, নিজের কালের কথা ।
আমার মন কেমন করছিল ।
হাতের ঘড়িতে
ধ'রে রেখেছিলাম আমার দেশের সময় ।

আমি পরদেশী,
এ শহরে
নতুন ।

আমার দিকে
গড়িয়ে গড়িয়ে আসছিল সহানুভূতির শব্দ,
হাত বাড়িয়ে দিয়ে
তার একটিকেও আমি ধরতে পারছিলাম না ।

হঠাৎ উঠে এসে
তুমি আমার হাত ধরেছিলে
নিঃশব্দে ।

কোনো কথা না ব'লে

কিভাবে

আমাকে ভুলিয়ে দিয়েছিলে সেই শোকের রাস্তায় -

তুমি ভুলে গেলেও আমি কখনও ভুলি না ॥

হয় না

কবিতা চান-? মাপ করবেন,

হয় না ।

কলমটা ঠিক কল নয় তো,

কবিরাজ নয়

দাঁড়ের ঠিক নয়না ।

হয় না ।

আপনি মশাই,

পেট চিরে চান মুক্তো -

জানেন তো না কী যন্ত্রণা

মুচ্ড়ে ওঠে পাতায় পাতায়

যখন ছাপেন একটি ক'রে স্মৃতি

কবিতা চান ? মাপ করবেন

ধুষ্টতা এই -

আপনি চান গয়না ।

হয় না, তাই

হয় না ॥

এখন

আমরা কলম নামিয়ে রেখেছি মাটিতে

এখন তোমরা তোমাদের চোখ
সরিষে নিতে পারো ।

এখন আমাকে ঘিরে
মাথায় আকাশ-ভাঙা অঙ্ককার
আমার আন্ত্রনের আড়ালে এখন
গুটিয়ে রাখা বিদ্যুৎ
ঝড়ের বেগে বয়ে চলেছে
মা, মা-গো ব'লে ক্ষিধেয় ককিয়ে-ওঠা
এক কবন্ধ চিংকার ।

আমার একটা অসাড় হাত
আমি দেখতে পাচ্ছি
সমানে সর্বনাশের দিকে ছড়ানো—
আমি চাইছি প্রাণপণে হাতটা উঠিয়ে আনতে
কিন্তু পারছি না ।

চাইছি
কিন্তু পারছি না ॥

বাইরে থেকে ভেতরে

ষতদূর যায় দৃষ্টি—

বৃষ্টি শুধু

বৃষ্টি আর

বৃষ্টি...

নতুন দেশ

অচেনা নাম

অজানা অক্ষরে ।

সারাটা দিন নিঃসঙ্গ একা

চেয়ারে দিয়ে ডুব

ব'সে রয়েছি আকাশ মুখে ক'রে—

পা টেবিলে রাখা ।

বাইরে তখন বৃষ্টি খুব...

চোকো ফ্রেমের চলচ্চিত্রে

জলমোছা রং,

ভিৎশূন্য অলীক বাড়ি

তার মধ্যে ঐলুজালিক

কুয়াশা খোলে বন্ধ তোড়ং

পাচ্ছি ভয়—

এখানে নয়,

এখন নয়,

চুপ

বাইরে তখন বৃষ্টি খুব...

রেডিও খোলা,

দূরের স্টেশন,

বেজে চলেছে করুণ সুরে চেলো

বইয়ের পাতায়

বাতাস এলোমেলো ।

বেছইনের ঘোড়ার সুরে

রক্তে লাগে দোলা ।

উঠছে লিফ্ট,

জুতোর শব্দ,

টোকা—

যৌবনকে ভেতরে আন, বোকা ॥

টুল

আপিসবাড়ির দেয়ালে,

সিঁড়ির কোণগুলোতে

কাঁকরির আগে পিছে,

কানিসের ঢালে

লাল ফিতের নকলে

চাপা-পড়া ফাইলের কথা

মক্কেলদের মনে করিয়ে দেয়

পানের পিক ।

এ-নেতা সে-নেতার আঁধার করতে থাকে

উঠোন জুড়ে

বি এ পাশ
থুথু।

টিফিনের সময়কার

অক্ষরযুক্ত ঠাঙার কাগজের মত
আর নিরক্ষর শালপাতার মত
অসংখ্য বেকার

এ-দাদা সে-দাদার পায়ে আঠার মত লেগে
পানের পিক আর থুথু দিয়ে
আরও একটা প্রজন্ম বরবাদ করতে
করজোড়ে প্রার্থনা করছে —

ঘরের ভেতর একটা মাছি-মারা চেয়ার
কিংবা নিদেনপক্ষে
বারান্দায় ব'সে ঢুলবার জন্তে
একটা টুল ॥

শুভরাত্রি

মহাশয়, বাংলায় শুভদিন আছে —
হায়,
শুভরাত্রি ব'লে কিছু নেই।

ব্যোম কালী ব'লে
বোতল থালি ক'রে
গেলাস নামিয়ে রেখেছি

নিঃশব্দে

এখন আমাকে উঠে যেতে হবে ।

ওপর-ওপর আলো ফেলে

যা আছে শুধু সেইটুকুই

দিন দেখাতে পারে ।

রাত তাকে টেকা দেয়

অন্ধকারে কাঁপ দিয়ে ।

তার এক মুঠোয় উঠে আসে স্মৃতি,

অন্য মুঠোয় আশা ।

কথা দিয়ে,

কথা না রেখে,

জুতোর স্মৃতিলায়

ক্ষইয়ে দিয়েছি

আমার গোনাকাঁথা দিন ।

এখন আমার হাতে রইল

ভয়তরাসে এই রাস্তির ।

আমি সাহস দিয়ে

তার গলায় গান ফোটাব ।

দেয়ালগুলো আজ যে নামই

জপুক —

উঠতে বসতে বিষম লাগছে ।

মাথাগুলো চাপড়ে দিয়ে বলি —

হেই গো দাদা,

শুভরাত্রি ॥

যেখানে ব্যাধ

এখান থেকে একটা নেয়
ওখান থেকে দুটো
এমনি ক'রে বাসা বানায়
কুড়িয়ে খড়কুটো

যখন ডাকি আয় রে পাখি
ধরা দে
হারিয়ে খেই বুকের এই
গরাদে

একটিবার ফিরিয়ে ঘাড়
সহসা অপ্রস্তুত
বাঁকানো ঠোঁটে চম্কে ওঠে
চোখের জলবিহ্বাৎ

রয়েছে সাধ ভালবাসার
সাহস নেই কাছে আসার
কে জানে ব্যাধ পেতেছে ফাঁদ
ছড়ানো কোন্ দানায়

হাত বাড়াতেই হালকা ডানায়
আলগা ক'রে মুঠো
অবহেলায় উড়ে পালায়
অন্ত কোথাও দ্রুত

এখান থেকে একটা নেয়
ওখান থেকে দুটো
এমনি ক'রে বাসা বানায়
কুড়িয়ে খড়কুটো ॥

টলতে টলতে

১

হাতে রঙীন রুমাল নাড়তে নাড়তে
তারের উপর দিয়ে হাঁটছি

এখন সমস্ত জগৎসংসার
শুধু একটা টানের মধ্যে এসে ঠেকেছে

এ সময় কি আমাকে জিগ্যেস করা ভালো
জীবন কী এবং কেন
কিংবা কেমন ক'রে আমি বেঁচে রয়েছি ?

একদল নিচে দাঁড়িয়ে খিল খিল ক'রে হাসছে
একদল চোখ তুলে মাপতে চাইছে
আকাশের সঙ্গে তারের
তারের সঙ্গে মাটির কতটা ফারাক—

ভীতুর দল চোখ বন্ধ করে আছে ।

কেউ বলছে লাফ দাও
কেউ বলছে গলায় প্যাঁচ লাগিয়ে ঝুলে পড়ো

যারা মজা পেতে
আর যারা মজা দেখাতে চাইছে
তারা সবাই একসঙ্গে
থেকে থেকে হততালি দিচ্ছে—

কানে আঙুল দিচ্ছে চোখবন্ধ ভীতুর দল

আমি খুব আস্তে আস্তে
পা টিপে টিপে এগোচ্ছি —

মুখ তুলে
নীচে অনন্তকাল ওরা দাঁড়িয়ে থাক ।

২

আমরা যারা একই পা-দানিতে
ঝুলে হে, রড ধ'রে প্রাণ হাতে নিয়ে
এই সেদিনও ঝুলতে ঝুলতে গিয়েছি —

তু'একজন ছটকে পড়েছে চাকার তলায়
আর তু' একজন, কী বলব মশাই —
নিজেরা গাড়ি হাঁকিয়ে
আমাদেরই গায়ে কাদা ছিটিয়ে যায় ।

আমি হাঁটতে শিখে
বুকের মধ্যে চয়ন করেছি সেই আগুন
যে সব কিছুর কোথায় শেষ তা জানে ।

সে তো গাছের ফুল নয়
হাত বাড়ালেই কেউ ছিঁড়ে নিতে পারবে ?

দেখ, আমার হাতের মুঠোয়
আমাদের সর্বস্ব ধরা রয়েছে ।

আমাদের এ এক অভূত বাড়ি
রক্তের চেয়েও এক নিবিড়তর সম্পর্কে
নিজদের আমরা জড়িয়ে রেখেছি ।

এ বাড়িতে না থাকলেও আছে
প্রত্যেকের একটা ক'রে জন্মদিন।

আজ আমাদের বিয়ের পঁচিশ বছর
কয়েকজন বন্ধুকে বলেছিলাম আসতে...

আজ আমাদের বিয়ের পঁচিশ বছর...
কয়েকজন বন্ধুকে বলেছিলাম...

আজ আমাদের বিয়ের...
কয়েকজন বন্ধুকে...

আজ আমাদের...

সারাদিন ঘুরে ঘুরে
সন্ধ্যাবেলা খালি হাতে।

শেষ পর্যন্ত বন্ধুদের চাঁদায়
বিয়ের পঁচিশ বছরে
হঠাৎ দেখি তারের ওপর দিয়ে

টলতে টলতে চলেছি ॥

যাব না সভায়
যে আমাকে চায় আমি তার কাছে যাব

গলায় খেলে না স্বর
তবু আমি গাইব গান মুদল বাজাব

বৃষ্টি এলে

বাইরে বেরোব ভিজতে

নদী যদি পারে যেন আমাকে ডোবায়

আমি যেতে চাই না তীরে

পুণ্যে নেই লোভ

কেন ডাকো

মন নেই, যাব না সভায় ॥

হিকোরি চিকোরি

ইংরিজির পুচ্ছে

ডাল ধরেছি উচ্ছে

নইলে কে আর

করত কেয়ার

আজ সকলেই পুঁচছে ।

জ্ঞানের ঝুলি ভিক্ষার

উচ্চারণে হিষ্কার

ভাবটা থাকে

তারই কঁাকে

বাংলাকে দিই খিষ্কার ॥

ঝুলতে ঝুলতে

এখন আমার হাড়ে দুকো গজাচ্ছে

শিরদাঁড়ার ব্যামোয় ।

ভিড়ের বাসে এক পায়ে ঝুলতে ঝুলতে

শিরায় টান ধরে

মুঠো যখন আলগা হয়ে আসে

টেলিগ্রাফের তারে

বৃষ্টির শেষে জলের ফোঁটার মত

যখন আমি টলমল করি

ঘাড় ফিরিয়ে পেছনে তাকাতে

আমার খুব কষ্ট হয় ।

আমি আজও মনে করে রেখেছি

বড়দের সেই বারণ :

চলন্ত গাড়ি থেকে পেছনদিকে মুখ করে

কক্ষনো নামতে নেই ।

আমার যে বন্ধুরা পৃথিবীকে বদলাবে বলেছিল

স্বপ্ন সইতে না পেরে

এখন তারা নিজেরাই নিজের বদলে ফেলছে ।

আমি এক পায়ে এখনও পা-দানিতে ঝুলছি ।

মুঠো আলগা হয়ে এলেও, আমার কপাল ভালো,

ঘাড় ফিরিয়ে

কিছুতেই পেছনে তাকাতে পারছি না ॥

না কী বলেন

ভাবছি ।

একটা গাড়ি কিনব ?

নাকি একটা বাড়ি ?

আমার মতে, গাড়িই ভালো—

নাকি বলেন, বাড়ি !

বাড়ি হলেও মন্দ হয় না

কিন্তু দেখুন, গাড়ি—

কত সুবিধে । মনে করলেই

ডায়মণ্ডহারবার

কিন্বা ধরুন, উইকেণ্ডে রাঁচি ।

নো-মশা, নো-মাছি ।

তেলের ব্যাপার তা অবিশিষ্ট,

গাড়ির বেলায় ঐ

একটাই যা মুশকিল ।

সেদিক থেকে বাড়ি থাকলে

খরচা নেই, থাকলেও সাম্যগ্রহ ।

বরং বাড়ি ভাড়া দিয়ে

সেই টাকায় গাড়ি

চড়া যায় বেশ মনের সুখে ।

আমি বলি কি,

ভার চেয়ে কি ভালো নয় কেনা

একই সঙ্গে বাড়ি এবং গাড়ি ?

জাগ্রত

কে কোন্‌খানে ঘুমোন সেটা
একেবারেই গোপ
দেখব তিনি কোথায় জেগে
কোথায় নন মৌন

কোথায় ভাঙেন শিকল, বাঁধেন
ভাইয়ের হাতে রাখী
মনের কথা মুখে আনতে
করেন পরোয়া কি

তিনি কোথায় ঘুমোন সেটা
আমার চোখে বাহু
কোথায় জেগে আছেন তাই
একমাত্র গ্রাহ্য

গুণীকে দেন মালা কোথায়
খুনীকে দেন সাজা
মাথার ঘাম পায়ে ফেলে যে
তাকে করেন রাজ্য

কে কোন্‌খানে ঘুমোন সেটা
আমি করি না গণ্য

খুঁজব তিনি জেগে আছেন
কোথায় কিসের অঙ্ক

কোথায় তিনি শান্তির রথ
সাজান ময়ূরপঙ্খ
ঝড়ের বেগে গড়েন দেশ
ফুঁ দেন মুক্তিপঙ্খ

তিনি কোথায় ঘুমোন সেটা
আমার কাছে গোণ
দেখব কোথায় আছেন জেগে
কোথায় নন মৌন ॥

সাজা চাই

চারদিকে থই থই করে জল ।
মুখ যেই বাড়ায় তান্তালস
সঙ্গে সঙ্গে এক গণ্ডুষে
মাটি নেয় গুঁষে ।

সামনে ঝুলছে রাশি রাশি ফল ।
হাত যেই বাড়ায় তান্তালস
ঠেলে দেয় ডাল হাওয়া এসে
চোখের নিমেষে ।

পুত্রহন্তা তান্তালস ।
দৈবের বিধানে
ভার এই সাজা ।

এদিকে 'জল দাও', 'জল দাও' বলে দাপিয়ে বেড়াচ্ছে ছুনিয়াতে
আরও বড় নরাস্তক খুনী এক।
সেজেছে সে রাজা।

তার হাতে
শুধু তো পুত্রের নয়,
পিতাপুত্র
জনকজননীবধু
আত্মীয়কুটুম্ববন্ধু স্বজাতির ছিন্নমুণ্ড।

জালা হল অগ্নিকুণ্ড।
ছুটে এসো,
যে আছ মাহুষ।

ইস্রাফিল, শিঙা তোর বাজা।

তাহলে বিচার হোক।
তান্তালস যা পেয়েছে
আততায়ী যেন পায় তার চেয়ে আরও বেশি সাজা ॥

বায়ের ঐচড়

থু
থু
থু...

এই একটি শব্দে
গলা চিরে
এবার আমি আঙন ওগরাব।

নরকের সেই রাত,
সাপের মত বৃকে-ইঁটা ট্যাঙ্কের সেই ঢাকা,
বৃষ্টি-ধোয়া ঘাসের ওপর শোঙ্কানো
নিহতদের শব...

সামনে থেকে সরিয়ে নিয়ে যাও শালুক ফুল,
আমি চোখ চাইতে পারছি না ঘুণায়
শেকলের ঝনঝনার সঙ্গে
বাতাসে নোংরা হাতের গন্ধ ।

আমি আমার ছেলেবেলার মতন
মাকের আঙুলটা তর্জনীতে তুলে দিয়েছি,
ইঁটুর নিচে কেটে রেখেছি
বাঘের ঝাঁচড়
যাতে ওরা ছুঁয়ে দিতে না পারে ।

মাটিতে কান পতে শুনছি :
আরও একবার জলন্ত লাভাগুলো
ওগরার আগুনে
আগ্নেয়গিরি
থুথু ফেলে ফেলে
গলাটা পরীক্ষার ক'রে নিচ্ছে ॥

কমলেকামিনী

খবরের কাগজের পোকারা
যা পায় তাই খায় ।

কবির লাইন বেঁধে শিরোনাম লেখে,
গল্পকাররা খবর ।
ঠিক ঠিক মশলা পড়লে
মাথার শিং থেকে পায়ের খুর,
সত্যি বলতে,
কিছুই তেমন ফেলা যায় না ।

মাইনে-করা কলমগুলো
সমানে কালি ছিটিয়ে
দিনকে রাত করে,
ছোটদের হাত করে,
বড়দের কাত করে ।

খবরের কাগজের পোকাদের
সেই সকাল থেকে
মুখ চলে ।

যত না খায়
তার চেয়ে ঢের বেশি
তারা গুগরায় ॥

কোথায়

সকালে ঘুম ভাঙলে ভাববার চেষ্টা করি
আমি কোথায় ।
এখন আমার অভ্যেস ব'লে কিছু দেই—
বাইরে গেলে যেমন
তেমনি ঘরে ফিরলেও আমার মন কেমন করে
মুখের দিকে তাকিয়ে
কাছের সঙ্গে দূরের আশ্চর্য আদল দেখে
আমি চমকে উঠি ।

রোজই ঘুম ভাঙলে ভাববার চেষ্টা করি
আমি কোথায় ॥

কথার খুড়ি
তুলছি চাঁদা
বলছি, দাদা,
মুক্ত কর্তে—
সামলে চামড়া ।
আছি আমরা
যুক্তফ্রন্টে ।
করছি রফা
বজ্রিশ দফা
কারণ উহ্য ।
কথার খুড়ি
ধার নেই জুড়ি—
তিনিই পূজ্য ।

রাস্তা

বিকেলে ময়দানে জোর সভা
চলছে লোকজন দল বেঁধে

সূর্য পশ্চিমে প্রায় ডোবা
বেকার হাওয়া আহা গায় বেঁধে ।

মেজেছি সারাদিন যুগ রোদে
নরম ঘাসে লাগে স্ফুটস্ফুটি,

পেয়েছি কিছু, গেছে ধার শোধে —
জোড়ায় কিঞ্চিৎ জোচ্চুরি ।

হোটেল জমকালো লাল, নীলে
তামাসা লোটে শাদা বোষেটে ।

একদা ছিল কাজ জুট মিলে
পড়তো রোজ মদ খালি পেটে ।

আজকে বানচাল নৌকা যে
চুকেছে সংসার, ভালবাসা ;

উঠুক রড়, — মেঘ তান তাঁজে —
নতুন দিন, চাই নব আশা ॥

যা তাই

ছি

কাগের ছা বগের ছা ক'রে

লিখে দিয়েছি

যা-তাই ।

কাগজে ছা-

-পার অক্ষরে

দ্যাখো বে কী খোলতাই !

করতে হাঁটি হাঁটি পা পা

পাছে উর্পে

পড়হ বাপা

রেখেছি ভেতরটা ফাঁপা ।

ব্যথা ভুলতে

দুহাতে তাই

তাই-তাই তাই-তাই ॥

রক্ত বীজ

বন্ধুরা, এবার যেতে পারো

থাকা আর না থাকার মধ্যে

এখন

দোল খাচ্ছে সময় ।

আমি সব ছড়িয়ে ছিটিয়ে এসেছি:

তোমরা দয়া ক'রে
কুড়িয়ে-বাড়িয়ে নিও ।

মাটি হাতড়ে হাতড়ে আমাকে দেখতে হবে
অন্ধকারে ছোঁড়া
আমার বীজগুলোর কী দশা হল ।

বীজ তো নয়,
জলের মধ্যে
আমি পুঁতেছিলাম আগুন ।

আগুন নয় —
রক্ত ।

হ্যাঁ, মনে পড়েছে —
পুঁতেছিলাম রক্তবীজ ॥

সরলা বসুর জন্মে
অন্ধকার
সময় দেখছে —
দাঁড়িয়ে বনুকাঠে ।

বন্ধ দেরাজ ।
ভেতরে উই
পাণ্ডুলিপি ঘাঁটে ।

জানলা খোলা

মাটির মেঝে
ভেজে বৃষ্টির ছাঁটে ।

হাওয়ায় করছে
এপাশ ওপাশ
পিলসুজের ছায়া —

তার সঙ্গে
একজন যা
বদল করেন কায় ।

মাথায় দিয়ে
শস্ত্র ইট
কাঠের ভাঙা পায়া ।

খাটের নিচে
সাধআহ্লাদ
জমানো খালি টিনে ।

স্মৃতির কিছু
পুরনো রেকর্ড
মর্চে-ধরা পিনে ।

বনবিবির
কাগজের নৌকো
যা ভেসে দক্ষিণে ।

অঙ্ককার
মুখ তুলতেই
দেখে সকাল ফোটে ।

ফুলের গাছ
নামিয়ে চোখ
সমানে নথ খোঁটে ।

দেবদ্রাক্ষ খোলা ।
পাণ্ডুলিপি
নীলকণ্ঠের ঠোঁটে ॥

শের জঙ্ঘ-এর ডেরায়
সাহস থাকে

দরজা ঠেলে ঢোকো—
সর্বনাশ, রোখো !
কপাট ধ'রে দাঁড়িয়ে আছে
বিশাল খাবায় বাগিয়ে বাঘনথ

হেঁটমুণ্ডে
শিবলিকের এক বেতাল
হিংস্র নরখাদক
এই বুঝি দেয় লাফ
ও কিছু নয়
ভেতরে এসো, পাপোশে মোছো ভয়
গা ডুবিয়ে ফুলদানিতে
দেখ, তোমাকে ডাক দিচ্ছে
হাতছানিতে
রক্তবরণ শঙ্কাহরণ গোলাপ

পেরেকে ঝোলে ভীরধনুক
বর্ষাছোরা

গাদাবন্দুক

তরোয়ালের খাপ

মুখোশ মাদল ফ্রেমে-বাঁধানো খাঁড়া

জুজুর ভয় তাড়াতে রুজু রুজু

চার নেয়ালে

সশস্ত্র পাহারা

আলমারিতে সাজিয়ে গুছিয়ে

যত্নে তোলা আছে

যারা মাহুষের রক্তমাংসে বাঁচে

চার-পা কিংবা দু-পায়

তাদের চরম দণ্ড দেবার উপায়

মানচিত্রে স্বাধীন ভারত

টেবিলে ভূগোলক

ঘুলঘুলিতে পায়রা ছটো

জোড়ায় খড়কুটো

ঘরের মধ্যে

গায়ে হুঁ দিয়ে বেড়ায় সাদা পালক

টাঙানো তার নিচে পিকাসোর

আঁকা শান্তিকপোত

কাগজচাপা

গোলার টুকরো

হাতবোমার খোল

তারই তলায় সোনার-জলে মলাট-ছাপা

হরবোলা সব বইয়ের দঙ্গল

রেডিওঘ্রামে আস্তে গান

রঙীন ফুলে

স্মৃতির কালো ভ্রমর

দেবরাজে রাখা গায়েবী টুপি

শিকল খুলে

শিকড়ে দেয় টান

জীবনে বনে রণে রমণে লড়াই বহুরূপী

চোখে চশমার ফ্রেমে পরানো

ঈদের চাঁদ যেন

মাথায় গুল কেশ

শিয়রে জেগে

রাত্রি আর রমণী আর

অরণ্য আর দেশ

একটা গুলী এখনও তাঁর শরীরে আছে লেগে

দিনে দিনে

ঝাপসা হয়

স্মৃতির দূরবীনে

ফাঁসির দড়ি

ইনকিলাব

যাবজ্জীবন

বন্ধ জাল

• লোহার গরাদ

জিন্দাবাদ

ডাঙাবেড়ি

নির্জন কুঠুরি

দেওয়ান নয়, জওয়ান নয়
চৌধুরীর বেটা নয় চৌধুরী

লাল নিশান সরিয়ে দেয়
ঘরের এক কোণে
তাম্রপত্র
শেষ মুস্তির লড়াই বুকের মণিকোঠায় একচ্ছত্র
অন্ধকারে আকাশপ্রদীপ
নিশানা ঠিক রাখে

এমনি ক'রে ভয়ঙ্কর স্বন্দর এই ডেরায়
সাহস বেঁচে থাকে ॥

কিউবার কুম্ভাগকীর্তন
(ফেরেরিকো গার্সিয়া লব্কা)
উঠলে পুর্ণিমার চাঁদ যাবো গো
কিউবার সান্তিয়াগোয় ।
যাবো গো সান্তিয়াগো
কালাপানির গাড়িতে,
যাবো গো সান্তিয়াগো ।
গোলপাতারা উঠবে গেয়ে
যাবো গো সান্তিয়াগো ।
পামগাছ হতে চাইলে সারস
যাবো গো সান্তিয়াগো ।
কলাগাছ হতে চাইবে যখন জেলিমাছ
যাবো গো সান্তিয়াগো ।
সঙ্গে নিয়ে সোনার ঝুড়ি ফন্সেকার
যাবো গো সান্তিয়াগো ।

সঙ্গে নিয়ে শিরিন-ফরহাদের গোলাপ
 যাবো গো সান্তিয়াগো ।
 ওগো কিউবা ! শুকনো বীজের ছন্দ ও ।
 যাবো গো সান্তিয়াগো ।
 ও উষ্ণ কঁকাল, একফোঁটা কাঠ ।
 যাবো গো সান্তিয়াগো ।
 জ্যাস্ত গাছের তন্ত্রী । কুমির । তামাকের ফুল ।
 যাবো গো সান্তিয়াগো ।
 ব'লে এসেছি চিরটা কাল সান্তিয়াগোয় যাবো
 কালাপানির গাড়িতে ।
 যাবো গো সান্তিয়াগো ।
 চাকায় পুরে হাওয়া এবং সুরা
 যাবো গো সান্তিয়াগো ।
 অন্ধকারে প্রবাল আমার
 যাবো গো সান্তিয়াগো ।
 বালির ভেতর ডুবল সাগর
 যাবো গো সান্তিয়াগো ।
 সাদা মাথা, শুকনো মেওয়া,
 যাবো গো সান্তিয়াগো ।
 বেতসবনে কী আশ্চর্য প্রাণের ছোঁয়া ।
 ও কিউবা ! দীর্ঘশ্বাসের কাদামাটির বহুক ও !
 যাবো গো সান্তিয়াগো ॥

বোবা ছেলেটা

(কেদারিকো গার্সিয়া লরকা)

ছোট্ট ছেলে । খুঁজছে তার

গলার স্বর ।

(নিয়ে গিয়েছে ঝিঁঝিঁর রাজা) ।

ছেলেটা তার গলার স্বর

খুঁজে বেড়াচ্ছে জলের ফোঁটায় ।

কথা বলব সে জন্তে নয়

গলার স্বরে গড়াব আংটি

নৈশক্য পরবে তার কড়ে-আঙুলে ।

ছোট্ট ছেলে খুঁজছিল তার গলার স্বর

জলের ফোঁটায় ।

(অনেক দূরে বন্দী তার গলার স্বরকে

হায় রে, তখন পরানো হচ্ছে ঝিঁঝিঁর পোশাক ॥)

মাকড়সা

(সেসার ভালেহো)

দৈত্যাকার মাকড়সা এক, হয়ে পড়েছে অথর্ব আজ ;

জ'লে গেছে রং, শরীর বলতে

একটা মুণ্ড একটা উদর, রক্তাক্ত ।

আজকে তাকে খুব খুঁটিয়ে লক্ষ্য করলাম । কী কষ্টে যে

মেলছিল তার অতন্তলো পা

এদিক ওদিক ।

মনে মনে ভেবেছিলাম তার
যমের পেয়াদা অদৃশ্য দুই চোখের কথা ।

স্থিরনিশ্চল ছুঁচোলো এক শিলাখণ্ডে
থরথরিয়ে কাঁপছিল সে ;
এদিকে উদর
ওদিকটাতে মুণ্ডু রাখা ।

অতগুলো পা, তবু বেচারী
পড়েছে আজ মহা কাঁপরে । যত দেখছি
ঘোর বিপদে ধক্ক-লাগা তার অবস্থা—
কী যে আমার কষ্ট হচ্ছে বলবার নয় ।

দৈত্যকায় এই মাকড়সা, উদর তাকে বাধা দিচ্ছে
করতে মাথার অনুসরণ ।
আমি কেবল ভাবছি তার চোখের কথা
এবং তার কতগুলো পা, কত যে পা...
কী যে আমার কষ্ট হচ্ছে বলবার নয় ॥

জনগণ

(সেসার ভালোহো)

যখন লড়াই হয়েছে শেষ,
শিঙে ফুঁকেছে সেপাই, তখন একটি লোক এসে
ডেকে বলল, ‘মারা যাসনে, মানিক আমার সোনা ।’
তবুও তার লাশ, হায় রে, যেতে লাগল মারা ।

আরও দুজন এগিয়ে এল, অনেক ক’রে তাকে বোঝালো,

‘ভাই, আমাদের ছেড়ে যাস্নে, বেঁচে ওঠ্ ফের
সাহসে বুক বেঁধে ।
তবুও তার লাশ, হায় রে, যেতে লাগল মারা ।

ক্রমে কুড়ি, একশো হাজার, পাঁচ লক্ষ লোক
আওয়াজ তুলল, ‘ভালবাসার জোরের চেয়েও
তাহলে কি মৃত্যুর জোর বেশি !’
তবুও তার লাশ, হায় রে, যেতে লাগল মারা ।

কোটিঃকোটি মানুষ এসে ঘিরে ধরল তাকে ;
সবার মুখে একই কথা,
‘ছেড়ে যেও না, থাকো ।’

শেষে সারা দুনিয়ার লোক
ছুটে এসে দাঁড়ালো চারপাশে ;
আবেগে অভিভূত সেই লাশ
সজল চোখে তাকিয়ে তাদের দিকে
উঠে বসল, প্রথম জনকে বেঁধে বাহুর ডোরে
হাঁটতে লাগল...

তুষার ঝঞ্ঝা
(তু হু)

গোলমাল, হৈচৈ, কান্না, ভূতপ্রেত বিস্তর নতুন ।
বিদীর্ণ হৃদয়, জরা হেঁকে ধরে, সঙ্গীহীন একা,
নিজেকে শোনাই গান । শতচ্ছিন্ন আঁচল বিছায়
কুয়াশা ধনায়মান গোধূলিতে । ঘূর্ণ্যমান হাওয়া
চতুর্দিকে ছুঁড়ে দেয় পুঞ্জ পুঞ্জ সমানে তুষার ।

মেঝেতে গুটানো ভাঁড় । মদ নেই বোতলে এককোটা
পুড়ে পুড়ে শেষ হয়ে গেছে আঁচ শীতাত উত্তনে ।
সমস্ত জ্বলগায় লোকে কথা বলে চাপা কণ্ঠস্বরে ।
ব'সে ভাবছি মনে মনে এজীবনে অক্ষর অকেজো ॥

চাকরান কুলি

(সি. এক. এওরঙ্গ)

অদূরে রয়েছে কুঁকড়ে,
সারা পিঠে, দু'বাহুতে ক্ষত —
তাড়া খেয়ে ধরা-পড়া যেন এক
ভয়ানক শিকার ।
আমার হৃদয়মন উত্তাল তরঙ্গভঞ্জে ছোটো তার দিকে,
ধায় অশ্রুধারা ।

তারপরই দৃশ্যান্তর ।
একি দেখি, প্রভু !
চোখের দর্পণে তার মুকুরিত তোমারি যে জ্যোতির্ময় মুখ ।
শান্তসৌম্য, অনাবৃত, মৃত্যুঞ্জয় সৌন্দর্যে ভাস্বর
হে আমার ব্যথার ঠাকুর ॥

ইয়েসেনিনের গ্রামদেশে

(আলেকজান্ডার সল্‌ঝেনেন্সিন)

রাস্তায় একস্থানে গাঁথা পরের পর ঠায় একই ধরনের চারটি গ্রাম ।
ধুলোয় ধূসর । ধারেকাছে না বাগবাগিচা, না বনজঙ্গল ।
লিকলিকে প্যাকাটির বেড়া । এখানে সেখানে রংচঙে চটকদার ঝিলঝিল ।
রাস্তার মধ্যখানে দাঁড়িয়ে পাশে গা আঁচড়াচ্ছে এক ব্যাটা শুয়োর ।

একটা সাইকেলের ছায়া পাশ দিয়ে সাঁ করে যেই না যাওয়া,
এক সারে চলা একঝাঁক রাজহাঁস মহানন্দে গলায় ভেঁপুর আওয়াজ ক'রে
দাবড়ানি দিল। মুরগির ছানাগুলো খাবারের খোঁজে উঠে প'ড়ে লেগে
রাস্তা আর উঠান আঁচড়াচ্ছে।

কনুস্তান্তিনোভোর গ্রাম্য মুদীর দোকানটিও কম যায় না—
দেখতে মুরগির বাসার মতই রোগাপটকা। নোন। হেরিংমাছ।
ভোদকার গোটাকতক ত্র্যাণ্ড। এক ধরনের আঠা-আঠা মিঠাইমোরক্সা,
বছর পনেরো আগেই লোককুচি থেকে যার পাট উঠে গেছে।
শহরে তুমি যে রুটি কেনো, তার দ্বিগুণ ভারী গোল গোল কালো পাঁউরুটি—
দেখলে মনে হবে ও-রুটি কাটতে ছুরি তো নয়, কুড়ুল লাগবে।

ইয়েসেনিনদের কুঁড়েঘরের ভেতরটা ছোট ছোট নড়বড়ে পার্টিশান
দিয়ে ভাগ ভাগ-করা—দেখে মনে হবে ঘর তো নয়, যেন কুলুঙ্গি কিংবা
প্যাকিং বাক্স। বাইরে আছে খানিকটা বেড়া-দেওয়া চত্বর।
এখানে এক সময়ে ছিল একটি স্নানঘর, সেখানে সেগেই অন্ধকারে
নিজেকে বন্ধ ক'রে রেখে তাঁর প্রথম কবিতা রচনা করেছিলেন।
বেড়ার বাইরে নিয়মমত যৎকিঞ্চিৎ চারণভূমি।

আমি গ্রামটাকে বেড় দিয়ে ঘুরি ; আর পাঁচটা গ্রাম যেমন হয়।
তাদের প্রধান ভাবনা ফসল নিয়ে, কেমন ক'রে
দিনে দিনে সঞ্চয় বাড়ানো যায়,
পাড়াপড়শীদের সঙ্গে কিভাবে টেক্সা দিয়ে চলা যায়।
যত দেখি ততই আমার হৃদয় স্পন্দিত হয় :
একদিন যে দিব্য ছত্ৰাশন এই দেশখণ্ডকে জালিয়ে দিয়েছিল,
আজও আমার দুই গালে তার আঁচ যেন অনুভব করছি।
ওকা নদীর উঁচু পাড় বেয়ে হাঁটতে হাঁটতে আমি একদৃষ্টে
দূরদিগন্তে হাঁ করে চেয়ে থাকি—
খোরভস্তভের বনরাজিনীলা ঐ অরণ্যরেখাই কি কবিচিন্তে
এই অবিস্মরণীয় পঙ্ক্তিটি জাগিয়ে তুলেছিল :

‘বনময় কলকোলাহল ওঠে বনমোরগের বিলাপে...?’

হিলিমিলি হিলিমিলি জলার মাঠ দিয়ে যাওয়া

এই কি সেই নিরুপদ্রব নদী, যাকে নিয়ে তিনি লিখেছিলেন :

‘সূর্যের খড়্গ জলের ভহরে ডাঁই করা আছে’ ?

হাজার বছর ধরে অস্ত্রেরা যে সৌন্দর্যকে মাড়িয়ে চলে গেছে
এবং দেখেও দেখে নি—উনুনের ধারে, শুয়োরের খোঁয়াড়ে,
টেকিশালে, ক্ষেতখামারে ছড়িয়ে-থাকা সেই অফুরন্ত সৌন্দর্যকে
গাঁয়ের এক বদরাগী গোয়ার ছেলে মনের মধ্যে অসম্ভব নাড়া খেয়ে
চোখ মেলে যাতে দেখতে পায়,
তার অস্ত্রে সৃষ্টিকর্তাকে ঐ কুঁড়েঘরে কবিশক্তির কি রকম বজ্রটাই না
হানতে হয়েছিল !

এক কবির শব

(আলেকজান্ডার সল্‌বেনৎসিন)

এখন লুগোভো গাঁ । নীচে ওকা নদী । ওপরে খাড়া পাহাড় ।
এই খাড়াইতে একদা ছিল প্রাচীন শহর ওল্‌গভ ।
সেকালের রুশীরা এ জায়গা বাছাই করেছিল মন্দের ভাল হিসেবে ;
পানযোগ্য বহতা জল ছিল তার মাধুর্য ।
ভাইদের হাতে খুন হতে হতে দৈবক্রমে বেঁচে গিয়েছিলেন
ইদ্‌মার ইগোরেভিচ ।
কৃতজ্ঞতাস্বরূপ তিনি স্থাপন করেছিলেন যীশুমাতার স্বর্গারোহণের উদ্দেশে
নিবেদিত মঠ ।

দিনটা ঝকঝকে থাকলে এখান থেকে ছই দূরে জলার মাঠ পেরিয়ে
বারো ক্রোশ তফাতে অস্ত্র এক পাহাড়ের খাড়াইতে দেখা যাবে
সন্ত জন্মদেবের মঠের দীর্ঘাকার ঘণ্টাঘর ।

খান বাহুতির ছিল শাপ লাগার ভয় । ফলে,
মঠ দুটো টিকে গিয়েছিল ।

ইয়াকভ পেত্রভিচ পোলনুস্কি আর সব ছেড়ে এই জায়গাটাকেই
নিজের ক’রে নেন এবং নির্দেশ দিয়ে যান যে,
এখানেই যেন তাঁকে সমাধিস্থ করা হয় ।

মারা গেলে কবরের ওপর দেহমুক্ত আত্মা বিচরণ করবে,
পাহাড়তলির শান্ত নিসর্গচিত্র অবলোকন করবে —
মনে মনে সেটা বিশ্বাস করবার প্রবণতা,
এ বোধহয় চিরদিনই মানুষের মজ্জাগত ।

কিন্তু গির্জা-গম্বুজ কিছুই আর নেই ; অবশিষ্ট
আধখানা পাথরের দেয়ালের বুক কাঁধ মাথার ফাঁকা জায়গাগুলো ভরা হয়েছে
কাঁটাতারে-মোড়া ওস্তার বেড়ায় আর এই প্রাচীন স্থানে জাঁকিয়ে বসেছে
সেইসব পরিচিত গা-ঘিন্ঘিন্-করা বিকট বিকট মূর্তি :
চৌকিদার শাস্ত্রীদের বুরুজ । মঠের তোরণদ্বারে এক গুমটি আর সেইসঙ্গে
দেয়াল ধ'রে এক পোস্টার—কালোকালো একটি বাচ্চা মেয়ে কোলে ক'রে
এক রুশী মজুর বলছে 'জাতিতে জাতিতে শান্তি' ।

আমরা কিছুই না জানার ভান করি । সেপাইদের ডেরায় ফতুয়াপরা
ডিউটিছুট পাওয়া গেল একজনকে ।

সে আমাদের কাছে সব খোলসা ক'রে বলল :

‘দোসরা দুনিয়ায় এখানে ছিল এক মঠ ।

তুনেছি পয়লা দুনিয়া ছিল রোম আর তেসরা দুনিয়া মস্কো ।

এক সময়ে এখানে ছিল বালখিল্যদেরও আস্তানা ;

কিন্তু স্থানমাহাত্ম্য না জানায় দস্তিগুলো এখানকার দেয়াল তছনছ করল
আর মূর্তি-বিগ্রহগুলো ভেঙে চুরমার করল ।

এরপর এক সমবায় খামার লাখ টাকা দিয়ে গির্জাদুটো খরিদ ক'রে নিল—

সেই ইটে ছ-সারি গোয়ালঘরওয়ালা একটা প্রকাণ্ড

গোশালা তৈরির জন্তে । আমি স্বয়ং কাজ করেছি সেখানে ।

আভাঙা ইট খসাতে পারলে পাঁচ সিকে । আধলা ইটের জন্তে দু সিকে ।

কিন্তু কক্ষনো সাক্ষফ ইট মিলত না—

তাতে সঁটে থাকত চুনস্রকির দলা ।

গির্জার তলায় একটা সমাধিকক্ষ পাওয়া গিয়েছিল ।

দেখা গেল তার মধ্যে এক পাদ্রী । কঙ্কালমাত্র সার ।

তবে তার জোন্সাটা তখনও ছিল আস্ত অটুট ।

আমি আর আরেকজন টেনেটুনে জোন্সাটাকে দুখানা করার

কত চেষ্টা করলাম, কিন্তু জিনিসটা ছিল এমন খাপী পে,

‘কিছুতেই হেঁড়া গেল না...’

‘আচ্ছা, ম্যাপে রয়েছে যে, এক কবি, নাম পোলনস্কি—
তাকে এখানে মাটি দেওয়া হয়। বলতে পারেন তাঁর কবরটা কোথায়?’
‘পোলনস্কিকে দেখা যাবে না। তিনি আছেন পাঁচিলের মধ্যে।’
কাজেই পোলনস্কি পড়েছেন নিষিদ্ধ এলাকায়। তাহলে আর
দেখবার কী থাকল? চুনহরকির ভগ্নস্তূপ? রও, রও—
সেপাইটা তার বউয়ের দিকে ফিরে কী বলছে শোনো—
‘পোলনস্কিকে কবর থেকে তুলে নিয়ে গেছে না?’
দাওয়ায় বঁসে দাঁত দিয়ে সশব্দে বাদামের খোলা ভাঙতে ভাঙতে
তার বউ বলল, ‘হুঁ, রিয়াজানে।’
যেন খুব একটা মজার ব্যাপার, এমনি ভাব ক’রে সেপাইটি
বলল, ‘মৈয়াদ খাটা হয়ে গেছে—কাজেই রেহাই দিয়েছে...’

নেভা নদীর ধারে শহর

(আলেকজান্ডার সল্‌স্‌নেংসিন)

সন্ত ইসাকের বিজান্তিন রীতির গম্বুজ ঘিরে
ঝাড়বাতি হাতে নতজানু হয়ে আছে দেবদূতের দল।
সোনায় মোড়া সরু গম্বুজের মোচার মত তিনটি চূড়া
নেভানদীর এপারে ওপারে আর মোইকায়
যেন একটি আরেকটির প্রতিধ্বনি।
যেখানেই মুদ্রারাক্ষস, সেখানেই সর্বত্র নজর রাখছে কিংবা ঘুমোচ্ছে
পাহারাদার সিংহ, নৃসিংহ আর ঈগলসিংহ।
রসির কল্লনানিপুশ বক্রতলু খিলানের মাথায় ষড়শ্ববাহিত রথে
টগবগিয়ে চলেছেন বিজয়লক্ষ্মী।
শতসহস্র স্তম্ভে, তিড়িং-লাফানো ঘোড়ায়, টান-টান হওয়া বৃষককে আকৃত
অলিন্দের পর অলিন্দ...

কি ভাগ্যিস, এ তল্লাটে নতুন কোনো বাড়ি বানাতে দেওয়া হয় না।

নেতৃক্ষি প্রস্পেক্টে পিটুলির ছিরির মত আকাশ-আঁচড়ানো কোনো বাড়ি
গোঁস্তা মেরে ঢুকে পড়তে পারে না,

ত্রিবোয়েদড ক্যানেলটাকে মাটি ক'রে দিয়ে কোনো

পাঁচতলা ছুতোর বাস্তু মাথা তুলতে পারে না ।

যতই পা-চাটা, যতই অপটু হোক,

এমন কোনো জ্যান্ত বাস্তুকার নেই—যে তার প্রভাব খাটিয়ে

কালো নদী বা ওখতার এদিকে কোনো জমিতে বাড়ি তুলতে পারে ।

আমাদের না হয়েছে এ আমাদের সবচেয়ে বড় গৌরব ।

আজ এখানকার সরণিতে সরণিতে যখন আমরা পদচারণা করি,

কী যে আনন্দ হয় ।

কিন্তু এর সমস্ত সৌন্দর্যই রুশীদের হাতে গড়া—

তারা বিবাদময় জলাভূমিতে পচে মরতে মরতে দাঁত কিড়মিড় করেছে

আর শাপান্ত করেছে ।

আমাদের পূর্বপুরুষদের অস্থিকঙ্কাল প্রাসাদে প্রাসাদে

পিষ্ট, শিলীভূত একাকার হয়ে

গৈরিক, বৃষরক্তে রাঙা, পাটালি পিঙ্গল, সবুজে রং মিশিয়েছে ।

আমাদের মাথায়-হাত-দেওয়া বিশৃঙ্খল জীবনগুলোর কী হবে ?

আমাদের একের পর এক ফেটে-পড়া প্রতিবাদ,

কাঁসি-যাওয়া লোকগুলোর গোঙানি, মেয়েদের অশ্রুর বন্যা—

এ সবের কী হবে ? এ সবও কি—ভাবতে ভয় লাগে—

চূড়ান্তভাবে বিস্মৃত হবে ? এও কি

অমন সর্বাঙ্গসুন্দর, চিরজীবী রূপলাবণ্যের জন্ম দিতে পারবে ?

সেগদেন সায়র

(আলেকজান্দার সল্‌থেনেংসিন)

এ সায়রের কথা কেউ লেখে না, বলবার সময় কানে কানে

ফিস্ ফিস্ ক'রে বলে । যেন কোনো প্রেতপুরীতে এসে পড়া গেছে ;

ভেতরে যাবার সব রাস্তাই বন্ধ ।

প্রত্যেকটি পথ আটকে প্রবেশনিষেধের একটি ক'রে চিহ্ন—

সপাটে মুখের ওপর সোজা সটান আড় হয়ে আছে ।

ঐ চিহ্নের মুখোমুখি হলে—মাছুষ হও, পশুপাষি হও—
অমনি পিঠটান দেবে ।

মর্ত্যের কোনো জাঁহাবাজ ওখানে ঐ চিহ্নটি লাগিয়েছে ;

তার ওপারে গাড়ি ক'রে, পায়ে হেটে, বুকে হেঁটে, এমন কি
পাখায় ভর দিয়েও কেউ যেতে পারবে না—খবরদার !

নিশ্চুপ বনস্থলীতে সায়রে যাবার পথের খোঁজে যতই তুমি
চকর দাও, পথ তুমি পাবে না ; কোনো লোক পাবে না জিগ্যেস করার
—কেননা মাছুষে ও-বন মাড়ায় না । ভয় দেখিয়ে তাদের ভাগানো হয়েছে ।

ভেতরে গলে যাবার আছে একটাই উপায়; তা হল,

বৃষ্টিবাদলার দিনে কোনো এক গোখুলিলগ্নে

গরুর গলার ঘুটির ঠুন ঠুন শব্দ শুনে যদি পিছু নিতে পারো ।

ছু'পাশের গাছের গুঁড়ির ফাঁক দিয়ে যেন তুমি এক ঝলক দেখে নিলে

ঝিকমিক ঝিকমিক ঝিকমিক করছে দূরবিস্তৃত সায়র—বাস্,

পাড় পর্যন্ত আর তোমাকে পৌঁছুতে হল না,

তৎক্ষণাৎ তুমি জেনে গেলে বাকি জীবনটা

তোমাকে এখানেই ক্রীতদাস হয়ে থেকে যেতে হল ।

কম্পাসের জোড়া কাঁটায় বৃত্ত আঁকার মত নিখুঁত গোলাকার
সেগদেন সায়র ।

এপার থেকে চিৎকার করলে (খবরদার, চিৎকার করেছ কি ধরা পড়ে যাবে)

ওপারে গিয়ে পৌঁছুবে একটা শুধু ক্ষীণ প্রতিধ্বনি ।

এপারে ওপারে দ্বস্তর দূরত্ব ।

সায়রের ধান বনে বনে সম্পূর্ণ অন্তরীণ,

একটানা সারিবদ্ধ গাছে গাছে দুর্ভেদ্য জঙ্গল । বন পেরিয়ে জলের ধারে

আসা মাত্র আগাগোড়া নিষিদ্ধ ডাঙা দুটির গোচরে আসবে :

এখানে সেখানে একফালি হলুদবর্ণ বালি,

খোঁচা খোঁচা হয়ে আছে শণের হুড়ো,

সবুজে সবুজ হয়ে আছে হেঁটে-ফেলা ঘাস জমি । নিথর নিস্তরঙ্গ মন্ডল জল ;

ভাঙার কাছাকাছি কিছু ঝাঙলার জটা বাদ দিলে
স্বচ্ছ জলের ভেতর ধবধব করে সায়রের তলদেশ ।

এক লুকানো জঙ্গলে এক লুকানো সায়র ।

মুখ তুলে চেয়ে আছে জল আর তাকে হেঁট হয়ে দেখছে আকাশ ।
এই বন পেরিয়ে ছুনিয়া ব'লে কিছু আছে কিনা জানা নেই, দেখা যায় না ;
যদি থেকেও থাকে, তবে এ জায়গা সে ছুনিয়ার বার ।

এ এমন এক জায়গা মানুষ যেখানে
চিরটা কাল থেকে যেতে পারে,
যেখানে সে পারে প্রকৃতির সঙ্গে সড়াব ক'রে থাকতে
আর সেইসঙ্গে ভাবে মাতোয়ারা হতে ।

কিন্তু তা হওয়ার নয় । তেরছা-চোখো এক দুই রাজা
এই সায়রটাকে নিজের ব'লে দাবি ক'রে বসেছে :
ঐ তার দালানকোঠা, ঐ তার স্নানঘর ।
তার আলালের ছললটি পাজীর পাঝাড়া—
সে এখানে মাছ ধরে, নৌকোয় ক'রে পানকোড়ি মেরে বেড়ায় ।
সায়রের মাথার ওপর এই দেখা গেল একফালি নীলচে ধোঁয়া,
আর তার ঠিক পরক্ষণেই—গুড্ডুম ।

বনের পেছনে অনেকখানি তফাতে হাইও-হো হেইও-হো ক'রে
মাথার ষাম পায়ে ফেলে রামশ্যামধুমধূর দল ।
পাছে তারা এখানে অনধিকার প্রবেশ করে,
তার জন্তে এখানে আসবার সব পথে আগল দেওয়া হয়েছে ।
মাছপোষা, পাখিপালন—সমস্তই লাগছে ঐ দুরাঙ্গার ভোগে ।
এখানে দুটো একটা দাবানল ঘটানোর চিহ্ন চোখে পড়ে ;
কিন্তু সে আগুন নিভিয়ে ফেলে আগরওয়ালাকে খেদিয়ে দেওয়া হয়েছে ।
জনগণমন অধিনায়ক, জনশৃঙ্গ সায়র ।
জননী আমার, আমার দেশ...

হলধরের গান

(মহাকবি ভানুশেখর)

কান্না থাকলে লোহারঃছ'চোখে গড়িয়ে পড়ত ফোঁটা ফোঁটা জল,
দেখা যেত সেই অশ্রুলেখায় ফোঁটে এইসব অক্ষর :

“আমার স্বজাতি, যার ধর্মই কৃষিকর্মীর হাতিয়ার হয়ে
প্রাণের রক্তরসের লালন,
কলেকৌশলে তাকে দিয়ে আজ যুদ্ধে
সমানে চলেছে প্রাণের রক্তরস নিংড়ানো ।

“যেখানেই কেউ মাথা উঁচু ক'রে দাঁড়ায়—
অসহায় ব'লে আমাদেরই হতে হয় তলোয়ার,
দাঁত বার করি, তেড়ে যাই তাকে ;
কেউ বল্লম হয়ে লাফ দিই,
কেউবা কামান হয়ে গর্জাই, আগুন ছিটাই ।
বইয়েছি কত রক্তগন্ধা পাষাণ সব প্রভুর জন্তে !
হায়, এ পাপের কালিমা যে কবে ঘুচবে ?”

অক্ষরজ্ঞানহীন কৃষকের কৃষ্ণাঙ্গ এ স্বদেশ ছাড়া
কে আর সে-লেখা পড়বে ?
কামানের কালো রঙের ধোঁয়ায় চারিদিক লেপে
গুঁধু নিজেদের নামগুলো যারা চুনকাম করে
সে রকম বীর কখনই নয় এই দেশবাসী ।

অজ্ঞায়ে যারা বিমুখ, তাদের কাছে
পরকে দলন করি যে মহিমা, সে তো একেবারে অসার ।
ভারতভূমির গিরিরাজ মাথা উঁচু করেছে কি
অশ্রু পাহাড়পর্বত পায়ে ঠেলে ?

বরঞ্চ সেই তুমারমৌলী প্রবলপুরুষ স্থিত হাসি হেসে
দেখেন তাদের উন্নত শির পরমানন্দে ।

গ্রাহ্য না ক'রে বস্ত্রা বা খরা এ-শ্বতু সে-শ্বতু
অগণিত গাছে সবুজের যেন হাট বসে মাঠে ;
তবু আমাদের কাছে থেকে যাবে সে জমি বক্ষ্যা
যতক্ষণ না সেখানে জাগছে বিশ্বপ্রেমের অঙ্কুর ।

শরীর আমার, গোবর কুড়োতে হেঁট হও স্বচ্ছন্দে
কিন্তু কখনও অস্থায় যেন তার পায়ে মাথা নোয়াতে না পারে
হে আমার কাঁধ, হাসিমুখে তুমি লাঙল বইতে পারো
কিন্তু কিছুতে নিও না স্বার্থলোভীর আজ্ঞা পালনের ভার ।

কুঁড়েঘর থেকে ভেসে আসে শোনো চরকা কাটার মধুর শব্দ
দেখ, তাতে কোনো যুদ্ধ-দেহি ডাক নেই
বরং সে দেয় শুধু সান্ত্বনা বুকে পিঠে হাত বুলিয়ে
যারা দাসত্বে হয়ে আছে আজ উলঙ্গপ্রায় ।

পরের দুঃখ সার ক'রে সংসারনির্বাহ
অন্তের শিরদাঁড়ায় বানানো সিংহতোরণ
অন্তের মৃতদেহ গেঁথে গেঁথে গড়া নিজেদের স্বর্গের সিঁড়ি
অহিংসার এ দেশ কখনই নেবে না সে পথ ।

কখনও লোলুপ লালসা মেটাতে নয়
সারা দুনিয়াকে শোষণ করার অভিলাষে নয়
পীড়িত আর্ত মানবের সেবাকল্পেই শুধু
এ মহাকর্মক্ষেত্র হাতের বাঁধন খুলতে চায় ।

ঐরাবত এ ভারতবর্ষ ভাঙে শৃঙ্খল
পৃথিবীকে মদগর্বিত পায়ে দলিত করতে নয়

বন্ধুরা যারা পড়ে আছে আজও গর্তে
তাদের তুলতে শুভানুধ্যায়ী ওঁড়ে ।

এ আর্থ দেশ, অবশেষে এই নদী ভাঙে বাঁধ
বয় তার স্রোত পৃথিবী ভাসাতে নয়
বুক ফাটে তাপদগ্ধ যেসব জাতির
যাতে তারা প্রাণ পায় তৃষ্ণার জলে ।

দয়ালু বিশ্বস্রষ্টার এই ফসলের ক্ষেতে
মানবপ্রকৃতি যদি কোনোদিন পঙ্কপালের পাল্লায় পড়ে
অচিরে সে পাপ বিদায় করতে
প্রাণপণে আগুয়ান হব না কি আমরা ?

স্থখে থাকে যেন নিখিল বিশ্ব
চিরকাল এই গান গায় নি কি ভারতবর্ষ ?

ঠাকুরমার ঝুলি

এ-দুয়োরে যায় : দূর-দূর !
ও-দুয়োরে যায় : ছেই-ছেই !

সুয়োরানী লো সুয়োরানী তোর
রাজ্যে দিল হানা
পাখরচাপা কপাল যার সেই
ঘুঁটেকুড়ুনির ছানা

বেন্নায মরি, ছি !

মন্ত্রী বলল, দেখছি
কোটাল বলল, দেখছি

ঢোল ডগরে পড়ে কাঠি
রক্তে হয় রাঙা মাটি

কাড়ে না কেউ রা
ভালোমানুষের ছাঁ

সাতটি চাঁপা সাতটি গাছে
পারুল বোন রইল কাছে

দণ্ডকে যায় ধর্মরাজার
কলের ডুলি
এই গল্পে ভর্তি ক'রে
ঠাকুরমার ঝুলি ॥

একটু পা চালিয়ে, ভাই

১

সব আরম্ভেরই একটা শেষ আছে, সব শেষেরই একটা আরম্ভ ।

শত্রু-লাগা সাপ যেমন একটি আরেকটিতে লগ্ন হয়ে থাকে,
যেমন বানের মধ্যে থাকে পলি আর পলির মধ্যে বান ।

কথাটা হল, কে কিভাবে দেখে, কখন কোন্‌খানে দাঁড়িয়ে ।

ধানের মধ্যে বীজের পরস্পরায় অন্তহীন ধান ? নাকি

কাঁধে-তোলা খাটিয়ার আগে আগে ছড়াতে ছড়াতে যাওয়া.

ভাঙানো পয়সার টোপে গাঁথা হরির লুটের থই ?

সামনে মুক্তি, না এখানেই ছেদ ? ফস্ করে জলে-ওঠা, না

দপ্ করে নিভে যাওয়া ?

আঙনের চুষন, না হাওয়ার ফুৎকার ?

আমি বলি, যা হচ্ছে হোক, যা চলছে চলুক —

দশ আঙুলের টিপছাপে একদিন জীবন সব বাকিবকেয়া

উত্তল করে নেবে ।

আসলে ওটা একটা কথার কথা, যারপরনেই ধরতাই বুলি,

এই যেমন এক সময়ে আমাদেরই একজন বলতেন

বড়বাবু বললেন, আমি চললাম,

আমি বললাম, বড়বাবু বললেন,

শেষকথা বলবেন আপনারা ।

বলতে বলতে

বলতে বলতে

মুখে ফেনা বেরিয়ে গেল

এখন শুনছি বড়বাবুরও বড়বাবু আছে

আরেকটু না তুললে কিছু হওয়ার নয় ।

২

আমাদের এদিককার রাস্তাঘাটে, মশাই

আর বলবেন না,

বছরে বারোমাস ভোঁচকানি-লাগা ক্বিধে-

বেরোলেই পা জড়িয়ে ধরে ।

আর এমন অবাধ্য, কী বলব ।
যাকেই বলি, দাঁড়াও —
সে সটান শুয়ে পড়ে ।

আর ওঠে না ।

সকালবেলায় জানলার গরাদ ঠেলে ভেতরে আসে
হাসপাতালের রুগীর পোশাকে রোদ্দুর ।
পাশ ফিরে দেখি
মেঝেতে মুখ খুবড়ে পড়ে রয়েছে সকালের কাগজ ।
সেকেণ্ডহ্যান্ড ট্রামে কাল আমার হাঁটুর বয়েসী একজনকে দেখে
বুকের মধ্যটা হিম হয়ে গিয়েছিল ।
চোখে একরাশ ঘুম নিয়ে
লোকটা কাজ থেকে ফিরছিল ।
তার চোখের কোণ, নাকের ডগা,
লালা-ঝরানো ঠোঁট,
নখের ময়লার নিচে থেকে হাতের চেটে
সমস্তই কাগজের মতন সাদা ।

কাগজটা হাত বাড়ালেই পাই ।
একটুও ইচ্ছে করছে না —
কেননা বস্তায় ভেসে-যাওয়া
মৃত সন্তান বুকে আঁকড়ানো মৃত মায়ের
পাশেই দেখব

হয়ত

ভুইখুলি মুইখুলি করছে
তিনটে ঘাটের মড়া
একজন বলে বুড়ি

তো একজন বলে থরা।
দুজনে এ ওকে টিপছে
তিন নম্বরকে সর।

নয়ত

মাথায় পট্টি, গলায় লেস্তি
সমানে করে ভাঁড়ামি
কাটে ফোড়ন আপনি মোড়ল
এক ভুঁইফোড় সোয়ামী

যার খায় মুন তার গায় গুণ
নইলে নিমকহারামি
যাকেই দেখে শুধায় তাকে
বলো তো বাবা, কার আমি ?

আমি এখুনি নৌকো বানিয়ে রাস্তায় ভাসিয়ে দিতে পারি
কিংবা জল না থাকলে ধরাতে পারি আগুন ।
কিন্তু এরা কেউই তাতে নাকচ হয়ে যাবে না ।
মাঝখানে পর্দা পড়বে এই যা, আর তার আড়াল থেকে
একই মানুষ শুধু একটু নামনিশান আর পোশাক বদলে
চুল কাঁচিয়ে, নয় চুল সাদা ক'রে
ঠিক পরের দৃশ্যেই আবার দোৰ্দগুপ্রতাপে ফিরে আসবে ।

হাততালি দিতে গিয়ে মাথার ভেতর হাতকড়াগুলো বনুবনু ক'রে উঠছে,
দিনের আলোর কালো দস্তানায় ঢাকা সাদা থাবা
অন্ধকারে বার করে আনছে তার ধারালো নখ
বেকার ছেলেগুলো চোখের মাথা খেয়ে
আর কিছু না পেয়ে
কাঞ্জে-না-লাগা হাতগুলোই
আগুনে পোড়াচ্ছে ।

আকাশে মেঘ করেছে ।

ঋতুরা না দেখতে পেয়ে কেউ কেউ ভরসা করেছে না
ঘরের বাইরে পা দিতে ।

আমার কাছে আছে অনেকদিনের পুরনো এক দিগ্‌দর্শন যন্ত্র

আমার হৃদয় ।

আমি সেটা কোনো আগন্তুককে দেব ব'লে
কেবলি ঘর-বার ঘর-বার করছি ।

৩

লেনিনকে আমরা দাঁড় করিয়ে রেখেছি ধর্মতলায়
ট্রামের গুমটির একপাশে ।
আস্তাকুড়ের ভাত একদল খুঁটে খুঁটে খাচ্ছে
ডাস্টবিনে হাত চালিয়ে দিয়ে ।

লেনিন দেখছেন ।

গ্রামের এক লোক শহরে ডাক্তার দেখিয়ে সর্বস্বান্ত হতে এসেছিল
তার আগেই তাকে সর্বস্বান্ত করে দিয়ে গেল
এক পকেটমার ।

লেনিন দেখছেন ।

সন্দের মুখে যে মেয়েটাকে একটা ট্যান্ডি এসে
তুলে নিয়ে গিয়েছিল,
সন্দের গডিয়ে গেলে হাই তুলতে তুলতে
সে আবার এসে দাঁড়িয়েছে গাছতলায় ।

লেনিন দেখছেন ।

দাঁড়িয়ে থাকতে থাকতে লেনিনেরও খুব হাই পাচ্ছিল ।

হঠাৎ দেখলাম একটু নড়েচড়ে সোজা হয়ে দাঁড়ালেন ।

যেদিকে তাঁর নজর, সেইদিকে তাকিয়ে দেখলাম
লাল নিশান নিয়ে একদল মজুরের এক বিশাল মিছিল আসছে

আমার মনে হল, লেনিন যেন টেঁচিয়ে টেঁচিয়ে বললেন,

শতাব্দী শেষ হয়ে আসছে—

একটু পা চালিয়ে, ভাই, একটু পা চালিয়ে ॥

দিক্‌ভুল

আমি সইয়ের

গন্ধাজল হই

শালুক ফুল

আমার সহ

মন কেমন করে, ও ভাই

ফুল গুঁজি খোঁপায়

রাত নিশুত হলে বুঝি

সই আমার কোঁপায়—

বাড়া ভাতে ছাই দিল

পাকা ধানে মই

সেপাই এসে নিয়ে গেল
বাপদাদা কই

ওদের সাপে যেন ফোঁড়ে
ওদের শকুনে যেন খোঁড়ে

পা ডুবিয়ে রক্তে
ব'সে আছে তব্ধতে
আগে থেকে তৈরী আছে
চুকবে কোন্ গর্তে

কেন রে সই কাঁদো
সাহসে বুক বাঁধো—

ধানমণ্ডির মাঠে যেখানে
ডহরপানি
ডুবে ডুবে ঠেকবে হাতে ফুলদানি

তার মধ্যে হয়ে গায়েব
ব'সে আছেন ভাই সায়েব

ভরে গিয়েছে নৌকোয় নৌকোয়
নদীর কিনার

নিশান ওড়ে হাওয়ার তোড়ে
মিছিল এগোয় শহীদ মিনার

ফুলদানিতে ঠিক ফুল
হবে না আর দিক্‌ভুল ।

বদলায়

এক জায়গায় দাঁড়িয়ে

দাঁড়িয়ে

ডালগুলো সব নাড়িয়ে

নাড়িয়ে

সেয়ানা গাছ বুঝে নিচ্ছে

হাওয়ার গতিবেগ

অন্ধকারে ঢাক পেটাচ্ছে

মেঘ

মাথার ওপর মুষলধারে

বাজাচ্ছে টিন —

বদলে যায়,

দেখো রে জাহ্নু,

বদলে যায়

দিন ।

বজ্র কানে তাল ধরায়

ধাঁধায় চোখ

হঠাৎ হঠাৎ

বিদ্যুতের চমক

পোহালে রাত

নড়ে সবার টনক —

এ কোন্‌ চুলো,

মোহানা কোথায় ?

নৌকোঙলো

ঠেকেছে এসে চড়ায় ।

অন্ধকারে চোখ বুঁজে,

হায়,

বেয়েছে তারা উজ্জান

চোখুঁথুলে তাই নতুন ক'রে

বঁধে নেয়

পালনিশান ।

বুকের মধ্যে পাথর ঠুকে

জালিয়ে নেয় আগুন

দাঁড়ের শব্দে

হাওয়ায় বাজে

চৌদুন ।

দিনের আলোয়

দেখায় পথ

দূরবীন —

এ নয় জাহ্ন অন্ধকারে,

বদলে যায় হাতের চাড়ে

দিনের আলোয়

বদলে যায়

দিন ।

পাতাল রেল

এক বেহিসেবী বেয়াঙ্কিলে বুড়ো
ষাটে পা দিচ্ছে ভেবে
রাস্তার উচুনিচুতে
হৌচট খেয়ে
ছিটকে পড়েছিল সপাটে

দামী সিগারেটের খালি প্যাকেট,
রসে-ভেজা শালপাতার ঠোঙা,
পুলিসের পায়ের কাঁটা-মারা বুট,
একটা ঢাউস গাড়ির দুটো নতুন চাকা,
ফুটপাথের কোলের কাছে ময়লা জলে
উশ্টে-ধরা একটি মিষ্টি মুখ—

এমনি কত কিছু হু' চোখে গিলতে গিলতে
বুড়োর পকেট থেকে থ'সে-পড়া
ব্যাঙের আধুলিটা
গড়িয়ে গড়িয়ে ঝাঁঝরির মুখে এসে
যখন পিল হয়ে গেল

ছেলের দল তখন
হাততালি ধামিয়ে দিয়ে
ভাবতে লাগল

পাতাল রেল চললেই
আধুলিটা হাত কব্জতে হবে ।

পা ব লো নে রু দা র আ রো ক বি তা

অনুবাদের কথা

একজন লেখকের পক্ষে তৈরি পাণ্ডুলিপি হারিয়ে যাওয়া যে কতটা দুঃখের ব্যাপার যেকোনো ভুক্তভোগীই তা বুঝবেন। ‘পাবলো নেরুদার আরো কবিতা’র বাংলা তর্জমার বাঙালি সারা বাড়ি তন্নতন্ন ক’রে খুঁজেও যখন পেলাম না, তখন আমি ধরেই নিয়েছিলাম ওটা আমি ভুল ক’রে বিদেশে কোথাও হোটেলে ফেলে-দেওয়া কাগজের ঝুড়িতে সমর্পণ ক’রে এসেছি। স্মরণ্য পাণ্ডুলিপিটি যে আর উদ্ধার করা যাবে না, এ বিষয়ে আমি নিঃসন্দেহ ছিলাম। পণ্ডিত্রের কথা ভেবে মনটা যে কী খারাপ হয়ে গিয়েছিল বলার নয়। সময় ক’রে তর্জমার কাজে ব’সে আবার পুরোটা কঁচে গণ্ডুষ করার কথা ভাবতেই পারছিলাম না।

কিছুদিন আগে এবার বাইরে থেকে ফিরে বাড়িতে পা দেওয়ামাত্র সবাই সম্মুখে যখন বলে উঠল, ‘পাওয়া গেছে’—আমার নিজের কানকেই যেন বিশ্বাস হচ্ছিল না। পরে সুনলাম অনিল বিশ্বাস নামে স্টেট ব্যাঙ্কের একজন কর্মী বাসের মধ্যে লেখাসুত্র খামটি কুড়িয়ে পান এবং তাতে ‘বিশ্ববাসী’র নামঠিকানা দেখে নিজে কষ্ট ক’রে আমার প্রকাশকের কাছে খামটি পৌঁছে দেন। তাঁর কাছে এজেন্টে আমি চিরকৃতজ্ঞ।

‘পাবলো নেরুদার কবিতাগুলো’র মতই এই বইতেও মূল কবিতা আর স্প্যানিশ অভিধান পাশে রেখে আমার তর্জমায় ইংরিজি অনুবাদ অনুসরণ করেছি। মূল না পাওয়ায় ব্যতিক্রম শুধু ‘পলাতক’ কবিতাটি। অনুবাদে আমি প্রাণপণে মূলাহুগ থাকার চেষ্টা করেছি।

‘নেরুদার জীবন ও কবিতা’ লিখতে হেয়ান ফ্রান্সোর একটি নিবন্ধের সাহায্য নিয়েছি।

নেরুদার কবিতার আমার করা বাংলা তর্জমার প্রথম খণ্ডটি তাঁদের ভালো লেগেছে, দ্বিতীয় খণ্ডটিও যদি তাঁদের মনে ধরে তাহলে মনে করব আমার শ্রম সার্থক হয়েছে।

নেরুদার জীবন ও কবিতা

পাবলো নেরুদার আসল নাম রিকার্দো এলিয়েজের নেফ্তালি রেয়েজ বোসোয়ালতো । ১৯০৪ সালে পারালে তাঁর জন্ম । ১৯০৬ সালে বাড়ির লোকদের সঙ্গে তিনি চলে যান দক্ষিণ চিলির সীমান্তবর্তী তেমুকো শহরে । সেখানেই অতিবাহিত হয় তাঁর গোটা কৈশোর আর শৈশব ।

আরাউকো প্রদেশের (‘আরাউ’ হল ‘মাটি’ আর ‘কো’ হল ‘জল’) ইণ্ডিয়ানদের সঙ্গে চুক্তি হওয়ার ফলে সেই সময়ে চিলির অনেকেই সে অঞ্চলে বন কেটে বসত করতে শুরু করেছে । নেরুদার বাবা যোগ দেন সেই দলে । তাঁর ছিল নতুন নতুন এলাকায় রেললাইন বসানোর কাজ ।

জঙ্গলমহালের সেই অহল্যা মাটিতে তখন শুরু হয়েছে প্রথম চাষবাস আর পশুপালন । নেরুদার ছেলেবেলা কাটে চারদিকের এই বন্য প্রকৃতির মধ্যে আর সমাজের বা ধর্মের অন্ধসংস্কারমুক্ত খোলামনের আবহাওয়ায় । নেরুদার স্মৃতিকথা ধারা পড়েছেন তাঁরা তাঁর জীবনবৃত্তান্তে এর স্বগভীর ছাপ খুঁজে পাবেন ।

নেরুদা যখন কবিতা লেখা শুরু করেন তখন তাঁর বছর দশেক বয়স । তেমুকো এমন এক জায়গা, যেখানে সাহিত্যসংস্কৃতির বড় একটা চল ছিল না । তাঁর মাথার ওপর কেউ ছিল না যাকে তিনি অনুসরণ করতে পারেন । চারিদিকে প্রচণ্ড ঠাণ্ডা, তুমুল বর্ষণ আর ঝড়তুফান । এরাই মধ্যে নেরুদা লিখলেন তাঁর প্রথম কবিতাগুলি :

আর আমার প্রাণের গভীরে কী যেন কী ন’ড়ে উঠল,
জঁলে-ওঠা ভাব কিংবা ভুলে-যাওয়া ডানা,
আর সেই আগুনের
সঙ্কেতলিপি প’ড়ে নিয়ে,
আমি কাটলাম আমার নিজের রাস্তা,
আর আমি লিখলাম সেই প্রথম অক্ষুট ছত্র,
অক্ষুট, ধরাছোঁয়ার বাইরে, বিগুহ
আবোল-তাবোল,

যে কিছুই জানে না
 তার অবিমিশ্র প্রজ্ঞা,
 আর অকস্মাৎ আমি দেখতে পেলাম
 অব্যবহিত
 উন্মুক্ত
 জ্যোতিরলোক ।

ষোল বছর বয়স অবধি নেরুদা ছিলেন তেমুকোতে । এরপর যখন তিনি সান্তিয়াগোতে লেখাপড়া করতে যান তখন তিনি গুরোদস্তুর কবি । তাঁর কবিতা ছাপা হতে আরম্ভ করেছে পিতৃদত্ত নামে নয়, নিজের দেওয়া ‘পাবলো নেরুদা’— এই ছদ্মনামে । সে সময়ে চেকোশ্লোভাকিয়ায় ইয়ান নেরুদা ব’লে একজন নামকরা লেখক ছিলেন । ‘নেরুদা’ উপাধি সেই সূত্রে ।

১৯২৪ সালে বার হয় নেরুদার দ্বিতীয় কবিতার বই ‘কুড়িটি প্রেমের কবিতা’ । সারা দেশে তাঁর নাম ছড়িয়ে পড়ে । তাঁর বয়স তখন খুব বেশি হলে কুড়ি । ১৯২৬ সালে বার হয় তাঁর একটি উপস্থাস (‘নিবাসী ও তার আশা’) এবং একগুচ্ছ কবিতা (‘অসীম মানুষের, বাজিয়ে দেখা’) । ১৯২৭ সালে নেরুদা কূটনৈতিক চাকরি নিয়ে যান বর্মায় । তারপর রেঙ্গুন থেকে কলম্বো এবং তারপর জাভা । পাঁচটা বছর এইভাবে তাঁকে কাটাতে হয় বিচ্ছিন্নতার জীবন । এমন সঙ্গী নেই যার সঙ্গে নিজের মাতৃভাষা স্প্যানিশে কথা বলতে পারেন ।

দেশ ছেড়ে যাওয়ার আগে থেকেই তাঁর কবিতায় একটা বিচ্ছিন্নতার ভাব প্রকাশ পাচ্ছিল । বিশেষ করে তেমুকো থেকে চলে আসার পর । প্রাচ্যের দেশগুলোতে এসে তিনি আরও বেশি নিজের মধ্যে গুটিয়ে যান । সেখানকার মানুষজন, জলমাটি— কিছুই স্বচ্ছ নয়, কেউ সাড়া দেয় না । এই সময় তাঁর এক বন্ধুকে তিনি লিখেছিলেন, ‘আমি অহুভব করি, যাবতীয় জিনিস খুঁজে পেয়েছে তার নিজস্ব অভিব্যক্তি অথচ তাতে আমার না আছে কোনো অংশ, না আছে তার মর্মোদ্ধার করার কোনো ক্ষমতা ।’ তাঁর এই সময়কার লেখা কবিতাগুলোর (‘পৃথিবীতে বাসা’) প্রথম খণ্ডটি স্পেনদেশে বার হয় ১৯৩৩ সালে । এইসব কবিতায় তুলে ধরা হয়েছে এক পারস্পর্যহীন জগৎকে, যেখানে পলকে দেখা দেওয়া তাদের মিছিলে মৃত্যুর অভিমুখে চলেছে বস্তুনিচয়, ইন্দ্রিয়ানুভূতি, নিসর্গ । পরে নেরুদা তাঁর এই সময়কার কবিতাবলীকে অগ্রাহ্য করতে চাইলেও

কারো কারো মতে, এ যুগের মেজাজ সবচেয়ে ভালোভাবে প্রকাশ পেয়েছে তাঁর এইসব কবিতায়।

১৯৩৪ সালের পর নেত্রদার কবিতায় দেখা দিল এক নতুন পালাবদল। চিলির কন্সাল হয়ে তখন তিনি বাস করছেন স্পেনদেশে। প্রথমে বাসিলোনায়। তারপর মাদ্রিদে। এখানে তিনি যে কবিদের সামিধ্যে এলেন তাঁদের সঙ্গে ছিল জনসাধারণের ঘনিষ্ঠ যোগ। তার মধ্যে ছিলেন স্পেনের গৃহযুদ্ধে নিহত কবি ফেদেরিকো গাথিয়া লরকা (১৮৯৯-১৯৩৬)। এঁদের সাহচর্যে আস্তে আস্তে রাজনীতির প্রতি তিনি আকৃষ্ট হন। লরকার হত্যার বিরুদ্ধে তিনি যে আবেগময় প্রতিবাদ জানান, তার ফলে তাঁকে কন্সালের পদ হারাতে হল।

১৯৩৮ সালে বার হয় নেত্রদার নতুন কবিতাগুলি ‘স্পেন আমার হৃদয়ে’। এইসব কবিতায় আস্তে আস্তে ফুটে উঠল একটা নতুন সুর। আর নিভৃতে স্বগতোক্তি নয়, নেত্রদা এবার জোর গলায় তার কবিতাকে শ্রোতাদের কানে তুলে দিলেন। শুধু কলম দিয়ে লেখা নয়, মুখ ফুটে বলা—যাতে কানের ভেতর দিয়ে মর্মে প্রবেশ করে, শ্রোতার মনে যাতে সাড়া জাগে।

এর বারো বছর পর ১৯৫০ সালে বার হয় ‘কান্তো হেনেরাল’ (‘কাণ্ড সর্বময়’)। একে বলা হয় চিলির মহাকাব্য। এই বারো বছর নেত্রদার জীবনের এক অরগীয পর্ব। শুধু দাঁড়িয়ে দেখা নয়, এবার তিনি কাঁধে কাঁধ দিয়ে লড়াইয়ের শরিক। ১৯৪০ থেকে ১৯৪৩—শুধু এই তিন বছর তিনি কন্সাল হিসেবে ছিলেন দেশের বাইরে মেক্সিকোয়।

১৯৪৫ সালে তিনি চিলির আইনসভা সিনেটের সদস্য হন এবং কমিউনিস্ট পার্টিতে যোগ দেন। অমিক এবং সাধারণ মানুষের সঙ্গে এই সময় তাঁর নিবিড় সম্পর্ক গড়ে ওঠে। ১৯৪৮ সালে চিলির প্রেসিডেন্ট ভিদেলা সাধারণ মানুষের স্বার্থে জলাঞ্জলি দিয়ে পূর্ব ইউরোপের বহু দেশের সঙ্গে সম্পর্কচ্ছেদ করেন। নেত্রদা প্রকাশ্যে তাঁকে সমালোচনা করলে নেত্রদাকে গ্রেপ্তার করার চক্রান্ত হয়। নেত্রদা আত্মগোপন করেন। এই সময় সরকারবিরোধী তাঁর বেশ কিছু ছড়া প্রাচীরপত্রে লেখা হয়ে লোকের মুখে মুখে ছড়ায়। ‘পলাতক’ কবিতায় তাঁর এই আত্মগোপন পর্বের চিত্রটি ধরা আছে।

‘কাণ্ড সর্বময়’ মহাকাব্যে যেন ঘটেছে নেত্রদার কবিসত্তার পুনর্জন্ম। তাঁর বিশ্বভুবনে দেখা দিল আবার কার্য-কারণের শৃঙ্খলা আর তাৎপর্য।

স্পেন থেকে স্বদেশে ফিরে নেত্রদা কখনও খনিমজুরদের কাছে গিয়ে, কখনও

রাজনৈতিক জনসভায় তাঁর কবিতা পড়তে শুরু করলেন। তাঁর কবিতা মুষ্টিমেয় পাঠকের বেড়া ডিঙিয়ে সমাজের বৃহত্তর অংশের কাছে পৌঁছে গেল। তাঁর কবিতার ধরনধারণেও অনেক বদল ঘটল। তিনি তাঁর কবিতা লিখলেন উচ্চ গলায় কথা বলবার ভাষায়। সে ভাষা নিতান্ত আটপোরে একঘেয়ে নয়। চিত্র-
গুণে বর্ণাঢ্য, সঙ্গীতময়তায় ঝঙ্কত। তাঁর কবিতায় উদ্ঘাটিত হল প্রকৃতি আর ইতিহাসের অন্তর্লীন ছন্দোবদ্ধ, আমেরিকার প্রকৃত আখ্যান, তার ভৌগোলিক বিশ্বাস, বিজ্ঞতা আর স্বৈরশাসকদের হাতে দেশবাসীর লাঞ্ছনা আর সেইসঙ্গে কবির আত্মকথা। এই মহাকাব্যে ফুটেছে রসের যেমন বৈচিত্র্য, তেমনি কবির কণ্ঠে খেলেছে আবেগমুখর নানান সুর।

এরপর নেরুদা হতে চাইলেন আরও বেশি সহজ। সাহিত্যের বাইরেরকার যে মানুষ, তাদের কাছে নেরুদা চাইলেন নিজেকে খুলে ধরতে। ১৯৫৪ সালে বার হল তাঁর ‘পঞ্চভূতের স্তোত্র’। কোনো সমারোহ নেই, উচ্চকণ্ঠের ভাষণ নেই—তাঁর কবিতা হল প্রায় গানের মতন স্বতোৎসারিত। কবিতাকে তিনি চাইলেন জীবনের হাঁদে গড়তে। নেরুদা লিখলেন,

বই, আমি যাই।
বহু খণ্ডের পোশাক প’রে
আমি যাব না,
রচনাবলী থেকে
আমি বেরিয়ে আসি না,
আমার কবিতাগুলো
কবিতা মুখে দেয় নি,
তারা গোঁগ্রাসে গেলে
মনমাতানো সব ঘটনা।

দৈনন্দিন জীবন, সাধারণ মানুষ আর এটা-ওটা-সেটা—এরই বন্দনা তাঁর এসব কবিতায়। রুটি, কাঠ, টমেটো, জলহাওয়া, কাপড়চোপড় আর প্রাকৃত বস্তু। জাহাজের খালাসী, রাজমিস্ত্রি, খনিমজুর, ছুতোরমিস্ত্রি কিংবা রুটির কারিগর। এই নিয়ে তাঁর ‘পঞ্চভূতের স্তোত্র’।

নেরুদার কাছে কবিতা রচনা ছিল আর পাঁচটা সামাজিক কাজেরই মতন। কিন্তু শুধু তার মধ্যেই নিজেকে তিনি বেঁধে রাখেন নি। তাঁর দেখাশোনার জগৎকে এবং নিজের জীবনের টুকরো কথাগুলোকে তিনি সমানে ধ’রে রেখেছেন

তঁার কবিতায়। সেই সঙ্গে লোককথা আর অতিকথাকেও বাস্তবের গাঁটছড়ায় বেঁধেছেন।

১৯৫৫ সালে নেরুদা বিয়ে করেন মাতিলুদে উরুতিয়াকে। বিয়ের আগে এবং পরে নেরুদা আবার নতুন ক'রে অজ্ঞপ্র প্রেমের কবিতা লেখেন। নেপল্‌স থেকে ১৯৫২ সালে বেনামে বার হয় 'কাপ্তানের কবিতাবলী' (কবিতাগুলো যে নেরুদার লেখা তা প্রকাশ পায় ১৯৬২ সালে) এবং ১৯৫৯ সালে প্রকাশিত হয় 'প্রেমবিষয়ক সনেটশতক'।

পঞ্চাশোত্তর হওয়ার পর থেকেই নেরুদার কবিতা আবার নতুন বাঁক নেয়। এবার তঁার কবিতায় আবার তীব্র হয়ে দেখা দেয় নিসর্গ, সমুদ্র আর কৃষ্ণদ্বীপে নির্মিত তঁার নিজের বাড়ি। প্রকৃতির রহস্যের দিকে তিনি চোখ ফেরান পরম বিশ্বাস নিয়ে। রাজনীতি আর ইতিহাস তখনও তঁার কবিতায় রীতিমতভাবে উপস্থিত কিন্তু সেখানেও তিনি বার বার ফিরে যান সারাৎসারে, তঁার উৎসের দিকে। জীবনের শেষ বছরগুলোতে তঁার চোখে থেকে থেকে ঝিলিক দেয় মৃত্যুর পারাবার। ১৯৬৭ সালে প্রকাশিত কবিতার বইয়ের নাম দেন 'ভাটিয়ালি'। এইসব কবিতায় তিনি তঁার জীবনের হিসেবনিকেশ করেন, দেশে দেশে ভ্রমণ, রাজনীতিতে অংশ নেওয়া এবং ব্যক্তিগত সুখদুঃখের কথা বলেন। এই সময়ে তঁার একটি গীতিনাট্যও ('হোয়াকিম মুরিয়েতার মহিমা ও মৃত্যু') বেরিয়েছিল। ১৯৭০ সালে মানব প্রগতির সৃষ্টিতত্ত্বের বিষয়ে নেরুদা অতিকথামূলক একটি কবিতা লেখেন। তার নাম, 'জাজল্যমান তরবারি'।

১৯৭০ সালে চিলির প্রেসিডেন্ট হলেন সালভাদর আলেন্দে। (চিলির কমিউনিস্ট পার্টি গোড়ায় প্রেসিডেন্ট পদে প্রার্থী হিসেবে নেরুদার নাম ঘোষণা করেছিল; কিন্তু কয়েকটি দল সম্মিলিতভাবে আলেন্দেকে মনোনয়ন করতে রাজী হলে কমিউনিস্ট পার্টি আলেন্দের সমর্থনে নিজেদের প্রার্থী প্রত্যাহার করে নেয়।) নেরুদা যে কী খুশী হলেন বলার নয়। এতদিন পর স্বদেশ চিলিতে তঁার বহু আকাঙ্ক্ষিত সমাজতন্ত্র প্রতিষ্ঠার পথ প্রশস্ত হতে চলেছে।

নির্বাচনের অব্যবহিত পরেই নেরুদাকে কৃষ্ণদ্বীপে তঁার শান্তির নীড় ছাড়তে হল। পারীতে তাঁকে চিলির রাষ্ট্রদূত ক'রে পাঠানো হল। পারীতে থাকার সময়ই ১৯৭১ সালে নেরুদা নোবেল পুরস্কার পেলেন।

১৯৭২ সালে বার হল তঁার 'ফরাসী কবিতা চতুষ্টয়' এবং তারপর 'নিফল ভূগোল'। নোবেল পুরস্কার হাতে পাওয়ার অল্প কিছুকাল পরেই নেরুদা অবসর

নিরে ফিরে গেলেন কক্ষদ্বীপে তাঁর জীবনসঙ্ঘার নীড়ে। তার আগেই তাঁকে আক্রমণ করেছে কালব্যাদি।

কিন্তু চিলিতে তখন ঘোর অশান্তি। দেশীবিদেশী প্রতিক্রিয়াশীল কুচক্রীরা চিলিকে তখন গৃহযুদ্ধের কিনারায় এনে ফেলেছে।

১৯৭৩ সালের অগস্ট মাসে প্রকাশিত এক সাক্ষাৎকারে নেরুদা তাঁর বহুদিনের বন্ধু এবং জীবনীকার মার্গারিতা আগির্যোকে বলেন, ‘চিলির পক্ষে এ এক হৃদয়বিদারক সময়। আমার পড়ার ঘরে এসে তা চড়াও হয়েছে, এই মহা-সংগ্রামে যোগ দেওয়া ছাড়া আজ আর কোনো উপায় নেই।’

এই সাক্ষাৎকারে তিনি আরও বললেন, ‘ভিয়েতনামেরই দশা, শুধু বোমা আর গোলাগুলি ফাটার শব্দ নেই এই যা।...নইলে চিলির বিরুদ্ধে ঘরে বাইরে সম্ভবপর সব অস্ত্রই প্রয়োগ করা হচ্ছে। আমরা আজ ঠিক এই মুহূর্তে এক অব্যোমিত যুদ্ধে লিপ্ত।’

নেরুদা যখন মৃত্যুশয্যায়, তখন ১১ই সেপ্টেম্বর প্রথমে নৌবাহিনী, তারপর সেনাবাহিনী বিদ্রোহ করল। আক্রান্ত লা মোনেদা প্রাসাদে বীরের মৃত্যু বরণ করলেন প্রেসিডেন্ট আলেন্দে। তার বারোদিন পরে ২৩শে মারা গেলেন পাবলো নেরুদা। তাঁর শবযাত্রাই হল চিলির নতুন জঙ্গী শাসনের বিরুদ্ধে দেশবাসীর প্রথম বিক্ষোভ মিছিল। তার জবাবে ভাড়া করা গুণ্ডার দল নেরুদার সান্তিয়াগোর বাড়ির দরজা ভেঙে ভেতরে ঢুকে তাঁর বই আর কাগজপত্র নষ্ট করে।

মৃত্যুশয্যাতেও নেরুদার কলম কখনও থামে নি। কবিতায় তিনি শত্রুর বিরুদ্ধে সমানে ছুঁড়েছেন মর্মঘাতী বাণ।

শেষ নিশ্বাস ফেলার আগেও তিনি লিখে গেছেন অরণীয় কবিতা :

আর আজ হত অরণ্যের গভীরে
তার কানে আসে শত্রুর আগুয়াজ, সে তখন পালায়
দলছুট হয়ে নয়, আদতে নিজের কাছ থেকে
সেই অন্তহীন কথোপকথন থেকে

সমস্তক্ষণ আমাদের সঙ্গে থাকা ঐকতান থেকে
আর জীবনের অভিপ্রায় থেকে ।

যেহেতু এই একবার, যেহেতু শুধু একবার, যেহেতু
একটি একস্বর শব্দ অথবা নৈঃশব্দের একটি বিরতি
অথবা একটি তরঙ্গের অনবরুদ্ধ কলরব
আমাকে দাঁড় করিয়ে দেয় সত্যের মুখোমুখি
সেখানে খোলসা করার আর কিছু থাকে না,
বাড়তি বলারও কিছু থাকে না ; সেই সবকিছু
রুদ্ধ ছিল অরণ্যঘার ।
সূর্য প্রদক্ষিণ ক'রে পত্রাবলীকে উন্মীলিত ক'রে
খেত ফলের মত আবির্ভূত হয় চাঁদ
আর মাহুঘ তার নিয়তির কাছে নতশির হয় ।

উৎসর্গ

গড়বেতার মাটির মানুষ

সরোজ রায়

বন্ধুবরেষু

আর কিছু নয়

আমি সত্যের সঙ্গে কড়ার করেছিলাম
দ্বনিয়াম আবার এনে দেব রোশনাই ।

আমি হতে চেয়েছিলাম অম্লের মতন ।
সংগ্রামে আমি নেই এমন কখনও হয়নি ।

আর যা ভালবাসতাম আমি এখন তার ঠাইতে,
আমার হারানো নির্জনতার মাঝখানে ।
এই পাথরের কোলে আমার ঘুম নেই ।

আমার নীরবতার মধ্যে সমানে খেটে চলেছে সমুদ্র ॥

মৎস্যকণ্ঠা আর একদল মাতালের উপাখ্যান

এই মহাশয়েরা সবাই তখন ভেতরে
মেয়েটি ঢুকল, একদম উদ্যম ।
এতক্ষণ মদ গিলছিল, মেয়েটিকে দেখেই গুরু ক'রে দিল খেউড় ।
নদী থেকে সন্ধ্যা আনকোরা ব'লে এদের কথার একবর্ণও সে বোঝেনি ।
ও এক মৎস্যকণ্ঠা, এসেছিল পথ ভুলে ।
ওর ঝকঝকে গা দিয়ে গড়িয়ে পড়ছিল এদের মস্করা,
ওর সোনালী স্তনযুগে চড়াও হচ্ছিল এদের অঙ্গীলতা ।
চোখের জল তার অজানা ব'লে সে কাঁদেনি ।
পোশাক অজানা ব'লে কিছু পরেনি ।
সিগারেট আর দধি ছিপিতে ওকে ক্ষতচিহ্নিত ক'রে
এরা খিলখিল ক'রে হেসে সরাইখানার মেঝেতে গড়াগড়ি খেয়েছে ।
কথা কী তা সে জানত না ব'লে একটি কথাও বলেনি ।

ওর দুনয়নে ছিল স্বদূরের ভালবাসার রং,

স্বটিকতুল্য দুটি বাহু ।

প্রবালের আলোয় ওর চোঁটদুটো নিঃশব্দে নড়ছিল

আর শেষকালে, ঐ দরজাটা দিয়ে মেয়েটি বেরিয়ে গেল ।

জলে যাওয়ার সঙ্গে সঙ্গে মুছে গেল তার সমস্ত গ্লানি

বৃষ্টিতে ধোয়া স্বেতপাথরের মতই সে আবার বকমকিয়ে উঠল ;

পেছনে আর একবারও না তাকিয়ে আবার সে সীতরাতে লাগল,

সীতরাতে সীতরাতে চলল যদিকে খাঁ খাঁ করছে শূন্যতা,

যেখানে তার মরণ ॥

আমরা বিস্তর

আমি বলতে, আমরা বলতে বিস্তর লোক—

কোনো একজনকে আমি ঠাহর করতে পারি না ।

গায়েবী পোশাকে ওরা এখন আমার হাতের বাইরে ।

অন্ত কোনো শহরে ফেরার ।

যখন ভেবেছি সব ঠিকঠাক

এবার একহাত দেখিয়ে দেব আমার কী এলেম,

সেইসময় আমার ভেতর লুকোনো আহাম্মকটা বেরিয়ে এসে

আমার জিভের ডগায় ভর করে ।

অগ্ন্যান্ত সময়ে, আমি কেউকেটারে মাঝখানে

ব'সে ব'সে ঢুলছি,

আর যখন আমি আমার সাহসী আশ্বপুরুষকে ডাকি

আমার সম্পূর্ণ অচেনা এক কাপুরুষ এসে

হাজারটা টুকটাক ভয়ভাবনায়

আমার অস্থিপঞ্জরটাকে পৌঁচিয়ে পৌঁচিয়ে বাঁধে ।

যখন কোনো রাজসিক ভবনে আগুন লাগে
আমার খবর দেওয়া অগ্নিনির্বাপকের বদলে
ঘটনাস্থলে ছুঁ ক'রে এসে হাজির হয় এক ঘর-জালানে
আর সে হল আমি। আমার করার কিছু নেই।
কী ক'রে এ থেকে নিজেকে আমি বেছে নেব ?
কেমন ক'রে আবার আমি পুরনো ঠাঁই ফিরে পাব ?

যত বই পড়ি
সমস্তই চোখ-ধাঁধানো নায়কদের ফোলায় কাঁপায়,
সব সময় ওরা আত্মবিশ্বাসে ডগমগ।
দেখে হিংসেয় আমার বুক ফাটে ;
আর যেসং ছায়াছবিতে হাওয়ায় সাঁ সাঁ ক'রে ছুটছে বুপেট,
ঘোড়সওয়ারদের দেখে হিংসে হয়,
এমন কি ঘোড়াগুলোকে দেখেও হাঁ হয়ে যাই।

কিন্তু যখন আমি আমার ভেতরকার ডাকবুকোটাকে তলব করি,
বেরিয়ে আসে আবার সেই সাবেকের গঁতো আমি,
আর তাই কখনও জানতে পারি না আমি কে
কিংবা আমি বলতে ক'জন, বা আমরা অতঃপর কে হব।
আমি চাইব একটা বেলু টিপে
আমার আদত সস্তাকে, আমার প্রকৃত আমিকে ঠেকে হাজির করতে,
কেননা যদি তাকে নিতান্তই আমার দরকার থাকে
তাহলে আমাকে উধাও হলে চলবে না।

আমি যখন লিখি, তখন আমি এখানে থাকি না,
আর যখন ফিরে আসি, তার আগেই আমার প্রস্থান।
আমাকে একবার দেখতে হবে ঠিক এই জিনিস
আমার যেমন তেমনি অন্তদের বেলাতেও ঘটে কিনা,
দেখতে হবে এত লোক ঠিক আমারই মতন কিনা,
আর তাদের নিজেদের কাছেও নিজেদের তেমনি মনে হয় কিনা।

এই ব্যাপারটা সম্পূর্ণভাবে খুঁটিয়ে দেখবার পর
জিনিসগুলো আমার এত স্নন্দরভাবে রপ্ত হয়ে যাবে যে,
আমার সমস্তাগুলো খোলসা করতে গিয়ে
আমি নিজের কথা না এনে
ভুগোলের কথা বলব ॥

বড় বেশি নাম

সোমবারগুলো মঙ্গলবারের সঙ্গে
সপ্তাহটা সম্বৎসরের সঙ্গে লটকে আছে ।
তোমার ক্রিশিত কাঁচি দিয়ে
সময়কে ছেদ করা যাবে না
আর দিনের যত নাম
সমস্তই ধুয়ে মুছে যায় রাত্রির জলধারায় ।

পেদ্রো নামটার কেউ হকদার নয়,
কেউ রোজা নয় মারিয়াও নয়,
আমরা সবাই ধুলোবালি,
বৃষ্টির পরতে বৃষ্টি ।
ওরা আমাদের ভেনেজুয়েলা-টুয়েলা,
চিলি-টিলি, প্যারাগুয়ে-টুয়ের কথা বলেছে ;
ওরা কী বলে আমার মাথায় ঢোকে না ।
আমি শুধু ভূত্বকের কথাই জানি
আর এও জানি যে তার কোনো নাম নেই ।

যখন আমার বাস ছিল শিকড়গুলোর মধ্যে
ফুলের চেয়েও তারা আমাদের ঢের বেশি আনন্দ দিত,
কোনো পাথরকে আমি কিছু বললে
ঠুনঠুন ক'রে বেজে উঠত ।

সারাটা শীত জুড়ে
কী দীর্ঘবিলম্বিত বসন্ত ।
সময় হারিয়ে ফেলেছিল জুতো ।
একটা বছর চার-চার শতাব্দী ।

রোজ রাত্তিরে আমি যখন ঘুমোই
কী নামে আমাকে ডাকা হয় বা হয় না ?
যখন জেগে উঠি, কে আমি
যদি ঘুমের মধ্যে আমাতে আমি না থাকি ?

এর মানে তাহলে এই যে
জীবনে পদার্পণের সঙ্গে সঙ্গে
আমরা আসি নবজাতকের মত ;
এতসব অনির্দেশ্য নাম,
এতসব ভারাক্রান্ত শিষ্টাচার,
এতসব ধুমধাড়াকা চিঠি,
এতসব দলিলদস্তাবেজে সই
— এই দিয়ে আমাদের মুখগুলো আমরা যেন ঠেসে না দিই ।

আমার মন যায় সবকিছু একাকার করতে,
একত্র করতে, হওয়াতে,
মেলাতে মেশাতে, সব সাজ খুলে দিতে
যে পর্যন্ত না পৃথিবীর আলো
সমুদ্রের সঙ্গে অভিন্ন হয়,
যতক্ষণ না ফুটে ওঠে
এক উদার, বিশাল পূর্ণতা,
এক মুচমুচে সৌরভ ॥

আমি চাই স্তব্ধতা

এখন আর ওরা আমাকে ঘাঁটায় না ।
আমার না থাকটা এখন ওদের সয়ে গিয়েছে ।

আমি বন্ধ করতে চলেছি আমার চোখ ।

আমার শুধু পাঁচটা জিনিসের বাসনা,
পাঁচটা বাছা-বাছা কষ্টিপাথর ।

এক হল নিরবধি ভালোবাসা ।

দুই হল শরৎকালকে দুচোখ ভ'রে দেখা,
উড়ে উড়ে মাটিতে পড়া পতা
না দেখে আমি থাকতে পারি না ।

তিন হল থমথমে শীত,
আমার ভালো-লাগা বৃষ্টি,
বিটকেল ঠাণ্ডায় আঙুন-পোহানোর আরাম ।

চারের জায়গায় গ্রীষ্ম,
তরমুজের মত গোলগাল ।

আর তোমার ছনয়ন হল পঞ্চম ।
মাতিলদা, প্রেয়সী আমার,
তোমার চোখ ছাড়া আমার ঘুম আসবে না ।
তোমার চাহনিতে ছাড়া আমার অস্তিত্ব থাকবে না ।
বসন্তকে আমি এমনভাবে বদলাই
যাতে তুমি চোখ দিয়ে আমাকে অনুসরণ করতে পারো ।

বন্ধুগণ, এই হল সাকুল্যে বাসনা ।

বলতে গেলে কিছু নয়, আবার বলতে গেলে সবকিছু ।

এখন ওরা ইচ্ছে করলে যেতে পারে ।

আমি এত বেশি বেঁচেছি যে একদিন

ওরা বাধ্য হয়ে আমাকে ভুলে যাবে,

ঘষে ঘষে তুলে দেবে খড়ির দাগ ।

আমার অন্তঃকরণ ছিল অফুরন্ত ।

কিন্তু আমি স্তব্ধতা চাইছি ব'লে

যেন কখনও ভেবো না আমি মরতে চলেছি ।

ঠিক উষ্টোটা ।

আদতে আমি বাঁচতে চলেছি—

আমি আছি আমি থেকে যাব ।

আমি থাকব না, অবশ্যই, যদি আমার অন্তঃকুলে

ফসল বেড়ে উঠতে না থাকে,

প্রথমে মাটি ফুঁড়ে আলোয় চোখ মেলবে অন্ধুর ;

কিন্তু মা বহ্নিমতী অন্ধকার ;

আর আমার অন্তর্দর্শেও অন্ধকার ।

আমি যেন এক পাতকুয়ো, যার জলে

রাত্রি তার তারাগুলোকে রেখে

একা একা মাঠের ভেতর দিয়ে চলে যায় ।

ব্যাপার হল, এত বেশি বাঁচবার পরেও

আমি আরও সেই পরিমাণ বেশি বাঁচতে চাই ।

আগে কখনও মনে হয়নি আমার এত সুরেলা গলা,
কখনও আমি পাইনি এত বেশি চুসন ।

বরাবরের মতই এখন এটা অসময় ।
ঠিকরানো আলো যেন মৌমাছির ঝাঁক ।

দিনটার সঙ্গে আমি একা থাকতে চাই ।
আমাকে জন্মাবার অনুমতি দাও ॥

ভয়

সবাই আমাকে খোঁচাচ্ছে । বলছে, লাফাও—
হেঁচৈ করো, ফুটবল পেটো,
দুড়দাড়িয়ে ছোটো, সঁতরাও আর ওড়ো ।
বেশ কথা ।

সবাই আমাকে খোঁচাচ্ছে । বলছে,
একদম নড়াচড়া নয় ।
সবাই ডাক্তার ঠিক করছে,
কেমন একটা ভাবে আমার দিকে তাকাচ্ছে ।
এসব কী হচ্ছে ?

সবাই আমাকে খোঁচাচ্ছে । বলছে, বাইরে যাও—
ভেতরে এসো, বেরিয়ে যাও, বাইরে যেও না ।
আমাকে বলছে মরতে, আবার বলছে ম'রো না ।
তাতে কিছু যায় আসে না ।

সবাই বলছে আসলে গোলমালটা

আমার অস্ত্রে ।

এক্স-রের ছবিতে তাদের চোখ উঠেছে কপালে

আমি ওদের সঙ্গে একমত নই ।

দুর্দান্ত কাঁটা দিয়ে

সবাই আমার কবিতাকে খুঁড়ছে,

নিঃসন্দেহে তারা খুঁজে বেড়াচ্ছে একটা মাছি ।

আমার ভয় করছে ।

আমার ভয় করছে সারা পৃথিবীকে,

আমার ভয় কনুনে ঠাণ্ডা জলের, ভয় যত্নার ।

মরণ আছে এমন প্রত্যেকেরই মতন

আমাকেও কেউ সাশ্বনা দিতে পারবে না ।

কাজেই এই সংক্ষিপ্ত দিনগুলোতে

আমি আর ওসব গণনার মধ্যে আনব না,

আমার সবচেয়ে বেইমান দ্বশমন

পাবলো নেরুদা —

তাকে নিয়ে এবার আমি

আমার আপনাকে খুব আর বন্ধ করব ॥

পাথরের মুখ

ও ইঁদা, চিনতাম বৈকি কত বছর একসঙ্গে থেকেছি

আদতে সোনা আর পাথরে গড়া তার চরিত্র

লোকটা ক্লান্ত হয়ে পড়েছিল —

প্যারাডক্সেতে ফেলে রেখে আসতে হয়েছিল মা-বাবা,

ছেলেদের, ভাইপো-ভাগ্নেদের
 শেষবারের সম্বন্ধীদের ;
 ঘরদুয়ার, মুরগিগুলোকে,
 আর কিছু আধ-খোলা বই ।
 দরজায় ওরা তাকে নাম ধ'রে ডেকেছিল
 খুলতেই পুলিশ ধ'রে নিয়ে চলে যায়,
 এমন পেটায় যে,
 ফ্রান্সে, ডেনমার্ক, স্পেনে, ইতালিতে
 ঘুরতে ঘুরতে মুখ দিয়ে তার রক্ত উঠতে থাকে,
 ফলে, মারা যায়, আমিও আর তাকে দেখিনি,
 তার গুরুগভীর নৈশব্দ্য আমার কানে আসেওনি,
 তারপর একদিন ঝড়ের রাত্রে
 তুষার যখন পাহাড়ে পাহাড়ে
 বুনে চলেছিল শুচিশূন্য পোশাক,
 তাকাতেই দেখি ঐ অনেক দূরে
 ষোড়ার পিঠে আমার সেই বন্ধু—
 পাথরে গড়া তার মুখচ্ছবি
 হুর্যোগ উপেক্ষা ক'রে পাশ ফিরে আছে,
 তার নাকে এসে ঝ'ড়ো হাওয়া
 চুপ করিয়ে দিচ্ছে তাড়া-খাওয়া মাহুষের গোড়ানি
 নির্বাসিত মাহুষটার ঐখানে জায়গা হল
 পাথরে রূপান্তরিত, সে এখন বাস করছে স্বদেশে ॥

স্মৃতি

সব কিছুই আমাকে মনে রাখতে হয়,
 কুড়িয়ে রাখতে হয় ঘাসের পাতা,
 ফেঁসে-যাওয়া ঘটনার স্মৃতি,

ইঞ্চি মেপে মেপে প্রত্যেকটা বাড়ি
রেলের লম্বা লাইন ;
বেদনার মুখচ্ছবি ।

একটিও গোলাপবাড় যদি খোয়া যায়,
রাতের সঙ্গে একটা খরগোশও যদি তালগোল পাকায়,
কিংবা যদি একটি দেয়ালও
আমার স্মৃতিতে ভেঙে পড়ে,
আমাকে নতুন ক'রে আবার গড়ে নিতে হবে
হাওয়া, বাষ্প, পৃথিবী, পাতা,
চুন থেকে ইঁট অবধি,
আমাকে যা বিদ্ধ করেছিল সেইসব কাঁটা
নিষ্ক্রমণের গতিবেগ ।

কবির জন্মে তোমাদের মনে একটু দুঃখ হোক ।

আমি ছিলাম সারাংশ ভুলতে ব্যস্ত
আর আমার ঐ হাতছটোতে ধরা ছিল
শুধুমাত্র যা ধরাছোয়ার বাইরে
আর যতসব অবাস্তুর জিনিস,
যার সঙ্গে একমাত্র না থাকারই
তুলনা চলতে পারে ।

ষোঁয়া ছিল ঠিক একটা গন্ধের মত,
গন্ধের মত ছিল ষোঁয়া,
ঘুমন্ত একটি শরীরের স্বপ্নের মত,
যা আমার চুষনে জেগে উঠেছিল,
দোহাই, আমাকে জিগ্যেস ক'রো না কবে
কিংবা আমার দেখা সেই স্বপ্নের নাম—
আমি রাস্তা ঠিক করতে পারি না,

হয়ত সে রাস্তার কোনো দেশ নেই,
অথবা সেই সত্যটা বদলে গেছে,
অন্ধকারে জোনাকির মত
ভবঘুরে আলো করার জন্তে
দিন যাকে চেপে দিয়েছে ॥

হে পৃথিবী দাঁড়াও

হে সূর্য আমাকে রেখে এসো
আমার সেই প্রাকৃত বিধির নির্বন্ধে
সনাতন অরণ্যের বৃষ্টিতে,
আকাশ থেকে পড়া সৌরভ আর অসিগুলো,
গোচারণ আর পাথরের চাঁইয়ের নির্জন প্রশান্তি
নদীপ্রান্তিক আর্দ্রতা
ঝাড়ুয়ের গন্ধ,
বুকের কল্‌জের মত সজীব যে হাওয়া
প্রাণ্ড পাইনের ভিড়ক্লিষ্ট ছটফটানির মধ্যে
স্পন্দমান
—সব আমাকে ফিরিয়ে দাও ।

তাদের শিকড়গুলোর গুরুগভীর থেকে ওঠা
নৈশব্যের মিনার,
আমাকে ফিরিয়ে দাও, হে পৃথিবী, তোমার শুচিশুদ্ধ উপহার ।
আমি ফিরে যেতে চাই সেই হওয়ার মধ্যে
যা আমি হই নি ।
আর তেমনি গভীর থেকে ফিরে যেতে যেতে শিশুর
তাবৎ প্রাকৃতিক জিনিসের মাঝখানে
আমার বাঁচা সম্ভব কি সম্ভব নয়,

নদীবাহিত বাড়তি আরেকটি পাথর, কেলেকিটি পাথর,
নির্ভেজাল পাথর হলে
কিছু আসে যায় না ॥

প্রাচ্যদেশে ধর্ম

রেঙ্গুনে গিয়ে আমি উপলব্ধি করলাম
ঠাকুরদেব্‌তারা, ঠিক ঈশ্বরের মতই,
গরিবগুরুবাদের শত্রু ।

ঠাকুরদেব্‌তারা

সাদা সাদা তিমিমাছের মত
গা ঢেলে দিয়েছে স্ফটিকে,
ধানের মঞ্জরীর মত সোনায় মোড়া দেব্‌তারা ।
সর্পদেব্‌তারা পেঁচিয়ে রয়েছে
জন্মানোর পাপকে,
দিগম্বর আর মার্জিত বুদ্ধেরা
বিকট ক্রুশকার্ঠে আরুঢ় খ্রিস্টের মতন
অসার অমরত্বের
মাইফেলে মুচ্‌কি মুচ্‌কি হাসছে,
ওরা সকলেই সব পারে,
আমাদের ঘাড়ে চাপিয়ে দিতে পারে ওদের স্বর্গ,
শ্রেফ খুঁচিয়ে খুঁচিয়ে কিংবা পিস্তলের নলে
কিনতে পারে ভক্তি আর পোড়াতে পারে রক্ত,
নিজেদের ক্লীবতা ঢাকার জন্তে
মাহুঘেরই তৈরি সব ভয়ঙ্কর দেবতা,
ওখানে আগাগোড়াই তাই,
সারা মাটিতে গন্ধ ছাড়ছে স্বর্গ
আর স্বর্গাদি বিষয়ের যাবতীয় সওদা ॥

কবিতার ব্যাপার

আর এটা ঘটল সেই বয়সে...কবিতা এল
আমার সন্ধানে । আমি জানি না কোথা থেকে এসেছিল
জানি না শীতঋতু থেকে, না নদী থেকে,
কখন কেমন ক'রে কিছুই জানি না
না, কোনো কণ্ঠস্বর নয়, কোনো শব্দ নয়,
নৈঃশব্দ্যও নয়,
তবে আমাকে ডেকে আনা হয়েছিল রাস্তা থেকে,
রাতের ডালপালা থেকে,
অশ্রুদের মাঝখান থেকে হঠাৎ,
চারপাশের ক্ষিপ্ত আগুনের মাঝখানে
কিংবা একার প্রত্যাবর্তনে,
যেখানে আমার কোনো চেহারা ছিল না
আর এটা আমার কী ভালো যে লেগেছিল ।

আমি কোনো কথা খুঁজে পাচ্ছিলাম না, আমার মুখের
জানা ছিল না
নাম,
আমার চোখ ছিল অন্ধ,
আর কী যেন আমার অন্তরায় বা দিচ্ছিল,
জর কিংবা হারিয়ে-যাওয়া ডানা,
আর আমাকে নিজে নিজেই পথ করতে হচ্ছিল,
জলদগ্নির
রহস্য উন্মোচন ক'রে,
আর আমি ধ'রে ধ'রে লিখেছিলাম প্রথম অস্পষ্ট পঙ্ক্তি,
ঝাপ্‌সা ঝাপ্‌সা নিরবয়ব, আগাপাছতলা
অর্থহীন,
ডাহা প্রাপ্ততা
এমন একজনের যার কোনো জ্ঞানগম্য নেই,

আর আমি দেখলাম তৎক্ষণাৎ
আকাশ
অনাবৃত হয়ে
নিজেকে খুলে ধরেছে,
গ্রহতারা,
স্পন্দমান বাগিচা-বাগান,
শায়কে বিদ্ধ
ঝাঁঝরা ছায়া, আগুন আর ফুল,
কুণ্ডলিত রজনী, সারা বিশ্ব ।

আর আমি, এক অণুরও অণু,
এই বিশাল তারকাখচিত শূন্যে
মাতোয়ারা,
রহস্যের সঙ্গে
যার মিল, যার আদল,
মনে হল আমি যেন
ধরণীগর্ভের এক নিখাদ অংশ,
আমি ঘুরতে লাগলাম তারাদের সঙ্গে,
হাওয়ায় নিজেকে ছেড়ে দিল আমার হৃদয় ॥

আস্তেবাস্তে

একটু যেন ছিটগ্রস্ত বন্দর
এই ভালপারাইজো,
ছায়া আর নক্ষত্র দিয়ে,
চাঁদের আঁশ
আর মাছের ল্যাজ দিয়ে চেনা যায় ।
শুয়োরের লোমের মত খাড়া পাহাড়ে

নড়বড়ে সিঁড়ির ধারে
 উঠতে হৃৎকম্প হয় ।
 সেখানে কুয়াশার ভেতর নাচে
 বিষম দৈন্ত আর চোখের কালি,
 আর জানলায় জানলায় উত্তোলন করে
 এ রাজ্যের নিশান
 তালি-মারা বিছানার চাদর,
 মাঝাতার আমলের অন্তর্বাস,
 লটর পটর করা জাউয়া,
 সমুদ্রের সূর্য এইসব প্রতীককে অভিবাদন জানায়
 আর তার মধ্যে ধোয়া ধবধবে কাপড়গুলো হাত নেড়ে নেড়ে
 জাহাজহ্রদ যাত্রীদের বিদায় দেয় ।

দরিয়া আর দমকা হাওয়ার,
 বায়ু আর তরঙ্গে মোড়া দামাল দিনের মড়কগুলো,
 গলিঘুঁজিগুলো শামুকের খোলের মত পাক দিয়ে দিয়ে
 গাইতে গাইতে ওপরে ওঠে
 সওদাগরী বিকেলের কোনো রাখটাক নেই,
 সূর্যদেব সমস্ত মাল খুঁটিয়ে খুঁটিয়ে দেখেন,
 দোকানগুলো গছাবার জন্তে মুখ হাসি হাসি ক'রে
 মেলে ধরে শো-কেস আর দাঁতের পাটি,
 জুতো আর থার্মোমিটার,
 বোতলভর্তি সবুজ বিভাবরী,
 অপ্রাপ্য পোশাক, স্বর্ণবস্ত্র,
 মারাত্মক মোজা, নিরাস্বাদ পনীর,
 আর তাহলে এবার এই কবিতার
 আসল কথায় আসা যাক ।

এক দোকানের বাইরেটা
 কাঁচে ঢাকা

আর ভেতরে,
 চারদিকে ছড়ানো কালনিরূপক যন্ত্রের মধ্যে
 বড়ির কারিগর দোন আন্তেরিও আলারকন ।
 জলে-পুড়ে আর বা খেয়ে
 রাস্তাটা হাঁসফাস করে আর পাক খায়,
 কিন্তু কাঁচের ওপিঠে
 যোগাসনে স্থির
 টিক্‌টিক্‌ যন্ত্রের দণ্ডমুণ্ডের কর্তা
 সূত্রাচীন সেই বড়িওয়ালো,
 তার এক চোখে দূরাভিসারী দৃষ্টি,
 অন্য চোখে আঁচ করে অতলান্ত রহস্য,
 বড়ির অন্তরের অন্তস্তল,
 আর এক চোখ লাগিয়ে
 তন্নতন্ন ক'রে খোঁজে
 যতক্ষণ না ধরাছোঁয়ার বাইরে থাকা
 সময় নিরূপণের প্রজাপতিটাকে
 মাথার মধ্যে সে ধ'রে ফেলতে পারে,
 যতক্ষণ না বড়ির ডানাগুলো সচল হয় ।

দোন আন্তেরিও আলারকন হল
 দণ্ডপলের সেকলে নায়ক,
 নৌকোর ডেউ কাটে
 তার হাতের মানদণ্ডে
 বড়ির কাঁটায় তুলে দিয়েছে সে
 ঠিকঠিক স্পন্দিত হওয়ার
 গুরুভার ।

জাহাজী জন্মের নীলে
 সবদে স্নেহ ডেলে
 দোন আন্তেরিও তার জলাধারে
 সমুদ্রের সময়-মাংপার বস্তুগুলো পরখ ক'রে দেখে ।

পঞ্চাশটা বছর ধরে,
 তার মানে আঠারো হাজার দিন,
 ছেলেমেয়ে আর
 স্ত্রীপুরুষের একটা জনশ্রোত সমানে
 বয়ে গেছে কখনও বন্ধুর পাহাড়ে, কখনও সমুদ্রের দিকে,
 তখন ঘড়ির দঙ্কলের মধ্যে
 সেই ঘড়িওয়াল।
 কালশ্রোতে বন্দী থেকে
 একটানা শ্রোতের বিপরীতে
 অবিচল জাহাজের মত
 তরতরিয়ে গেছে,
 ঘষে ঘষে সমান করেছে কাঠ,
 আর একটু একটু ক'রে
 কারিগর হয়ে উঠেছে ওস্তাগর।
 বিবর্ধক কাঁচ আর তেল দিয়ে
 কাজ করতে করতে
 মুছে গেল মাৎসর্য, ঘুচে গেল ভয়,
 সার্থক তার কাজ আর তার ভবিতব্য,
 আজ এই পর্যন্ত, যেখানে সময়,
 সেই ভয়ঙ্কর অতিবাহন,
 তার সঙ্গে, দোন আন্তেরিওর সঙ্গে বোঝাপড়ায় এল,
 আর সে এখন ঘড়ির কাঁটায় প্রহর গুনছে।

সেই অসাব্যস্ত রাস্তা দিয়ে
 যখনই আমি যাই,
 ভালপারাইজোর কৃষ্ণবর্ণ সেই নদী,
 অনেক শব্দের মধ্যে একটি মাত্র শব্দ,
 আমার কানে আসে
 রাজ্যের ঘড়ির মধ্যে শুধু একটির টিক্ টিক্ :
 ক্লাস্ত, মাজিত, অক্ষুট ফিস্ফাস

আর এক নিখুঁত প্রকাণ্ড হৃদয়ের
মাবেকী চলন :
দোন আন্তেরিওর বহুবিক্রিত
আর বিনম্র টিক্ টিক্ ॥

টগবগিয়ে দক্ষিণে

ঘোড়ার পিঠে একশো কুড়ি মাইল,
মালেকো পাহাড় সমানে ওঠে নামে :
দুপাশে ক্ষেত সচ জলে-ঘোয়া,
গায়ে সতেজ প্রাণজুড়ানো হাওয়া ।

এ তল্লাটে পাথর আর গোধূম,
কোথাও পাখি সহসা ডেকে ওঠে
কিংবা জল গড়িয়ে গড়িয়ে লেখে
এই পৃথিবীর লুপ্ত কোনো লিপি ।

বৃষ্টি পড়ে, সমানে টিপ টিপ,
আকাশে হুচিহুম্ব জলধারা
কখন জলবৃষ্টিতে যায় মুছে
জোর কদমে ছুটন্ত সেই ঘোড়া

বৃষ্টি যেই সজোরে মাটি ধৌড়ে
চোখে আবার স্পষ্ট তার আকার,
আমি ছুটছি টগবগিয়ে হাওয়ায়
বৃষ্টির সেই ঘোড়ার পিঠে চেপে ।

বৃষ্টির সেই ঘোড়ার পিঠে চেপে
পেছনে ফেলে চলেছি এসব দিক,
বিরাট এই বিজ্ঞ আর্জতা,
পাথরে ঘেরা মালেকো মালভূমি ॥

নড়ছি না

তারার রাজ্যে সমানে টহল দেবে
ধাতব এইসব জিনিস,
নিরীহ চাঁদের গায়ে হাত তোলার জন্তে
খিন্ন মানুষেরা উর্ধ্বে চড়াও হবে ।
আর সেখানেই বসাবে তারা তাদের ওষুধের দোকান ।

আঙুরগুলোর ফুলে ফেঁপে ওঠার এই সময়টাতে
সমুদ্র আর পাহাড়ের মাঝখানে
জীবনের সাড়া জাগে মদিরায় ।

চিলিতে এখন নাচতে লেগেছে চেরীফুল,
শামলা মেয়েরা গাইছে,
আর গীটারে গীটারে জলের ঝিকিমিকি ।

সব দরজাতেই হাত ছোঁয়াচ্ছে রোদ্দুর
আর গমের মধ্যে দেখাচ্ছে তার হাতযশ ।

পয়লা মদ হয় গোলাপী
ছোট্ট মা-মণির মত মিষ্টি
দোসরা মদ
নাবিকের কণ্ঠস্বরের মত জোরালো,
আর পোখরাজ আর আফিমফুল আর আঙুন
সব এক ক'রে হয় তেসুরা মদ ।

আমার বাড়িটার সমুদ্রও আছে ডাঙাও আছে,
আমার গৃহিণীর আছে
বাদামী রঙের বড় বড় জংলা চোখ,
যখন রাত আসে

সমুদ্র পরে সবুজ আর গুচিসুত্র সাজ,
আর ঠিক সেই সময় ফেনগুঞ্জে গুয়ে
চাঁদ স্বপ্ন দেখে সমুদ্রকূলের নববধূর মত ।

আমি চাই না গ্রহ বদল করতে ॥

পতাকা

আমার পতাকাটি নীল, তাতে আড় ক'রে ধরা একটা মাছ, তাকে বেড়ি
পরাস্ছে আর খুলছে দুটি বাজুবন্ধ । শীতের সময়, যখন জোর হাওয়া দেয়,
এই পাণ্ডব-বর্জিত জায়গাগুলোতে কেউ যখন থাকে না, তখন সপাং-সপাং-করা
চাবুকের মতো পতাকার আওয়াজটা বেশ লাগে, আর মাছটা আকাশে
এমনভাবে সাঁতার দিতে থাকে যেন একেবারে জীবন্ত ।

লোকে জিগ্যেস করে, তো মাছ কেন ? তন্ত্রমন্ত্রের ব্যাপার নাকি ! আমি
বলি, আজ্ঞে হ্যাঁ, এটা হল মীনতন্ত্রের মন্ত্র, প্রাক্‌বৈদিক, জ্যোতিরাঙ্গিক, ভার্জিত,
স্বভাবী, কাব্যবিক, ভাজা মাছ ।

— তো ব্যস !

— ব্যস ।

কিন্তু চড়া শীতে, মাছটা নিয়ে সেই পতাকাটা দাপাতে দাপাতে উঠে
গিয়ে ঠাণ্ডায়, হাওয়ায়, আকাশে ঠক ঠক ক'রে কাঁপতে থাকে ।

টমেটোর ভজন

টমেটোয়
টইটপ্পুর রাস্তা
ভরছপুর,
খ্রীষ্ম,
রোদ
ভেঙে পড়ে
হু-
আধখানা
টমেটোয়,
রাস্তা দিয়ে
ছুটে যায়
রস ।
ডিসেম্বরে
টমেটোরা
বাধন ছেঁড়ে,
এসে চড়াও হয়
রান্নাঘরে,
প্রাতরাশ, কব্জা করে,
তাকগুলোতে
গা
ঢেলে দেয়,
বাটি গেলাস
মাখনের পাত্র
নীল লবণদানির সঙ্গে
গা ঘষে ।
টমেটোর আছে
নিজস্ব চেকনাই,
বেশ একটা রাজকীয়-ভাব ।

কি যে বিচ্ছিন্ন
 খুন আমাদের করতেই হবে
 ওর জ্যান্ত কোমল অঙ্গে
 চুকে যায়
 একটা ছুরি,
 লাল
 আঁতড়ি,
 এক তরতাজা
 অতল
 অফুরন্ত সূর্য
 চিলি-র
 আনাজ ভ'রে দেয়,
 রাঙা টুকটুকে পেঁয়াজকে
 হাসিমুখে পাত্রস্থ করে,
 আর ভোজের জন্তে
 জলপাই গাছের
 নির্ধাস
 অপত্য স্নেহ
 হাঁ-করা দুই গোলাধে
 দু-হাতে
 ঢেলে দেয়,
 তাতে যোগ হয়
 মশলার সজ্জাণ,
 মন মজায় লুন,
 বেজে উঠল, শোনো—
 দিনের বিয়ে বাগ্গি :
 ধনেপাতা
 তুলে ধরছে টুকটুকে নিশান,
 টগবগ টগবগ করছে আনু,
 কাবাবগুলো ম' ম' ক'রে

গন্ধ নিয়ে গিয়ে
দরজায়
বা দিচ্ছে :
সময় হয়েছে !
চলো ব'সে পড়ি ।
আর টেবিলের
ওপর,
গ্রীষ্মের মেথলায়,
টমেটোগুলো,
পৃথিবীর জ্যোতিষ্ক,
বহুগণিত
আর উর্বর তারাগুলো
তাদের সংবর্তন,
আর পরিপূর্ণতার
আর প্রাচুর্যের
খেল দেখাচ্ছে
হাতছাড়া,
খোলা,
বা আশ বা কাঁটা বিনা
আমাদের দিচ্ছে
গরগরে
আর বিলকুল গরম গরম
ভুরিভোজ ॥

কুঁড়ের বাদশা

ইস্পাতের এই জিনিসগুলো তারাদের পাড়ায়
তখন টহল দিয়ে ফিরবে,
গোবেচার চাঁদকে পিটিয়ে দ্বরমুশ করতে

নাজেহাল মানুষেরা ওপরে উঠে যাবে
আর সেখানে বসাবে তাদের ভূষিমালের দোকান ।

দ্রাক্ষাফল রসে ভরপুর হওয়ার এই হল সময়
সমুদ্র আর একসার পাহাড়ের মাঝখানে
শরাবে জাগছে জীবনের সাড়া ।

চিলিতে এখন চেরীফুল নাচছে,
জাম্বা রঙের মেয়েরা গাইছে
আর গীটারে গীটারে চিক চিক করছে জল ।

প্রত্যেকটি দ্বয়ের স্পর্শ করছে রোদুর
আর গমের শিবে দেখাচ্ছে যেন ভানুমতীর খেল ।

পয়লা শরাব গোলাপী
কচি শিশুর মত মিষ্টিমধুর ।
দোসরা শরাব সাজোয়ান
খালসীর গলার স্বরের মতন জোরালো ।
তেসরা শরাব হিরণ্ময়,
একাধারে আফিমফুল আর আগুন ।

আমার বাড়িটার সমুদ্রে আছে মাটিও আছে
আমার ঘরনীর আছে
হালকা বাদামী রঙের দুর্দান্ত চোখ,
যখন রাত নেমে আসে
সমুদ্রে প'রে নেয় স্বেতহরিৎ সাজ
আর তারপর জ্যোৎস্নায় ফেনপুঞ্জ দেখে
সমুদ্রশায়ী নববধুর মত স্বপ্ন ।

আমার কোনো বাসনাই নেই এ গ্রহ বদল করবার ॥

পলাতক

১

চোখের জল থেকে লেখার কাগজ, এক সাজপোশাক ছেড়ে অগ্নি সাজপোশাক
ঢাঙা রাস্তির বেয়ে, তাবৎ জীবনের ভেতর দিয়ে,
সেই দম-আটকানো দিনগুলোতে আমি ঘুরে বেড়িয়েছি।
বাইরে যখন ফুটফুটে আলো, নির্জন নক্ষত্রের ঠাসবুনানি,
পুলিশের চোখে ধুলো দিয়ে,
আমি পেরিয়ে গিয়েছি শহরের পর শহর,
জঙ্গলের পর জঙ্গল, ছোট ছোট খামারবাড়ি, ঘাটবন্দর,
কোনো একজনের ঘরদুয়ার থেকে
আরেক জনের ঘরদুয়ারে, কোনো একজনের হাত থেকে
আরেক জনের হাতে, তারপর আরেক জনের।
ঘনকালো রাত্রি, মাহুষ তবু ভাইকে দেয়
পথের দিশা ;
রাস্তা দিয়ে অন্ধকারে আমাকে অন্ধের মত হাত ধ'রে
পৌঁছে দিয়েছিল আলো কত দেহলিতে, এই ছোট্ট জ্যোতির্বিদ্যুতে
যা ছিল আমার,
জঙ্গলে ঝুটির সেই টুকরোর কাছে
নেকড়ের দল তখনও যা খেয়ে ফেলে নি।

এক রাত্রে আমি এসে পড়লাম
চারিদিকে ফাঁকা মাঠের মধ্যে এক আস্তানায়,
এর আগে ঐসব জীবনযাত্রা কারো চোখে পড়ে নি
কিংবা কেউ আঁচ করতেও পারে নি।
তাদের যাবতীয় কাজ, তাদের সময়সূচী,
আমার এই নতুন জানা হল।
আমি ঘরে ঢুকলাম, সংসারে ওরা পাঁচজন প্রাণী
রাতদুপুরে যেন হঠাৎ আঙন লাগায়
বড়মড় ক'রে ওরা সব উঠে পড়েছে।

আমি হাত ধরলাম

একজনের পর একজনের, মুখের দিকে তাকালাম

একজনের পর একজনের, ওরা আমাকে

কিছু বলল না : ওরা সেইসব ঘরদুয়ার

রাস্তা দিয়ে যেতে যাদের দিকে আমি কখনও তাকাই নি,

আমার মুখের আদল যাদের অচেনা সেইসব চোখ, আর

আমার দেশের শিয়রে বহুকষ্টে জেগে বসে থাকার জন্তে

সেই নিশ্চিত, নবাগত রাত্রে

আমি টান টান ক'রে বিছিয়ে দিয়েছিলাম আমার ক্লান্তি ।

ঘুমের অপেক্ষায়,

পৃথিবী তার বিস্তার প্রতিধ্বনি, তার

গলাফাটানো চিৎকার আর নির্জনতার লতাতন্ত নিয়ে

বহাল রেখেছিল রাত্রি,

আর আমি ভেবেছিলাম : 'আমি কোথায় ?

ওরা কারা ? কেন ওরা নিয়েছে

আজ আমার ভালমনের ভার ?

যারা এর আগে জীবনেও আমাকে দেখে নি,

কেন তারা আমার জন্তে অব্যাহত করে দ্বার,

রক্ষা করে আমার গান ?'

কেউ উত্তর দেয় নি,

শুধু মর্মরিত হয়েছিল পাতা-খসা রাত্রি,

শুধু ঝিঁঝিঁদের জাল বোনা ;

সারাটা রাত যেন তার পত্রলেখায়

তিরতিরিয়ে কঁপেছিল ।

আমার বাতায়নবর্তী নৈশ পৃথিবী

তুমি তোমার গুপ্তাধর আমার কাছে এনেছিলে

যাতে আমি স্থখে নিজা যেতে পারি,

যেন হাজার হাজার পাতায় দেহতার এলিয়ে দিয়ে,

মরশুম থেকে মরশুমে, নীড় থেকে নীড়ে,

এক তরুশাখা থেকে অল্প তরুশাখায়
যতক্ষণ না অচিরে আমি খুঁয়ে পড়ি,
তোমার শিকড়ে শিকড়ে মৃতের মতন পরম শান্তিতে ।

২

আঙুরক্ষেতে তখন ছিল শরৎকাল ।
তিরতির ক'রে কঁপেছিল অগুন্নিতি দ্রাক্ষালতা ।
মাথায়-খোমটা-টানা তাদের অমলধবল গুচ্ছ
মিষ্টিমধুর আঙুলে জড়িয়েছিল তুষার,
আর কালো আঙুরগুলো
কোনো নিহিত চক্রাকার নদী থেকে
ভ'রে নিয়েছিল তাদের টুকটুকে টান-টান স্তনবৃত্ত ।
বাড়ির যিনি কর্তা, সেই
হ্যাংলামুখো কারিগর
এই আলো-আধারির পাংশু যুগ্ম বইটি আমাকে প'ড়ে শোনালেন ।
তঁার মায়ামমতার নখদর্পণে ছিল প্রত্যেকটি ফল
গাছের প্রত্যেকটা কাণ্ড, তিনি জানতেন
কেমন ক'রে ডালপালা ছেঁটে
গাছকে দিতে হয় নিছক পানপাত্রের আকার ।
তঁার ঘোড়াগুলোর সঙ্গে তিনি কথা বললেন এমনভাবে
যেন তারা সব দশাসই ছেলেপুলে,
তঁার পায়ে আঠার মত লেগে রইল কুস্তাগুলো
আর বাড়ির পাঁচটা বেড়াল,
কারো ছিলা-টানা গয়ংগচ্ছ ভাব,
কেউবা পীচগাছের স্নিগ্ধ ছায়ায়
উদ্ভ্রান্তের মত ছুটছিল ।
তঁার জানা ছিল গাছের প্রত্যেকটা ডাল,
প্রত্যেকটা ক্ষতচিহ্ন,
আর ঘোড়াগুলোর পিঠে হাত বুলিয়ে দিতে দিতে
মুনিঋষিদের মত গলায় আমাকে তিনি সঙ্গপদেশ দিলেন ।

আবারও আমি চুঁড়তে থাকলাম অন্ধকার ।
 নগর পেরিয়ে, আন্দেজ্-এর পার্বত্য রজনী,
 উড়নচণ্ডে রাত্রি আমি নাছোড়বান্দা হওয়ায়
 উন্মীলিত ক'রেছিল তার গোলাপ ।

দক্ষিণে তখন শীতের মরশুম ।

তার উঁচু পাদপীঠে আরুঢ় হয়েছিল তুষারপুঞ্জ,
 হাজার হিমশলাকা নিয়ে
 জলেপুড়ে যাচ্ছিল ঠাণ্ডা ।

মাপোচো নদী তখন জমে-যাওয়া কালো ররফ ।

আর আমি তখন দুঃশাসন-কলঙ্কিত শহরে
 নির্বাক এ-রাস্তা 'ও-রাস্তার মাঝখান দিয়ে চলেছি,

হায়, আমি যেন স্বয়ং সেই নৈঃশব্দ্য,

ঠায় দেখছি আমার চোখ থেকে

বুকের মধ্যে গড়িয়ে গড়িয়ে পড়ছে নিরবচ্ছিন্ন ভালবাসা ।

এ-রাস্তা আর ও-রাস্তা,

রাতের বরফে-মোড়া চৌকাট,

মাহুষের নৈশ নির্জনতা,

আর ফোঁত-হওয়াদের মাটকোঠায়

তলিয়ে-যাওয়া শ্রামলারঙের আমার আপনজন,

সবকিছুই, কৃত্রিম আলোর

ছোট্ট কচি ভাল লাগানো সর্বশেষ গবাঙ্ক,

বাসাবাড়ির গায়ে বাসাবাড়ির

থোঁতলানো কালো প্রবালকীট,

আমার দেশের ক্লান্তিভুড়ানো বাতাস,

সব কিছুই ছিল আমার, সব কিছু

নিঃশব্দে আমার দিকে তুলে ধরেছিল

এক অফুরন্ত ভালবাসার হাঁ-মুখ ।

এক তরুণ দম্পতি খুলে দিয়েছিল আরও একটি দুয়ার
সেও ছিল আমার অজানা ।

মেয়েটির ছিল কাঁচা সোনার রং
ঠিক জুন মাসের মত । ছেলেটি
ঢাঙা ইঞ্জিনিয়ার । তখন থেকেই
আমি ভাগ বসাতে লাগলাম তাদের রুটিতে আর মদে,
একটু একটু ক'রে

আমি নাগাল পেলাম ওদের অজ্ঞাত নৈকট্যের ।
ওরা আমাকে বলল : ‘আমরা একসঙ্গে নেই
অনেকদিন,
আমাদের বিরোধ বরাবরের ;
আজ আমরা দুজনে একসঙ্গে হয়েছে আপনাকে অভ্যর্থনা জানাতে,
আজ আমরা দুজনে একসঙ্গে থেকেছি আপনারই অপেক্ষায় ।’
সেই ছোট্ট বাড়িটাতে
আমরা একত্রে মিলেছিলাম
একটি নিঃশব্দ দুর্গ বানাতে ।
এমন কি ঘুমিয়ে ঘুমিয়েও, আমি বজায় রেখেছি
নৈঃশব্দ্য ।

আমি ছিলাম একেবারেই
নগরীর করতলের মধ্যে, আমার প্রায় কর্ণগোচর হচ্ছিল
বেইমানের পায়ের শব্দ ; মাঝখানে দেয়াল
আর ঠিক তার ওপাশেই
কারাপালদের জঘন্য কণ্ঠস্বর,
তাদের ডাকাতে অটুহাসি,
আমার দেশের শরীরে বেঁধানো বুলেটের সঙ্গে মিশে যাচ্ছিল
তাদের মস্তাবস্থার স্থলিত কথাগুলো ।

হল্‌গের্স আর পব্‌লেভের * হেঁচ্কির চোটে
আমার নিঃশব্দ গায়ের চামড়া প্রায় ছড়ে গিয়েছিল,

* চিলির ক্যাপিস্ট একনারক গোস্থালেখ ভিদেলার দুই শাগরের

'ওদের ঘণ্টে ঘণ্টে চলা পদক্ষেপ আরেকটু হলেই
 ছুঁয়ে ফেলত আমার হৃদয় আর তার আশ্রন :
 ওরা আমার দেশের মানুষদের পাঠাচ্ছে যমযন্ত্রণার মধ্যে,
 আমি চোখের মণির মত আগলাছি আমার স্বাস্থ্যের তরবারি ।
 তারপর রাত্রে আবার সেই, 'বিদায় আইরিন,
 বিদায় আঁদ্রে, বিদায় নবীন বন্ধু,'
 বিদায় বাঁশের ভারী, নক্ষত্রমণ্ডলী,
 হয়ত বিদায় আমার জানলার সামনেকার
 সেই অসমাপ্ত বাড়ি
 যেখানে থাকত ব'লে মনে হয় কাঠিকাঠি স্ততোলি ভূতের দল
 বিদায় উত্তুঙ্গ গিরিশৃঙ্গ
 রোজ অপরাহ্নে যা আমার নজর কেড়ে নিত,
 বিদায় সবুজ নিয়ন চিহ্ন
 প্রত্যেকটি নতুন রাত্রি বিজ্ঞাপিত হত
 যার বিদ্যালেখায় ।

৫

অশ্রু এক সময়ে, অশ্রু এক রাত্রে, আমি গিয়েছিলাম
 আরও এগিয়ে ; উপকূলের পাহাড় পর্বত বেয়ে,
 প্রশান্ত মহাসাগরের কাছ বরাবর বিস্তৃত কিনারায়,
 তারপর সেখান থেকে পাক-খাওয়া রাস্তায়,
 সরু সরু অলিগলিতে : ভালপারাইজো বন্দরে ।
 আমি গিয়ে উঠেছিলাম এক জাহাজীর ঘরে ।
 আমার পথ চেয়ে বসেছিলেন তার মা ।
 বলেছিলেন, 'কাল তো সবে শুনলাম ।
 আমার ছেলে আমাকে বলল । আপনার নাম শুনে
 আমার ভেতরটা ঝিলিক দিয়ে গেল নিস্তাপ আশ্রন ।
 বললাম, কিন্তু আমাদের এখানে
 কীইবা শুঁকে আমরা দেব ? শুঁক তো কষ্ট হবে ।
 আমার ছেলে বলল, উনি আমাদের লোক,

গরিবের পক্ষে ।

আমাদের হতচ্ছাড়া জীবনকে ঘৃণা বা

উপহাস করার লোক নন উনি । শুনে বললাম, তাহলে ঠিক আছে-

আজ থেকে উনি হবেন আমাদের ঘরের লোক ।

বাড়ির আর ঘারা, কেউ আমাকে চিনত না ।

পরিষ্কার ধবধবে টেবিলঢাকা,

নিগূঢ়তম রাত্রি থেকে উঠে

ক্ষটিকের ডানায় ভর ক'রে আমার কাছে উড়ে আসা

ঐসব জীবনের মতই স্বচ্ছ জলের সোরাই

আমি তাকিয়ে তাকিয়ে দেখি ।

আমি জানলার ধারে যাই । ভাল্পারাইজো

উন্মীলিত করে তার ভয়চকিত সহস্র চোখের পাতা,

সমুদ্রের নৈশ হাওয়া বয়ে যায়

আমার মুখের মধ্যে,

পাহাড়গুলোর গায়ে আলো,

জলের ওপর বারদরিয়ার চাঁদের

বিকিমিকি, অন্ধকার

যেন সবুজ হীরায়

জলজলন্ত কোনো রাজ্যপাট,

জীবন আমার করপুটে ভ'রে দেয়

এইসব নতুনতর প্রশান্তি ।

আমি চারপাশে তাকাই : টেবিলে

থরে থরে সাজানো ; কুটি, গ্যাপকিন, মদ, খাবার জল,

আর মাটির গন্ধ আর কোমলতা

আমার জঙ্গী দুচোখ বাষ্পাকুল ক'রে তোলে ।

ভাল্পারাইজোর সেই জানলার ধারে

রাতের পর রাত আর দিনের পর দিন আমি কাটিয়েছি ।

আমার নতুন আশ্রয়দাতা সেই জাহাজীর দল

রোজ হস্তে হয়ে খুঁজে বেড়াতে কোনো জাহাজ

যা তাদের নিয়ে যাবে ।

বার বার গেছে আর
বার বারই তারা ঠেকেছে।

আতোমেনা জাহাজে
তাদের জায়গা হয় নি, স্থলতানাতেও নয়।
খোলসা ক'রে ওরা আমাকে বলেছিল :
অফিসারদের একে ওকে যদিবা ওরা ঘুষ দেয়
অস্ত্রেরা দেয় আরো বেশি।

সব কিছুই পচা-গলা
সান্তিয়াগোর রাজভবনেরই মতন।
এখানে একজন নায়ক
কিংবা মুন্সির পকেট তত বেশি ফুলে ঢোল হয় না বটে
যতটা হয় প্রেসিডেন্টের পকেট,
তবু অস্থিসার গরিবদের
কুরে খাওয়ার পক্ষে তা যথেষ্ট।
অস্থী প্রজাতন্ত্র, কুকুরকে লাঠিপেটা করে
চোরের দল,
পুলিশের হাতে বেত্রাহত
রাস্তায় রাস্তায় বুকাটা শুধু চিংকার।
ভিদেলা-গ্রন্থ, অস্থী দেশ,
ইতর জুয়াড়ির দল
তাকে ছুঁড়ে দিয়েছে গুপ্তচরদের বমির মধ্যে,
তাকে বিকিয়ে দেওয়া হয়েছে ভাঙাচোরা রাস্তার মোড়ে,
বিজাতীয় নিলামে খসিয়ে ফেলা হয়েছে তার সর্বস্ব।
এমন একজনের কজায় দুর্ভাগা প্রজাতন্ত্র
যে বেচে দিয়েছে তার নিজের মেয়েকে,
আর পরের হাতে তুলে দিয়েছে
ক্ষতবিক্ষত, কণ্ঠরুদ্ধ, হাতকড়ি-পরানো তার দেশকে।
জাহাজী দুজন এসে তারপর আবার বেরিয়ে গেল,
তারা টেনে হিঁচড়ে নিয়ে যাবে বস্তা, কলার কাঁদি, খাবার জিনিস,
আর সারাক্ষণ বুড়ু হুয়ে থাকবে ডেউয়ের লবণের জন্তে,

দরিয়ার রুটির জন্তে, ঢাঙা আকাশের জন্তে ।

আমার নিঃসঙ্গ দিনেহুপুরে
পেছনে স'রে গিয়েছিল সমুদ্র ; আমাকে অগত্যা
ছেড়ে চলে যেতে হল পাহাড়ে,
যেখানে মাথার ওপর ঝুলন্ত সব বাড়ি,
ভাল্পারাইজের প্রাণচাঞ্চল্যে স্পন্দমান সেই ধমনীতে
জ্যাস্ত মাতুষে উপ্চে-পড়া
উঁচু উঁচু পাহাড়, দরজায় দরজায়
আশমানী, ঘোর রক্তবর্ণ আর ফিকে লাল রং-করা,
ওপরে ওঠার ফোকলা সিঁড়ি,
ঝাঁক-ঝাঁক দীনহীন বারহুয়ার,
জরাজীর্ণ ঝুপড়ি,
সেইসঙ্গে সব কিছুর ওপর
লবণাক্ত বাষ্পের জাল ফেলা কুয়াশা,
খাড়া পাহাড়ের গায়ে
পড়ি-মরি ক'রে আঁকড়ে থাকা গাছ,
অমাত্মিক বাড়িগুলোর বাহুল্য হয়ে ঝুলে থাকা
শুকোতে-দেওয়া জামাকাপড়,
হঠাৎ হঠাৎ সিটি বাজার কর্কশ আওয়াজ :
যাত্রী ওঠার ফলস্বরূপ,
ছড়মুড় ক'রে পড়া আর ফিস্‌ফিস্‌ আওয়াজের সঙ্গে
পিণ্ডিপাকানো নাবিকদের কণ্ঠস্বর
নতুন পার্থিব পরিচ্ছদের মতন
আমার শরীরটাকে ঢেকে দিয়েছিল এইসব জিনিস,
দীনদরিদ্রের মাথা-উঁচু-করা শহরে,
উত্তুঙ্গ কুহেলির রাজস্বে যখন আমি বাস করছিলাম ।

পাহাড় এলাকার জানলা, ঠাণ্ডা কনুকে
 টিন-আকরিক ভাল্পারাইজো, ইটপাথরে
 আর মাহুঘের চিংকারে বিধ্বস্ত !
 আমার গোপন ডেরা থেকে দেখ—
 জাহাজে জাহাজে অলঙ্কৃত ধূসর পোতাশ্রয়,
 প্রায় নিখর নিস্তরঙ্গ
 চন্দ্রালোকিত জলরাশি,
 রুদ্ধগতি ভূপাকার লোহ ।

দূর অভীতের এক প্রহরে
 ভাল্পারাইজো, তোমার সমুদ্রে গিজগিজ করত
 পালতোলা ক্রুশতনু ক্ষিপ্রগতি জাহাজ,
 শোরা খালাস ক'রে গোধূমে-ঠাসা
 পাঁচ মাস্তলের গর্বিত বহর,
 তারা তোমার কাছে আসত গাঁটছড়াবাঁধা সমুদ্রে থেকে,
 ভ'রে দিয়ে যেত তোমার সমস্ত গুদামঘর ।
 সমুদ্রবক্ষে ঠিকত্বপুরে ঢ্যাঙা বাদামতোলা জলযান,
 সওদাগরী নৌকো, সামুদ্রিক রাত এলে
 হাওয়ায় ফুলে উঠত তার ধ্বজানিশান,
 তারা বহিত আবলুস কাঠ আর গজদন্তের
 মস্তণ স্বচ্ছতা, কফির স্ববাস
 আর অপরাপর চাঁদের নিচেকার রাত্রি,
 ভাল্পারাইজো, তারা পা বাড়িয়েছিল
 তোমার অরক্ষিত শান্তির দিকে, তোমাকে স্তম্ভিত
 ঢেকে দিয়ে । সমুদ্রে এগোতে এগোতে
 শোরায় ভরপুর পোতোসি
 ধরহরি কম্পমান হয় :
 মাছ আর ধুঁবাণ ; নীল মন্থন,

অপক্লপ তিমি, তারপর
 পৃথিবীর অস্ফাট অন্ধকার বন্দরের দিকে যাত্রা ।
 তখন গোটানো পালবাদামের মাথায়,
 গলুইয়ের পুংকেশর-স্তনাগ্নের ওপরে
 তাবৎ দক্ষিণের রাত্রি,
 যখন নৌকোর গায়ে খোদাই-করা মাতৃকা
 আর কাঁপুই-খেলা গলুইয়ের মুখমণ্ডলের ওপর দিয়ে
 নেমে এল গোটা ভানুপারাইজো-চিহ্নিত রাত্রি,
 পৃথিবীর কুমেস্বস্তুর রাত্রি ।

৭

তরুবৃক্ষহীন প্রান্তরে সেটা ছিল যবক্ষারের উষাকাল,
 শোরাখটিত গ্রহলোক কেঁপে উঠেছিল
 যতক্ষণ না জাহাজের বোঝাই-করা খোলের মতন
 চিলিকে বেশ করে ঠেসে দেওয়া হয়েছিল ।
 প্রশান্ত মহাসাগরের বালুকাবেলায়
 কোনে পদচিহ্ন না রেখে যারা চলে গিয়েছিল
 আজ আমি দেখেছি তাদের কতটুকু কী পড়ে আছে ।

আমার দৃষ্টি অজস্র ক'রে দেখ,

দেখবে আমার দেশের গলায় ঝোলানো
 পরিত্যক্ত ধ্বংসাবশেষ,
 পুষ্পস্তবকের যেন কঠোর, যেন সোনা-ঝরানো বৃষ্টি ।
 হে পথিক, ভানুপারাইজোর আকাশ থেকে
 অচ্ছেদ্য, আমার গতিরুদ্ধ চাহনি
 তোমার সঙ্গ নিক ।
 জঞ্জাল আর কুমেস্বর ঝড়বাতাসের মাঝখানে থাকে-
 রুদ্ধ দেহাতের শ্রাম্ভা ছেলে
 চিলির মাহুয় ।
 পাহাড়ের ফিনফিনে
 ঢালজমি আঁকড়ে

চিড়-ধরা জানলার শাঁসি, ভাঙা ছাদ,
 ধসে-যাওয়া দেয়াল, হুয়ে-পড়া দরজা ।
 গলাধসা চুনকাম, মাটির কাঁচা মেঝে ।
 ভাল্পারাইজো, অন্তি গোলাপ,
 ভাপ্সানো নাবিকের শব্দধার !
 তোমার কষ্টকিত পথঘাট দিয়ে,
 তোমার অল্পকটু কানাগলির মণিমুহূট দিয়ে
 আমাকে তুমি ক্ষতবিক্ষত ক'রো না,
 তোমার সাংঘাতিক জলাভূমিতে
 দৈন্তদশায় পিষে-যাওয়া শিশুটিকে
 আমাকে দেখিও না !
 তোমাতে আমি বরণ করি দুঃখক্লেশ
 আমার দেশবাসীর জন্তে,
 আমার সমগ্র মাকিন পিতৃভূমির জন্তে,
 তোমার হাড়গোড় থেকে টেঁছে নেওয়া সেই সব কিছুর জন্তে
 যা তোমাকে ঢেকে দেয় গাঁজলায়,
 তলিয়ে-যাওয়া এক সব-খোয়ানো দেবী তুমি,
 যার লুপ্তিত মিষ্টি বুকের ওপর
 হিংস্র কুকুরের দল প্রস্রাব করে ।

৮

ভাল্পারাইজো, তুমি যা কিছু বেঁধে রাখো,
 এমন কি তোমার শান্ত জলদ মেঘের ওপারেও, হে সমুদ্র-বধূ,
 তোমার সমস্ত রশ্মিচ্ছটাকে আমি ভালবাসি ।
 নৈশ-সমুদ্রের নাবিকের জন্তে
 তুমি যে প্রচণ্ড আলো ফেলো আমি তা ভালবাসি,
 তখন তুমি দ্ব্যতিমান, দিগম্বর,
 অগ্নিশিখা আর কুহেলিকা, গোলাপের আকার নিয়ে
 লেবুর মঞ্জরী ।
 কাউকে তোমার আশ্রয়স্থায় ডেকে না, কিংবা

যা আমার প্রিয় তার দিকে
 কাউকে দিও না মারমুখো মুষল হাতে এগোতে ;
 তোমার নিহিত যা কিছু তার জন্তে শুধু আমি ।
 তোমার হৃৎকধবল হিমঝুরির জন্তে,
 যেখানে সাগরের লবণ মাতৃকা তোমাকে চুষন করে
 সেই জীর্ণ পৈঠাগুলোর জন্তে একা আমি,
 আমার সিকুনন্দিত প্রিয়া, ভাল্পারাইজো,
 তোমার শিখরচূড়ার আবহে উদ্ধৃত
 তোমার হিমশীতল সমুদ্রপরীর কিরীটে ছোঁয়ানো
 একা আমারই ওষ্ঠাধর ।
 পৃথিবীর সমুদ্রোপকূলের রাণী,
 জাহাজ আর তরঙ্গমালার চক্রনাভি,
 তুমি আমার অভ্যন্তরে চাঁদের মত,
 অথবা তরুকুঞ্জের ভেতর দিয়ে নির্গলিত হাওয়ার কুটিলতা ।
 আমি ভালবাসি তোমার অপরাধপ্রবণ অলিগলি,
 পাহাড়ের মাথার ওপর চাঁদের ফলা,
 আর তোমার সেইসব বাজারপট্ট
 ডাঙার নাবিকেরা যেখানে বসন্তকে নীলরঙে ঢেলে সাজায় ।
 হে আমার বন্দর, দয়া ক'রে তুমি বোঝো
 স্ব আর কু সঙ্কল্পে তোমাকে লেখার
 আমার অধিকার আছে,
 কেননা আমি এক নির্দয় বাতির মতন
 ভাঙা বোতলগুলোকে ভাস্বর করে তুলছি ।

৯

আমি ঘুরে বেড়িয়েছি নামী নামী সাগরে,
 বরমাল্যের মতন বহুতর দ্বীপে,
 সাগরবিহারী কবি আমি,
 সফরে সফরে আমি স্পর্শ করেছি
 দূরতম ফেনরাশি,

কিন্তু, সর্বময়ী হে সাগরিকা, তুমি ছাড়া
আর কেউই আমার হৃদয়ে নোঙর ফেলে নি ।
বিপুল সমুদ্রের
পর্বতাকীর্ণ রাজধানী তুমি,
তোমার সেন্টরের* আসমানী কোল বরাবর
খেলনার দোকানের
লাল নীল রং বুকে নিয়ে
তোমার উপকণ্ঠগুলো জল্জল্ করছে ।
বলিষ্ঠতম সাগরের উন্মত্ত ঝড়
হিমবাহী হাওয়ার

সবুজ তুফান

তোমার মিশ্‌মার ভূখণ্ডের যন্ত্রণা,
তোমার নিহিত পাতালের বিভীষিকা,
তোমার উঁচু ক'রে ধরা মশালের গায়ে
সারা সাগরের ফেনপুঞ্জ যদি আছড়ে প'ড়ে
তোমাকে ছায়াবৃত পাহাড়ের পরিমাপ,
সমুদ্রের জলোচ্ছ্বাসে
ঝড়ঝঞ্ঝায় তৈরি মঠমন্দিরের গড়ন না দিত,
তাহলে তোমার ছোটখাটো ঘরবাড়ি আর
একপ্রস্থ চাদরে চাপানো ইঞ্জির মতন
রণতরী লাতোরে স্বল্প
তোমাকে স্বচ্ছন্দে একটি নৌ-বোতলে ভরে দেওয়া যেত ।
আমি তোমাকে আমার ভালবাসা জানাতে চাই, ভালপারইজো,
পরে আবার আমাদের দুজনেরই বন্ধন ঘুচলে
তোমার সন্ধিস্থলে আমি ফিরে আসব থাকতে ।
তুমি থাকবে তোমার হাওয়া আর ঢেউয়ের সিংহাসনে,
আমি আমার আর্দ্র, অন্তর্দর্শনের মাটিতে ।
সমুদ্রে আর হিমরেখার মাঝখানে
আমরা দেখব স্বাধীনতার উত্তরণ ।

* মানুষের উদ্ভবের সঙ্গে বোড়ার অধমাল যুক্ত গ্রীক পুরাবর্ণিত দানব

ভাল্পারাইজো, হে রাজেন্দ্রাণী ।

একচ্ছত্র দখিনা সাগরের

নিভৃত নির্জনতায় তুমি একা ।

তোমার প্রত্যেকটি হৃদে খাড়াই

আমি ঠাইর করে দেখেছি,

আমি অহুভব করেছি মুঘলধারে তোমার নাড়ির স্পন্দন,

রাশ্তিরে যখন আমার মন কেমন করছিল

তখন ডকমজুরের হাত দিয়ে

আমাকে তুমি বুকের মধ্যে টেনে নিয়েছিলে,

তোমার আমলের ফুলঝুরিতে

ছড়ানো ছিটানো নীল আঙনের জেলায়

তব্ধে বসে তোমাকে আমার মনে পড়ছে ।

জলের রাণী, হে দক্ষিণী আল্‌বাকুরা,*

বেলাভূমিতে তোমার মত আর কেউ নেই ।

১০

এমনি ক'রে রাতের পর রাত

সমুদ্রোপকূলশায়ী সমগ্র চিলিকে ছায়াচ্ছন্ন করা

সেই অন্ধকার প্রহরে,

দ্বয়োরে দ্বয়োরে গিয়েছি আমি

এক পলাতক ।

আমাদের দেশের প্রতিটি খানাখন্দে

অগ্নসব মাথা-নত-করা বাড়ি, অগ্ন সব হাতে থেকেছে

আমার পদশব্দের অপেক্ষায় ।

হাজার বার

তুমি ঐ আঙিনা দিয়ে গেছ, ঘুণাক্ষরে একটি কথাও

তোমাকে বলে নি, রং-না-করা ঐ দেয়াল,

গলায় শুকনো ফুলের মালা দেওয়া ঐসব জানলা ।

আমারই জন্তে ছিল এই রহস্য ;

* ম্যাকারেল জাতের এক রকমের বড় সামুদ্রিক মাছ ।

আমারই অপেক্ষায় প্রাণচঞ্চল ;
 সে ছিল আত্মবলিদানে ভরা
 কয়লা-খনির অঞ্চলে ;
 ছিল কুমেরুর দ্বীপবহুল সমুদ্রের ঘনিষ্ঠ
 উপকূলভাগের বন্দরে বন্দরে ;
 শোনো : হয়ত সে ছিল
 কোলাহলময় রাস্তা বরাবর,
 রাস্তার আওয়াজের দ্বিপ্রাহরিক সঙ্গীতের মাঝখানে,
 কিংবা অজ্ঞান জনতার সঙ্গে কোনো প্রভেদ না থাকে
 পার্কের ঠিক পাশের সেই জানলায়,
 টেবিলের ওপর ছাঁকা এক বাটি স্বরুয়া
 আর মনপ্রাণ ঢেলে
 সে কিন্তু থেকেছে আমারই অপেক্ষায় ।
 সব ঘরদুয়ারই ছিল আমার,
 সবাই বলেছে : ‘উনি আমার ভাই,
 গুঁকে নিয়ে এসো এই দীনের কুটির’
 আমার দেশ যখন
 এক বিকট ধাতাকলের মত,
 যখন অসম্ভব দমনপীড়নে কলঙ্ককলুষিত ।
 এসেছিল হুদে টিনমিস্ত্রি,
 কমবয়সী মেয়েগুলোর মা,
 অলবড্যে খেতাল,
 সাবানের কারিগর, সভ্য-শুভা
 মেয়ে ঔপন্যাসিক, আপিসের মাছি-মারা
 কনিষ্ঠ কেরানি, ওরা সবাই এসেছিল,
 আর ওদের দরজায় দরজায় আঁটা থাকত
 এক গোপন সংকেত, যেন দুর্ভেদ্য দুর্গের মত
 পাহারায় থাকত একটা চাবি,
 যাতে রাত্রে, দিনে বা অপরাহ্নে
 আমি সহসা ঢুকে যেতে পারি

এবং অচেনা হলেও যে কাউকে বলতে পারি :

“ভাই তুমি জানো আমি কে,

বোধহয় তুমি আমার জেগেই অপেক্ষা করছিলে।”

১১

হাওয়ার বিরুদ্ধে, বেইমান, কী তুমি করতে পারো ?

বেইমান, কী তুমি করতে পারো সেই সব কিছু বিরুদ্ধে

যা মুকুলিত হয় আর শ্রীমন্ত হয়,

যা স্থির আর সজাগ,

যা আমার দিকে হাত বাড়ায়

আর তোমাকে টান মেরে ছুঁড়ে ফেলে ?

বেইমান, যাদের তুমি ছলনা দিয়ে কিনেছ

তাদের দিকে তোমাকে অনবরত ছুঁড়ে দিতে হবে চাঁদির টুকরো।

বেচবার পর কেউ অনুতপ্ত হওয়ার আগেই,

বেইমান, তাকে তোমাকে কয়েদ, নির্বাসন আব যন্ত্রনা দিতে হবে

আর শোধ তুলতে হবে তড়িঘড়ি ;

কিন্তু ঘৃণ-খাওয়া রাইফেলের চক্রবাহে

তোমার পক্ষে ঘৃণনাই দায়,

সেখানে আমি থাকি আমার জননী-জন্মভূমির কোলে

রাতনিশীথের এক পলক !

কী শোচনীয় তোমার ক্ষণভঙ্গুর আর

পতনোন্মুখ বিজয় !

যেখানে আমার পাশে আরাগ, এরেনবুর্গ,

এলুয়ার, পারীর কবির,

ভেনেজুয়েলার বীর লেখকেরা,

এবং আরও সব অনেকে ;

বেইমান, তোমার চারপাশে শুধু।

এস্কানিলা, কেভাস, পেলুশোনা আর পব্লেতে !*

আমার দেশের মাছুষ মই তুলেছে ঊচুতে,

* ভিদেলার শাগরেদ

আমার দেশের মানুষ লুকিয়ে রেখেছে মাটির নীচে গুমঘর,
আমার জননী-জন্মভূমির কোলে উঠে আর তার ডানায় ভর দিয়ে
আমি ঘুমোই, স্বপ্ন দেখি আর ভেঙে গুঁড়িয়ে দিই তোমার সীমান্ত ।

১২

নীরব রাত-প্রাণীরা, যারা ছায়ায় মথ্যে
আমার হাত ধরেছিলে,
তোমাকে, তোমাদের সবাইকে ;
অমর আলোর বাতিদান, নক্ষত্রের নক্ষত্রীকাঁথা,
প্রাণধারণের ক্রটি, আমার গোপন ভাইরা,
সবাইকে তোমাদের, সবাইকে আমি বলি :
শুধু কৃতজ্ঞতা কেন,
এমন কিছুই নেই যা ভ'রে দিতে পারে
তোমাদের গুরুত্বের পানপাত্রগুলো,
কিংবা যা পারে তোমাদের নিরুদ্ভিগ্ন মর্যাদার মতন
অপরাজেয় বসন্তের ধ্বজায়
সূর্যকে ফুটিয়ে তুলতে ।
আমি শুধু ধ'রে নিতে পারি
হয়ত আমার ষোপার্জিত
এই সহজ সরলতা, এক অপাপবিদ্ধ ফুল,
হয়ত তোমরা আর আমি অভিন্ন, একেবারে এক,
মাটি, ময়দা আর গানের সেই কণা,
সেই স্বাভাবিক তাল, যে জানে
কোথা থেকে সে এসেছে,
কোথায় তার স্থান ।
আমি তেমন দূরের ঘণ্টাধ্বনি নই,
কিংবা নই তেমন গভীরে প্রোথিত সূর্যকান্তমণি
যে, তুমি আমার পাঠোদ্ধার করতে পারবে না,
আমি নিছক দেশের মানুষ, গুপ্ত গৃহদ্বার,
কালো ক্রটি, আর তুমি যখন আমাকে স্বাগত জানাও

আমি জনসাধারণ, অগণন জনসাধারণ,
স্বকৃতাকে পাড়ি দেওয়ার আর
অন্ধকারে অন্ধুর জাগানোর
হুস্পষ্ট ক্ষমতা ধরে আমার কণ্ঠস্বর ।
যত্ন, দুর্ভোগ, ছায়া, বরফ
অতর্কিতে বীজের ওপর নেমে আসে ।
আর লোকে যেন মাটিচাপা পড়ে ।
শস্য তবু পৃথিবীতে প্রত্যাবর্তন করে ।
তার লাল অপ্রশস্ত হাত
সে চালিয়ে দেয় স্বকৃতার ভেতর দিয়ে ।
যত্ন থেকে এসে যায় আমাদের পুনর্জীবন ॥

ଜଳ ସହିତେ

শ্রদ্ধেয় প্রবোধচন্দ্র সেন মহাশয়কে

বোবা কোকিল

কথা চাপিয়ে

কথার পৃষ্ঠে

কাটছিল দিন

কষ্টে-কষ্টে

এখন যে কী মুশকিল !

হয়ত কেউ

পঞ্চাশোর্ধ্ব

ঠাট্টা ক'রে

খাঁচার মধ্যে

বসিয়ে দিয়ে গিয়েছে এক কোকিল ।

ভালো ছিলাম

ভুলে ছিলাম

মনে পড়ে না

কার যে কী নাম

সে-কোন্ পাহাড় ? সে-কোন্ নদী ?

খুলে বুকের

সমস্ত খিল

খাঁচার বন্ধ

বোবা কোকিল

হঠাৎ ডেকে ওঠে যদি...

হটাবাহার

দেখ, কলকাতা ?

দেখ, বিনয়-বাদল-দীনেশ !

চোখের জল মুছতে মুছতে...

তোমাদের সন্ধ্যাইকে ছেড়ে চলে যাচ্ছে, দেখ—

ঠালাগাড়িতে চ্যাংদোলা ক'রে তোলা,

দড়িদড়ায় বাঁধা

এই শহর থেকে হটাবাহার

একসার

উঠবন্দী সংসার...

পায়্যা-ভাঙা নড়বড়ে তক্তাপোশের কোলে, দেখ—

ডালার ওপর গোলাপের গায়ে 'সুখে থাকো' লেখা

কব্জাহীন রং-চটা ময়চে-পড়া কবেকার এক

বিয়েয়-পাওয়া টিনের তোড়ং

লালখেঁরোয় বাঁধানো

পোকায় কাটা

ভিনপুরুষে জমানো পুরনো পাঁজি

মাটির কাঁধ-ভাঙা তোলা-উন্নতির পাশে কয়লা-মাখা তালপাতার

ছেঁড়া হাতপাখা

শিয়রে প্রিয়জন, ফুলের তোড়া

চোখে তুলসীপাতা
বুকে গীতা নিয়ে
শ্মশানের ফস্-করা আলোয় তোলা
হল্‌দে হয়ে যাওয়া
মা বাবার জীবনের একমাত্র ফটো
আর তেল-সিঁ‌দুরে তোলা গুরুদেবের পায়ের ছাপ

হেঁ‌ড়া নামাবলীতে জড়ানো লক্ষ্মীর পাঁ‌চালী
অষ্টোত্তর শতনাম
আর মলাট-খসা রেডবুক

ছানি-কাটা চোখের পুরু কাঁ‌চের খাপছাড়া চশমা
কাঁ‌কানি খেয়ে তার গায়ে এসে পড়া
লোহার কাজল-লতা
আর হামানদিস্তার ঠুঁ‌ঠাং
ঠুঁ‌ঠাং

আরশোলা-ভর্তি লালবাজারে তৈরি রী‌ড-খসা বেলো-খোলা
হারমোনিয়ামের ওপর
কাঁ‌চের ফ্রেমে-বাঁ‌ধানো রামকৃষ্ণ পরমহংস,
ঘোড়ায় চড়া নেতাজী,
গালে হাত দেওয়া স্বকান্ত
আর মাছের আঁ‌শ জোড়া দেওয়া রাজহাঁ‌স

ছাকড়ায় জড়ানো আঁ‌শবঁ‌টির পাশে শিলনোড়া
চটের ওপর লালনীল স্‌তোয় ফুলতোলা আসনের ওপর
সাদা শাঁ‌খ আর শ্বেতপাথরের খলহুড়ি

টিয়াপাখির শূঁ‌ছ জং-ধরা খাঁ‌চার পাশে
মরা তুলসীর টবে,

লোহার ফুটো বালতির মধ্যে
পুরনো শিশিবোতলের ভিড়ে

মুখ-লুকোনো ভীকু কবিতার খাতায়
ফুঁপিয়ে ফুঁপিয়ে শ্বাস ফেলছে
হাওয়া...

কেননা ঘুড়িগুলোকে হটিয়ে দিয়ে
আকাশে মাথা তুলছে ডুঁইকোড় উচু উচু বাড়ি

ফুটপাথগুলোকে কোণঠাসা ক'রে
ছনিয়ার পায়ে দেশ বাঁধা দিয়ে
দুপাশে হাতপা ছড়াচ্ছে গাড়ির রাস্তা

মা-বাবাকে দূরে হটাচ্ছে মাঝিভ্যাডি

দেয়ালে আশার বাণীগুলো মুছে
ফটকে নিয়নের আলোয় লেখা হচ্ছে
'শুভ লাভ' ॥

তো

রাস্তাগুলো খোঁড়া হ'চ্ছে
রাস্তাগুলো খোঁড়া করছে
কারণ, রাস্তা বড় হ'চ্ছে
হবেই তো—

কতদিন আর থাকবে বাচ্চা ?

চাকায় হাড় মড়মড়িয়ে

গাড়ি যাবে গড়গড়িয়ে
তবেই তো ।

খালি বাজান,
ও মেরি জান—
বহৎ আচ্ছা ।
বহৎ আচ্ছা ।

উচু উচু পেল্লায় বাড়ি
আহা-হা তা
উঠবেই তো !
আমাদেরও ওঠার পালা
এল এবার ;
যা করবার
তাড়াতাড়ি !
তাড়াতাড়ি !

যার নেই চাল, যার নেই চুলো
তাদের চোখে
বাড়িগুলো
তা একটু ফুটবেই তো !
আসল কথা, চাই প্রতিভা—
পরের কষ্টে যাদের রেষ্ট
তারাই লাভ করে কেউ ।
আহা, কেউর জীব
করলই বা !

যত স্তব্ধে, ভাড়াও তত
লাফিয়ে লাফিয়ে
বাড়বেই তো !

দিন দিন যা
 ঢ্যাঙ্কোর বহর
মশাইয়ের নাড়ি
 ছাড়বেই তো ।

তার চেয়ে, আমি বলছিলাম কী,
(বক্তা আপনার শুভাকাজক্ষী)

ক'রে হাঁটি-হাঁটি পা-পা
যান চ'লে
 এইবেলা ধাপা ।
দিনের আলোয়
 ভালোয় ভালোয়
 ছাড়ুন শহর ।

গাছিয়ে গাছিয়ে যাদের থাকার
 থাকবেই তো ।
যারা ওঠে ফেঁপে ফুলে
 মধু লোটে ফুলে ফুলে
 তারাই আজ উড়ে উড়ে
 এসে বসছে শহর জুড়ে ।

নিচের লোককে পাতালে ফেলে, হাঁ জী
 রাখবেই তো ।
তৈরি হচ্ছে ফুতির ফোয়ারা
 নদীর ধারে,
 পার্ক পার্কে ।

চোপ্ বাঙালী, হৈজিপাজী,
 তোরা সব কলকাতার কে ?

বোনটি

বাপ গিয়েছে স্বর্গে ;
দাদার লাশ
মর্গে ।
ভালো চাস তো, যা এইবেলা
ধর গে
ঐ অমুককে —

কী ক'রে যাই,
আজ্ঞা ।
গুরই ক্ষেতে বর্গা ।
ধরনা দেবার একটাই জায়গা
বড় পীরের দয়্যা ।

ইস্কুলের মাঠে সারি সারি
গোঁ গোঁ করে
কালো গাড়ি ।
ঐ অমুকের বাড়ি থেকে যায়
বড় বড় চাঙারি ।

ব'লে লাভ নেই
মোড়লকে ।
বোবা-কালো হ'লে মেলে
উচুয়হলে কঙ্কে ।
আসলে বোন, দেখ্ কার ঘন
ক'রে রেখেছে দখল কে ?

কিড়িং কিড়িং
সাইকেলের ঘণ্টি ;

পিঠে বন্দুক, গলায় কষ্টী ।
ঝোপের মধ্যে জলদি জলদি
গা ঢাকা দে, বোনটি ।
আমার আছে লঙ্কার ঝুড়ো
তোর রয়েছে সড়কি ।
আমাদের ভয়ভর কী ?

জীবনে প্রথম

রায়পুরহাট লোকালে
চলেছি
বিকেলে

সায়নে আকাশ মোড়ানো
রোদের
নিকেলে

সঙ্গে ক'জন
হাঁটুর বয়সী
জাপানী

আদার গন্ধে
জল আনে জিভে
চাপানি

জংশনে ট্রেন ।
ছিন্নভিন্ন
বাংলা

বনবাসে যায় ।

দ্রুত ফেলে দিই

জানলা

ডেকে ডেকে কাছে বসাই ।

কথায়

ভোলাই

হাতে ঢেলে দিই

জমানো যা ছিল

ঝোলায়

ঘুরে যায় ট্রেন

যেদিক দেখায়

কম্পাস

থলেছি জানলা ।

আধারে গা ঢেকে

বনপাশ

হারুমি হঠাৎ

লাফিয়ে উঠল ।

ও নাকি—

নিশ্চিহ্ন এ আধারে দেখেছে

জীবনে প্রথম •

জোনাকি ॥

ব'সে আছি

বড় শিটা সইবহরে ফেলে
হাত-টাত ধুয়ে
বসে আছি

ডোবালেই টানব ।

হাজারটা চোখ লাগিয়ে রেখেছি
ফাৎনায় —

ভারা যে ষার বাটথারায়
অধরা মাছটার
ওজন নিচ্ছে ।

কোথাও বুড়বুড়ি কাটছে

কোথাও ঘাই দিচ্ছে

ছোট

বা বড় —

সব অস্তিত্বই যেভাবে জানান দেয়

মাহুঘের চোখগুলোর দিকে
আমি

ঠায় চেয়ে রয়েছি

চোখগুলোর ভেতরেই
অমি দেখতে পাচ্ছি

জল ।

ফাৎনাটা সেখানে

ডুবলে

সঙ্গে সঙ্গে আমি টের পেয়ে যাব ।

তাই আমি

হাত-টাত ধুয়ে—

গ্যাট হয়ে ব'সে আছি

ফাৎনাটা ডুবলেই

টানব ॥

হাওয়া

পরে এসে

আগে চলে যাওয়া

এখন

উঠেছে কী যে হাওয়া

টিকি বাধা রয়েছে

পুরাণে

জন্মস্থানে

কাজ করি ফুরানে

সন্ধ্যা হোক

কচলে হাত ধোবো

তারপর, আঃ

লম্বা হয়ে শোবো

অমনি শিয়রে

বসবে কাজী

থুথু দিয়ে

বলবে, ময় পাজী

এখন উঠেছে তাই

হাওয়া

পরে এসে

আগে চলে যাওয়া ॥

শেষ বাজি

লোকটাকে আমি শেষবার দেখি

লেক-মার্কেটের সামনে ।

বিশ্বছিন্নিয়াকে যেন ট্যাকে পুরে ফেলেছে—

এমনি একটা ভাব ক'রে

সে

লটারির টিকিট কিনছিল ।

অথচ একটু আগে

থাবে ব'লে
আমার কাছ থেকেই

টাকাটা
সে চেয়ে এনেছিল।

একবার ভাবলাম
ওর হাত মুচ্ড়ে

টাকাটা

কেড়ে নিয়ে আসি।

কিন্তু ওর মাথা উঁচু ক'রে সদর্পে দাঁড়ানোর ভঙ্গি দেখে
আমি কেমন যেন
চুপ্‌সে গেলাম।

সেইসঙ্গে মনে হল

আড়ালে দাঁড়িয়ে দেখাই যাক

লোকটা
এরপর কী করে।

আমার দিকে যখন সে ফিরল

ভার
চোখমুখের চেহারাই আলাদা।

পাশেই দামী দামী সব জিনিসের দোকান,
শো-কেন্সের সামনে গিয়ে
সে দাঁড়াল।

তাকে দেখে মনে হচ্ছিল
ইচ্ছে করলে
বিশ্বব্রহ্মাণ্ডই সে কিনে নিতে পারে ।

তারপর গটগট করে সে যখন রাস্তা পার হচ্ছিল

মাঝখানে ট্রাম এসে পড়ায়
আমার দৃষ্টিপথ থেকে
হঠাৎ সে হারিয়ে গেল ।

বাড়ি ফিরে ঠিকই করেছিলাম
এরপর যখন সে আসবে
তার মুখের ওপর আমি দরজা বন্ধ করে দেব ।

লোকটা আসে নি ॥

তুঘলক লেনে

বাড়ি করেছি রাজধানীতে ।
স্বরকি-চুনে
হৃদয় গাঁথা ।

ধরানো রং
রুকের খুঁনে ।

পায়ের নিচে জমি পেয়েছে
ভবিষ্যৎ ।
সামনে আশা,
বলিষ্ঠ হাত
টানছে রথ ।

অন্ধকারে জলছে আলো
নিদ্রাহারা ।
ফটক খুলে
পাহারা দেয়
ফুলের চারা ।

বাড়ি করেছি ।
নীল আকাশে তুলেছি ছাদ ।
লাল নিশানে
ধরছি সূর্য
ধরছি চাঁদ ॥

আপ্তন লাগলে

শেষ কিভাবে হবে
এই নিয়ে আমার তখন দারুণ কৌতূহল

পিঁপড়ের মতন
সার দিয়ে
অক্ষরগুলো মুখ বদলাতে বদলাতে

আমাকে নিয়ে চলেছে

গায়ে-কাঁটা-দেওয়া
এমন এক
জায়গায়

যেখানে
আসল যে খুনী
সে ঠিক ধরা প'ড়ে যাবে ।

আমার সমস্ত চেতনা জুড়ে
যখন
টান-টান হয়ে আছে

একটা কী-হয় কী-হয় ভাব—

তখন
যেন একটু নিশ্বাস নেওয়ার জন্তে
জলের তলা থেকে
হাঁকুপাঁকু ক'রে ভেসে উঠল—

মাথার ওপর
চলতে চলতে হঠাৎ-থেকে-যাওয়া
পাখা ।

আর
জানলা দিয়ে ঘরের মেঝেয় লাফিয়ে-পড়া
রোদ্দুরে

দেয়ালে চম্কে উঠল
সেই কবেকার হৃদে-হ'য়ে-যাওয়া
ফটো ।

আর ঠিক সেই সময়
আমার নাকের ডগাঘটো একটু ফুলে উঠল—

কিসের একটা পোড়া-পোড়া গন্ধ

হাওয়ায়

কিসের ঘেন একটা হচ্ছা ।

আমি লাফ দিয়ে উঠে প'ড়ে চেঁচানাম : আগুন

দৌড়ে এসো,

আগুন !

মনে প'ড়ে গেল, বাড়িতে আমি একা ।

চাবির ঘরে

অঘোরে ঘুমোচ্ছে আমার নাতনী ।

আর কেউ আসার আগে

একাই একশো হয়ে

আমি কাঁপিয়ে পড়েছি সেই আগুনে ।

খালি হাত

ঝিঁঝিঁ ধ'রে

পা দুটো অসাড় হয়ে আছে ;

কেউ ডাকলে

উঠে দরজা খুলতে আমার একটু সময় লাগবে ।

কথা দিয়ে

কথা না রাখার কী আলা

আমি হাড়ে হাড়ে জানি ।

আমাকে কে কী মনে করাবে ?

আঙুলগুলো মুঠো ক'রে রেখেছি
খিল ধরার ভয়ে ।

প্রতিশ্রুত কয়েকটা রেখা ছাড়া
এখন আমার হাতে,
সত্যি বলতে,
আর কিছুই নেই ॥

ছেলেধরা

আমাদের পাড়ায় সেদিন হৈ-হৈ কাণ্ড, রৈ-রৈ ব্যাপার ।
ইঠাং শোরগোল উঠল : ‘ছেলেধরা !’ ‘ছেলেধরা !’ শুনেই
তো আমরা লাঠিসোঁটা নিয়ে, আস্তিনের হাত গুটিয়ে,
ছড়মুড় ক'রে সব বেরিয়ে এলাম রাস্তায় ।

লাফ দিয়ে আলিপূরের ট্রামে ওঠার আগে কালোকোট-পরা
এক বিলক্ষণ ভদ্রলোক, চোখের চশমা ঠেলে
কপালে তুলে, বললেন, ‘বিশ্বাস না হয়, এই দেখুন
কাগজে লিখেছে !’

কাগজটা হেঁ মেরে নিয়ে আমরা কিছু গোলা লোক তখন,
ঠোঁটে জিভ ভিজিয়ে ভিজিয়ে, বানান ক'রে ক'রে সেটা
পড়লাম । ই্যা, ঠিক । একদম ঠিক । ছাপার অক্ষরে,
এই ছাখ্, দেখছিস না—পরিস্কার লিখে দিয়েছে...

লিখেছে ? লিখে দিয়েছে ? তবে আর যায় কোথায় ! আমরা
তদুত্তে পড়লাম রে রে ক'রে । চুলের মুঠি ধরতেই
হাতের মুঠোয় উঠে এল শগনুড়ির মত মাথার জট ।

আর আলখাল্লার নিচে থেকে বেরিয়ে এল ছেলেধরার
সেই ঝুলি ।

হা সন্ধানাশ ! তার ভেতর থেকে কী পাওয়া গেল, জানেন ?
না দেখলে পেতাম হবে না আপনাদের । পাওয়া
গেল একটা মড়ার মাথার ঝুলি, বাচ্চাদের পায়ের
দু পাটি জুতো, কোমরে বাঁধার ঘুন্সি, রবারের বল,
মহিলাঘটিত দু-একটা টুকিটাকি, আর কী জানেন ?
ঈশ্বরচন্দ্র বিদ্যাসাগর মহাশয়ের একটা বর্ণপরিচয় ।

জাড়া লোকটাকে পিটিয়ে মারার পর সরেজমিন নিরপেক্ষ
তদন্তে যা জানা গেল তা এই—

ছেলেধরা না হলেও, লোকটা ছিল অতিশয় ঠক । সাধু সেজে
ভড়ং ক'রে বেড়ালে কি হবে, তার ছিল এক মেয়ে-
মানুষ । একটি ছেলেও ছিল তার গুঁরসের । কিন্তু হাতে
হাঁড়ি ভাঙার ভয়ে গুথেকোর ব্যাটা প'ড়ে প'ড়ে মার
খেয়েছে, তথাপি ঘুণাক্ষরে কিছু ভাঙে নি ।

আমরা যারা সেদিন চুটিয়ে হাতের স্নখ করেছিলাম, সেই
কয়েকজন মস্তান বাদে, আর সকলের কাছেই,
বুঝতে ভুল হওয়ায়, ব্যাপারটা হয়েছিল সাতিশয়
দুঃখের । তাছাড়া একটু ভয়েরও—

কেননা, যারা কালি মাখিয়ে মাখিয়ে লোকের
মগজে দ্যাখ্-না-দ্যাখ্ কাগজ পুরে দেয়, তারা তো,
কার্বক্কেজে দেখা গিয়েছে, আর যাই হোক সব
ধন্যপুস্তুর যুধিষ্ঠির নয় ।

দাঁড়াও পখিকবর

পিঠ পেতে আছে
দেয়াল
হাত পেতে আছে
ভিথিরি—

কে ঘোচাবে বলো
এ হাল ?
দেখা নেই কারো
টিকিরই ।

রসো বাপু, ছানা
পোনারা !
কালবেলা দাও
কাটতে

দাঁড়বার আগে
ওনারা
শিখছেন সবে
ইটিতে—

দেখো, ঠিক বুলি
ফুটবে
বেরোলে মাথার
পোকাটা ।

কেউ স্বতো ছেড়ে
লুটবে
অন্তেরা হ'লে
ভোঁকাটা ॥

এক টিলে

মাটিতে পড়ে না

পা ব'লে—

গদি থেকে গোদ

তাহলে ?

এগোনো যায় না

দু-পা কি

মেরে এক টিলে

দু পাখি ?

বজ্রিশ সিংহাসন

আগে ছিল মাটির তলায়,

সে একরকম ভালো ;

এখন ভাসছে চোখের ওপর—

বড্ডই জ্বালানো ।

বজ্রিশটা বছর গেছে

তাকাতে তাকাতে—

কখনও ডান কাতে, হরি হে,

কখনও বাঁ-কাতে ।

এই কারণে ভোজ রাজার

মনটা করে হু হু—

বসতে গেলেই সিংহনাদে
আওয়াজ যে হয়, 'উ-হঁ' ।

ঝাড়া পায়ে বজ্রিশ পুতুল
গলাগুলো কী ভয়ানক !
খিঁচিয়ে দাঁত বজ্রিশ পাটি,
বার করেছে ধারালো নখ ।

বজ্রিশ পুতুলের
একটাই গৌ—
বহুক এসে
রাখালের পো ॥

এজেন্ট আবশ্যক

আপনি দাঁড়াবেন ? আপনি দাঁড়াতে চান ?
আপনি দাঁড়াতে পারেন ?

তাহলে চোখ বুঁজে এখুনি কিনে নিন
একজোড়া
পদ্মলোচন চশমা ।

এ চশমা পরামাত্র
সমস্ত চক্ষুলাজ
দূর হ'য়ে যায় ।

দলীয় বা নির্দল, যাই হোন,
মনের খুঁতখুঁতুনি কাটিয়ে দিয়ে

এই পদ্যলোচন চশমা

আপনাকে শতদলে

বিকশিত করবে ।

এ চশমা চোখে থাকলে

আগে বা পরে,

দিনের আলোয় বা রাতের অন্ধকারে,

সায়নাসামনি বা পিছন ফিরে

যেকোনো সময়ে

স্বচ্ছন্দে দল বদল করতে পারবেন ।

কিংবা হেসেখেলে

যে কোনো ভারী দলে ভিড়ে যেতে পারবেন ।

জগৎশ্রেষ্ঠ এক এবং অদ্বিতীয়

সোহং লেন্সের গুণে

এতে সর্বত্র এবং সর্বদাই শুধু নিজেকে দেখবেন ।

ফলে, কাম্যাবার সময়

আদর্শের বা

আরশির দরকার হবে না ।

একান্নপীঠে একান্তে

বজ্রিশ বছরের নিগূঢ় সাধনায়

জনৈক বাকৃসিদ্ধ গণতন্ত্রাচার্যের

সদ্য-আবিষ্কৃত

স্বপ্নলক

পদ্যলোচন চশমার জন্তু

ভারতের সর্বত্র এজেন্ট আবশ্যক ।

এখনই আবেদন করুন ॥

বিফলে মূল্য ফেরত

পার্সেলে

বাড়িতে ব'সে পাবেন

বিংশ শতাব্দীর

শেষতম বিশ্বয়—

বেদম হাতঘড়ি।

ভদ্রলোকের এককথার মতই

এর সময়ের

কোনো নড়চড় হয় না।

এ ঘড়ি হাতে দিলে

সমস্তক্ষণ

সময় আপনার মুঠোয়

চিরদিন

আপনারই মুখাপেক্ষী হ'য়ে থাকবে।

আপিসে লেট হবে না,

যখন খুঁশি

আসা

এবং যাওয়া যাবে।

যেমন চলছে

দিব্যি চালিয়ে যেতে পারবেন

ভেল না দিয়ে

এবং বিনা দমে।

মেরামতি বা সারাইয়ের
খরচ নেই ।

এর বাড়তি সুবিধে—
যখন তখন
যে কারো চোখের ওপর
বারোটা বাজিয়ে দিতে পারবেন ।

অতএব, মহাশয়—
মিছিমিছি সময়ের পেছনে না ছুটে,
বরং
আপনিই সময়কে জোড়হস্তে
পেছনে দাঁড় করিয়ে রাখুন ।

আইনসাইন্সজীর বিখ্যাত
অপেক্ষার তত্ত্ব অনুযায়ী
সর্বাধুনিক যন্ত্রে প্রস্তুত (হস্তদ্বারা স্পৃষ্ট নহে)

বেদম হাতঘড়ি

ব্যবহারে হাতে হাতে ফল ;
বিফলে মূল্য ফেরত ।
সরকারী অর্ডার অগ্রগণ্য ।
রেলমন্ত্রকের জন্তে বিশেষ কমিশন ।

লিখুন :
জলঙ্কর ৪২০৪২০

মূলভে গৃহশিক্ষক

পরীক্ষার আগে
খুব সুবিধাজনক শর্তে
ভাড়া পাওয়া যায়

মুখস্থবিদ্যায় অসাধারণ পারদর্শী
বিশ্ববিদ্যালয়ের স্ববর্ণপদকধারীদের সমস্ত তত্ত্বাবধানে
বিশেষ তালিমপ্রাপ্ত

টিয়া ময়না কাকাতুয়া

অভিভাবকেরা বাড়ি নিয়ে গেলে

ছেলেমেয়েদের হাতে হারিকেন ধরানো,
বাড়িতে প্রাইভেট টিউটর রাখা,
ফেরারী ডিউপার্টস্বন্ধু নোট বই কিনে দেওয়া—
এসবের আর কোনো বামেলা থাকে না

হালফ্যাশানের ট্রানজিস্টরের মত

গুয়ে,

ব'সে

হাঁটতে হাঁটতে,

এমন কি ঘুমোতে ঘুমোতেও

এর হৃদয়

প্ল্যাস্টিকের তৈরি খাঁচাটি

কানের কাছে ঝুলিয়ে রাখলেই

অব্যর্থ কাজ হবে

এঁমে কেরোসিন
আর শহরে ইলেকট্রিক

ছইয়েরই পাশ কাটিয়ে
ছেলেমেয়েদের
পরীক্ষাপাশ গ্যারাণ্টি করুন

বিশেষ দৃষ্টব্য : একমাত্র পরীক্ষার হলে ছাড়া
আর সর্বত্র
বিনা অনুমতিতে
সঙ্গে নিয়ে যাওয়া যাবে ॥

রক্ষাকবচ

ও হুইং ফটাস ।
দেখি কে কাকে ইটাস ॥

যেমন গুরু তেমনি চেলা ।
এ মারে বাণ তো ও মারে ঢেলা ॥

ধন্যপুস্তুর দারোগা ।
বাগে পেলো বারো ঘা ॥

লাখ হচ্ছে বেলাক ।
চাক রে বাপু কাঁপি ঢাক ॥

এতল বেতল শেতল ।
ঝা উড়ে তামাপেতল ॥

হেঁটোয় কাঁটা উপরে কাঁটা ।
ওটা তো আবাবীর ব্যাটা ॥

নিচের লোক থাক নিচে ।
পিছের লোক থাক পিছে ॥

কার আজ্ঞা ।
কেঁটু সিংয়ের আজ্ঞা ॥

কার আজ্ঞা ।
জগু বাবুর আজ্ঞা ॥

কার আজ্ঞা ।
মা-ঠাকরনের আজ্ঞা ॥

আমার এই ফুলপড়া যে লজ্জ
সে যেন যায় ঐ ওয়াদের সঙ্গে ॥

ও হুঁং ফটাস ।
কার খেলা কে চটাস ॥

চিৎ

বুড়োর কানের কাছে এনে মুখ
বললাম হেঁকে,
‘ওহে, বেলা গেল ।’
বুড়ো হেসে বলে, ‘ওরে উজ্জবুক,
তবে তো এখনই
কনে-দেখা-আলো ।’

বললাম, 'বুড়ো, বৈচে করবে কি ?
চোখেও দেখ না,
কানেও শোনো না ।'
বুড়ো হেসে বলে,
'আর সব মেকি
জীবনের সোনা আসলে রসনা ।'

ডানা-কাটা এক পরী এল ঘরে
ভরল পাত্র
মদ ও মাংসে ।
বুড়োকে ডাকতে গিয়ে
চাপা য়রে
দেখি চোখ তুলে চিংপটাং সে ॥

রবার্ট, রোজদেস্ত্ভেনস্কি-র তিনটি কবিতা

এইটুকু

নিষ্করণভাবে ছোট
এইটুকু
পৃথিবীতে

বাস করত
এক ছোট্ট এইটুকু মাহুৰ ।

তার ছিল একটা ছোট
এইটুকু
কাজ ।

আব খুবই ছোট

এইটুকু

থলি ।

মাস গেলে পেত এইটুকু

একটু মাইনে...

কিন্তু একদিন

এক ফুটফুটে সকালে

তার জানলায়

টোকা পড়ল ।

তাকে ডেকে নিয়ে গেল একটা ছোট

এইটুকু

যুদ্ধ ..

কিংবা

হয়ত সেই রকমই তার মনে হয়ে থাকবে ।

তাকে দেওয়া হ'ল একটা ছোট

এইটুকু

কামান

একজোড়া ছোট

এইটুকু

বুট ।

মাথায় পরবার একটা ছোট

এইটুকু

টুপি ।

গায়ে দেবার একটা ছোট

এইটুকু মাপের

গুভারকোট ।...

...আর যখন সে মাটিতে পড়ে গেল

বিচ্ছিন্নভাবে, অত্যাশ্চর্যভাবে

আক্রমণের রণধ্বনিতে

দাঁতমুখ খিঁচিয়ে

টলটলে শিশিরের মাথা ছাড়িয়ে

জলজল করতে থাকল তাব মুখচ্ছবি...

কিন্তু সাব্বা পৃথিবী চুঁড়েও

তার জন্তে

এমন পাথর খুঁজে পাওয়া গেল না

যা দিয়ে

জীবনের মত বড়

তার কোনো প্রমাণসই মূর্তি খাভা কবা যায় ॥

একজন মানুষের খুব বেশি কিছু চাই না

তার চাই

একজন বন্ধু

আর

একজন শত্রু ।

একজন মানুষের চাই

অনেক দূরে যাওয়ার

একটা পায়-চলার পথ ।

তার চাই

একজন মা

যিনি অনেকদিন বাঁচবেন ;

যাঁর খুব দয়ার শরীর ।

একজন মানুষের চাই

সকালবেলার একটা কাগজ,

চাই একটি গ্রহ

পৃথিবী,

মহাশূন্যে যাওয়ার একটি পথ

আর দ্রুতগতির একটা স্বপ্ন ।

এ সব এমন বেশি কিছু নয়

বলতে গেলে,

কিছুই নয় ।

একজন মানুষের খুব বেশি চাই না ।

তার চাই

শুধু একটিমাত্র বর :

কেউ তার প্রতীক্ষায় থাকবে ॥

একটি সংলাপ

তুমি চাও আমার ভালবাসা ?

ই্যা, চাই ॥

গান্ধে কিন্তু তার কাদা মাখা !

যেমন তেমনিভাবেই চাই ॥

আমার আখেরে কী হবে বলা হোক ।
 বেশ ॥
 আর আমি জিগ্যেস করতে চাই ।
 করো ॥
 ধরো, আমি কড়া নাড়লাম ।
 আমি হাত ধ'রে ভেতরে নিয়ে যাব ॥
 ধরো, তোমাকে আমি তলব করলাম ।
 আমি হুজুরে হাজির হব ॥
 তাতে যদি বিপদ ঘটে ?
 আমি সে বিপদে ঝাঁপ দেব ॥
 যদি তোমার সঙ্গে প্রতারণা করি ?
 আমি ক্ষম' ক'রে দেব ॥
 তোমাকে তর্জনী তুলে বলব, গান গাও ।
 আমি গাইব ॥
 বলব, কোনো বন্ধু এলে তার মুণের ওপর দরজা বন্ধ ক'রে দাও ।
 বন্ধ ক'রে দেব ॥
 তোমাকে বলব, প্রাণ নাও ।
 আমি নেব ॥
 বলব, প্রাণ দাও ।
 দেব ॥
 যদি তুলিয়ে যাই ?
 আমি টেনে তুলব ॥
 তাতে যদি ব্যথা লাগে ?
 সহ্য করব ॥
 আর যদি থাকে বাধার দেয়াল ?
 ভেঙে ফেলব ॥
 যদি থাকে দড়ি'র কাঁস ?
 কেটে ফেলব ॥
 যদি থাকে একশো গি'ঠ ?
 তাহলেও ॥

তুমি চাও আমার ভালবাসা ?

হ্যাঁ, তোমার ভালবাসা ॥

তুমি কখনই পাবে না ।

কিস্তি কেন ?

কারণ, যারা ক্রীতদাস

আমি তাদের কখনই ভালবাসি না ॥

নাজিম হিকমত-এর

নিজের কবিতা প্রসঙ্গে

আমার নেই ঘোড়া ।

নরম জিনে

বাহাবে ফুলকারি

নেইকো পিঠজোড়া ।

আমার নেই

জমি অথবা বাড়ি

পাই না খাজনা

পাই না বাড়িভাড়াও

কানাকড়ি ।

দেখ, একা একেশ্বরী

আছে আমার একমাত্র

টকটকে লাল মধুর পাত্র—

হাব মেনে যায় আগুন তার কাছে ।

নিভের বলতে

ঐটুকুই তো আছে ।

যত্ন ক'রে আগ্লে রাখি
খেয়ে না ফেলে পত্তপাখি,
পোকামাকড়,
রামশ্যাম বা যত্ন ।

জমি বলতে বাড়ি বলতে
আমার শুধু একপাত্র মধু ।

দাঁড়াও ভাই, দেখ ।
যতক্ষণ থাকছে মধু
অটুট এই পত্রগুটে

আসবে ছুটে
মোমাছিদের ঝাঁকও ।

হবে না বরবাদ
এমন কি বাগদাদ ॥

জল সহিতে

১

দেখে যাতে তোমাদের কষ্ট না হয়,
চোখে যাতে ভালো লাগে

তার জন্তে

আমার বুকে-বেঁধানো সমস্ত কঁটায়
আমি গুঁজে দিমেছি
একটি ক'বে ফুল—

তোমরা হাসো ।

শুনে যাতে তোমাদের দ্বঃখ না হয়,
কানে যাতে ভালো ঠেকে

তার জগ্গে

আমার বুক-ভাসানো সমস্ত কান্নায়
আমি ছুড়ে দিয়েছি
একটি ক'রে স্বর—

তোমরা হাসো গো,
আনন্দ করো ।

আগুনে তো অনেক পুড়েছি
এবার যাব জল সহিতে ।

নঙর তুলে ফেলেছি

গাঙ থেকে দরিয়ার দিকে
ফেরানো আছে
আমার গলুইয়ের মুখ ।

তোমরা এবার
আমার মনপবনের নাওটাকে
পায়ের ডগা দিয়ে একটু ঠেলে দিলেই—
হৈ হৈ ক'রে পালে বাতাস লাগবে ॥

চালের বাতায় ঝুঁজে রেখে এসেছি
গাজীর পট

শিকের ওপর তোলা রইল
গুপীযন্ত্র

কালের হাত সেখানে পৌঁছুতে না পৌঁছুতে
আমি ফিরে আসব ।

সঙ্গে নিয়েছি চালচিঁড়ে
ছাঁকোতামাক
আব মাছ ধরার জাল

আপাতক ওতেই চলুক ।

ফুলছে ফুঁ নাছে ঢেউ—

একবার তুলছে মাথায়
একবার ফেলছে পায়ে ।

ও মাঝির পো
দবিয়া আর কতদূর ?

ঘর-বার সমান রে বন্ধু
আমার ঘর-বার সমান
পায়ের নিচে একটুকু মাটি
পেলায় না তার স্বকান
আমার সেই পোষা পাখি
আকাশের নীল রঙে আঁকি
যত্নে বুকে ক'রে রাখি
তবু কেন সে করে আনচান
আমার ঘর-বার সমান

দিন আসে রাত আসে এইভাবেই যায়
দিন আসে রাত আসে এইভাবেই যায়

জল সহিতে যাই
একবার এ-চরে
একবার ও-চরে ।

একটু ক'রে ঘটে ভরি
আর কাপড়ের খুঁটে গেরো দিই ।

পিটুলিতে গড়া স্তম্ভসোহাগের ছিরিছাঁদে
সব-পেয়েছির নয়
সবাই-পেয়েছির দেশ গো !

মোহানার ঠিক মুখে
বিদ্যুতের বাঘনখে
আশমানে চেরাই হচ্ছে যখন আবলুশ কাঠ
ভয়ে চোখ বন্ধ ক'রে আছে যখন তারার দল

ঠিক তখনই ধেয়ে এল বান—

ও মাঝির পো
ভাটি ছেড়ে নাও কি যায়
উজানে ?
তবে ভাই সহ
দরিয়া থেকে গাঙে ফিরে
এবার পট নাচিয়ে
চৌধুনে
কি রকম চক্ষর বাধিয়ে দিই দেখ ॥

যাচ্ছি

ও মেঘ

ও হাওয়া

ও রোদ

ও ছায়া

যাচ্ছি

ও ফুলের সাজি

ও নদী, ও মাঝি

বনের জোনাকি

ও নীড়, ও পাখি

যাচ্ছি

ও ছুঁচ

ও স্তো

ও ছিটের জামা

ফিতে-বাঁধা জুতো

যাচ্ছি

ও ছবি

ও পান

মমতা

ও টান

যাচ্ছি

ও চোখের চাওয়া

ও ছাদ, ও সিঁড়ি

ও মাটির দাওয়া

ও কাঠের পিঁড়ি

যাচ্ছি

ও স্মৃতি, ও আশা
ও ঝাঁঝ, ও ঝাউ,
ধোঁয়া ও কুয়াশা
বউনি ও ফাউ

যাচ্ছি

উলুনের মাটি
ও হাঁস, ও ডিম
ও তাপ, ও হিম
ও শীতলপাটি

যাচ্ছি

ও চুনী
পান্না
ও হাসি
কান্না

যাচ্ছি

ও গরু মহিষ
ও ধানের শিষ
জানলাদুয়ার
ও সাঁঝ, ও ভোর

যাচ্ছি

ও জল, ও ঝড়
ও ইঁট পাথর
ও ব্যাং, ও সাপ
পুণ্যি ও পাপ

যাচ্ছি

ও কাজললতা

ও পুরনো কথা

পর্দা, পাপোশ

লড়াই, আপোশ

যাচ্ছি

ও উচু, ও নিচু

ও আম, ও লিচু

মুখচুষন

বাহুবন্ধন

যাচ্ছি

ও শিলাবৃষ্টি,

ঝাল ও মিষ্টি

যাত্রা তরঙ্গা

ভয় ও লজ্জা

যাচ্ছি

ও কাঁচালঙ্কা

ওজন, সংখ্যা

বোমা, বন্দুক

পিছন স্মৃথ

যাচ্ছি

ও বাংলাভাষা

ও রবিঠাকুর

নিকট ও দূর

ও ক্ষুৎপিপাসা

যাচ্ছি

শীত বসন্ত

আদি ও

অন্ত

যাচ্ছি

ও দিন

দুপুর

পুণ্যপুকুর

যাচ্ছি

ও খড়

ও কুটো

সান্না ও বুটো

যাচ্ছি

ও লেপ

ও কাঁথা

ও বই, ও খাতা

যাচ্ছি

ও আঁকা, ও লেখা

ও কুছ

ও কেকা

যাচ্ছি

মোহানা

গোয়ুখী

ও জলচৌকি

যাচ্ছি

চিরুনি, আয়না

ও চিতা,

হায়না

যাচ্ছি

ও গালগল্প

অনেক

অল্প

যাচ্ছি

আষাঢ়

শ্রাবণ

হতযৌবন

যাচ্ছি

নাকের নোলক

দুঃখ

ও শোক

যাচ্ছি

ও চীনেবাদাম

পোস্টকার্ড

খাম

যাচ্ছি

ও কাজ, ও ছুটি

ও ভাত

ও রুটি

যাচ্ছি

ও মিল, ছন্দ

খোলা

ও বন্ধ

যাচ্ছি

ও ভালো, ও পাজী

ও পুঁথি

ও পঁজি

যাচ্ছি

ও কুল, তেঁতুল

ও ঠিক

ও ভুল

যাচ্ছি

ও শুরু, ও শেষ

সমকাল

দেশ

যাচ্ছি

ও মটরগুঁটি

ও হারানো ঘুঁটি

যাচ্ছি

চশমার খাপ

ও পায়ের ছাপ

যাচ্ছি

ও আমার বোল
ও পুজো, ও দোল

যাচ্ছি

ও নামঠিকানা
ও কচুরিপানা

যাচ্ছি

ও ঈদের চাঁদ
সাধআহ্লাদ

যাচ্ছি

ও গাড়ির চাকা
মিছিল, পতাকা

যাচ্ছি

ও পানের থিলি
ভিড়, নিরিবিলি

যাচ্ছি

জলদি, আশ্তে
হাতুড়ি, কাশ্তে

যাচ্ছি

ও মশা, ও মাছি

যাচ্ছি

ও সর, ও চাঁছি

যাচ্ছি

ও দেহ, ও প্রাণ

যাচ্ছি

ও ধ্যান, ও জ্ঞান

যাচ্ছি

ও আড়ি, ও ভাব

যাচ্ছি

প্রণাম, আদাব

যাচ্ছি

ও ফুল

যাচ্ছি

ও পথ

যাচ্ছি

পুতুল

যাচ্ছি

শপথ

ବାଛି

ଓ ଛାୟା

ବାଛି

ଓ ମାୟା

ଆସଛି

ଓ ଯିଉ...

ଚଢ଼ି ଚଢ଼ି - ଚଢ଼ି ଚଢ଼ି

কবিতা জমলে তবেই বই হয় ।

এবার জমবার আগেই হাতছাড়া করতে হল । তার কারণ, অবিলম্বে কবি বিরাম মুখোপাধ্যায়ের হাতে পড়ার লোভ সম্বরণ করা গেল না ।

তবে সাস্বনা এই যে, এ এমন একটা লোভ যাতে পাপের ভয় নেই ।

কবিতার বই বার করায় বিরামবাবুর যা হাতঘশ, তাতে লোকে খোশমেজাজে এ বই হাতে নেবে—কবিতগুলোর পক্ষে সেটাই বড় ভরসা ।

ছাপার পর কবিতা চলে যায় পরের ঘরে । তবু মায়া জিনিসটা যাবার নয় ।

তারপর কে কী বলল সেটা কানে এলে সুখের হলে সুখ, দুঃখের হলে দুঃখ হয় ।

কবিতা কী ভাগ্যিস কবিকে চিরকাল ধ'রে বসে থাকে না ।

শৈবাল মিত্র বলামাত্র এ বইয়ের জন্তে এঁকে দিয়েছে তার জীবনের প্রথম প্রচ্ছদচিত্র । এটাও মনে রাখার মতো ।

বইটি প্রকাশের ব্যাপারে 'নাভানা'র সুখ্যাত প্রকাশক কুনাল কুমার রায়ের তৎপরতা আর প্রুফ-সংশোধনে শ্রীমতী মমতা চাকীর মনোযোগ উল্লেখযোগ্য ।

সুভাষ মুখোপাধ্যায়

২৪।১।৮৩

পুপে তোতা পাপু
আমার আর গীতার
এই তিনকন্যাকে

দেয়ালে লেখার জগ্নো

আপিসে কাজ না ক'রে—
মেলে তন্থা শহরে ॥

গ্রামেব জগ্ন—
'খাটলে অম্ম' ॥

ডান হাত থামায় ।
বাঁ-হাত কামায় ॥

না যদি বলিস 'হাঁ-জী'—
তুই ব্যাটা মহা পাজী ॥

যখন বিধি স্বয়ং বাম ।
বন্ধ সকল কাজকাম ॥

ছাতের বদলে ছাতা ।
ভাতের বদলে ভাতা ॥

ভোটের আগে কী যে সজ্জন ,
ভোটের পর কী যে গর্জন ॥

এদিকে পাণ্ডা সর্বহারার ।
কুড়োন টাকা বাড়িভাড়ার ॥

সুখটান

বাঁচার গর্বে

মাটিতে তার পা পড়ছিল না ব'লে

গান গাইতে গাইতে

আমরা তাকে সপাটে তুলে দিয়ে এলাম

আঙনের দোরগোড়ায়

লোকটার জানা ছিল কায়কল্লের জাদু

ধুলোকে সোনা করার

ছুঁ-মন্তর

তার ঝুলিতে থাকত

যত রাজ্যের ফেলে-দেওয়া

রকমারি পুরনো জিনিস

যখন হাত চুকিয়ে বার করত

কী আশ্চর্য

একেবারে ঝকঝকে নতুন

লোকটা ছিল নিদারুণ রসিক

পাড়-ভাঙা নদীর মতন রাস্তায়

বরবেশে যখন তাকে নিয়ে যাওয়া হচ্ছিল

ফুলশয্যার গাড়িতে

তখনও চৌঁটের কোণে লাগিয়ে রেখেছিল

জীবনের সুখটান

যাবার সময় আমরা ঢেকে দিয়েছিলাম

তার হাতের শেকল-ভাঙার দাগ

সারা গায়ের হাজারটা কালশিটে

মালায় টান পড়ায়

ঢাকা যায়নি শুধু

ক'দিন আগে মার খাওয়ার

একটা দগ্‌দগে চিহ্ন

সেটা ঢাকবার জন্তে মালা একটা এসেছিল বটে

কিন্তু আগুনের আবার ফুল সয় না ব'লে

সব মালাই তখন খুলে ফেলা হয়েছিল

মালা একটা এসেছিল বটে

কিন্তু

খুব দেরিতে

মালা এসেছিল

কিন্তু

মানুষ আসেনি

মানুষটা নাকি অস্ফুটকারে কলম ডুবিয়ে

‘বাঙালীর ইতিহাস : অন্তিম পর্ব’

লেখায় অসম্ভব ব্যস্ত ছিল ॥

মাঝরাস্তায়

তোমার কাছে

যাব ব'লে বেরিয়েছিলাম

বাইরে পা দিতেই

বুনো গুয়োরের মতন

তেড়ে এসেছিল
দাঁত-বার-করা
ইটপাথর

হাড়গোড় ভেঙে গুঁড়িয়ে দেবে ব'লে
বিকট হাঁ ক'রে
সামনে ওৎ পেতে বসেছিল
রসাতলে যাওয়ার
গর্ত

হাঁটুর ওপর ছোবল মারার ভয় দেখিয়ে
সমানে ফণা তুলে
সামনে দাঁড়িয়ে গিয়েছিল
রাজ্যের নোংরা
জল

শ্বাসরোধ-করা ভিড়ে
আমাকে পা-দানি থেকে
একটি ধাক্কায়
ঠেলে ফেলে দিয়েছিল
রাস্তা

পড়ি-মরি ক'রে ছুটে
যখন মোড়টা ঘুরলেই
দোরগোড়ায়
পৌঁছে যাওয়ার কথা

কে যেন আড়াল থেকে
হঠাৎ ফুঁ দিয়ে
শহরের সমস্ত আলো
নিভিয়ে দিল

এখন আমি মাঝরাস্তায় একা
দীর্ঘমেয়াদী অন্ধকারে
বন্দী ॥

অন্ধকার গিলে খাচ্ছে

চলচ্ছক্তিহীন পাখা

মাথার ওপরে

পড়ো-পড়ো !

গরমে নিশ্বাস বন্ধ হয়ে আসছে—

পেঁজানো তুলোর মতো ওড়ে

ছিন্নভিন্ন গান

মূর্তি

ছবি ।

কেবল ভ্রমধ্যে থেকে থেকে

নেচে যায়

সাহারা ও গোবি ।

যখনই তাকাই বাইরে

দেখি ফুটপাথে

সময় দাঁড়িয়ে আছে

ভর দিয়ে ক্রাচে ।

এদিকে আমার আশপাশে

ঘর জুড়ে অন্ধকার

গিলে খাচ্ছে

সবকিছু গোত্রাসে—

টেবিল চেয়ার আয়না

বইয়ের আলমারি

জুতোজামা

হালকা আর ভারী

সব ভাবনা—

অন্ধকার গিলে খাচ্ছে, চেয়ে দেখ

আমাদের ভূতভবিষ্যৎ সব

এবং দেশকে ভালোবাসার গৌরব ॥

গুরুভাই

পৃথিবী, মানুষ, এই-অন্ধকার-দূর-করা-আলো

যারা বাসো ভালো

চতুর্দিকে

চোখ রাখো, সবাই—

শুধু তো কষোজে নয়,

গঙ্গাজলে

একই মন্ত্র-জপ-করা

পল-পতের

আছে গুরুভাই

ভ্রাগনের মতো

দাঁতে তার বিষ

আর

জিহ্বাগ্রে আগুন

মাথায় সমস্তক্ষণ

খুন শুধু,

শুধুমাত্র খুন,
শুধু খুন

ভূতভবিষ্যৎ মিথ্যে তার কাছে
বই পোড়ায়, ভাঙে সৌধ,
রুদ্ধ করে গান

ক্রমে ক্রমে তার হাতে
নিউটন বোমার দায়ভাগ
যোগায় রেগান ॥

এই যে

এই যে এইখানে আছি
আমি আজ্ঞে,
হেঁ হেঁ —

তাড়াতে পারি না মাছি
জোড় ক'রে রয়েছি দুটো হাত ।
দিয়ে যাচ্ছি সমানে জানান —

তবু কেউ দাঁড়াচ্ছে না
মুখ ঘুরিয়ে চলে যাচ্ছে
গন্তব্যে সটান ।

কানে আসছে শুধুমাত্র ঘেউ-ঘেউ কেঁউ-কেঁউ
কোন্ চুলোয় গেল সেই শুভরাত্রি
কোথায় সেসব স্মৃতিভাণ্ড ?

দেখুন কারবার ।

চোখ তুলে তো তাকাবে একবার

একটু তো জিগোস করবে :

বসে আছ কে হে ?

তা নয় ।

আমিই একা ডেকে যাচ্ছি আকারে ইজিতে

টান পড়িয়ে গলার শিরায় ।

ষাঁড়ের মতন তাড়া করে ফিরছে

পেছনে সময় ।

সারাক্ষণ ছুটছে লোক ।

একেবারে গ্রাহ নেই

বয়ে গেছে কারো কোনো কথায় কান দিতে ।

রাস্তা দিয়ে যেই যায়

দেখি

আপাদমস্তক

আঠা দিয়ে আঁটা—

যেন বন্ধ খাম ।

তার ওপর সমস্তই অস্ত্র নামধাম ।

অথবা এমনও হতে পারে

আদতে আমারই সব ভুল ।

বড হলে লোকে যাকে ফেলে চলে যায়

আমি যেন

খেলাঘরে পড়ে থাকা

বালশিল্য

সেই এক কাঠের পুতুল ॥

অন্ধকারে

আমাদের চোখে ঠুলি পরিয়ে,
হাতগুলো ঠুঁটো ক'রে
তার চলে যাওয়া
আর আসার মাঝখানে —

একবার ক'রে গেলে,
একবার ক'রে উগ্রে দেয়
এক রাফুদী সময় ।

যার যার নির্জন কুঠুরিতে
তখন সবাই আমরা বন্দী,
সমস্ত স্নানর মুখ তখন
কালে বোরখায়
ঢাকা প'ড়ে যায় ।

সমস্ত অক্ষর আড়াল ক'রে
দাঁড়িয়ে থাকে —

মুণ্ডগ্রীবাহীন এক নির্বোধ কবন্ধ,
উদরে যার মুখ,
আর সেই মুখমণ্ডলে বসানো
অগ্নিবর্ষী একটিমাত্র চোখ ।

ঘরের মধ্যে তখন হামাগুড়ি দেয়,
হাত্ড়ে ফেরে
এক চাপা কণ্ঠস্বর —

ক'টা বাজল ?
কখন আসবে ?

খেলা

খেলনাগুলো প'ড়ে রইল
ছড়িয়ে ছিটিয়ে

দেশলাইয়ের বাস জোড়া দিয়ে
তৈরি করা রেল

উন্ন কড়াই খুন্টি
চালডাল ভাঁড়ার হৈশেল

হাত-খসা পা-খসা
মুণ্ডুহীন
কয়েকটা পুতুল

চেয়ার টেবিল টুল

মুখোসে ফোটানো
রাফসখোফস দৈত্যদানো

এর পর চোখ বুঁজলে
শুরু হবে সত্যিকার পালা

এসব তো খেলা ॥

ভানুমতীর খেল

সাদার গায়ে ছিটানো কিছু কালি ;
বিষয়আশয় বলতে সেই বুড়োর
আর আছে কী ?

এই নিয়েই তো খালি
যত রাজ্যের চাপান আর উত্তোর ।

ইহকালের কাছে তো সেই বুড়ো
পাতেনি হাত ;
আপনি মিলেছে যা
তাতেই খুশি, হোক না খুদকুঁড়ো
হোক কিছু তার চোখের জলে ভেজা ।

ইহকালের ভয় নেই আর বুড়োর
ভয়টা শুধু পরকালের এখন
পড়েছে দাঁত, গেছে চোখের নজর
মানে না দেহ আগের কড়া শাসন ।

স্বর্গনয়ক পাপপুণ্য ওসব
দেয় না তাকে টান কিংবা ঠেলা
বেঁচে থাকার প্রত্যহই পরব
যা দেখে তাই ভানুমতীর খেলা ॥

মুখরোচক

ফুলঝাড়ু তার হাতের থাবায়,
বগলদাবায়

পাপোশ

ধুলোময়লার সঙ্গে কখনও
করে না সে কোনো
আপোস

তার ধারণায়, বরকন্ডায়
যারপরনাই
ঝানু সে

একা সেই পারে করে দিতে সাফ
যত করে পাপ
মানুষে

হল একদিন সে চিৎপটাং
খেয়েছিল ল্যাং
জবর

ছাপা হল ঢেউ-খেলানো বক্সে
মুখরোচক সে
খবর ॥

গৃহস্থ হও
চালচুলোহীন, ওরে ও হা-ঘরে
বর্বর !
কেন তুমি সম্বৎসর
গুধু ঘুরে ঘুরে
ক্ষয়করো ছয় ঋতু ?

কথা জুড়ে জুড়ে
তোমারই জন্তে,
দেখ —

কী সোজছে
সাজিয়ে রেখেছি
উঠোন ও ঘর,
চাষের যোগ্য ভূমি ।

কই কোথায় হে, পা রাখো ।
বর্ষর তুমি,
হও এইখানে স্থিত ।

কী ভয় ?
কী ডর ?
কবর তো নয়
ঘর ।

এমন তো নয়, তুলেছি মাটিতে
নিরেট কথার দেয়াল
জানলাদরজা ফুটিয়েছি সার সার
বৈধেছি যেমন
দিয়েছি তেমনি ছাড় ।

ছুটে এসে দেখ,
মশালের মুখে
কথা-দিয়ে-কথা-জোড়।
টগবগে লাল ঘোড়া ।

ঘরে ঢুকলেই
ছটফটে আলো
উঠে যাবে বুকপিঠে
হাওয়াটা দামালো
ডাকবুকে
ডানপিটে ।

শোনো কথা, বর্বর !
কবর তো নয়,
তোমারই জন্তে
আমি কথা দিয়ে
বানিয়েছি এই ঘর ॥

জল নেমে গেলে পলি
দেবতার থানে ধ'রে দিয়ে পাঁচসিকে
কিনে নেব ত্রাণ —
আমরা নই সে চিজ

হানা দিলে বান
ডেকে তুলে পডশিকে
চলে আমাদের তদন্ত তজবিজ

পেটে পড়ে টান,
পড়ুক —
উচুতে টাঙাই শিকে
পদ্মপাতায় ভালো ক'রে মুড়ে
মাটির হাঁড়ির মুখ
হাতের নাগাল থেকে ঢেব দূরে
তুলে রেখে দিই বীজ

এ দুর্দৈবে
অপূর্ণ সব সাধনা ও সাধ যদি
হয় অন্তর্জলি

যদি যায় নিবে

ফুৎকারে দীপাবলী—

ঝেড়ে ফেলে সব স্বথাত্তে ফিরবে নদী

জল নেমে গেলে পলি

সে ভার বইবে—

ঘটাবে ভাঙা ও গড়ার সপ্তপদী ॥

চইচই-চইচই

১

ফুটপাথে গাছের নিচে

আস্তাকুড়ে

যেন সাপ খেলাচ্ছে সাপুড়ে

পডন্ত বেলায় যেই

হঠাৎ হারিয়ে থেই

এ গলিতে হাওয়া বয়

না, সাদা নিশান নয়

গা দোলায়, নাড়ে মাথা

জঞ্জালের স্তূপে গাঁথা

কিসের পালক ?

কোমরে রেখেছি হাত,

নিচু হলে লাগে ।

তাছাড়া কী জানো—

এমনই বরাত

আপিস ছুটির পর

রাস্তায় গিজগিজ করছে লোক ।

চারদিকে চরকির মতো

যেন ঘুরছে চোখ ।

‘নমস্কার’

‘কী খবর’

‘কেমন’

‘ভালো তো’—

সমস্তই টায়-টায় । সব কিছুই ফাঁপা ।

এমন কি চৌচৌর কোণে হাসিটাও

ফিতে দিয়ে মাঁপা ।

আমি কিছু মাখি না কো গায় ।

কার মন

কে জানে কোথায় আছে প’ড়ে—

আমার যেমন ।

যখন ফেরাই চোখ

তখনও মনের মধ্যে ঘোরে.

বলতে পারো,

কিসের পালক ?

আমি ছাড়া

সকলেরই রয়েছে কিছু না কিছু বাজ

কোথাও না কোথাও সকলেরই

পৌঁছুবার তাড়া ।

হাত খালি ব'লে

রাস্তায় আমাবই এক।

হয়ে যায় দেরি।

চোখে যা দেখি না, তাও এঁদো এ গলিতে

বুঝে নিতে হয়

আকারে ইঙ্গিতে।

করতে হয় আমাকে আন্দাজ

আছে এক নতশত্রু

মাথার ওপর

সেইখানে রাজ

পালা ক'বে সূর্য ওঠে

তারপর ডোবে।

এখনও গাছের নিচে

হাত নাড়ছে সমানে

কিসের পালক ?

এ রাস্তায় আগে সব ছিল হাতে গোনা

হোস্পাইপে জল না দিলে

না জ্বললে একসঙ্গে সব আলো

সন্ধেই হত না

আমি রাশি খোঁজ

কিভাবে ছায়ারা

অস্থির হাত থেকে

ছাড়িয়ে নিজেকে

দক্ষ পিচে

পা-ঘ'ষে পা-ঘ'ষে

ঝাঁপ দেয় কোন্ অঙ্ককারে

ভালো কথা, মনে পড়ে গেল

ফুটপাথে গাছের নিচে

আস্তাকুড়ে ব'সে

কাকে দেখে হাত নাড়ে

কিসের পালক ?

হঠাৎ সন্নিহিত ফিরে পেয়ে

একদা গ্রামের এক

ফেরারী বালক

ছুটতে ছুটতে চলে যায়

সব কিছু ভুলে

সমস্ত মুখোশ, সব ছদ্মবেশ খুলে

তারপর জলের ধারে শোনা যায়

বহু সাধ্যসাধনার ডাক :

আয় হাঁস, চইচই

আয় হাঁস,

চইচই-চইচই ।

২

এবার পুজোয় খুব মজা করা যাবে । বেশ

চুটিয়ে হইচই—

বাড়িতে বন্ধুরা আসবে, তেলমাখা মুড়িতে

পুরনো কথার পিঠে কথাগুলো হবে রীতিমতন জম্পেশ

মোড়ের দোকান থেকে ঝড়িঝড়ি চা আসবে খুরিতে ।

ক'টা দিন, দেখে নিও, পাড়া ছেড়ে এক পা-ও নড়ছি না
দূরে আমি যাব না কোথাও
তেমন জকরি ডাক, সমন বা সপিনা
যদি আসে, তাও
কায়দা ক'রে এড়াব সফব—
ছাই ফেলতে ভাঙা কুলো শরীরটা দেখিয়ে ।

আমি চার্বাকের চেলা ; মাছ খাই ক'রে ধারদেনা
ধর্মে আমার নেই মতি, নেই ঈশ্বরে বিশ্বাস
এসব ছাইপাঁশ
যুক্তি দিয়ে এবারেও রাখবে যে ঠেকিয়ে
তা হবে না—
আমাকে দিতেই হবে নতুন কাপড় ।

আমাদের ছেলেবেলা, আজকে যা তার চেয়েও বেশি,
কেটেছে অভাবে ।
বছরে একবার, তাও বোধনের বাজনা বেজে গেলে,
যখন চোখ ফেটে জল গড়াচ্ছে দু'গালে,
হয় প্যাণ্ট, নয় জামা, নয় ফিতেবাঁধা বুটজুতো ।

কোনোবার একেবারে কিছুই না পেলে,
পুরনো স্মৃতির ঝুলি ঝাড়লে দেখা যাবে—
ছোটদের মুখে হাসি ফোটাতে শেষকালে
বাড়িয়ে দিতেন হাত হয়তো প্রতিবেশী ।

পেলে কী আনন্দ হতো, না পেলে যে কী হতো মন খারাপ ।
তবুও অবস্থি ছিল । গুরুজনদের যাতে মুখরক্ষা হয়
তারি জন্তে আমাদের বড় হতে হয়েছিল দ্রুত ।
সেই থেকে খোলা মাঠে, খুলে ফেলে আকাঙ্ক্ষার রঙিন মেরাপ ।

তারপর তো কেটে গেছে একরকম লাফিয়ে সময়
নদীনালা টপ্কে টপ্কে, পার হয়ে সমুদ্র পাহাড়
যত না হয়েছে ভিৎ, তার চেয়ে ঢের বেশি হার ।
কত কী যে করা হয়নি, যা করেছি তাও কিছু নয় ।
মুশকিল আসান হব ছিল সাধ
হতে হল ভগ্নমনোরথ মুশাফির ।

এ ভারি অডুত বটে
মনের ভেতরে মন, শরীরের ভেতরে শরীর
কিভাবে যে বসে যায় ঠিক খাপে খাপে ।
সব বাদ-বিসম্বাদ
গতির বুনেটে
খুঁজে পায় স্বচ্ছন্দে অরয় ।
থেকে যায় জীবনের চিহ্ন পাঁচ আঙুলের ছাপে ।

দিনের বেশির ভাগ কেটে গেল
এর কুর্ভা, ওর টুপি, তার জুতো চেয়েচিন্তে প'রে
সেও কিছু মন্দ নয় । ভালো ।
পরকে আপন করা সেই সূত্র ধ'রে ।
তবুও কথার মধ্যে থেকে যায় কথা ।
তুমি বুঝবে, তোমার যা নাক—
পুরনোর যত গুণই থাক
নতুনের মতো নেই তার যতসঞ্জীবনী গন্ধের উষ্ণতা ।

এখন হয়েছে ভালো জালা,
যারা এসেছিল পরে সেইসব কনিষ্ঠ অনুজ
নেহাৎ অবজ্ঞাভরে পাশ কাটিয়ে চলে যাচ্ছে আগে ।
কিছু আছে অক্ষম অবুঝ
কেবলি পেছন থেকে তারা দিচ্ছে ঠেলা ।
পড়ে গেলে ফের উঠে আমি যাতে ধরতে পারি খেই

তাই পা রেখেছি ঠিক দাগে ।

হাতে কিছু থেকে গেছে এখনও সময় ।

সাবধানের, জানোই তো, মার নেই

না নিয়ে ছাড়ব না আমি, যে যাই বলুক,

টাটকা আনকোরা গন্ধে গন্ধময়

শুচিশুভ্র পাটভাঙা উৎসবের নতুন কাপড় ।

আমি চাই ফিরে পেতে শৈশবের হারানো সে স্মৃতি !

যখন অনেক ভোর,

বাতি নেভাবার আগে রাস্তায় বেরিয়ে,

যখন ট্রামের তারে মুছে যায়নি বাতের শিশির,

পাখিরা যখন সবে যাবে কি যাবে না এই দ্বিধা নিয়ে

ছেড়ে যাচ্ছে নীড়,

আমি যাব জুতো খুলে খালি পায়

যেখানে গাছের নিচে টুপটাপ টুপটাপ

শিশির পড়ার শব্দে শিউলি ঝরে যায় ।

যখনই সময় পাব, গিয়ে বসব পুজোর প্যাণ্ডেলে

এককোণে যদি ব'সে থাকি চুপচাপ

মজার মজার দৃশ্য চোখে পড়বে, কানে আসবে কথা

মুখটা ফেরানো থাকবে প্রতিমার দিকে,

নইলে কী আক্কেলে

ব'সে থাকব, বাঁচিয়ে ভব্যতা !

আলোয় সাজিয়ে লরীটিকে

পাড়ার সমস্ত ছেলে সঙ্গে যাবে নেচে নেচে

নেবে না ভোঁমাকে ।

তুমি একা ব'সে থেকে অন্ধকার নির্জন প্যাণ্ডেলে,

আমি যাব, আমি যাব ব'লে

যতই ডাক দাও মা-কে—

তোমাকে পেছনে ঠেলে ফেলে
সবাই ভাসানে যাবে, পাছে তুমি যাও বেঁচে
মা তোমাকে যাত্রাপথে তুলে নিলে কোলে ॥

অগত্যা

তিন কাল গিয়ে এক কালে ঠেকা বুড়ে।
সব পাতা ঝরে গেলে শীতে
ফুঁ দিয়ে স্মৃতিতে

একা সে আঁটকুড়ো
ব'সে ব'সে সারাক্ষণ ফোলায় ফাঁপায়
রঙিন বুদ্ধুদ

যেখানে যা পায়
মাটিতে লাগিয়ে মুখ খুঁটে খায় খুদ
পাখিদের মতন ছবছ

এক থেকে
সেও হতে চেয়েছিল বহু
একা তাকে ফেলে রেখে গিয়েছে প্রত্যেকে

দাঁতে আরো জোর কমবে চোখে কমবে জ্যোতি
জিভ আরো বেশি ক'রে চাইতে থাকবে নুন-ঝাল-টক
তখনই ফিরিয়ে নেবে বস্তু তার দেহ থেকে গতি

ভারী মোটা কবলের মতন কুয়াশা
ঢেকে দেবে আপাদমস্তক—
তার খুব আশা ॥

পেঁয়াজি

শক্তি বেশ বলে—

পল্ল ।

কবিতার কচকচি থেকে

গা বাঁচাবার

এর চেয়ে ভালো উপায় নেই ।

কবিতাকে পেঁয়াজ বললে

অনেকেরই শুচিবাইতে লাগবে

কেননা ওর সঙ্গে প্রায়ই জড়ানো থাকে

রক্তমাংসের

একটা আশ্-টে গন্ধ ।

অথচ ছাড়াতে ছাড়াতে

ছাড়াতে ছাড়াতে

শেষ পর্যন্ত দেখবেন

কবিতারও কিছু থাকে না ।

কবিতা কী ?

দাঁড়ান, ভেবে দেখি—

প্রেমে-পড়া ভীক হাতেব গোলাপ

বনের গায় ফিনিক-দেওয়া জোনাকি

মিছিলে গলা মিলিয়ে গান

দূর থেকে কমরেড ব'লে চৌঁচিয়ে ওঠা

ফুৎকারে নিজেকে উড়িয়ে দেওয়া

কিন্তু তার আগে

আমাকে ভালো ক'রে বুঝিয়ে

বলুন তো—

কবিতা কী নয় ?

ছবির মতো

(সাগরময় ঘোষ-কে)

পা দিয়ে আলতো ক'রে নৌকোটা ঠেলে দিতে দিতে
কেউ যেন বলল,
আর ছটো দিন থেকে গেলে হ'ত না ?

আগে বললে অবশ্যই থাকতাম ।

এত আদর, এত অভ্যর্থনা —

এসব ছেড়ে যেতে

কারই বা মন চায় ?

কিন্তু কী জানেন,

সাত ঘাটে জল খেয়ে বেড়ানো যার কাজ —

এক জায়গায়

বাঁধা পড়লে কি তার চলে ?

আর সেটা দেখায়ই বা কেমন ?

হৈ হৈ ক'রে পালে হাওয়া এসে লাগায়,

আমার বিশ্বাস,

আমার কথাগুলো ঘাটে উঠতে পারেনি ।

কেমনা দূর থেকে দেখছিলাম

আমার বন্ধুরা

পাড়ের ওপর ছবির মতন দাঁড়িয়ে

তখনও সমানে হাত নেড়ে যাচ্ছে ॥

তোমার যদি কম হয়

একা কিংবা লোকের ভিড়ে

ঘরে এবং

ঘরের বাইরে

বুলিয়ে রং

কথার গায়

যে যখন চায়

যত ইচ্ছে

হাত বাড়িয়ে সবাই নিচ্ছে

অনাগন্ত

অফুরন্ত

সময়

আমার সময় ।

দরাজ হৃদয়

দয়ার শরীর

দূরের বন, ভোরের শিশির

কীটপতঙ্গ

পশুপক্ষী

যে বেদনার্ত, যে নিঃসঙ্গ—

কাছে এলে

হাতের লক্ষ্মী

পায়ের ঠেলে

যার যেমন ঠাই

যার যেমন ঝাঁই

নানান মাপে
রঙিন খাপে
সবাইকে দিই আনন্দময়
পাতলা কিংবা গাঢ়

সময়
আমাব সময়

অনায়াসে নিতে পারো
তোমার যদি কম হয় ॥

কেল্লা
কোন্টা ভাঁটি আর কোন্টা উজান
ঠাহর করতে না পেরে
লোকটা
চিরটা কাল তটস্থ হয়েই রয়ে গেল ।

ওর দরকার ছিল
পেছন থেকে এক মোক্ষম ধাক্কা ।
কোনোরকমে ঢেউয়ের মুখে ওর নৌকোটাকে
ফেলে দিতে পারলেই—

কেল্লা সে ফতে ক'রে দিতে পারত ।

‘নয়-ছয়’ নাটকের গান

হরদম

দিয়ে দম

গাঁজার কঙ্কেয়

হর হর

বম বম

বোম্বাই বোম্বকে

দাও টান আবো টান মারো টান

হরদম ভবদম

টুকটাক ঠিকঠাক

ও পাডাব শিবেন গঙ্গো

দেখালেন কিবা বঙ্গ

গা রে...

দাও টান মারো টান

গায়ে দিয়ে না-মা-ব-লী

দিতে যা-ছি-লে-ন বলি

রোখ্কে বোখ্কে

বলতে বক্ষে

পেল মেয়েটা শেষটায়

অনেক চেষ্টায় ..

হরদম ভবদম

টুকটাক ঠিকঠাক

গা রে...

দাও টান মারো টান ॥

লাতভিয়ায় লোকমুখে

১

মোমাছিতে পৌঁছিয়ে দেয়
আমার কথা প্রিয়ার কাছে ।
লোকমারফত পাঠাই না তা
অপবাদেব ভয় যে আছে ॥

২

কুহুর ডাকে ঘেউ ঘেউ
দেখ তো মা, এসেছে কেউ ।
ঘাঘরা কোথায় ?
পরি কী !
আখার আড়ায় ।
করি কী !

৩

পরের বাড়ি পাতে বসে
খোলে দিদির হাত দুটো ।
নিজের বাড়ি পড়লে পাত
দিদির দেখ হাত মুঠো ॥

৪

দুই স্তম্ভনে দেখা হলে
আমার নামে নিন্দে এ-ত ।
হতাম যদি ফুলকো নুচি
ওরা আমায় গিলে খেত ॥

৫

জলে হাঁস সাঁতার কাটে
আমার ঠাই কাদায় পাকৈ ।

হাঁসের গায়ে জল লাগে না
আমার গায়ে কাদা থাকে না ॥

৬

মাহুষ ক'রে ছেলেকে মা
স্বথের দিন গোনে ।
বিয়ে ক'রে এনে খোকা
মাকে পাঠায় বনে ।
ঘর করবে স্বথে
মাকে বনে রেখে ॥

৭

রূপসী বউ, সাদা ঘোড়া
জানবে তাব কপাল পোড়া ।
ঘোড়ার চাই নিত্যি সাফাই
বউয়ের ওপর নজর কড়া ॥

৮

ছোট-বড়োয় ভাব নেই
বুড়া নরমে নেই মিল ।
বড়োর কাছে ছোট তুচ্ছ
কড়ার চাপে নরম কাহিল ॥

যুদ্ধের পর : অন্ধ শিল্পীর ছবি দেখানো

মারিস চাকলাইস

...দেখুন, আমার এই 'প্রাতরাশ' নামের ছবিটা ।

এই যে মাঠের ধারে দেখছেন লোকগুলো—

মুখের ওপর এত পড়েছিল রোদ

মনে হয়েছিল যেন তাও

নিজেদেরই গতরে ফলানো ।

আজ সে মানুষগুলো কোথায় কে জানে !

কোথায় রয়েছে কোন্ খেতের কিনারে ?

ইহলোকে, নাকি পরলোকে ?

না, ওরা ভালোই আছে, ঈশ্বরের অনুগ্রহে, এখানেই

বৈচেবর্তে আছে সব 'প্রাতরাশে',

আমার ছবিতে ।

ছ'হাতে কাঁটায় টিক দিয়ে দি'য়ে দেয়াল ঘড়িটা

মাপজোক ক'রে

সমানে বাজিয়ে দেখে নিচ্ছিল সময় ।

সমবেত দর্শকেরা

এ ওর মুখের দিকে চাইছিল কেবলি ।

...আর এই 'ভর দুপুরে' ছবিটা দেখুন ।

শুধুই বাগান, শুধু বাগিচা, উগান

এমন কি সে বাগানের

নেই ছায়া

ফেলবারও সময় !

কেবল বাগান । তবু এককোণে বেপথু

অবক্ষিত পপিফুল, আমিও জানি না

সে কেন অমন ক'রে দেখায় নিজেকে :

চারিদিকে জমকালো বাগান —

পাঁপাড়ির ঘাঘরায় পপিফুল বেচারি

একেবারে একা ।

দেয়ালঘড়ির শব্দে এতক্ষণে মনে হল

দরোজায় কড়া নাড়ছে

কী একটা খবর নিয়ে যেন কোনো পাড়াপড়শি কেউ
তখন শিল্পীর স্ত্রীর চোখে জল কানায় কানায় ।

...এবার দেখুন চেয়ে 'অস্তাচলে সূর্য' ছবিখানা ।

বিরাট আকাশ একটা, আমি জানি, এহ বাহু :

বিজন অরণ্য শীতে

কুঁচকে আছে একটি রেখায় ;

বাল্যে দেখা সব মেঘ,

সমস্ত দানব,

মানুষের বুকে যারা আতঙ্ক জাগায়,

সন্ধ্যার মালঞ্চ সব প্রক্ষুটিত,

তোমাদের যাবতীয় কাংশ্রযুগ, স্বর্ণযুগ ; না, না,

এ ছাড়া সম্ভব নয়

অন্ত কোনো কল্পরাজ্য ।

এবং শিল্পীর স্ত্রীর গালে নেই অশ্রু একফোঁটা ;

নিঃসঙ্গ ঘড়িতে সপ্তগ্রামে চড়া কোকিলের গলা,

এবং দেয়াল সাদা,

সেখানে ছবির কোনো নামগন্ধ নেই ॥

১ পাবলো নেরুদার কবিতাগুলি

স্বভাষ মুখোপাধ্যায় অনুদিত। বিশ্ববাণী প্রকাশনী। কলকাতা-৯। প্রথম প্রকাশ : বৈশাখ, ১৩৮০ ; দ্বিতীয় মুদ্রণ : ফাল্গুন, ১৩৮৪। প্রচ্ছদশিল্পী : গোতম রায়। প্রকাশক : ব্রজকিশোর মণ্ডল, বিশ্ববাণী প্রকাশনী, ৭৯/১বি, মহাত্মা গান্ধী রোড, কলকাতা-৯। মুদ্রক : অনাদিনাথ কুমার, উমাশঙ্কর প্রেস, ১২ গৌরমোহন মুখার্জী স্ট্রীট, কলকাতা-৬। দাম : চার টাকা। পৃষ্ঠাসংখ্যা ৫৫। একুশটি কবিতার সংকলন :

- ১ ভুলতে পারছি না (যদি আমাকে জিগ্যেস করো কোথায় ছিলাম)
- ২ মিতালি (মাটিতে পড়ে যাওয়া ধুলোমাখা চাহনিগুলো থেকে)
- ৩ স্বপ্নের পক্ষিরাজ (নিরর্থক, আশিতে নিজেকে নিজে দেখা,)
- ৪ একত্ব (কাছাকাছি ঘেঁষে, ঐক্যভাবে,)
- ৫ কচি (ভুয়ো জ্যোতিষশাস্ত্রের জন্তে)
- ৬ কাব্যকৃতি (এদিকে ছায়া ওদিকে বিস্তার,)
- ৭ আবাস শরৎ (ঘণ্টাগুলো থেকে লুটিয়ে পড়ে একটা শোকগ্রস্ত দিন,)
- ৮ কয়েকটা জিনিস বুঝিয়ে দিচ্ছি (তোমরা জানতে চাইবে :)
- ৯ মাদ্রিদে পদার্পণ করল আন্তর্জাতিক ব্রিগেড (সকালটা ছিল কনকনে ঠাণ্ডা,)
- ১০ ক্রসেলস্ (আমার কবে ফেলা সব কাজ,)
- ১১ স্তোত্র আর প্রত্যাবর্তন (হে পিতৃভূমি, হে স্বদেশ !)
- ১২ যারা আবিষ্কার করেছিল (উত্তর থেকে আলমাগ্রো এনেছিল কৌচকানো বিহ্বল,)
- ১৩ অকর্ষিত অঞ্চল (পরিত্যক্ত শেষ প্রান্ত ।)
- ১৪ মাপোচো নদীকে শীতের বন্দন। (ও ইয়া অসংক্ষিপ্ত তুষার)
- ১৫ আমি দক্ষিণে ফিরতে চাই (ভেরাক্রুজে আমি অস্থস্থ, অরণ করছি)
- ১৬ মাগেলানের হৃদয় (দূরে দক্ষিণের কথা মনে পড়ে)
- ১৭ মহাসমুদ্র (যদি হয় প্রতিভাত আর জ্বাল তোমার নগ্নতা,)
- ১৮ নতুন পতাকার নিচে পুনর্মিলন (কে মিছে কথা বলেছে ? পশ্চের পা)
- ১৯ মাকচু পিকচুর শিখর থেকে (শূন্য জালের মতন হাওয়া থেকে হাওয়ায়)
- ২০ এক রমণীদেহ (রমণীর দেহকায়, ধবল পাহাড়, স্নেহ উরু,)
- ২১ মাটির স্বর্গে (শুচিশূন্য একটি মেয়ের পাশে আজকে শুয়ে ছিলাম)

বিশ্ববাণী প্রকাশনী থেকে প্রকাশিত ‘স্বভাষ মুখোপাধ্যায়ের কাব্যসংগ্রহ’-এর দ্বিতীয় খণ্ডে অন্তর্ভুক্ত হয়েছিল ‘পাবলো নেরুদার কবিতাগুলি’। এই সংকলনগ্রন্থটির পরিচয় : প্রথম প্রকাশ : শ্রাবণ ১৩৮১ ; প্রচ্ছদশিল্পী : গৌতম রায়। প্রকাশক : ব্রজকিশোর মণ্ডল, বিশ্ববাণী প্রকাশনী, ৭৯/১বি, মহাত্মা গান্ধী রোড, কলকাতা-৯। মুদ্রক : শ্রীগোপালচন্দ্র রায়, লক্ষ্মীনারায়ণ প্রেস, ৬ শিবু বিশ্বাস লেন, কলকাতা-৬। দাম : ১৪ টাকা। উৎসর্গ : শ্রদ্ধেয় বুদ্ধদেব বসু স্মরণে। পৃষ্ঠাসংখ্যা ২১৫। দ্বিতীয় খণ্ডের অন্তর্ভুক্ত বই : দিন আসবে, পাবলো নেরুদার কবিতাগুলি, এই ভাই, ছেলে গেছে বনে। এছাড়া ছিল ‘ভিয়েতনামের কবিতা’ এই শিরোনামে তিনটি কবিতা : “স্বপ্ন”, “ফুলের পঁপড়ি ঝরে পড়ে যায়...” “হাতে মাত্র চোখের এক পলক সময়”।

বিশ্ববাণী প্রকাশনীর আলাদা বই ‘পাবলো নেরুদার কবিতাগুলি’-র অন্তর্গত “মাগেলানের হৃদয়” কবিতায় প্রথম পংক্তি ছিল : ‘দূরে দক্ষিণের কথা মনে প’ড়ে’। সংকলনগ্রন্থের পাঠ : ‘দূর দক্ষিণের কথা মনে প’ড়ে’। এই কবিতাতেই ২৩ পংক্তির শুরুতে ‘কাব্যসংগ্রহে’ আছে ‘দীর্ঘরাত্রি’ আর আলাদা বইতে আছে ‘রাত্রি’। তবে এটা মনে হয় স্পষ্টত মুদ্রণপ্রমাদ, পাঠান্তর নয়। অল্পরূপ আরো দু-একটি ছাপার ভুল ছাড়া কোনো পাঠভেদ আমাদের চোখে পড়েনি। ঐ আলাদা বই এবং সংকলনগ্রন্থ দু-জায়গাতেই কবিতার শিরোনাম আছে “মাক্চু পিক্চুর শিখর থেকে”। বর্তমান সংকলনে ওটা দাঁড়িয়েছে “মাক্চু পিক্চুর শিখর থেকে”। তার পরবর্তী কবিতার শিরোনাম আলাদা বই এবং সংকলনগ্রন্থ দু-জায়গাতেই ছিল “এক রমণীদেহ”। বর্তমান সংকলনে কবিতাটির নাম “রমণীদেহ”। তবে সংকলনগ্রন্থে সৃষ্টিপত্র “এক রমণীদেহ” বলে নির্দেশিত হলেও বইয়ের ভেতরে কবিতার শিরোনাম আছে “রমণীদেহ”। আলাদা বইয়ে অবশ্য বইয়ের ভেতরেও “এক রমণীদেহ”ই আছে। মাক্চু পিক্চুর প্রসঙ্গে উল্লেখ করা যেতে পারে যে, মূলে রোমান হরফে বানান থাকে Macchu Picchu। কিন্তু পাবলো নেরুদার নিজের উচ্চারণে ওটা অনেকটা ‘মাক্চু পিচু’-র কাছাকাছি এসে যায়।

স্বভাষ মুখোপাধ্যায়ের অনুবাদে ‘পাবলো নেরুদার কবিতাগুলি’ প্রকাশিত হয় বৈশাখ ১৩৮০-তে, অর্থাৎ এপ্রিল-মে ১৯৭০। ১৯৭২-এ ‘পাবলো নেরুদার কবিতা’ নামে আর একটি সংকলন প্রকাশিত হয়। অনুবাদক মঙ্গলাচরণ চট্টোপাধ্যায়। এই বইটির পরিচয় : প্রকাশক : বিভাস ভট্টাচার্য, সারস্বত লাইব্রেরি, ২০৬ বিধান সরণী, কলকাতা-৬। প্রচ্ছদ-লিপি : চারু খান। প্রথম প্রকাশ :

১৯৭২, দ্বিতীয় মুদ্রণ : ১৯৭৬, তৃতীয় সংস্করণ : ১৯৮৪, পুনর্মুদ্রণ : ১৯৯৩।
 দাম : চক্কিশ টাকা। মুদ্রাকর : তাপস হাটই, নিউ তুবার প্রিন্টিং ওয়ার্কস্, ২৬
 বিধান সরণী, কলকাতা-৬। উৎসর্গ : পাবলো নেকদার সহযাত্রী দেশ-বিদেশের
 কবিকুল-কে। পৃষ্ঠাসংখ্যা ৭০। নেকদার ছ-খানা কবিতার বই থেকে এই সংকলনে
 অনূদিত কবিতার সংখ্যা ২৬। “ভুলতে পারছি না”, “কয়েকটা জিনিস বুঝিয়ে
 দিচ্ছি”, “মাদ্রিদে পদার্পণ করল আন্তর্জাতিক ত্রিগেড”, “স্তোত্র আর প্রত্যাবর্তন”,
 “মাটির স্বর্গে” এই কবিতাগুলি মঙ্গলাচরণ চট্টোপাধ্যায়ের অনুবাদেও পাওয়া যাচ্ছে।
 মঙ্গলাচরণের অনুবাদে এদের শিরোনাম যথাক্রমে : “ভোলা যায় না”, “কয়েকটি
 ব্যাপারের ব্যাখ্যা”, “আন্তর্জাতিক ত্রিগেডের মাদ্রিদ-প্রবেশ উপলক্ষে”, “প্রত্যাবর্তন
 ও স্তোত্র” এবং “নারী স্মরণনা”।

পাবলো নেকদার অনুবাদ প্রসঙ্গে স্তভাষ মুখোপাধ্যায় স্ববীর রায়চৌধুরীকে
 ২ সেপ্টেম্বর, ১৯৯৩ তারিখে লেখা এক পত্রে জানিয়েছেন : “পাবলো নেকদার
 অনুবাদ করেছিলাম ‘হাংরাস’ লেখার ফাঁকে ফাঁকে। গল্প লেখার একঘেয়েমি
 কাটাতে।”

২ রোগা ঈগল

ওলবাস স্লেমেনড-এর রোগা ঈগল, স্তভাষ মুখোপাধ্যায় অনূদিত। বিশ্ববাণী
 প্রকাশনী, কলকাতা-৯। প্রথম প্রকাশ : পৌষ ১৩৮১। প্রচ্ছদশিল্পী : নীতীশ
 (sic) মুখোপাধ্যায়। প্রকাশক : ব্রজকিশোর মণ্ডল, বিশ্ববাণী প্রকাশনী, ৭৯/১বি,
 মহাত্মা গান্ধী রোড, কলকাতা-৯। মুদ্রক : অশোককুমার ঘোষ, নিউ শল্লী প্রেস,
 ১৬, হেমেন্দ্র সেন স্ট্রীট, কলকাতা-৬। দাম : আট টাকা। পৃষ্ঠাসংখ্যা ৫৪। ৩৪টি
 কবিতার সংকলন :

- ১ মা
- ২ কুরগালজিনো হুদে
- ৩ রাতের বিমানে
- ৪ পাঞ্জা
- ৫ বুষ্টি—এরোপ্লেন থেকে
- ৬ এক অন্ধ দর্শক
- ৭ বলো দেখি...
- ৮ প্রচণ্ড গরমে

- ৯ তিন সেলাম
- ১০ আমি জেগে আছি
- ১১ মণ্ডলাকার নক্ষত্র
- ১২ রোগা ঈগল
- ১৩ স্বপ্নবুলের তারা
- ১৪ আহাম্মকের কথা
- ১৫ আঙুরক্ষেতে
- ১৬ আমাদের গ্রামে ছিল এক চর্মকার
- ১৭ হে মরুভূমি
- ১৮ ইষ্টনাম জপি
- ১৯ মাটির কেতাবের দুটি খণ্ডাংশ
- ২০ উড়াল
- ২১ কোজাগরী : লায়লাতুল কাদার
- ২২ ফাঁসির আগে মহম্মদের মোনাজাত
- ২৩ আগস্টের এই সব রাত
- ২৪ মরুভূমিতে রাত্রি
- ২৫ কথাটি
- ২৬ বিলম্বিত
- ২৭ বিজ্ঞান, ধর্ম আর সৌন্দর্য বিষয়ে
- ২৮ পদার্থবিদের প্রার্থনা
- ২৯ হে পর্বতমালা
- ৩০ যায় আসে
- ৩১ পদচিহ্ন
- ৩২ বিড় বিড় ক'রে আওড়াচ্ছে পদ্ম...
- ৩৩ রে তিমুর খান, লোহার তৈরি ঋণ
- ৩৪ নিউ ইয়র্কে রুষ্টি

প্রথম সংস্করণের সূচিপত্রের ২৩-সংখ্যক ও ৩৩-সংখ্যক কবিতা যথাক্রমে “আগস্টের এই সব রাত” ও “রে তিমুর খান, লোহার তৈরি ঋণ” এইভাবে নির্দেশিত হলেও বইয়ের ভেতরে “অগস্টের এই সব রাত” ও “রে তিমুর খান, লোহার তৈরি ঋণ” এই শিরোনামে পাওয়া যায়। বর্তমান সংগ্রহে ‘অগস্টের’ ও ‘লোহার’ এই পাঠ

নেওয়া হয়েছে। প্রথম সংস্করণের ‘তফাৎ’ বর্তমান সংগ্রহে ‘তফাত’-এ রূপান্তরিত। “হে মরুভূমি” কবিতায় ‘ধসে’ বানান এই সংগ্রহে করা হয়েছে ‘ধসে’। “কথাটি” কবিতায় ‘রাতের গড়নে যানয় তাই হয় অন্ধকার’ বর্তমান সংগ্রহে হয়েছে ‘রাতের গড়নে যা-নয়-তাই হয় অন্ধকার’। তেমনি “বিলম্বিত” কবিতায় ‘...ওরা বাবা রে মা-রে করবে’-র ‘বাবা রে’-র মধ্যেও হাইফেন বসানো হয়েছে। “বিজ্ঞান, ধর্ম আর সৌন্দর্য বিষয়ে” কবিতার ১১-সংখ্যক পংক্তিতে ‘নিষ্ঠুরতা’-র পরে বর্তমান সংগ্রহে কমা বসানো হয়েছে। প্রথম সংস্করণে এই যতিচিহ্ন ছিল না। “পদচিহ্ন” কবিতার ‘প্রিয় মুখ হাজার ভিড়ের মধ্যেও আমি ঠিক খুঁজে নেব, / অভিধান ঘেঁটে আমি খুঁজে বার করব ভাল ভাল কথা,’ /—এই দুই লাইনের মধ্যে ‘ঠিক’ শব্দটি জায়গা বদল করায় পংক্তিদুটি দাঁড়িয়েছে : ‘প্রিয় মুখ হাজার ভিড়ের মধ্যেও আমি খুঁজে নেব, / অভিধান ঘেঁটে আমি ঠিক খুঁজে বার করব ভাল ভাল কথা,’ /—“বিড় বিড় ক’রে আঁড়াচ্ছে পদ ..” কবিতার ১৬-সংখ্যক পংক্তি ‘এখুনি আমি তার স্বরে চিৎকার করে উঠব :’ বর্তমান সংগ্রহে দাঁড়িয়েছে, ‘এখুনি আমি তারস্বরে চিৎকার করে উঠব :’। এছাড়া দু-একটা স্পষ্টত ছাপার ভুলের সংশোধন ভিন্ন আর কোনো বদল আমাদের চোখে পড়েনি।

স্বলেমেনভ-এর এই কবিতাগুলি অনুবাদের প্রসঙ্গে স্তভাষ মুখোপাধ্যায়ের পূর্বোক্ত চিঠিতে আমরা পাই : “‘রোগা ঈগল’ বন্ধুত্বের জন্তে।”

৩ নাজিম হিকমতের আরো কবিতা

স্তভাষ মুখোপাধ্যায় অনুদিত। বিশ্ববাণী প্রকাশনী, কলকাতা-৯। প্রথম প্রকাশ : বৈশাখ ১৩৮৬। প্রচ্ছদশিল্পী : পূর্ণেন্দু পত্রী। প্রকাশক : ব্রজকিশোর মণ্ডল। বিশ্ববাণী প্রকাশনী। ৭৯/১বি, মহাত্মা গান্ধী রোড, কলকাতা-৯। মুদ্রক : আনন্দ-মোহন দত্ত। নারায়ণী প্রেস। ২৬/সি, কালীদাস সিংহ লেন। কলিকাতা-৯। দাম : দশ টাকা মাত্র। উৎসর্গ : শোভামল পারেখ—স্নেহভাজনেষু। পৃষ্ঠাসংখ্যা ৮২। ২৭টি কবিতার সংকলন :

- ১ মাথা ঊঁচু করে
- ২ খালি পায়ে
- ৩ আমাদের সন্তানসন্ততির প্রতি উপদেশ
- ৪ কেটে যাচ্ছে এইভাবে
- ৫ লোহার খাঁচায় সিংহ

- ৬ নির্বন্ধ
- ৭ আমাদের এই মেতে ওঠা
- ৮ কবির ক্ষণিক ঝুঁড়েমি
- ৯ চলে গেছে
- ১০ বন্দীযুক্তি
- ১১ আমার দেহস্থ কীট
- ১২ চানকিরি জেল থেকে চিঠি
- ১৩ তারান্তা-বাবুকে লেখা পত্রাবলী
- ১৪ প্রাহায় সকাল
- ১৫ একটা চিঠিতে মনেভার আমাকে এই কথা লিখেছিল
- ১৬ মনেভারকে এই ব'লে চিঠি লিখেছিলাম
- ১৭ বর্ হোটেল
- ১৮ আশাবাদী প্রাহা
- ১৯ মিথাইল রেফিলির স্মৃতিতে
- ২০ মৌমাছি
- ২১ ভোরের আলো
- ২২ চলে গেলে
- ২৩ অকস্মাৎ
- ২৪ সকাল ছ'টা
- ২৫ স্বর্ণকুন্তলা
- ২৬ আমার অস্তিমে

স্বভাষ মুখোপাধ্যায়ের অনুবাদে ‘নাজিম হিকমতের কবিতা’র এটি দ্বিতীয় সংকলন। প্রথম সংকলন ‘নাজিম হিকমতের কবিতা’-র প্রথম সংস্করণের প্রকাশ এপ্রিল ১৯৫২। দে’জ পাবলিশিং প্রকাশিত ‘কবিতাসংগ্রহ’ ১ম খণ্ডের অন্তর্ভুক্ত এই বই সম্পর্কিত কিছু তথ্য ঐ খণ্ডের গ্রন্থপরিচয় অংশে পাওয়া যাবে। প্রায় সাতাশ বছর বাদে স্বভাষ মুখোপাধ্যায় আবার নাজিম হিকমতের কবিতার দ্বিতীয় অনুবাদ সংকলন প্রকাশ করলেন। সুরবীর রায়চৌধুরীকে লেখা ২ সেপ্টেম্বর, ১৯৯৩-এর পূর্বোক্ত চিঠিতে স্বভাষ মুখোপাধ্যায় নাজিম হিকমতের অনুবাদ প্রসঙ্গে জানাচ্ছেন : “নাজিম হিকমত অনুবাদ করেছিলাম ‘পরিচয়’-এর অর্থাভাব মেটানোর জন্তে।” এ বক্তব্য নিশ্চয়ই দ্বিতীয় সংকলন সম্পর্কে প্রযোজ্য নয়।

স্বভাষ মুখোপাধ্যায়ের হাতে নাজিম হিকমতের অনুবাদ নানা দিক দিয়ে উল্লেখযোগ্য ঘটনা। এ বিষয়ে অনেকের রচনাতেই অনেক মন্তব্য পাওয়া যায়। ১৯৬৭ সালে আমেরিকার আয়ওয়া শহরে এক লেখক সম্মেলনের অভিজ্ঞতা বর্ণনা করতে গিয়ে শঙ্খ ঘোষ লিখছেন :

“ইপিবি-তে গিয়ে দেখি সন্ধ্যার সত্ভার জল্ল ওয়ার্কশীট তৈরি করছে বিয়াশান। ছোটোখাটো দেখতে তুর্কি মেয়ে, বিয়ে করেছে মার্কিন বিল কিয়োক, দু-বছরের ছেলে আছে সঙ্গে। বেশ হাসিখুশি, কিন্তু ওরই মধ্যে আছে একটা চাপা তীব্রতা। বিল আমাকে নিয়ে আসে বিয়াশানের কাছে, ঘরগেরস্তালির জিনিসপত্র কিনতে খাব সবাই মিলে, সবমাত্র এসেছি বলে আমাকে প্রতিষ্ঠিত করে দেবার একটা দায়িত্ব যেন ওদের। এদিকে, এই শতাব্দীর তুর্কি কবিতা বিষয়ে কথা বলতে হবে বলে ব্যবহার্য রচনাগুলির একটা আগাম ওয়ার্কশীট তৈরি করার কাজে এখন ব্যস্ত সে। প্রাথমিক পরিচয়ের পর অল্প একটু খুঁকে দেখি কাগজের ওপর একটি নাম : নাজিম হিকমত। ‘নাজিম হিকমত?’ বলে কবিতাটা যেই তুলে নিয়েছি হাতে, টোটে একটু ঝাঁক হাসি নিয়ে বলে ওঠে সত্তপরিচিত বিয়াশান : ‘এমনভাবে বললে যেন খুবই চেনা তোমার? নামটা আগে শুনেছ?’

মেয়েটির দিকে তাকাই। কথাটা কি পরিহাস না অবজ্ঞা? আক্রমণ না ঔৎসুক্য? অল্প একটু থেমে, বলতে হলো : ‘শুনব না কেন? ইনি তো আমাদের প্রিয় কবিদের একজন।’

‘আমাদের মানে?’

‘মানে বাঙালি কবিতাপাঠকের।’

‘কিছু-একটা গোলমাল করছ তুমি। অল্প কারো কথা ভাবছ বোধহয়’ ‘সেকী। অল্প কারো কথা ভাবব কেন?’

‘তুমি বলছ, এই কবি, নাজিম হিকমতের কবিতা তুমি পড়েছ আগে?’

‘একটাদুটো নয়, অনেক। আর সে তো আজকের কথাও নয়। পনেরো বছর ধরে পড়ছি, বাংলা অনুবাদেই।’

‘পনেরো বছর?’ আরো একবার প্রতিবাদে ঝংকার দিয়ে ওঠে বিয়াশান। কেননা, ও জানায়, পনেরো বছর আগে কোনো অনুবাদই বার হয়নি হিকমতের। জানায়, ওদের নিজেদেরই দেশে দীর্ঘকাল জুড়ে নিষিদ্ধ এই কবি, ওরাই হিকমতের কবিতা পড়ছে মাত্র ষাট সালের পর থেকে, আর এখন

তো মোটে সাতষষ্ঠি। শুনে বিশ্বয়ের চেয়েও প্রথমে অহংকারে ভরে ওঠে মন, খানিকটা ওপর থেকে বলবার ভঙ্গিতে জানাই ওকে : ‘চমৎকার। তাহলে তোমাদের কবিতা তোমাদের চেয়ে আমরাই পড়েছি আগে। আমাদের এক-জন কবি, স্ত্রীভাষ মুখোপাধ্যায়, এসব অনুবাদ করেছেন সেই ১৯৫২ সালে, সঙ্গে সঙ্গে ছাপা হয়েছে বই, দুঃখ কেবল এইটুকু যে বইটি আমার সঙ্গে নেই এখানে।’

কিন্তু কী করে তা হলো? বিহ্বলতা যে বিল বা বিয়ার্শানেরই তা নয়, বিহ্বলতা আমারও। এরকমও হয় না কি? মনে পড়ল অনেকদিনের পুরনো একটা ছবি। পার্ক সার্কাস ময়দানের বিরাট শান্তিসম্মেলন। তারুণ্যের স্ববাদে আমরা তখন সব সময়েই আছি তার কাছাকাছি, ব্যাত লোকদের খুব সামীপ্য থেকে দেখতে পাবার নিরুপদ্রব স্বযোগ। স্ত্রীভাষ মুখোপাধ্যায়ের তখনই প্রায় সর্বভারতীয় যশ, ঘুরে বেড়াচ্ছেন তিনি, অল্প কৌন্ অঞ্চলের এক প্রতিনিধি এসে ইন্টারভিউ নিচ্ছেন তাঁর। পাশে দাঁড়ানো আমার হাতে টাইপ-করা কিছু কাগজ এগিয়ে দিয়ে বললেন স্ত্রীভাষ মুখোপাধ্যায় : ‘দেখো, কবিতাগুলি কেমন।’ বই ছাপা হবার আগে, বাংলায় নয়, ইংরেজিতে, সেই আমার প্রথম নাজিম হিকমত পড়া। ইন্টারভিউর দায়মুক্ত হয়ে বললেন তিনি : ‘এগুলির অনুবাদ করছি। ভালো হবে না?’

চকিতে একবার মনে হয়েছিল বটে, টাইপ-করা কাগজ কেন, ইংরেজিতে ছাপা কোনো বই নয় কেন। তেরো বছর জেলে কাটানোর পর তখন তিনি দেশান্তরী, ফরাসিতে আর ইংরেজিতে কিছু কিছু অনুবাদ হয়েছে তাঁর, সেসব থেকেই তখন তৈরি হয়ে উঠছিল বাংলা লেখাগুলি, জেনেছি পরে।

এই গল্পের সবটা শুনে ঝলমল হয়ে বলতে থাকে বিয়ার্শান : ‘এবার বুঝতে পারছি সব। এরকম আমরা শুনেছি যে আমাদের দেশে গুর কবিতা নিষিদ্ধ ছিল বটে, কিন্তু জেলখানা থেকে গোপনে গোপনে তা ছড়িয়ে যেত দেশের বাইরে। আর কবি নিজে যখন দেশের বাইরে, তখনো তা লুকোনো ইস্তা-হারের মতো চলে আসত দেশে। নানা দেশের সংগ্রামীদের প্রেরণা ছিল গুর কবিতা। এইভাবেই তবে তা পৌঁছে গেছে ভারতেও।’ ”

[ঘুমিয়ে পড়া অ্যালবাম, ১৯৮৬; পৃ. ২৩-২৪]

পার্ক সার্কাস ময়দানের এই শান্তি সম্মেলনের আর এক টুকরো ছোট বর্ণনা পাই শঙ্খ ঘোষের আরো কিছু পরের এক রচনায়।

“2 April 1952. Standing in the middle of Park Circus Maidan, an awestruck youth sees Manik Banerji striding over the Diagonal path to a vast marquee. Subhash Mukherji is giving an interview, brandishing some typed English translations of the Turkish poet Nazim Hikmet. Mangalacharan Chatterji in the press enclosure is preparing to write his report. The names of the conveners are being announced from the rostrum : Ustad Alauddin Khan, Uday Shankar, Jamini Ray, Mama Wadekar, Sumitranandan Pant, Vallathol, Mulk Raj Anand, Krishen Chander, Manik Banerji, Manoranjan Bhattacharya, Saifuddin Kichlu, Prithviraj Kapoor ..

Even the film star Prithviraj, in his spotless white ? Yes, for creative men of all sorts from all over the country have gathered here for a week’s All-India Peace Conference.”

[“Towards a New Beginning : The Literary World of Modern Calcutta, 1941-1980” in *Calcutta : The Living City*, Vol. II, 1990 ; Ed. Sukanta Chaudhuri (Translated from Bengali)]

‘নাজিম হিকমতের কবিতা’ প্রথম ছাপা হবার পর তরুণ পাঠকদের কাছে মেটা কীভাবে গৃহীত হচ্ছিল, তার একটি নিদর্শন আছে সত্যজিৎ চৌধুরীর তৎকালীন এই মন্তব্য :

“বিদেশী কবিদের রচনাব সঙ্গে বাংলার পাঠকমন্দের যোগসূত্র স্থাপনের উত্তম নতুন করে দেখা দিচ্ছে । স্বভাব মুখোপাধ্যায় কৃত ‘নাজিম হিকমতের কবিতা’ অনুবাদগ্রন্থ এই উত্তরের ফসল । সহজ কঠে জীবনের গভীর মর্ম কবিতার ছত্রে ছত্রে ছড়িয়ে দেবার একটা স্বন্দর ভঙ্গি হিকমতের রচনায় পেয়েছি । গীতিকবিতায় মানবচরিত্র প্রতিফলনে হিকমত অসাধারণ কৃতিত্বের পরিচয় দিয়েছেন । ব্যক্তিগত ভাবোচ্ছ্বাসের পরিবর্তে একটি পরম মুহূর্তের মাঝ দিয়ে যুঁত হয়ে ওঠা পূর্ণ মানবজীবনকেই চকিতে তিনি কবিতায় উপস্থাপন করেন । তীব্র অনুভবের আবেগে কবিতার ছত্রে ছত্রে একটি মানুষের যুঁতি প্রত্যক্ষ করা যায় । বাঙলা কবিতার নতুন কাব্যরূপ নির্মাণের এই যুগে এই বিদেশী

কবিত্রাতার কাছ থেকে অনেকে নতুন আলোক পাবেন আশা করি।”

“কবিতা”, একতা, কলকাতা বিশ্ববিদ্যালয় বার্ষিক সংকলন ১৩৬০,
পৃ ৮৯।

+ +

‘কবিতাসংগ্রহ’ ১ম খণ্ডের গ্রন্থপরিচয় অংশে ‘নাজিম হিকমতের কবিতা’-র বিশ্ববাণী সংস্করণের তিনবার পুনর্মুদ্রণের উল্লেখ করা হয়েছিল। জ্যৈষ্ঠ ১৩৮৬-র চতুর্থ মুদ্রণের সঙ্গে তুলনা করে যে-পরিবর্তনগুলি চোখে পড়ে তা নিচে উল্লেখ করা হল :

১. প্রথম সংস্করণের অন্তর্ভুক্ত কবিতার সংখ্যা ছিল ২২। পুরো তালিকাটি ‘কবিতাসংগ্রহ’ ১ম খণ্ডের গ্রন্থপরিচয়ে উদ্ধৃত করা আছে। ১৩৮৬-র চতুর্থ মুদ্রণে কবিতার সংখ্যা ১৯। এই মুদ্রণে “কলকাতার বাঁড়ুজো”-র পরের কবিতাই “আহম্মদ ড্রাইভার”। প্রথম সংস্করণে এর মধ্যে আরো তিনটি কবিতা ছিল : “বিদায়”, “শেখ বদরুদ্দিনের মহাকাব্য থেকে”, “রবিবার”। অগ্ন্যস্ত্র কবিতার ক্রম অপরিবর্তিত। ‘কবিতাসংগ্রহ’ ১ম খণ্ডের ক্রমবিন্যাসের সঙ্গে অনেকটাই তফাত দাঁড়াল। এই তিনটি কবিতাই কবিতাসংগ্রহে আছে এই বিন্যাসে : “বিদায়”, “রবিবার”, “শেখ বদরুদ্দিনের মহাকাব্য থেকে”। অগ্ন্যস্ত্র তকাত প্রথম খণ্ডের গ্রন্থপরিচয়ে উল্লেখ করা আছে।

২. প্রথম খণ্ডের গ্রন্থপরিচয়ে মূল রচনা হিসেবে ‘নাজিম হিকমত’ ও ‘অনুবাদ প্রসঙ্গে’ শিরোনামে দুটি অংশ মুদ্রিত হয়েছিল। আলোচ্য চতুর্থ মুদ্রণে এই দুটি অংশ একই শিরোনামে আছে, তবে কিছু পরিবর্তন লক্ষ করা যায়। ‘নাজিম হিকমত’ অংশে প্রথম অগুচ্ছেদের শেষে এই বাক্যটি সংযোজিত ছিল : “বিশ্বশান্তি সংসদ সম্প্রতি তাঁকে ‘শান্তি পুরস্কার’ দিয়ে সম্মানিত করেছে।” তৃতীয় অগুচ্ছেদের প্রথম বাক্য ছিল : “নাজিম হিকমতের জন্ম সম্ভ্রান্ত বংশে হলেও তাঁর জীবন প্রথম থেকেই তিনি উৎসর্গ করেছিলেন দেশের কোটি কোটি সাধারণ মানুষের মুক্তি সংগ্রামে।” সপ্তম অগুচ্ছেদের শেষ বাক্য ছিল : “সেই সঙ্গে কবিতায় নতুন আঙ্গিক, অভিনব চিত্র, বিশেষণ আর উপমা ব্যবহারেরও পথনির্দেশ পান।” অষ্টম অগুচ্ছেদের শেষ বাক্যের শেষাংশ ছিল : “তাঁর নিজের বয়সের চেয়েও অনেক বেশি।” নবম অগুচ্ছেদের দ্বিতীয় বাক্য : “পরে তাঁকে সপ্তাহের পর সপ্তাহ কাটাতে হয় জাহাজের রুদ্ধদ্বার পায়খানায়।” এই অংশটির সব শেষে এই একটি নতুন বাক্য যোগ করা ছিল : “হিকমতের

কবিতাই তাঁর জীবন, জীবনই তাঁর কবিতা।”

‘অনুবাদ প্রসঙ্গে’ শিরোনামে প্রথম খণ্ডের গ্রন্থপরিচয়ে দুটি অণুচ্ছেদ মুদ্রিত হয়েছিল। আলোচ্য চতুর্থ মুদ্রণে ঐ শিরোনামে দ্বিতীয় অণুচ্ছেদের সঙ্গে নিচে উদ্ধৃত করা অংশটুকু যোগ করা ছিল :

“হিকমতের কবিতা অনুবাদ করতে করতে একটা কথা কেবলই মনে হয়েছে— যদি মূল ভাষায় কবিতাগুলো পড়তে পারতাম। বাংলায় তাঁর অনুবাদ তাতে হয়ত আরেকটুকু যথাযথ হতে পাবত। চেষ্টা করেও হিকমতের কবিতার প্রাণবন্ত স্বর বজায় রাখতে পারি নি। সভয় শ্রদ্ধায় ছায়ার মত পায়ে পায়ে চলবার চেষ্টা করেছি। তাতে বহুক্ষেত্রে নিজেরই জ্ঞাতসারে অনুবাদে মধ্য আড়ষ্টতা এসেছে। আগাগোড়া কালানুক্রমে কবিতাগুলো সাজানো সম্ভব হয়নি। নাম-করণের ব্যাপারে কিছু ব্যতিক্রম করতে হয়েছে। এসব ত্রুটির কথা জেনে-ওনেও আশা করছি, এই অনুবাদ বাঙালী পাঠকের মনে নাজিম হিকমতের কবিতা সম্পর্কে আগ্রহ জাগাবে।”

সুভাষ মুখোপাধ্যায়

৩. ‘নাজিম হিকমতের কবিতা’ শিরোনামে নাজিম হিকমত স্বাক্ষরিত যে-অংশটা ‘কবিতাসংগ্রহ’ ১ম খণ্ডে ছাপা হয়েছে আলোচ্য চতুর্থ মুদ্রণেও সে-অংশটা ছিল। সেখানেও সামান্য পরিবর্তন লক্ষ করা যায়। দ্বিতীয় অণুচ্ছেদের দ্বিতীয় বাক্য চতুর্থ মুদ্রণে ছিল : “এমন ভাষায় তিনি লেখেন—যা বানানো নয়, মিথ্যা নয়, কৃত্রিম নয়;...” “মিথ্যা নয়” অংশটুকু এখানে বাড়তি যোগ করা ছিল।

ঐ অণুচ্ছেদের শেষ বাক্য চতুর্থ মুদ্রণে ছিল : কবিরা তো ভ্রষ্ট নন যে, তাঁরা মেঘের রাজ্যে পাখা মেলবার স্বপ্ন দেখবেন ; কবিরা হলেন সমাজের একজন, —জীবনের সঙ্গে তাঁরা যুক্ত, জীবনের তাঁরা সংগঠক।”

+ +

‘নাজিম হিকমতের শ্রেষ্ঠ কবিতা’ নামে সম্প্রতি কমলেশ সেন-এর অনুবাদে একটি বই প্রকাশিত হয়েছে। এই বইটির পরিচয় : পরিবেশক—নাথ ত্রাদার্স, ৯ শ্রামাচরণ দে স্ট্রীট, কলকাতা ৭০০০৭৩। প্রথম প্রকাশ—ভাদ্র ১৪০০, সেপ্টেম্বর ১৯৯৩। প্রকাশক—সমীরকুমার নাথ, নাথ পাবলিশিং, ২৬বি পণ্ডিতিয়া প্লেস, কলকাতা—৭০০০২৯। প্রচ্ছদপট—গৌতম রায়। মুদ্রাকর—পি. কে. পাল, শ্রী সারদা প্রেস, ৬৫ কেশবচন্দ্র সেন স্ট্রীট, কলকাতা-৭০০০০৯। দাম—৩০ টাকা।

পৃষ্ঠাসংখ্যা ১৬৭। পেছন মলাটের একটি কবিতা নিয়ে মোট ৭৪টি কবিতার সংকলন। দুটি বই মিলিয়ে স্তম্ভাষ মুখোপাধ্যায়ের অনূদিত কবিতার সংখ্যা ৪৯। এর বাইরে অবশ্য ঠুর অনুবাদে নাজিম হিকমতের আরো একটি কবিতা আছে— “নাজিম হিকমতের নিজের কবিতা প্রসঙ্গে”। এ কবিতাটি ‘জল সহিতে’-র অন্তর্গত।

+ +

‘নাজিম হিকমতের আরো কবিতা’-র অন্তর্গত প্রথম কবিতা “মাথা উচু করে” ইংরেজি অনুবাদে “9. 10 P.M. Poems” এই নামে একটি দীর্ঘ কবিতার অনুবাদ। কবিতাটি Randy Blasing and Mutlu Konuk অনূদিত *The Epic of Sheik Bedreddin and other poems* (Persea Books, New York, 1977) নামের সংকলনে যে-রূপে পাওয়া যাচ্ছে তার সঙ্গে বাংলা অনুবাদের চেহারার বেশ খানিকটা তফাত আছে। বাংলা অনুবাদে প্রথম তারিখ সংবলিত অংশ ২১শে সেপ্টেম্বর ১৯৪৫ থেকে শুরু হচ্ছে। ইংরেজি অনুবাদে এর আগে আরো দুটো অংশ আছে। প্রথমটি তারিখবিহীন, শুরু হচ্ছে এইভাবে : *How beautiful to remember you : / amid news of death and victory, / in prison, / and when I'm past forty.../*। দ্বিতীয় অংশের তারিখ ২০ সেপ্টেম্বর ১৯৪৫, শুরু হচ্ছে এইভাবে : *At this late hour / this fall night / I am full of your words : /*। ২৪ সেপ্টেম্বর ১৯৪৫ তারিখের একটি অংশ বাংলা অনুবাদে নেই। ছোট্ট এই অংশটুকু তুলে দিচ্ছি :

The most beautiful sea
hasn't been crossed yet.

The most beautiful child
hasn't grown up yet.

Our most beautiful days
we haven't lived yet.

And the most beautiful words I wanted to tell you
I haven't said yet...

এর পরে ২৫শে সেপ্টেম্বর চিহ্নিত বাংলায় যে-অংশটা আছে সেটা ইংরেজি অনুবাদে ২৫ সেপ্টেম্বর, ১৯৪৫ অংশের অনুবাদ নয়, সেটা ২৬ সেপ্টেম্বর, ১৯৪৫ তারিখ সংবলিত অংশের অনুবাদ। এরপর ৩০ সেপ্টেম্বর, ১ অক্টোবর, ২ অক্টোবর চিহ্নিত তিনটি অংশ বাংলা অনুবাদে বর্জিত। আবার ৬ অক্টোবরের পর

৭ অক্টোবর, ৮ অক্টোবর অংশ বর্জিত। বাংলা অনুবাদের শেষ অংশ ৯ই অক্টোবর। এটা ইংরেজি অনুবাদের ৯ অক্টোবর, ১৯৪৫ অংশের অনুবাদ নয়, এটা ইংরেজিতে The Fourth of December of 1945—চিহ্নিত অংশের অনুবাদ। তার আগে ইংরেজিতে ১০ অক্টোবর, ১৮ অক্টোবর, ২৭ অক্টোবর, ২৮ অক্টোবর, ৫ নভেম্বর, ৮ নভেম্বর, ১২ নভেম্বর, ১৩ নভেম্বর ও ২০ নভেম্বর ১৯৪৫—চিহ্নিত অংশ-গুলি আছে। আর পরে আছে ৫, ৬, ৭, ১২, ১৩ ও ১৪ ডিসেম্বর, ১৯৪৫—চিহ্নিত অংশগুলি।

এই সংকলনের আর একটি দীর্ঘ কবিতা “চানকিরি জেল থেকে চিঠি”। ইংরেজি অনুবাদেও বাংলা অনুবাদের মতো পাঁচটি অংশই রয়েছে, বর্জনের নমুনা কিছু নেই এখানে। কেবল তৃতীয়, চতুর্থ ও পঞ্চম অংশের নিচে ইংবেজি অনুবাদে তারিখ দেওয়া আছে যথাক্রমে 7. 10. 1940, 8. 12. 1940 ও 10. 26. 1940।

কবিতায় উল্লেখিত দু-একজন ব্যক্তির পরিচয় :

গজলী (মৃ. ১৫৩৪), বুর্সার অটোমান কবি।

পিরায়ে, নাজিম হিকমতের দ্বিতীয় স্ত্রী।

মুনেভার আনদাক, নাজিম হিকমতের তৃতীয় স্ত্রী; তুর্কি সরকার তাঁর স্বামীর, কাছে যাবার জন্য তাঁকে বিদেশ যাত্রায় বাধা দেন।

মেমেং, নাজিম হিকমতের পুত্র, জন্ম ১৯৫০।

ভেরা তুলিয়াকোভা, জীবনের শেষ কয়েক বছর নাজিম হিকমত এর সঙ্গে বাস করতেন।

আবিদিন দিনো, তুর্কি শিল্পী, নাজিম হিকমতের অনেক বইয়ের অলংকরণ এর করা।

৪ একটু পা চালিয়ে, ভাই

সুভাষ মুখোপাধ্যায়, আনন্দ পাবলিশার্স প্রাইভেট লিমিটেড, কলিকাতা ৯। প্রথম সংস্করণ : মে ১৯৭৯, তৃতীয় মুদ্রণ—জানুয়ারি ১৯৮৪, চতুর্থ মুদ্রণ—এপ্রিল ১৯৮৭। আনন্দ পাবলিশার্স প্রাইভেট লিমিটেডের পক্ষে ফণিভূষণ দেব কর্তৃক ৪৫ বেনিয়া-টোলা লেন, কলিকাতা-৯ থেকে প্রকাশিত এবং আনন্দ প্রেস এণ্ড পাবলিকেশনস প্রাইভেট লিমিটেডের পক্ষে দ্বিজেন্দ্রনাথ বসু কর্তৃক পি ২৪৮ সি. আই. টি স্ক্রীম নং ৬ এম, কলিকাতা-৫৪ থেকে মুদ্রিত। প্রচ্ছদ : বিপুল গুহ। মূল্য : ১০ টাকা।

উৎসর্গ : গানে রেকর্ড-করা কিশোরকণ্ঠ হেমন্ত মুখোপাধ্যায় বন্ধুবরেষু। পৃষ্ঠাসংখ্যা

৭৮। ৪৪টি কবিতার সংকলন :

- ১ আনন্দ
- ২ সাধ
- ৩ আজ আছি কাল নেই
- ৪ গোলকধাম
- ৫ হিংসে
- ৬ মরুভূমির হাওয়ায়
- ৭ হয় না
- ৮ এখন
- ৯ বাইরে থেকে ভেতরে
- ১০ টুল
- ১১ শুভরাত্রি
- ১২ যেখানে ব্যাধ
- ১৩ টলতে টলতে
- ১৪ যাব না সভায়
- ১৫ হিকোরি চিকোরি
- ১৬ ঝুলতে ঝুলতে
- ১৭ না কী বলেন
- ১৮ জাগ্রত
- ১৯ সাজা চাই
- ২০ বাঘের আঁচড়
- ২১ কমলেকামিনী
- ২২ কোথায়
- ২৩ কথার ঝুড়ি
- ২৪ রাস্তা
- ২৫ যা তাই
- ২৬ রক্তবীজ
- ২৭ সরলা বস্ত্র জগ্নে
- ২৮ শের জঙ্গ-এর ডেরায়

২৯ কিউবার কুম্ভাঙ্গকীর্তন

৩০ বোবা ছেলেটা

৩১ মাকড়সা

৩২ জনগণ

৩৩ তুষার ঝঞ্ঝা

৩৪ চাকরান কুলি

৩৫ ইয়েসেনিনের গ্রামদেশে

৩৬ এক কবির শব

৩৭ নেভা নদীর ধারে শহর

৩৮ সেগদেন সায়র

৩৯ হলধরের গান

৪০ ঠাকুরমার ঝুলি

৪১ একটু পা চালিয়ে, ভাই

৪২ দিক্‌ভুল

৪৩ বদলায়

৪৪ পাতাল রেল

১৯৭২-এ প্রকাশিত হয়েছিল ‘ছেলে গেছে বনে’। সাত বছর পরে আবার সুভাষ মুখোপাধ্যায়ের মৌলিক কবিতা সংকলন প্রকাশিত হল ‘একটু পা চালিয়ে, ভাই’। এর মাঝখানে প্রকাশিত তিনটি কবিতার বই-ই অনুবাদ কবিতার সংকলন। ‘পাবলো নেরুদা-র কবিতাগুচ্ছ’, ‘রোগা ঈগল’ ও ‘নাজিম হিকমতের আরো কবিতা’ বর্তমান খণ্ডের অন্তর্গত।

মূলত মৌলিক কবিতার সংকলন বটে, তবে ‘একটু পা চালিয়ে, ভাই’-এর ৪৪টি কবিতার মধ্যে ১১টি আছে বিভিন্ন কবির কবিতার অনুবাদ। উপরোক্ত তালিকার ২৯ থেকে ৩৯-সংখ্যক কবিতাগুলি অনুবাদ। এই অনূদিত কবিদের মধ্যে আছেন ফেদেররিকো গার্সিয়া লরকা, সেজার ভায়েহো, তু ফু, সি. এফ. এগুজ্জ, আলেকজান্দ্র ব সল্‌বোনেংসিন ও ভাল্লাথোল। “কিউবার কুম্ভাঙ্গকীর্তন” ও “বোবা ছেলেটা” লরকার এই দুটি কবিতা প্রথম প্রকাশিত হয়েছিল মানবেন্দ্র বন্দ্যোপাধ্যায় সম্পাদিত ‘হরবোলা’ (বসন্ত ১৩৮৩)-য়। সেজার ভায়েহো-র “মাকড়সা” ও “জনগণ”ও প্রথম প্রকাশিত ‘হরবোলা’-র ঐ সংখ্যাতেই। “ইয়েসেনিনের গ্রামদেশে”, “এক কবির শব”, “নেভা নদীর ধারে শহর” ও “সেগ-

দেন সায়র” আলেকজান্দার সল্‌বেনেংসিনের এই চারটি কবিতার প্রথম প্রকাশ : দিলীপকুমার গুপ্ত সম্পাদিত ‘চতুর্দশ’ (বর্ষ ৩৩, বৈশাখ-আষাঢ় ১৩৭৮)। প্রথম প্রকাশিত চেহারার সঙ্গে পংক্তিবিছাসে সামান্য একটু আধটু তফাত আছে।

৫ পাবলো নেরুদার আরো কবিতা

সুভাষ মুখোপাধ্যায় অনূদিত, বিশ্ববাণী প্রকাশনী, কলকাতা-৯। প্রথম মুদ্রণ : বৈশাখ ১৩৮৭, প্রচ্ছদশিল্পী : গৌতম রায়। প্রকাশক : ব্রজকিশোর মণ্ডল, বিশ্ববাণী প্রকাশনী, ৭৯/১বি, মহাত্মা গান্ধী রোড, কলকাতা-৯। মুদ্রক : অশোককুমার ঘোষ, নিউ শশী প্রেস, ১৬, হেমেন্দ্র সেন স্ট্রীট, কলকাতা-৬। দাম : ছ’টাকা। পৃষ্ঠাসংখ্যা ৬৪। ১৮টি কবিতার সংকলন :

- ১ আর কিছু নয়
- ২ মৎস্যকণ্ঠ আর একদল মাতালের উপাখ্যান
- ৩ আমরা বিস্তর
- ৪ বড় বেশি নাম
- ৫ আমি চাই স্তব্ধতা
- ৬ ভয়
- ৭ পাথরের মুখ
- ৮ স্মৃতি
- ৯ হে পৃথিবী দাঁড়াও
- ১০ প্রাচ্যদেশে ধর্ম
- ১১ কবিতার ব্যাপার
- ১২ আস্তেরিও
- ১৩ টগবগিয়ে দক্ষিণে
- ১৪ নড়ছি না
- ১৫ পতাকা
- ১৬ টমেটোর ভজন
- ১৭ কুড়ের বাদশা
- ১৮ পলাতক

সুভাষ মুখোপাধ্যায়ের অনুবাদে পাবলো নেরুদার কবিতার দ্বিতীয় সংকলন এই বই। আগেই উল্লেখ করা হয়েছে যে পাবলো নেরুদার অনুবাদে তিনি হাত

দিয়েছিলেন গল্প রচনার একষেয়েমি কাটাতে। একথা সম্ভবত দ্বিতীয় সংকলন সম্বন্ধে প্রযোজ্য নয়। এই দ্বিতীয় সংকলনে কবির পরিচয় হিসেবে “নেত্রদার জীবন ও কবিতা” এই শিরোনামে একটি গল্প অংশ ছিল। এই সংক্ষিপ্ত রচনায় নেত্রদার কাব্যগ্রন্থগুলির একটা মোটামুটি পরিচয় পাওয়া যায়। ‘কান্তো হেনেরাল’, ‘স্পেন আমার হৃদয়ে’, ‘কুড়িটি প্রেমের কবিতা’ প্রভৃতি বইয়ের অংশবিশেষ বর্তমানে বাংলা অনুবাদে আমরা পাই। সমগ্র বই হিসেবে পাই কেবল ‘হোয়াকিম মুরিয়েতার মহিমা ও মৃত্যু’। মানবেন্দ্র বন্দ্যোপাধ্যায়ের অনুবাদে ‘হোয়াকিম মুরিয়েতার মহিমা ও মৃত্যু’ (অনুদ্বৈপ, কলকাতা) নামে এই অপেরা-ধর্মী রচনাটি প্রকাশিত হয়েছে পৌষ ১৮৯৭ / জানুয়ারি ১৯৯১-তে।

এই সংকলনের অন্তর্গত “পতাকা” ও “টমেন্টোর ভজন” কবিতারূটি প্রথম প্রকাশিত হয়েছিল বসন্ত ১৩৮৩-র ‘হরবোলা’ সংকলনে। পাঠভেদ কিছু নেই, কেবল “পতাকা”-র শেষ লাইনে ‘কিন্তু চড়া শীতে, মাছটা নিয়ে সেই পতাকাটা দাপাতে দাপাতে উঠে গিয়ে ঠাণ্ডায়,...’ এর মধ্যে ‘দাপাতে’ কথাটা একবার ছিল। স্পষ্টত ছাপার ভুল।

“পলাতক” নামের দীর্ঘ কবিতাটি স্বভাষ মুখোপাধ্যায় অনুবাদ করেছেন বারোটি অংশে। Jack Schmitt অনুদিত *Canto General* (University of California Press)-এর ১৯৯১-সংস্করণে “The Fugitive” নামের কবিতাটি আছে মোট তেরোটি অংশে। শেষ অংশ স্বভাষ মুখোপাধ্যায়ের অনুবাদে বর্জিত। বর্জিত হয়েছে ১২নং অংশের শেষ স্তবকটিও। ছোট এই অংশটুকু তুলে দিচ্ছি :

To all, to all,

to whomever I don't know, to whomever never
heard this name, to those who dwell
all along our long rivers,
at the foot of the volcanoes, in the sulphuric
shadow of copper, to fishermen and farmhands,
to blue Indians on the shores
of lakes sparkling like glass,
to the shoemaker who at this very hour questions,
nailing leather with ancient hands,
to you, to the one who unknowingly has awaited me,
I belong and acknowledge and sing.

৬ জল সহিতে

সুভাষ মুখোপাধ্যায়, আনন্দ পাবলিশার্স প্রাইভেট লিমিটেড, কলিকাতা-৯। প্রথম সংস্করণ—মে ১৯৮১। প্রচ্ছদ : সুনীল শীল। আনন্দ পাবলিশার্স প্রাইভেট লিমিটেডের পক্ষে ফণিভূষণ দেব কর্তৃক ৪৫ বেনিয়াটোলা লেন, কলিকাতা-৭০০০০৯ থেকে প্রকাশিত এবং আনন্দ প্রেস এণ্ড পাবলিকেশনস প্রাইভেট লিমিটেডের পক্ষে ঘিজেন্দ্রনাথ বসু কর্তৃক পি ২৪৮ সি. আই. টি. স্কীম নং ৬ এম কলিকাতা-৭০০০৫৪ থেকে মুদ্রিত। মূল্য—৬ টাকা। উৎসর্গ : শ্রদ্ধেয় প্রবোধচন্দ্র সেন মহাশয়কে। পৃষ্ঠাসংখ্যা ৬১। ২৫টি কবিতার সংকলন :

- ১ বোবা কোকিল
- ২ হটাবাহার
- ৩ তো
- ৪ বোনটি
- ৫ জীবনে প্রথম
- ৬ বসে আছি
- ৭ হাওয়া
- ৮ শেষ বাজি
- ৯ তুঘলক লেনে
- ১০ আঙুন লাগলে
- ১১ খালি হাত
- ১২ ছেলেধরা
- ১৩ দাঁড়াও পথিকবর
- ১৪ এক ঢিলে
- ১৫ এজেন্ট আবশ্রুক
- ১৬ বিফলে মূল্য ফেরত
- ১৭ স্নলভে গৃহশিক্ষক
- ১৮ রক্ষাকবচ
- ১৯ চিৎ -
- ২০ এইটুকু
- ২১ একজন মানুষের খুব বেশী কিছু চাই না

২২ একটি সংলাপ

২৩ নাজিম হিকমত-এর নিজের কবিতা প্রসঙ্গে

২৪ জল সহিতে

২৫ যাচ্ছি

বইটির একটি দ্বিতীয় মুদ্রণ প্রকাশিত হয় জানুয়ারি ১৯৮৪-তে। এটি মুদ্রণ মাত্র, কোনো নতুন সংস্করণ নয়।

আমরা আগেই উল্লেখ করেছি যে, ‘জল সহিতে’-র অন্তর্গত নাজিম হিকমত-এর একটি অনুবাদ কবিতা রয়েছে। মূলত মৌলিক এই কবিতা-সংকলনে আরো তিনটি অনুবাদ কবিতা স্থান পেয়েছে। রবার্ট রোজদেস্ত্ভেনস্কি-র এই কবিতা তিনটি হল “এইটুকু”, “একজন মানুষের খুব বেশি কিছু চাই না” ও “একটি সংলাপ”। প্রসঙ্গত বইয়ের সূচিপত্রে বানান আছে ‘বেশী’, বইয়ের ভেতরে কবিতার শিরোনামে বানান আছে ‘বেশি’।

৭ চইচই-চইচই

স্বভাষ মুখোপাধ্যায়, নাভানা, পি ১০৩ প্রিন্সেপ স্ট্রীট, কলকাতা-৭২। পরিবেশক: এ মুখার্জী অ্যান্ড কোং প্রাইভেট লিমিটেড, ২ বঙ্কিম চ্যাটার্জী স্ট্রীট, কলকাতা-৭০০০৭৩। প্রকাশক: শ্রীকুমারকুমার রায়, নাভানা। প্রথম প্রকাশ: ফাল্গুন ১৩৮৯, মার্চ ১৯৮৩। মুদ্রক: শ্রীবিকাশ হাজরা, বিষ্ণু প্রিন্টিং হাউস, ৩৮/১এ হরীতকীবাগান লেন কলকাতা-৬। প্রচ্ছদশিল্পী: শ্রীশৈবাল মিত্র। দাম: দশ টাকা, ₹ 1-50, \$ 2-30। উৎসর্গ: পুপে তোতা পাপু, আমার আর গীতার এই তিন কণ্ঠ্যকে। পৃষ্ঠাসংখ্যা ৫০। ২২টি কবিতার সংকলন:

- ১ দেয়ালে লেখার জগ্গে (অপিসে কাজ না করে—)
- ২ স্মৃতিচারণ (বাঁচার গর্বে)
- ৩ মাঝরাস্তায় (তোমার কাছে / যাব ব'লে)
- ৪ অন্ধকার গিলে খাচ্ছে (চলচ্ছক্তিহীন পাখা)
- ৫ গুজবাই (পৃথিবী, মানুষ, এই অন্ধকার...)
- ৬ এই যে (এই ঘেঁ এইখানে আছি)
- ৭ অন্ধকারে (আমাদের চোখে ঝুলি পরিয়ে)
- ৮ খেলা (খেলনাগুলো পড়ে রইল)
- ৯ ভাণ্ডারীর খেল (সাদার গায়ে ছিটানো কিছু কালি)

- ১০ চিং (বুড়োর কানের কাছে এনে মুখ)
- ১১ মুখরোচক (ফুলঝাড়ু তার হাতের খাবায়)
- ১২ গৃহস্থ হও (চালচুলোহীন, ওরে ও হা-ঘরে,)
- ১৩ জল নেমে গেলে পলি (দেবতার থানে ধ'রে দিয়ে পাঁচসিকে)
- ১৪ চইচই-চইচই (ফুটপাথে গাছের নিচে)
- ১৫ অগত্যা (তিন কাল গিয়ে এক কালে ঠেকা বুড়ো)
- ১৬ পৈয়াজি (শক্তি বেশ বলে—)
- ১৭ ছবির মতো (পা দিয়ে আলতো ক'রে)
- ১৮ তোমার যদি কম হয় (একা কিংবা লোকের ভিড়ে)
- ১৯ কেজা (কোন্টা ভাঁটি আর কোন্টা উজান)
- ২০ 'নয়-ছয়' নাটকের গান (হরদম / দিয়ে দম)
- ২১ লাভভিয়ায় লোকমুখে (মোমাছিতে পৌঁছিয়ে দেয়)
- ২২ যুদ্ধের পর : অন্ধ শিল্পীর ছবি দেখানো (...দেখুন, আমার এই)

এই সংকলনেবও শেষ কবিতাটি অনুবাদ কবিতা। কবি মারিস চাকলাইস।

‘চইচই-চইচই’-এর অন্তর্গত “চিং” কবিতাটি ১৯৮১-তে প্রকাশিত ‘জল সইতে’-র মধ্যেও ছিল। বর্তমান ‘কবিতাসংগ্রহ’ তয় খণ্ডে এই কবিতাটি ‘চইচই-চইচই’ থেকে বাদ দিয়ে ‘জল সইতে’-র মধ্যেই কেবল অন্তর্ভুক্ত করা হয়েছে।

+ +

১৯৭৩-৮৩ এই কালপর্বে স্ত্রীবাষ মুখোপাধ্যায়ের কবিতা নিয়ে আলোচনা-সমালোচনা তুলনায় একটু কম। তবুও কিছু প্রাসঙ্গিক আলোচনা ও মন্তব্য এখানে সংকলন করা হল।

“পৈয়াজি” কবিতার যে-‘শক্তি বেশ বলে—/পত’ সেই শক্তি চট্টোপাধ্যায় কবির তিয়াত্তর বছরে পদার্পণ উপলক্ষে নমস্কার জানাতে গিয়ে বলেন :

“গত কয়েক বছরে স্ত্রীবাষদা গুটি কয়েক সাংঘাতিক কবিতা লিখেছেন ; তার মধ্যে দুটো লেখার কথা আমাকে বলতেই হবে। প্রথমটি ‘যাচ্ছি’ আর দ্বিতীয়টি ‘একটু পা চালিয়ে ভাই’। যাচ্ছি কবিতার মধ্যে এমন একটা চাপা বিদায়ের স্বর আছে, যা খুব কম কবির হাত দিয়ে বেরোতে পারে। এ কালের একটি শ্রেষ্ঠ কবিতা ‘যাচ্ছি’

ও মেঘ

ও হাওয়া

ও রোদ

ও ছায়া

যাচ্ছি

আট পৃষ্ঠার এই কবিতা যেমন সহজ, তেমনি কঠিন। নয়তো লেখাই যেতো না ‘ও দেহ, ও প্রাণ যাচ্ছি।’ পড়তে পড়তে গোটা কবিতাটি একটা মন্ত্রের মতো লাগে। এই ভালোবাসা, এই বিদায়—এখন স্ত্রীভাষদার কবিতায় লেগেছে।

‘একটু পা চালিয়ে, ভাই’ কবিতাটির মধ্যে আমরা পাচ্ছি—‘কথাটা হল, কে কিভাবে দেখে, কখন কোনখানে দাঁড়িয়ে।’ এই হল কবিতা কী হয়ে উঠতে পারে, তার একটা লক্ষণ।”

[তিয়াস্তরে পা দিয়ে নিশ্চিত, আনন্দবাজার পত্রিকা, ১৪ এপ্রিল ১৯৯২]
আবার প্রায় বিপরীত মেকর এক বোধ আমরা পাই নিচের সংলাপে :

“অলোকরঞ্জন : ...স্ত্রীভাষ মুখোপাধ্যায়ের সাম্প্রতিক কবিতা আমার কাছে ‘বানানো’ বলে মনে হয়েছে...দুঃখের সঙ্গে বলছি... এমন কি ‘ফুল ফুটুক না ফুটুক আজ বসন্ত’-এর মধ্যের একটা ইস্তাহার এসে আমাদের ঝাঁকিয়ে দিয়ে যায়...এই ব্যাপারটা ছিলো... ট্রান্স ছিলো...মনে হয় ঠুঁট বুলি বোধহয় উজাড় হ’য়ে গেছে...এখন ঠুঁট বুলি ভরতে হবে।

কালীকৃষ্ণ : সব ছাপা হবে কিন্তু।

অলোকরঞ্জন : নিশ্চয়ই...

কালীকৃষ্ণ : ঠুঁট ‘যাচ্ছি’ কবিতাটা পড়েছেন ?

‘ওগো পানের খিলি, যাচ্ছি’ ইত্যাদি।

[প্রসঙ্গত, লাইনটা হচ্ছে ‘ও পানের খিলি / ভিড়, নিরিবিলা / যাচ্ছি, ওগো পানের খিলি’ নয়। সম্পা : ‘কবিতাসংগ্রহ-৩’]

য়শাল : বোধ হয় এই কবিতাটি স্ত্রীভাষদার শেষতম কাব্যগ্রন্থের। কোথায় যেন নিজেকে একধরনের নিবেদনের ব্যাপার আছে...একটা resign করার ব্যাপার আছে...একটা বিদায় নেওয়ার প্রস্তুতি বা ঘোষণা এবং যেন ঈশ্বর বিশ্বাসের এক ধরনের আভাস, ইঙ্গিত অনুভব করা যায়...ঠিক স্ত্রীভাষদার মতো একজন মার্কসিস্ট-এর পক্ষে এটা যেন অশ্রুধরনের একটি উত্তরণের আকাঙ্ক্ষা...এটা মনে হয় কবিতাটি পড়লে...একটা compromise করছেন স্ত্রীভাষদা...

কালীকৃষ্ণ : কেন মার্কসিস্টরা কি resign করতে পারে না ?...বা...

অলোকরঞ্জন : কেন এটা হচ্ছে বুঝতে পারছি... । আমি এক সময় স্বভাষ মুখো-
পাধ্যায়ের খুব কাছাকাছি থেকেছি। দলের মধ্যে থেকেও উনি খুব একা
মানুষ, নিঃসঙ্গ। আমার মনে হয়, স্বভাষদার দলের সঙ্গে তাঁর যে বোঝাপড়া
...সে জায়গাগুলোতে তাঁর যে অভূতপূর্ণ রয়েছে তাই ফুটে উঠেছে তাঁর
শেষ বইতে...অথচ ঠিক যে ইমেজটা তৈরি হয়েছে ‘ফতোয়া দেবার কবি’
সেটাকে পুঁজোপুঁজি ভাঙতে পারছেন না উনি...এই দুটোর ভাঙাচোরার
ভিতর থেকে একটা উত্তরণ নিশ্চয় ঠিক বেরিয়ে আসবে, আসছে...আর তিনি
ভয়ংকর কম লেখেন আজকাল এবং কম লেখার এই একটা অস্বাভাবিক যে
নিজেকে ভেঙেচুরে দেখা যায় না।”

[‘শিকড়সংলাপ’ : অলোকরঞ্জন দাশগুপ্ত — ঘূর্ণিস্রোতে, স্বজনীসংস্রাণে,
প্রতিভাস, ১৯৯১, পৃ. ১৮৩-৮৪]

‘কম লেখা’ প্রসঙ্গে একেবারে অন্তরকম একটা মন্তব্য অবশ্য পাই জগদীশ
ভট্টাচার্যের আলোচনায়। তিনি লিখেছিলেন :

“কবির একযুগ থেকে সত্তর বছর বয়সের মধ্যে আরো চারখানি কাব্যগ্রন্থ
বেরিয়েছে। ‘জল সহিতে’ ১৯৮১, ‘চইচই-চইচই’ ১৯৮৩, ‘বাঘ ডেকেছিল’
১৯৮৫ এবং ‘যা রে কাগজের নৌকো’ ১৯৮৯। কবিজীবনের প্রথম দিকে
স্বভাষের স্বল্পভাষিতা তাঁর অমুরাগী পাঠকমহলে অভূতপূর্ণ সৃষ্টি করেছিল।
কিন্তু ষাট থেকে সত্তর, — এক দশকের মধ্যে চারখানি কাব্যগ্রন্থ উপহার পেয়ে
তাঁরা নিশ্চয়ই খুশি হয়েছেন।”

[“স্বভাষ মুখোপাধ্যায়”, ‘আমার কালের কয়েকজন কবি’, ভারবি, ১৯৯০,
পৃ. ৩২৯]

পূর্বোক্ত ‘শিকড়সংলাপ’-এর মধ্যে স্বভাষ মুখোপাধ্যায়ের ছন্দের প্রসঙ্গে
অলোকরঞ্জন বলছেন :

“গল্প কবিতা মানে একটা আত্ম-মহনের বিজ্ঞাস নয় — একটানা স্বগতোক্তির
উল্লাস নয়, গল্প কবিতার মধ্যে একটা চ্যালেঞ্জ রয়েছে। ব্যক্তি বিশ্বের সঙ্গে
বস্তুবিশ্বের একটা মোকাবিলা তার মধ্যে হয় এবং গল্প কবিতা এই দিক থেকে
ভালো আরও হতে পারে আমার মনে হয় এই কারণে...যেটা আপনাদের মধ্যে
...কারো মধ্যে আমি লক্ষ্য করেছি যে গল্প কবিতার মধ্যে প্রাত্যহিক কথ্য-
বুলি অনায়াসে তুলে আনা যায়...আর আত্মঅতিক্রান্তি হয় তারি মধ্যে একটা

ছন্দ আছে...যেটা আমরা এখনো স্তম্ভ মুখোপাধ্যায়ের পরবর্তী কোনো কোনো কবিতায় পাই, যদিও তিনি কখনো কাব্যছন্দ থেকে বেরিয়ে আসেন নি।” [ঐ, পৃ. ১৬৫]

স্তম্ভ মুখোপাধ্যায়ের ছন্দ প্রসঙ্গে আমরা আরো কিছু প্রাসঙ্গিক মন্তব্য পাই নিচের কাল্পনিক সংলাপে :

[ক চ ট ত প-এর এই আসর। প আর ট দুই পাঠক, ক আর ত দুই কবি, চ ছান্দসিক।]

ক। কিন্তু কথা বলবার চালের মধ্যেই যে ছন্দ লুকোনো আছে, চলমান সেই ধ্বনিস্রোতের মধ্যেই যে একটা প্যাটার্ন বার করা যায়, এইটেতেই তো আধুনিকতার একটা বড় শিক্ষা। আপনারা লক্ষ করেননি যে মাইকেল থেকে বস্তুত সেই চেষ্টাই হয়ে আসছে একাল পর্যন্ত। মাইকেল, গিরিশচন্দ্র, রবীন্দ্রনাথ। সেই চেষ্টাটা থমকে যায়নি যে এখনো, কথা বলবার সেই স্পন্দনের সঙ্গে কবিতার ছন্দকে মেলাবার যে খেলা চলছে কবিদের হাতে এখনো, এটাই তো গর্ব করে বলবাব। আজ যদি কেউ লেখেন ‘বয়ে গেছে কারো কোনো কথায় কান দিতে’ বা ‘জোড় কবে রয়েছে দুটো হাত’ ‘কোনু চুলোয় গেল সেই শুভরাত্রি’—

প। কার লাইন এসব ?

ক। এই যে হাতের সামনে এবারকার পুজো সংখ্যা, স্তম্ভ মুখোপাধ্যায়েরই নতুন লেখা। তো এসব পড়ে আজ এতকাল পবেও যদি ধাঁধা লাগে কারো, তার কারণটা কী ? কারণ হলো, কবিতা পড়তে গেলেই আমরা একটা কৃত্রিম পাটাতন তৈরি করে নিই, তার ওপরে দাঁড়িয়ে শব্দগুলিকে কাব্যিক ঝোঁকে ধরবার একটা চেষ্টা করি। ‘জোড় করে’, ‘কোনু চুলোয়’ বা ‘কান দিতে’ বা এই রকমের আরো অনেক শব্দগুচ্ছ আমাদের চলতি উচ্চারণে যে জুড়ে যায় অনায়াসে, সেটা কেন খেয়াল করব না আমরা ?

[শঙ্খ ঘোষ—‘ছন্দোপকথন’ ১৯৮২ ; কবিতালেখা কবিতা পড়া, ১৯৮৯, পৃ. ৩২]

এই আলোচনার প্রাসঙ্গিক কবিতা হল ‘চইচই-চইচই’-এর “এই যে”। উল্লেখ করা অংশ তিনটি এই রকম :

“তাড়াতে পারি না মাছি
জোড় ক’রে রয়েছি ছোটো হাত।
দিয়ে যাচ্ছি সমানে জানান—”

“কানে আসছে শুধুমাত্র ঘেউ-ঘেউ কেঁউ-কেঁউ।
কোন্ চুলোয় গেল সেই শুভরাত্রি
কোথায় সেসব স্প্রভাত?”

“ঘাঁড়ের মতন তাড়া করে ফিরছে
পেছনে সময়।
সারাক্ষণ ছুটছে লোক।
একেবারে গ্রাছ নেই
বয়ে গেছে কারো কোনো কথায় কান দিতে।”

+ +

১৯৮৩-তে প্রকাশিত প্রবন্ধে চল্লিশের কবিতা বিষয়ে কথা বলতে গিয়ে প্রণবেন্দু দাশগুপ্ত বলছেন :

“চল্লিশের দশকের সবচেয়ে উল্লেখযোগ্য কবি হলেন দুজন : সুভাষ মুখো-
পাধ্যায় ও নীরেন্দ্রনাথ চক্রবর্তী। সমর সেনের কথাও আমার মনে আছে,
কিন্তু তাঁর কবিতা এখন প্রায় বিচ্ছিন্ন দ্বীপের মতো পড়ে আছে, যার সঙ্গে
বাঙলা কবিতার সচল অংশের যোগাযোগ খুব স্পষ্ট নয়।

মুখের ছিপছিপে, সক কথাকে প্রায় বেতেব মতো ব্যবহার করতে পারেন
সুভাষ মুখোপাধ্যায়, এবং তাঁর উজ্জ্বল, বর্ণিত শব্দের শানিত ব্যবহার বাঙলা
কবিতায় কোনো কোনো ক্ষেত্রে ফলপ্রসূ হয়েছে। অথু একটি তুলনা দেয়া
চলে : তাঁর কবিতার শব্দ ছিপ্-নোকোর মতো কবিতাটিকে নিয়ে দৌড় দিতে
পারে, কোথাও গুফতার হয়ে পথ জুড়ে থাকে না। ইমেজিষ্টদের জন্তে লেখা
পাউণ্ডের সেই বিখ্যাত ফতোয়ায় এই গুণটির উল্লেখ ও সমর্থন আছে, এবং
সুভাষ মুখোপাধ্যায়ের সমগ্র রচনাকর্মে এই গুণটির বিবর্তন লক্ষণীয়। সুভাষ
মুখোপাধ্যায়ের কবিতার এই বিশেষ গুণটি নির্দেশ করলুম এ জন্তে যে হালের
বাঙলা কবিতায়, অগ্নাত উল্লেখযোগ্য উন্নতি সত্ত্বেও, এই বস্তুটির অভাব চোখে
পড়ে। শব্দের প্রতি মোহ যে কোনো কবিরই নাড়ির দুর্বলতা, কিন্তু সেই

দুর্বলতা যদি কবিতার সমগ্র শব্দসমষ্টির প্রতি সমানভাবে বর্ষিত না হয়ে একাধিক একক শব্দের ওপর ঘটে থাকে, তা হলে কবিতাটির মূল অভিধাতু বিঘ্নিত হতে বাধ্য। চলতি, মৌখিক সহজবোধ্য শব্দ ব্যবহারের স্ববিধে এই যে কবি এই আপাত-নিস্তাপ শব্দসেজ থেকে যে কোনো অর্থ জালিয়ে নিতে পারেন, এবং প্রতিটি শব্দের স্বতন্ত্র অহুষঙ্গ কবিতাটির সম্পূর্ণ অহুষঙ্গের সম্পূর্ণক হয়ে ওঠে। নইলে এক একটি বিচ্ছিন্ন শব্দ যতই রূপময়, অহুষঙ্গাতুর হোক না কেন, শব্দবিশেষের পক্ষে যা গৌরব মনে হতে পারে পুরো কবিতাটির পক্ষে তাকেই সৌন্দর্যনাশী মনে হবে।

সুভাষ মুখোপাধ্যায়ের কবিতার আরো একটি গুণ হল তাঁর মানবিকতা বা মানবিক সমবেদনা। তিনি সমাজে বিচ্ছিন্ন হয়ে থাকতে চান না—তিনি চান মানুষের সঙ্গে, জনতার সঙ্গে সংযুক্ত হয়ে থাকতে। ‘আমার কাজ’ [‘কাল মধুমাংস’] কবিতায় তাঁর সমগ্র জীবনদর্শন প্রতিফলিত হয়েছে মনে হয় :

আমাকে কেউ কবি বলুক

আমি চাই না।

কাঁধে কাঁধ লাগিয়ে

জীবনের শেষ দিন পর্যন্ত

যেন আমি হেঁটে যাই।

আমি যেন আমার কলমটা

ট্র্যাঙ্করের পাশে

নামিয়ে রেখে বলতে পারি—

এই আমার ছুটি

ভাই, আমাকে একটু আগুন দাও।

কিন্তু জনগণকল্যাণের কথা লিখলেও, সুভাষ মুখোপাধ্যায়ের কবিতা আমাদের গভীরতম অনুভূতিকে স্পর্শ করে না। জন্ম-জীবন-মৃত্যুর যে জটিল রহস্য আমাদের অস্তিত্বে আস্তীর্ণ হ’য়ে আছে, তার বিশেষ কোনো চিহ্ন নেই তাঁর কবিতায়। তিনি অত্যন্ত নিপুণ কবি, কিন্তু তাঁর দৃষ্টি অনেকটাই ওপর ওপর বলে মনে হয়।”

[প্রণবেন্দু দাশগুপ্ত — ‘চল্লিশের কবিতা’, আলোকরঞ্জন দাশগুপ্ত ও দেবীপ্রসাদ বন্দ্যোপাধ্যায় সম্পাদিত আধুনিক কবিতার ইতিহাস, ১৯৮৩, পৃ. ১২৬-২৮]

তঁার সমসাময়িক সময় সেন লিখছেন :

“গণআন্দোলনে যোগ দিয়েও অনেকে লেখক হিসেবে মহান হতে পারেন নি; পার্টির ভাবাদর্শ অনেক সময় বাদর নাচ নাচিয়েছে। এর জন্য দায়ী অবশ্য গণআন্দোলন নয়, ‘লাইন’ বেঠিক হলে আন্দোলনে যোগ দিয়েও ব্যর্থতা আসে। মানিক বন্দ্যোপাধ্যায়ের মতো শক্তিমান লেখক পার্টির প্রভাবে কোন মহারচনা করতে পেরেছিলেন? তঁার বিচ্ছিন্ন ডায়েরিতে একটা অবিশ্বাসের ভাব তো স্পষ্ট হয়ে ওঠে। তিরিশের দশকে ও পরে কবিদেব মধ্যে সহজ ও বলিষ্ঠ ভাষায় লেখেন স্ভাষ, স্ভাকান্ত, পার্টির সঙ্গে তাঁদের যোগাযোগ ছিল। কিন্তু মাণ্ড থেকে মেয়াওতে স্ভাষের উত্তরণ যুগান্তকারী কিছু একটা হয়নি এবং স্ভাকান্ত বেঁচে থাকলে মস্কো-মুখী সি পি আই-এর জালে আটকে পড়ার যথেষ্ট ভয় ছিল।”

[সমর সেন : ‘বারু বৃন্তান্ত’, ১৯৭৭/৭৮, পৃ. ১৩৯]

কবিতা, কবিতার ‘শুদ্ধতা’, পার্টি, রাজনীতি, মানবিকতা ইত্যাদি প্রশ্নকে কেন্দ্র করে স্ভাষ মুখোপাধ্যায়ের কবিতা বিষয়ে আলোচক-সমালোচকদের নানারকম মনোভঙ্গির পরিচয় মেলে। চল্লিশের দশক থেকেই বাংলা কবিতাকে বেশ কাছের থেকে যিনি দেখেছেন সেই অশোক মিত্র ‘কবিতা’ পত্রিকার প্রথম দশ বছর অতিক্রান্ত হয়ে যাবাব পরবর্তী সময় প্রসঙ্গে লিখছেন :

“প্রথম থেকেই সমর সেন-স্ভাষ মুখোপাধ্যায়ের অনুরাগী অনুকারকের সংখ্যা প্রচুর। অনুরাগীধিক্যের উচ্ছ্বাসে শেষোক্তরা এত পরিমাণ নকলনবিশিষ্ট নিকৃষ্ট লিখতে ব্যাপৃত হলেন যে তন্নিষ্ঠমনরা ভড়কে গেলেন : রাজনৈতিক ধুমো, যা সস্তা, কবিতার বৃহদায়তন দখল করে রইলো, কবিত্ব ক্ষীণ থেকে ক্ষীণতর হলো। স্ভাষ মুখোপাধ্যায় বরাবরই আদর্শবৎসল, অচিরেই তিনি অনুকারকদের অনুকরণে কবিতা মন্তো আরম্ভ করলেন।”

[অশোক মিত্র – “ভয়ে ভয়ে কয়েকটি কথা”, ১৯৬৫ ‘কবিতা থেকে মিছিলে,’

প্যাপিরাস, ১৯৮৯, পৃ. ৩৬]

“ঠিক যে-মুহূর্তে স্ভাষ মুখোপাধ্যায় স্নোগানের গহনতায় ডুবে গেলেন, এবং সমর সেন নীরব হবার সিদ্ধান্তে পৌঁছলেন, বাংলাদেশের পাঠকেরা, প্রায় অর্ধাঙ্কিত-ভাবেই যেন, জীবনানন্দ দাশকে আবিষ্কার করলেন।” [ঐ, পৃ. ৩৭]

জীবনানন্দকেও অনুকরণ করবার প্রবণতাকে অশোক মিত্র বাংলা কবিতার ক্ষেত্রে এক কুপ্রভাব বলে মনে করেন। এবং সে-প্রবণতা প্রতিরোধে বুদ্ধদেব বসুও

ব্যর্থ, কারণ :

“নিজের উপর বুদ্ধদেব অনেকটা দায়িত্ব নিয়েছিলেন, সম্পাদক হিসেবে তাঁর প্রধানতম কর্তব্য ছিল অকম্পিত, অবিচলিত, সম্পূর্ণ আবেগনিরপেক্ষ সমালোচনা। বাংলা কবিতার পক্ষে মস্ত দুর্ভাগ্য, ঐ মুহূর্তে ‘কবিতা’-সম্পাদক সে-দায়িত্ব পালন করলেন না। রাজনীতিপরামুখতা (sic) হেতু সমর সেন-সুভাষ মুখোপাধ্যায় স্বকান্ত ভট্টাচার্যের কাব্যকলার বিক্রপবিচারে বুদ্ধদেব সে-সময় মহা উত্তার সঙ্গে ব্যস্ত-ব্যাপ্ত।” [ঐ, পৃ. ৩৮]

এরপর আবার আন্তিকতায় প্রত্যাবর্তনের প্রশ্নে তিনি বলেন :

“অবলম্বনহীনতা থেকে কবিতা হয় না, বাংলা কবিতাকে বাঁচতে হ’লে কোনো আন্তিকতায় প্রত্যাবর্তন করতেই হবে। আন্তিকতার জন্ম যুক্তিকার মূল থেকে, পরিপার্শ্বের নিঃস্বাস থেকে। বাংলাদেশের সমাজবিবর্তনের ধারাগুলি এড়িয়ে, সন্দেহসংশয়অবরুদ্ধবিপ্লব-আরক্ত সমাজব্যবস্থা ডিঙিয়ে, কবিতা অসম্ভব। কাব্যে অবৈকল্য যদি এখনো অস্থিষ্টি হয়, আমাদের ব্যাহত পাঠ ফের শুক ক’রে ততএব ফিরতে হবে সমর সেন-সুভাষ মুখোপাধ্যায়ের উপলব্ধির, উৎসে, জীবন এবং লোকপ্রেমের প্রত্যয়ে।” [ঐ, পৃ. ৩৯]

সুভাষ মুখোপাধ্যায়কে বাংলা কবিতার আশ্রয়স্থল হিসেবে দেখতে চেয়েছেন অনেকেই :

“তা হলেই প্রশ্ন আসে, কি দিয়েছে যুদ্ধশেষের মাটি, স্বাধীনতার পরবর্তী কালের দেশ তার তরুণতর সাহিত্যিকদের ? দ্বিতীয় বিশ্বযুদ্ধের পর থেকে—রবীন্দ্রনাথের মৃত্যুর দিন ২২শে শ্রাবণ থেকে স্বাধীনতা লাভের দিনটি পর্যন্ত যে সময়, সে সময়টুকুকে বাংলা সাহিত্যের বক্ষ্যা সময় বললেই চলে। এ সময়ের লেখক কবিদের কাছ থেকে গ্রহণ করার মতো কিছুই পায়নি অতি আধুনিক কবি সাহিত্যিকরা। তাই তাদের হাত বাড়াতে হয়েছে এক ধাপ পিছিয়ে গিয়ে জীবনানন্দ দাশ ও মানিক বন্দ্যোপাধ্যায়ের কাছে আর অনেকটা লাফ দিয়ে কিছুটা পরিমাণে ঐ অধ্যায়ের শেষদিকের সমর সেন, সুভাষ মুখোপাধ্যায়ের কাছে।”

[সত্য গুহ : একালের গগণপত্নী আন্দোলনের দলিল, অগুনী, ১৯৭০, পৃ. ১০০]

এই লেখক অবশ্য মনে করেন :

“তবে সুভাষ মুখোপাধ্যায় ইন্টিমেট পপুলারিটির কবি, আর এর দোষগুণ দুই-ই তাঁর কবিতাকে আঘাত করেছে।” [ঐ, পৃ. ২০৪]

তু তাঁর কবিতাকেই নয় :

“স্বকান্তকে প্রায় কেউই সার্থকভাবে অনুসরণ করেন নি পরবর্তী কবিরা। তাঁরা পাঠ নিয়েছেন স্তভাষ মুখোপাধ্যায়ের কাছে এবং তথাকথিত প্রগতিপন্থী হয়ে — ডিরেক্ট ও ডেলিবারেট এবং কমিটেড লেখক হয়ে কবিতা রচনা শুরু করেছেন। স্তভাষ মুখোপাধ্যায়ের চোখা কথা ও বক্তৃ আক্রমণের প্রলোভন এবং অতি প্রত্যক্ষ আলম্বন বিভাব অস্বাভাবিক আকর্ষণী হয়ে তরুণ কবিদের অনেকের স্বকীয়তাকে ক্ষতিগ্রস্ত করেছে।” [ঐ, পৃ. ২০৬]

কবিতার ‘দায়বদ্ধতা’ নিয়ে অনেক কথাই বলা হয়েছে এ পর্যন্ত, স্তভাষ মুখোপাধ্যায়ের কবিতা বিষয়ে তো বটেই। অরুণ সেন লিখছেন :

“দৈনন্দিন রাজনীতির নানাবিধ স্থলনের অভিজ্ঞতার মুখোমুখি হয়ে স্তভাষ মুখোপাধ্যায় একদা সংগতভাবেই বলেছিলেন তাঁর কবিতায় : এখন সেই সময় — যখন দূরেরটা স্পষ্ট দেখায়, কাছেরটাই ঝাপসা। ঐ কথাগুলোই কি ঘুরিয়ে বলা যায় না, রাজনৈতিক ও নান্দনিক চেতনায় কাছেরটাই আমাদের আচ্ছন্ন করে রাখতে চাইছে, আর ততই দূরেরটা হয়ে যাচ্ছে অস্পষ্ট ?

* * *

“দায়বদ্ধ কবিতা বলে যা চলতি ছিল বা আছে তার গোলমালটা এখানেই : যে একবোখা আবেগকে সোজাসুজি প্রকাশের চর্চা চলছিল তার অনিবার্য পরিণতি বাস্তবের ছোট্ট এক-একটি ধাক্কায় সেই আবেগেরই অবসান। আবেগটাই যে দাঁড়িয়ে আছে ধৈর্যের কোতুকে নয়, অভিজ্ঞতার দীপ্ৰ জটিলতায় নয়, অপরিণত কোনো তাড়নায়। রাজনীতি সেখানে দৈনন্দিন রাজনীতিরই আলগা পোশাক, নন্দনের অন্তস্তলে দ্বান্দ্বিকের রক্ত-চলাচল নয়। যতই ঠাট্টা করে বলুন স্তভাষ মুখোপাধ্যায়, গলায় কারো সব সময় বাজ ডাকবে এটা যেমন ভাবতে ভালো লাগে না, স্বস্থতাও নয়, তেমনি তার প্রতিক্রিয়ায় গলা চিঁচিঁ করবে, এই বা কেমন ? কবিতা চায় কঠোর-কোমলে মেশা উদাস্ত-অনুদাস্ত স্বর। সেখানে কোনো নির্ঘোষই একচ্ছত্র নয়, কোনো নীরবতাই অনন্ত নয়।”

[অরুণ সেন — “রাজনীতি ও কবিতার ভুলভ্রান্তি”, ‘কবিতার দায় কবিতার মুক্তি’, প্রতিক্ষণ, ১৯৮৫, পৃ. ৬৭-৬৮]

সম্ভবত এই স্ত্রেই অরুণ সেনের মনে হয় :

“বোঝা যায়, স্তভাষ মুখোপাধ্যায়ের কবিতায় তলে-তলে একটা বদল ঘটে

যাচ্ছে। সহজ বিপ্লবী আশাবাদ থেকে তিনি গড়ে তুলতে চাইছেন মনের ভেতরকার জোর। ষাটের দশকে সত্তরের দশকে আশির দশকে সেটাই যেন তাঁর পক্ষে হয়ে ওঠে ক্রমশই দুর্বল।”

[অরুণ সেন — “চল্লিশের পঞ্চাশের কবিতা”, ঐ, পৃ. ১২৭]

ইংরেজি অনুবাদে শঙ্খ ঘোষের যে-প্রবন্ধের কথা আগে উল্লেখ করা হয়েছে সেখানে বোধহয় একটু ভিন্ন পরিপ্রেক্ষিত পেয়ে যাই আমরা। সত্তরের দশক আমাদের এখানে এক প্রত্যয়ী ঘোষণায় ছিল ‘মুক্তির দশক’। আবার ঐ সময়টা ছিল অল্প এক মুদ্রায় বাংলাদেশেরও মুক্তির সংগ্রামের সময়। সেই সময়ের কথায় :

“The old writers’ haunt at 46 Dharamtala Street had disappeared ; but close by, another dilapidated house was set up as a meeting-place for poets, actors and musicians from East Pakistan. Here they rehearsed the songs which they would then sing round the city to raise funds for the resistance movement. They were looked after by the writers of Calcutta, led (to the detriment of his own health) by Dipendranath Banerji. In that house, Sanjeeda Khatun and Wahed-ul-Haq taught their troupe songs ; the film director Zaheer Raihan recounted his experience. Local writers would gather in the evening. One day, trudging up the dark stairs, Subhash Mukherji paused and recited to a junior some lines from *Pherai*, his long poem then in progress. ‘It is turning out well ?’ he asked. But the images evoked by *Pherai* were those of another agony, the Naxalite movement.”

[পূর্বোক্ত, পৃ. ২৪২]

ঐ অন্ধকার সিঁড়িতে তখন তাঁর বোধে এই দুই সংগ্রাম কি মিলে যাচ্ছিল ?

• “যৌবনের ফেরাই দিয়ে

হারিয়ে-যাওয়া নতুন বন্ধুরা আমার

সমানে জিতে নাও সৃষ্টির পিঠ

যাবার আগে যেন দেখে যাই
মেঘভাঙা রামধনু

ঢেলে সাজা পৃথিবীর বুকে
যেন গুনতে পাই
ভোরবেলার আজান ॥”

+ +

অনুবাদ কবিতা বিষয়ে সুবীর রায়চৌধুরীকে লেখা চিঠির পূর্ণাঙ্গ পাঠ নিচে দেওয়া হল :

সুবীর

তখন পড়ি ক্লাস এইটে। গল্প ছেড়ে সবে খোঁড়াতে খোঁড়াতে পল লেখা ধরেছি। ইস্কুলে ডেপুটেশনে এসেছিলেন এক বি-টি শিক্ষার্থী। আমাকে বললেন ‘উই আর সেভ.ম্’-এর বাংলা অনুবাদ কবে আনতে। চেষ্টা করছি, কিন্তু কিছুতেই বাগে আনতে পারছি না। অথচ সেই মাস্টারমশাইয়ের বিদায় নেবার দিন ঘনিষে আসছে। আমরা সবাই তাঁকে খুব পছন্দ করতাম। অথচ তাঁর কথা রাখতে পারছি না ব’লে নিজের ওপর খুব রাগ হচ্ছে। শেষ পর্যন্ত তাঁর বিদায়ের দিনটিতে কোনোরকমে একটা অনুবাদ তাঁর হাতে তুলে দিয়ে গুরুদক্ষিণার দায় সেরে-ছিলাম।

পরে অনুবাদকে আমি সঙ্গের সাথী করেছি প্রধানত দুটো কারণে। এক, মৌলিক লেখার শৃঙ্খলানুগত পুরণের জন্তে; দুই, বাংলা ভাষার ওপর দখল আনতে।

এ ছাড়াও একেক সময়ে একেক কারণে। যেমন, নাজিম হিকমত অনুবাদ করেছিলেন ‘পবিচয়’-এর অর্থাভাব মেটানোর জন্তে। ‘দিন আসবে’ কবেছিলাম পেটের দায়ে। ‘রোগা ঙ্গল’ বন্ধুত্বের জন্তে।

পাবলো নেবুদা অনুবাদ করেছিলাম ‘হাংরাস’ লেখার ফাঁকে ফাঁকে। গল্প লেখার একঘেষেই কাটাতে।

হাফিজ অনুবাদ করেছি বন্ধু রেওভীলাল শাহ-র সাহায্যে। খুব খেটেখুটে।

জে-এ থাকতেই বহুদিনের ইচ্ছে ছিল সংস্কৃত আর প্রাকৃত থেকে অনুবাদ করার। চর্যাপদ অনুবাদের সূত্রপাত হয় একটি পত্রিকার সম্পাদকের তাগিদে।

কঠিন ব'লে পরে পিছিয়ে যাই। বহু বছর পরে এক তরুণ ভারততত্ত্ববিদ কৃশ বঙ্গুর
প্ররোচনায় সে কাজ শেষ করি।

পরিভাষানির্ভর মনের ভাব নিজের ভাষায় আঁটানো অনেক সময়ই খুব শক্ত
কাজ। কিন্তু সেই চেষ্টার মধ্যে লড়াই করার একটা আনন্দ আছে।

পারলে অগ্ন্যাগ্ন ভারতীয় প্রাচীন আর আধুনিক কাব্য থেকে আরও কিছু
অনুবাদ করব। যতদিন শ্বাস, ততদিন আশ।

তোমার প্রশ্নের ঠিক ঠিক উত্তর হল না। আসলে সওয়াল-জবাবে আমি বরাবরই
বিশেষ কাঁচা।

স্বভাষদা

২।৯।৯৩

—